

Dunyo
adabiyoti
kutubxonasi

ЮЛИАН СЕМЕНОВ

БАХОРНИНГ УНЕТТИ
ЛАХЗАСИ

TOSHDO'TAU



0000002063



ЮЛИАН СЕМЕНОВ

БАХОРНИНГҮНЕТТИ **ЛАХЗАСИ**



Р о м а н

ЯНГИ АСР АВЛОДИ
ТОШКЕНТ
2017

15.08.2017
PUBLISHER NAYOIY NOMIDAGI
TOSHDOTAU
AXBOROT-RESURS MARKAZI

ОТАМ ХОТИРАСИГА БАҒИШЛАЙМАН



I

Штирлиц бирпас ҳайрон бўлиб колди: шу мавсумда боғда булбул сайдарди. Ҳаво совуқ, осмон кўкимтири, теварак-атроф баҳор келишидан дарак бериб, ноңик акварелни эслатиб турса-да, ерни қалин қор босиб ётарди. Үнда ҳали тунда эрийдиган қорга хос шим кўкиш раинг йўқ эди.

Кекса дарахтларнинг йўғон танаси қорайиб турарди; боғдан янгигина музлатилган балиқ иси келарди. Ҳар баҳоргидек ҳали арча ва тог теракларнинг ўтган йилги ҳазонининг бўрсиш ҳиди сезилмаса ҳам, сукуннат босган қоп-қора боғда булбул дам чертиб-чертниб, дам чуриллаб — минг оҳангда хониш қиласади.

Штирлиц бувасини эслади. Серсоқол, бароқ қошли чол қушлар тилига тушушарди. У читтакларни алдаб чакиради-да, дарахт тагига ўтириб олиб, узоқ вақт қушчаларга тикиларди, бундай пайтларда унинг кўзлари ҳам худди қушчаларнидек жавдираб кетарди, қушчалар эса ундан мутлақо' ҳадиксирамасдилар.

— Чур-чур-чур-р-р! — қушчаларга тақлид қилиб қуштак чаларди бобо.

Читтаклар эса унинг овозига ишонч билан, чуриллаб жавоб беришарди.

Қуёш ботди, танаси қора дарахтлар оплоқ қор устигига бир текисда гунафшаранг соя ташлади.

«Бечора, совуқда қотиб қолмасайди, — ўйларди Штирлиц, шинелига яхшилаб ўраниб, уйга қайтаркан. — Үнга ёрдам ҳам бера олмайсан: булбул зоти ғорки, одамларга ишонмайди».

Штирлинц соатига қаради: роппа-роса етти.

«Хозир келади, — ўйлади Штирлиц. — У доим вақтида келарди. Ҳеч ким кўрмаслиги учун станциядан ўрмон орқали ўтиб келишини ўзим тайинлаган эдим унга. Ҳечқиси йўқ. Кутуб тураман. Бу ер гўзал жой, кутиш ҳам гашт...»

Бу агентнинг Штирлиц доимо шу ерда, кўл бўйидаги ўйда қабул қиласарди. Бу яширин ўй жуда қулай, теварак-атроф тинч, одамлар кўзидан узоқ, эман ўрмонида жойлашган. У СС обергруппенфюрери Полни бомбардимон пайтида ҳалок бўлган «Опера» раққосаларининг болалари ихтиёридаги бу виллани сотиб олиш учун пул ажратишга кўндираман, деб уч ой овора бўлди. Бола фақирлар жуда баланддан келдилар. СС ва СД хўжалик сиёсати учун жавобгар бўлган Поль Штирлиц тактифишина рал қиласерди. «Ақлингизни едингизми, — деган эди у, — кичикроқ бир уйни ижарага олинг. Буничилик зеби-зийнатга итилиш нимаси? Биз пулни бўлар-бўлмасга исроф қила олмаймиз! Бундай қилсан бутун уруш оғирлигини энгимасига ортган миллатга нисбатан хонинлик қилган бўлмиз».

Штирлиц бу ерга ўз шефи — ҳавфсиэлик хизмати сиёсий разведкаси бошлиги, ўттиз тўрт ёшли СС бригаденфюрери Вальтер Шелленбергни олиб келишга маъжбур бўлди. Гўзалликнинг қадрига етадиган, жуда идрокли ва оқил одам бўлган Шелленберг жиддий агентлар билан суҳбат қилиш учун бундан яхшироқ жойни топиш қийин эканлигини дарҳол фаҳмлади. Ўйла қалбаки шахслар номига сотиб олини ва «Робер Лей» номидаги ҳалқ химия корхонасиининг бош инженери Бользен деган киши ихтиёрига ўтди. У катта маош ва яхши паёк эвазига қоровул ёллади. Ана шу Бользен деган кимса СС штандартенфюрери фон Штирлицининг узи эди.

Дастурхон тузаб бўлгач, Штирлиц приёмникини қўйди. Лондон хушчақчақ бир кўйни эшиттиради. Америкалик Глэн Миллер оркестри «Қуёшти водий серенадаси» фильмидан композицияни ижро этарди. Бу фильм Гиммлерга маъқул тушиб, Швециядан унинг бир нусхаси сотиб олниган эди. Шундан бери бу лентани Шаҳзода Альбрехтштрассе подвалида, айниқса маҳбусларни сўроқ қилиш мумкин бўлмаган тунги бомбардимон пайтларинда тез-тез томоша қилиб турар дилар.

«АНЖЕЛА — АЛЕКСГА.

Мюнхендан.

РХСА маҳаллий бўлимига юқори мансабли СС офицерлари ўз машиналарида келиб туришади. Бу ерда улар бошқа машиналарга, кўпинча француз ва америка автомобилларига ўтириб, Швейцарияга жўнадилар. Кечча кун бўйи бешта ана шундай машина Швейцарияга жўнаб кетди.

Манбаи — чегара райони автомобилларига техника хизмати кўрсатувчи мастер.

АНЖЕЛА».

«ТОМАС — АЛЕКСГА.

Лейпцигдан.

Банк ҳар куни савдо учун Испания банкларига — уларнинг аниқ номини ҳали билолганимизча йўқ — каттагина суммада пул жўнатмоқда. Партиянинг оддий аъзолари ёки уларнинг хотинлари 100 000 маркадан то 400 000 маркагача пул топширмоқдалар. Аниқланган маълумотларга қарагандо, бу пуллар уларники бўлиши мумкин эмас.

Манбаи — банк кассири.

ТОМАС».

✓ Совет разведкачисининг раҳбари — Алексга етиб келгаш бу маълумотларнинг ҳаммаси иложи борича синчилаб қайтадан текширилди. Қайта текшириш олинган хабарларнинг тўғри эканлигини исботлади. Шундан сўнг улар танишиб чиқиш учун ДМК¹ аъзоларига жўнатилди.

Разведка раҳбари яқин кунлар ичидагоятда мураккаб топшириқ олишини тўғри тахмин қилгаш эди, чунки жуда қизиқ, хийла чалкаш, кўп жиҳатлари иоаниқ бир манзара рўй берадиган эди.

— Ҳар эҳтимолга қарши, — деди у ўз секретарига, — радио билан боғланнинг. Улар Юстас учун махсус эшииттириш тайёрласинлар. Аниқ ҳеч нима дейилмасин — топшириқни кутсин. Негадир мен топшириқни

¹ Давлат Мудофаа Комитети.

у бажарса керак деган йишончдаман. Ҳа, фақат угита бажара олади ва бу унга берилган энг сўнгги топшириқ бўлса керак деган умиддаман.

...1945 йилининг январида руслар Krakovга кириб борган ва жуда синчиклаб миналаштирилган шаҳарни омон сақлаб қолганларидан кейин, Кальтенброннер ана шу қасд олиш актини бажаришга жавобгар бўлган гестапо шарқий бошқармасининг шефи Крюгерни ҳузурига олиб келишларини буюрди.✓

Кальтенброннер генералнинг салобатли юзига тикилганча узоқ вақт индамай турди, кейин аста сўради:

— Ўзингизни оқловочи — фюрерни ишонтира оладиган бирорта объектив далилингиз борми?

Бесўнақай, аммо кўрининишидан очиқ кўнгилли Крюгер бундай саволни кутган ва унга жавоб ҳам тайёрлаб қўйган эди. Аммо у бир тўда ҳис-туйгуларни из-ҳор этишга мажбур бўлди: СС ва партиядаги ўн беш йиллик хизмати давомида актёрик санъатни ҳам эгаллаб олган эди. Ўзини бутунлай оқлаш мумкин бўлмаганидек, саволга ҳам дарҳол жавоб қайтарни керак эмаслигини Крюгер яхши биларди. У юриш-туришида ҳар вақт ва ҳар ерда бир чизиқдан чиқмасди — у ҳатто уйнда ҳам бутунлай бошқа одам бўлиб қолганлигини аинглаб қоларди. У яна бир нарсани сезди: баъзан тунда уйғониб кетиб, кўзи юмуқлигича сукунатга қулоқ солиб ётарди: назарнда апа шу қоронги хонада ҳам кимдир совуқлонлик ва вазминлик билан муттасил кузатиб тургандек туяларди. Аввал у баъзан хотини билан сухбатлашарди, сухбатлашганда ҳам тунда, пиҷирлашиб гаплашарди, лекин маҳсус техника ривож топиши билан, — Крюгер эса бундай техниканинг муваффақиятларини бошқалардан кўпроқ биларди, — у баъзан хаёлига келадиган фикрларни бутунлай гапирмайдиган бўлди. Ҳатто хотини билан ўрмонда сайр қилиб юрганида ҳам индамасди ёки майдо-чўйдалар ҳақида галирарди, чунки марказда бир километр ёки ундан ҳам наридаги гапларни ёзиб олувчи аппарат ихтиро қилинганга ўшарди назарида.

Шундан қиёнб, у аста-секини ўзгара борди. Аввалги Крюгер бутунлай гойиб бўлиб, унинг ўрнига ҳаммага таниш ва ташқи кўрининиши мутлақо ўзгармаган киши

қиёфасида ҳеч кимга таниш бўлмаган, ҳақиқатни айтниш у ёқда турсни, ҳатто ўйлашга ҳам журъат эта олмайдиган янги киши пайдо бўлганди.

— Йўқ, — жавоб қайтарди Крюгер, қошинни чимириб, ичдан жўшиб келган хўрснинин аранг босиб,— ўзимни оқлаш учун етарли далил йўқ... Бўлиши ҳам мумкин эмас. Мен — солдатман, уруш урушлигича қолади, мен ўзимга енгиллик берилишини кутмайман.

У ўз ролини аниқ ижро этарди. У бир нарсани яхши биларди — ўзига нисбатан қанчалик бераҳм бўлса, Кальтенброннер қўлидаги қурол шунчалик ўтмаслашади. Ов итини қуёнинг қочиши қутуртиради-да, ахир. Крюгер, агар қуён қочмай, оғенини кўтариб ётиб олса, итлар инма қилишини билмасди, албатта: аммо СС-даги муносабатларни аниқ биларди: у ўзини ўзи қанчалик саваласа, қаршилик кўрсатмай, айни заммасига олса, Кальтенброннер (ёки ушинг ўрнида кимки бўлмасин) шунчалик юмшайди.

— Хотинчалиш бўлманг, — деди Кальтенброннер, папирос тутатар экан, шунда Крюгер ўз хатти-ҳаракати бутувлай тўғри эканлигини тушуниди: у ўзи қойил қолди.—Муваффақиятсизлик яна такрорланмаслиги учун ҳаммасини анализ қилиб кўриш лозим.

— Обергруппенфю rer, айбим чексиз эканлигини тушунаман. Лекин штандартенфю rer Штирлицни тинглаб кўришингизни истардим. У бизнинг операциямиздан тўла хабардор бўлиб, ҳаммаси астойдил ва синчилаб тайёрланганлигига гувоҳлик бериши мумкин, — деди Крюгер.

— Штирлицнинг операцияга қандай алоқаси бор эди?— деди Кальтенброннер елкасини қисиб.— У разведкадан, Краковда бошқа масалалар билан шуғулланган бўлса.

— Унинг Краковда йўқолган ФАУ билан шуғулланишини билардим, аммо қайтиб келгач реїхсфю rerга ёки сизга ишни қандай бажарганимиз ҳақида ахборот берар деган умидда, операциямизнинг икир-чикирларигача таништиришни ўз бурчим деб билдим. Мен сиздан қўшимча кўрсатмалар кутдим, лекин ҳеч нима олмадим.

— Бу операция билан танишини лозим бўлган кишilar рўйхатида Штирлиц бормиди?

— Билмадим.

Кальтенбруннер котибнни чақириб, унга деди:

— Марҳамат қилиб, олтинчп бошқармадан Штирлиц «Шварцфайер» операциясини амалга оширувчилик рўйхатига киритилган эканми ёки йўқми, шуни билб келинг.

Котиб чиқиб кетгач, Штирлицини жуда барвақт зарбага рўпара қилаётганини тушуниб, Крюгер орқага чекинди.

— Ҳамма айб менинг ўзимда,— давом эттириди у сўзини бошини эгиб.— Мабодо Штирлицини жазолайдиган бўлсанғиз мен қаттиқ изтиробда қоламан: мен уни содиқ курашчи сифатида жуда ҳурматлайман. Мени оқлаш мумкин эмас, мен ўз айбимни фақат жанг майдонида қон билан ювишим мумкин.

— Бу ерда душманларга қарши ким курашади?! Менми?! Бир ўзим-а?! Ватан ва фюрер учун фронтда ҳалок бўлишдан осон нарса йўқ! Бу ерда, бомбалар остида яшаб, бадбахтлар уруғини қуритиш мушкулроқ! Бу ерда фақат жасорат эмас, ақл ҳам керак! Уткир ақл керак, Крюгер!

Крюгер фронтга жўнатилмаслигини дарҳол фаҳмлади. Фронтга жўнатилишдан даҳшатлироқ жазо йўқ. Рус ўқлари ёғилиб тургани учун эмас — фронтда у, табний, командирлик лавозимида бўлади, — балки бошка сабаблар туфайли даҳшатли: армия офицерлари СДнинг собиқ ходимларини қанчалик ёқтирилмаслигини жуда яхши билади. Улар СД ходимларини партия суди ёки ҳарбий трибуналга рўпара қилиш учун баҳона излардилар — ана унда раҳм-шафқат кутиш амри маҳол, фронт қонунлари — ўлим қонунларидир...

Котиб эшикни астагина очиб, бир неча юпқа папкани Кальтенбруннер столи устига қўйди. Кальтенбруннер папкаларни варақлаб, ҳайрон бўлгандек «ҳм-ҳм» деб қўйди, кейин:

— Раҳмат. Энди Штирлиц Krakовдан қайтиб келгач раҳбарлар ҳузуринга кирганни ва борди-ю кирган бўлса, кимнинг ҳузурига, марҳамат қилиб шуни аниқланг. Суҳбат пайтида у қандай масалалар устида тўхтаганинги ҳам билинг.

— Мен ҳар эҳтимолга қарши аниқладим буни, — жавоб берди котиб. — Иўқ, Штирлиц қайтиб келиши биланоқ Москва учун ишлаётган передатчикни аниқлашга киришиб кетган...

Краковда абвер полковниги Берглииң ўзини фронтга жүннатишни сўраб генерал Нойбут билди қилган суҳбати яширинча эшитгани Крюгерниң ёдига тушди. У худди ўшани тақорламоқчи бўлди: Кальтенброннер ҳамма шафқатсиз кишилар сингари гоятда таъсирчай одам-ку, деган фикр йилт этиб ўтди хаёлидан.

— Обергруппенфюрер, ҳар қалай менин фронтга юборишни сўрайман сиздан.

— Хотинчалиш бўлманд, ўтириңг, — деди Кальтенброннер. — Бугун дам олишиңгиз мумкин, эртага эса операция ҳақида ҳаммасини батафсил ёзиб берасиз. Кейин сизни қаерга юборишни ўйлаб кўрамиз... Одам кам, иш эса кўп, Крюгер. Ҳа, иш ниҳоятда кўп...

Крюгер кетгач, Кальтенброннер котибни ҳақириб, бундай деди:

— Штирицга тегишли кейинги иккинчилк йил ичидағи ҳамма маълумотларни тўплаб беринг, аммо Шелленберг билмасин буни. Ваҳима кўтарилмасин: Штириц қимматли ходим ва жасур одам, унинг устидан шубҳа туғилмасин. Бу шунчаки ўртоқларча ўзаро текшириш, холос. Ҳа, айтгандек, Крюгер ҳақида буйруқ тайёрланг: биз унинг Прага гестапоси бошлигининг ўринбосари қилиб жўпатамиз — у ер иш қайнаган жой...

— Сиз қандай фикрдасиз, пастор¹, инсонда инсонийлик хусусияти кўпми ёки ҳайвонийлик хусусиятими?

— Ўйлайманки, инсонда униси ҳам, буниси ҳам баб-баравар.

— Бундай бўлиши мумкин эмас.

— Фақат шундай бўлиши мумкин.

— Йўқ, бундай эмас.

— Акс ҳолда бу хусусиятлардан бири аллақачон устун чиққан бўларди.

— Руҳий дуиёни иккиласми ҳисоблаб, пасткашлик ин далил қилиб олгансизлар деб бизга таъна қиласиз. Руҳий дунё ҳақиқатан ҳам иккиласмичидир. Руҳий дунё моддий хамиртурушдан ўсиб чиқади.

— Хўш, ўша хамиртурушингиз нима?

— Шуҳратпарастлик. Уни сиз фаҳш деб атайдиз,

¹ Пастор — руҳоний.

мен эса уни хотинлар билан ётиш ва уларни севишдан иборат соғлом истак деб атайман. Бу — уз ишингизда биринчи бўлишга қаратилган соғлом интилиш. Бундай интилишсиз инсониятнинг бутун тараққиёти тўхтаб қолган бўлур эди. Инсоният тараққиётини тўхтатиш учун черков озмунча куч сарфламади. Черковнинг қайси даври ҳақида гапиригаётганимни тушунаётган бўлсангиз керак?

— Ҳа, ҳа, албатта, биламан у даврни. Жуда яхши биламан у даврни, аммо яна бошқа нарсани ҳам биламан. Сизнинг инсонга иисбатан муносабатингиз билан инсонга иисбатан фюрер тарғиб қилаётган муносабат ўртасида фарқ йўқлигини ҳам кўрмоқдаман.

— Шундайми?

— Шундай. У инсонга иззат-нафсини қондирмоқчи бўлган шайтон деб қарайди. Соғлом, кучли, ўзи учун ҳаёт маконини босиб олишни истаган шайтон деб қарайди.

— Сиз қанчалик ноҳақ эканлигингизни тасаввур қилмаётисиз, чунки фюрер ҳар бир немисга оддий шайтон эмас, балки малла соч шайтон деб қарайди.

— Сиз эса умуман ҳар бир инсонни шайтон ҳисоблайсиз.

— Мен инсон нимадан пайдо бўлган бўлса ўша деб ҳисоблайман. Инсон эса маймундан келнб чиққан. Маймун эса асл моҳияти билан ҳайвондир.

— Бу масалада сиз билан келиша олмаймиз. Сиз инсоннинг маймундан келиб чиққанлигига ишонасиз; аммо қайси бир маймундан келнб чиққанлигини кўрмагансиз ва ўша маймун сизнинг қулогингизга бу хусусда ҳеч нима деб пицирлаган эмас. Буни ўзингиз сезиб-пайқаб турган эмассиз ва бундай қила олмайсиз ҳам. Ҳа, сиз бунга ишонасиз, чунки бу ишонч сизнинг маънавий дунёнгизга мосдир.

— Ҳўш, худо инсонни мен яратдим, деб сизнинг қулогингизга пицирлаган эдими?

— Албатта, менга ҳеч ким ҳеч нима деган эмас, инчунун, худо борлигини сизга исбот қила олмайман ҳам, бунн исбот қилиб бўлмайди, бунга фақат ишониш мумкин. Сиз маймунга ишонсангиз, мен худога ишонаман. Сиз маймунга ишонасиз, чунки бу ишонч сизнинг маънавий дунёнгизга мос, мен эса худога ишонаман, зеро бу менинг маънавий дунёмга мос.

— Шу жойда сиз қартани бошқача чийладингиз. Мен маймунга ишонмайман. Мен инсонга ишонаман.

— Маймундан келиб чиқсан инсонга денг. Сиз инсон қиёфасидаги маймунга ишонасиз, мен эса инсон вужудидаги худога ишопаман.

— Худо ҳар бир инсонда мавжуд деб ўйлайсизми?

— Албатта.

— Фюрер вужудида ҳамми? Геринг, Гиммлер-да-чи?

— Сиз мушкул савол бердингиз. Биз сиз билан инсон табиати ҳақида суҳбат қиляпмиз. Албатта, бу ярамасларнинг ҳар бирни вужудида гуноҳга ботган парни изинни топиш мумкин. Лекин, афсуски, уларнинг бутун табиати шафқатсизлик, зарурат, бўйтон, абраҳлик, зўравонлик қонунларига шунчалик бўйсуннб кетганки, амалда инсонийликдан асар ҳам қолмаган. Аммо менинг дунёга келган инсон албатта маймун авлоди бўлишдек тоқи лаънатга дучор эканлигига ишонмайман.

— Нега маймун авлоди бўлиш тоқи лаънат экан?

— Мен ўз тилимда гапираётирман.

— Бинобарин, маймунларни йўқ қилиш ҳақида илоҳий қонун чиқариш керак экан-да?

— Йўқ, ҳожати бўлмаса керак.

— Сиз доим илоҳий баҳоналар топиб менинг қийнаган масалаларга жавоб бернишдан қутулнб қолмоқдасиз. Сиз «ҳа» ёки «йўқ» деб жавоб бермаётисиз, имон ҳидирган ҳар бир киши эса аниқликни яхши кўради, бинобарин, у «ҳа» ёки «йўқ» деб жавоб беришни афзал билади. Сизда «ҳа» деган сўзининг «ҳа йўқ», «йўғ-э», «ундай бўлмаса керак» каби ва бошқа фразеологик кўринишлари мавжуд. Шу сабабли мен сизнинг усулингиздан эмас, балки кўпроқ амалиётингиздан чўчиб қолдим.

— Сизга менинг амалиётим ёқмас экан. Тушунарли... Шунга қарамай, сиз амалда концлагердан менинг олдимга қочиб келгансиз-ку. Хўш, буни қандай бирбирига боғлаш мумкин?

— Бу нарса сизниг ҳар бир кишида илоҳийлик ва маймунлик хусусиятлари мавжуд деган фикрингизни яна бир марта исбот қиласди, холос. Агар менда фажат илоҳийлик хусусиятлари мавжуд бўлганда, мен сизга мурожаат қилмаган бўлар эдим. Үнда қочмас эдим, эсесчи жаллодлар қўлида ўлиб кетаверардим, уларда инсонийлик ҳиссини ўйғотиш учун бир чаккага

урсалар иккинчисини ҳам тутнб турардим. Борди-ю, сиз уларнинг қўлига тушиб қолгудек бўлсангиз, иккинчи чаккангизни тутиб турардингиэми ёки муштдан ўзингизни олиб қочардингиэми?

— Иккинчи чаккани тутиб туриш деганингиз ни ма ўзи? Сиз яна тимсолий ривоятни нацистларнинг мавжуд давлат машинасига кўчираётисиз. Ривоятда чаккани тутиб бериш бошқа гап. Юқорида айтганимдек, бу ривоят инсон ор-номусининг ифодасидир. Аммо иккинчи чакканги тутасами ё йўқми деб суриштириб-нетиб ўтирумай иш кўрадиган машина остига тушиб қолиш — бошқа гап мутлақо... Принцип жиҳатдан, ўз foяси моҳияти билан ор-номуси бўлмаган машина остига тушиб қолиш деган гап бу... Инчунун, машинага, йўлда ётган тошга ёки олдингизни тўсиб турган деворга жондорга қилган муомалани қилмайсиз, албатта.

— Пастор, маъзур тутасиз, — балки бу нарса сизнинг сирингиздир, аммо фрау Айзенштадтнинг менга айтишича... Эҳтимол, у нотўғри айтгандир-у, шу сабабли сизга бу саволни беришга ҳаққим йўқдир... Ҳалиги, сиз бир вақтлар гестапода бўлганмисиз?

— Сизга нима ҳам дейишим мумкин? Ҳа, у ерда бўлганман...

— Тушунарли. Бу масала сиз учун кўнгилсиз бўлганлиги сабабли у ҳақда гапирмоқчи эмассиз. Аммо, пастор, сизнингча уруш тамом бўлгач қавмингиз сизга ишонмай қўймасмикин?

— Гестапода ўтирганлар озмунчами?

— Пасторни гестаподан қайтиб чиқмаган маҳбуслар камераларига айғоқчи сифатида киритганлар деган мишищни қавмларнингизга етказишса-чи? Сизга ўхшаб гестаподан қутулиб қолганлар миллиондан битта-иккита-ку... У чоғда қавмингизнинг сизга ишониши қийин бўлса керак... Ҳўш, ана шунда ҳақиқату адолатни кимларга тарғиб қила оласиз?

— Албатта, инсонга шу каби усул билан таъсир этиладиган бўлса, истаган одамни нобуд қилиб юбориш мумкин. Шундай хол юз берса, менинг аҳволим танг бўлиши тайин гап.

— Ҳўш, унда нима бўлади?

— Ундами? Рад этиш лозим. Иложи борича рад этаман, қулоқ солгунларича рад этавераман. Қулоқ солмай қўйсалар — тирик мурдага айланди деяверинг.

- Тирик мурдага дейсизми? Демак, жонли одам бўлиб қолаверар экансиз-да?
- Худога аён у ёғи. Қолсам қолавераман-да.
- Сизнинг динингиз одамнинг ўз жонига қасд қилишига қарши-ку?
- Шунинг учун ҳам мен ўз жонимга қасд қилмайман.
- Тарғиб қилиш имкониятидан маҳрум бўлгач, нима қиласиз?
- Тарғиб қилсан ҳам, эътиқод-имонимга содиқ қолавераман.
- Нима сабабдан ўзингиз учун бошқача йўлни, масалан, ҳамма билан бирга меҳнат қилиш йўлини тасаввур қила олмайсиз?
- Сиз «меҳнат қилиш» деб нимани назарда тутасиз?
- Ақалли илм-фан қасрини қурмоқ учун тош ташишни.
- Агар илоҳиёт факультетини битирган киши жамиятга тош ташиш учун керак бўладиган бўлса, сиз билан гаплашиб ўтиришимнинг ҳожати йўқ экан. У чоғда, концлагерга қайтиб бориб, крематорияда кул бўлганим маъқул.
- Мен борди-ю деган маънода савол беряпман, холос. Мени сизнинг қандай тахмин қилишингиз — дейиш мумкинки, фикрингизнинг бўлажак мажмуи қизиқтироқда.
- Қавмга дин ақидаларини тарғиб қилувчи воизни бекорчи ва муттаҳам деб ўйлайсизми? Буни меҳнат деб ҳисобламайсизми? Сизнинг тушунчангизда фақат тош ташиш иш бўлса, менинг фикримча, руҳонийлик меҳнати бошқа истаган меҳнатга тенг бўлибгина қолмай, айни вақтда алоҳида, муҳим меҳнатdir.
- Мен ўз ихтисосим бўйича журналистман ва менинг ёзган нарсаларим нацистлар томонидан ҳам, черков томонидан ҳам қораланган.
- Уларни черков оддий бир сабаб учун қоралаганки, сиз инсоннинг ўзини нотўғри талқин этгансиз.
- Мен инсонни талқин этган эмасман. Мен Бремен ва Гамбург ертўлаларида яшаган ўғри ва фоҳишалар оламини ёритганиман. Гитлерчилар давлати уни олий ирқقا нисбатан жирканч бўхтон деб атаган бўлса, черков инсонга нисбатан бўхтон деб билди.
- Биз ҳаётий ҳақиқатдан қўрқмаймиз.

— Йўқ, қўрқасиз! Мен шу одамларнинг черковга қатнашга уринганигини, черков эса уларни кўкрагидан итарганини кўрсатгандим; уларни қавмлар ҳайдаганлар, пастор эса қавмларга қарши чиқа олмасди.

— Албатта, қарши чиқа олмасди. Мен сизни ҳақиқат учун қоралаётганим йўқ. Ҳа, ҳа, сизни ҳақиқатни кўрсатганингиз учун қоралаётганим йўқ. Инсоннинг истиқболи масаласида фикримиз бир-бирига тўғри келмайтириш.

— Пастор, бераётган жавобларингизга кўра сиз пастор эмас, балки сиёсатчига ўхшаб кетаётганингизни сезмаётисизми?

— Сиз менда ўзингизга маъқул тушган томоннингина пайқаётисиз. Сиз менда фақат бир томонни ташкил этувчи сиёсий қиёфани кўрмоқдасиз. Ҳудди шу тариқа логарифма чизгичини мих қоқадиган иарса деб ҳисоблаш мумкин. Тўғри, логарифма чизгичи билан мих қоқиш мумкин, унда маълум ҳажм ва оғирлик бор. Аммо бундай қилиш предметнинг ўнинчи, йигирманчи функциясини тўғри варшантигина бўлиб, аслини олганда логарифма чизгичи фақат мих қоқишга эмас, балки ҳисоблашга мўлжалланган.

— Пастор, мен савол берсам, сиз унга жавоб берниш ўрнига менинг вужудимга мих қоқяпсиз. Сиз гоятда усталик билан мени савол берувчидан жавоб қайтارувчига айлантириб юборяпсиз. Сиз мени ҳақиқат изловчиidan шаккокка айлантиряпсиз. Хўш, нега сиз жангда иштирок эта туриб, ундаи ташқаридаман дейсиз?

— Буниси тўғри: мен жангдаман, ҳақиқатан ҳам уруш ичдаман, аммо урушинг ўзига қарши курашмоқдаман.

— Сиз материалистларча баҳслашар экансиз.

— Мен материалист билан баҳслашаётирман.

— Бинобарин, сиз менга қарши ўз қуролим билан курашишингиз мумкин экан-да?

— Мен бунга мажбурман.

— Қулоқ солинг... Қавмингиз манфаатини кўзласангиз, менинг дўстларим билан алоқа боғлашингизни истар эдим. Адресни бераман сизга. Мен ўз ўртоқларим адресини сизга ишониб топшираман... Пастор, гуноҳсиз бандаларни сотмассиз деб ўйлайман...

— Яна бошладингизми! Мен сизга айтдим-ку, ахир...

Штирлиц магнитофон лентасига ёзишган бу баҳсни тинглаб бўлиши биланоқ ўрнидан туриб, дераза ёнига борди, у кечагина пастордан ёрдам сураган, ҳозир эса тиржайланча ўз овозига қулоқ солиб, конъяк ичнб, хумор билан чекиб ўтирган кишининг кўзига қарашни истамасди.

— Пасторникида тамаки танқисмиди? — сўради Штирлиц орқасига ўгирилмай.

У бутун деворни эгаллаган катта дераза ёнида турб, ҳовлида қарғаларнинг нон талашаётганини кузата бошлади: уй қоровули икки ҳисса озиқ-овқат оларди, у қушларни жуда севарди. Штирлицининг СДдан эканлигини қоровул билмасди ва коттежнинг гомосексуалистларга ёки савдо корчалонларига қарашли эканлигига ишончни комил эди: бу ерга биронта аёл келмасди, эркаклар йигилганда эса, сухбатлари осойишта ўтар, тўйимли ва лаззатли таомлар торғиларди, кўпроқ америка ичимликлари ичиларди.

— Ҳа, у ерда тамакисиз қийналдим... Чол жуда эзма экан, мени бўлса тамакисиз жоним бўгзимга келди...

Бу агентнинг исми Клаус эди. Уни икки йил аввал ишга жалб қилганлар. Тўгриси ўзи келган: собиқ корректор асабин қптиқловчи воқеалар гувоҳи бўлишни истарди. У сухбатдошини ўзининг самимий ва кескин фікрлари билан қуролсизлантириб, жуда устамонлик билан иш кўради. Унга иш самарали ва тез битсин учун истаган нарсани гапириш рухсат этилган эди. Штирлиц Клаусни кузатаркан, танишган кунларидан бошлаб унинг қанчалик даҳшатли одам эканлигига борган сари кўпроқ ишонч ҳосил қила борди.

«Балки у касалдир? — бир кунн Штирлиц хаёлига, шундай фикр келди. — Сотқинлик иштиёқи ҳам ўзига хос касаллик. Шуниси қизиқки: Клаусдек аглаҳ Ломброзонинг¹ ҳам хаёлига келган эмас — у мен учратган ҳар қандай жиноятчилардан ҳам даҳшатлидир, аммо кўринишидан одобли ва ёқимлилигини айтмайсизми...»

Штирлиц столча ёнига қайтди. Клаус қаршисига ўтириб, жилмайиб қўйди.

¹ Ламброзо Чезаре (1835—1909) — италияни психиатр ва криминалист, буржуа жиноят қуқукшунослигига реакцион антропологик физиономияни асосчиси.

— Хўш? — сўради у. — Демак, чолнинг алоқа боғлаб беришига ишонасиэмни?

— Хотиржам бўлинг, бу ҳал қилинган масала. Мен кўпроқ зиёлилар ва руҳонийлар билан ишлашин яхши кўраман. Одамнинг ўзини-ўзи ўлимга маҳкум этаётганини кузатиш жуда маза нарса да. Баъзан биронтасига: «Тўхта! Аҳмоқ! Қаерга кетяпсан?!» — дегим ҳам келиб қолади.

— Йўқ, бундай қилиш ярамайди, — деди Штириц, — оқилона иш бўлмайди.

— Сизда балиқ консерваси йўқми? Балиқсиз ўлиб қолай деяпман. Ҳар ҳолда, фосфор-да. Асаб ҳужайралаларига зарур...

— Мен сизга энг яхши балиқ консерваларини тайёрлаб қўяман. Қандайни истайсиз?

— Мойдагини яхши кўраман...

— Тушунарли... Қаерники бўлсин? Ўзимизникими ёки...

— «Ёки», — кулди Клаус. — Ватанпарварликка зид бўлса ҳам Америкада ёки Францияда тайёрланган озиқ-овқатни ва ичимликни яхши кўраман...

— Мен сиз учун бир яшик чинакам француз сардишаларини тайёрлаб қўяман. Зайгун ёғида, эираворлар солинган... Ғич-ғич фосфор... Айтгандек, мен кеча сиз ҳақдаги маълумотларни кўриб чиқдим...

— Үнга бир мартағина кўз қирини ташлаш учун нималар бермасдим...

— Йўқ, унчалик қизиқ эмас... Сиз гапираётганингизда, кулаётганингизда, жигар оғришидан нолиётганингизда — кўпроқ таассуроғ олади киши, бунинг устига сизнинг жуда мураккаб операцияни амалга оширганингизни эсласа таассуроти ундан ҳам кучли бўлади... Сизнинг устингиздаги маълумот материаллар эса зерикарли: рапорт ва чақувлардан иборат. Ҳаммаси аралаш-қуралаш: сизнинг бошқалар устидан қилган чақувларингиз, бошқаларни сизнинг устингиздан чақувлари... Йўқ, унча қизиқарли эмас... Бошқа жиҳатдан қизиқ: мен бир нарсани санаб чиқдим, сизнинг рапортларингиз бўйича, сизнинг ташаббусингиз билан тўқсон етти киши қамоқча олинган экан... Аммо ҳаммаси сиз ҳақингизда лом-мим демаган. Уларни гестапода боллаб сўроқ қилишганликларига қарамай бирорталари тилга олмаган...

— Нимага гапиряпсиз буларни менга?

— Билмадим... Таҳлил қилишга уриняниман чоғи...

Уз уйидан сизга жой берган кишиларни кейинчалик қамоққа олиб кетгандарида изтироб чеккашмисиз ҳеч?

— Үзингиз нима деб ўйлайсиз?

— Билмадим.

— Ким билади дейсиз... Мен улар билан яккама-якка олишувга киришарканман, ўзимни дев деб билган бўлсан керак. Мени кураш қизиқтиради... Кейинчалик уларнинг бошига нималар тушиши қизиқтирмайди. Ахир кейинчалик ўзимизнинг ҳолимиз нима кечади, бошқалар — ҳаммамизники-чи?

— Буниси ҳам тўғри, — қўшилишди Штирлиц.

— Биздан кейин қиёмат-қойим бўлмайдими. Одамларимизни айтмайсизми: қўрқоқ, пасткаш, энқна, чақимчи кишилар. Ҳар бири, бенстисно ҳар бири. Қуллар орасида озод бўлиш мумкин эмас... Бу ҳақ гап. Шундай экан, қуллар орасида энг озод киши бўлиб юрган яхши эмасми? Мен шу йиллар мобайнинг руҳий жиҳатдан батамом озодликка эришиб юрдим...

— Қулоқ солинг, ўтган куни кечқурун пасториниң ким келган экан? — деб сўради Штирлиц.

— Ҳеч ким...

— Тўққизга яқин...

— Янгишяпсиз, — жавоб берди Клаус, -- ҳар ҳолда, сиз номингиздан ҳеч ким келгани йўқ, у ерда ёлғиз ўзим эдим.

— Балки пастор ҳузурига келгандир... Одамларим юзини кўришолмабди.

— Пасторнинг уйини назорат қилиб турганмидинглар?

— Албатта. Муттасил... Демак, чолининг сиз учун ишлашига имонингиз комилми?

— Ишлайди. Умуман олгандан мен ўзимни оппозициячи, нотиқ, доҳийдек ҳис этаман. Одамлар менинг иродам, фикрлаш мантиқум олдида бўйин эгадилар...

— Майли. Яшанг, Клаус. Аммо мақтанчоқликда ҳаддан ошиб кетманг. Энди ишга ўтайлик... Яширин бир квартирамизда бир неча кун яшаб турасиз... Чунки кейинроқ жиддий бир ишга киришишигиз керак, бу иш менинг соҳамга тааллуқли эмас...

Штирлиц ҳақиқатни айтганди: бугун гестаподаги ҳамкаслари Клаусни бир ҳафтага бериб туришини сў-

раган эдилар: Кёльнда икки рус «пианиночиси» қамоқ-қа олинганд әмиш. Улар иш пайтида, радиоаппарат устидага қўлга туғанлар. Улардан гап олиш қийин бўлибди, шупинг учун улар ётган камерага тузукроқ одамни киритиш керак экан. Бу ишга Клаусдан устасини топиш қийин. Штирлиц Клаусни топишга вайда берганди.

— Қулранг папкадан бир варақ қофоз олинг-да, — деди Штирлиц, — мана буларни ёзинг: «Штандартен-фюрер! Мен ўларча чарчадим. Ҳеч ҳолим қолмади. Мен астойдил ишладим, ортиқ дош беролмайман. Дам олишини керак...»

— Нимага керак бу? — сўради Клаус хатга имзо чека туриб.

— Бир ҳафтача Инсбрукка бориб келсангиз ёмон бўлмас деб ўйлайман, — жавоб берди Штирлиц унга бир даста пул узата туриб. — У ерда казинолар ишлаб турибди ва ёш қизчалар илгаригидек чанги учиб юриттилар. Шу хат бўлмаса сизни бир ҳафталик лаззатли кунларга сазовор эта олмайман.

— Раҳмат, — деди Клаус, — лекин пулим анчагина...

— Қўп бўлса зарар қилмас. Нима дейсиш, а? Еки зарарми?

— Йўғ-э, зарари бўлмас, — кўнди Клаус, пулни шиммининг орқа чўнтағига солар экан. — Ҳозир сўзакни даволаш анча қиммат әмиш... — Шундай деб кулиб юборди у.

— Яна бир эсланг: сизни пасторникида ҳеч ким кўрмадими?

— Эслашнинг ҳожати йўқ — ҳеч ким...

— Мен ўз одамларни ҳам назарда тутяпман.

— Үмуман, агар одамларингиз чоннинг уйини куватиб турган бўлсалар, кўрган бўлишлари ҳам мумкин. Лекин, ундай эмасдиров... Ҳар ҳолда, мен ҳеч кимни учратмадим...

Штирлиц бундан бир ҳафта олдин ҳозир пастор Шлаг яшаётган қишлоқдан маҳбусларни ҳайдаб ўтиш спектаклини уюштириш арафасида Клаусни маҳбуслар сингари кийинтирганини эслади. Ўшандада, бир ҳафта бурун Клауснинг қиёфаси қандайлигини ҳам эслади: унинг кўзларида очиқ кўнгиллик ва жасурлик аломатлари чақнаб турарди — у ўйнаши лозим бўлган роль руҳига кирнб олишга улгурган эди. Ўшандада Штирлиц

у билан бошқача муомала қилғанди, чунки машина ўринидигинда, ёнгинасида авлнё бир одам ўтиради — унинг юзи шунчалар ёқимли, овози шунчалар ғамгни, сўзлари дона-дона эдик, асти қўявларасиз.

— Бу хатни сизнинг янги истиқоматгоҳингизга бораётганимда йўл-йўлакай ташлаб кетамиз, — деди Штирлиц. — Яна бир хат ёзинг, пасторга, яна шубҳаланиб юрмасин. Уни узингиз ёзишга уриниб кўринг. Мен сизга халақт бермайман, яна кофе дамлаб келаман.

У қайтиб келганда, Клаус қўлида қоғоз ушлаб ўтиради.

— «Софлик ҳаракатни пазарда тутади, — кулнисираб ўқий бошлади у, — ишонч замини курашдир. Бутунлай ҳаракат қилмай тушиб, софликни тарғиб қилиш — хониллк: қавмларга ҳам, ўз-ўзига ишбатан ҳам хонилликдир. Инсон нопоқлиги учун ўзини ўзи кечириши мумкин, аммо авлодлар — ҳеч вақт кечирмайди. Шу бонсдан мен қўл қовуштириб ўтирганим учун ўзимни кечира олмайман. Ҳаракатсизлик хонилликдан беш баттардир. Мен жўнаб кетдим. Ўзингизни оқланг. Худонинг ўзи мададкор бўлсин сизга». Хўш, қалай? Тузукми?

— Қойил. Қани айтинг-чи: ўз ролийгини ўзингиз ўйнаяпсизми?

— Албатта. Мен минг йиллардан берн барҳаётман, чунки у ёхуд бу киши билан ишлар эканман, ўз ролими ўзим ўйнайман: қаршиигизда турган кишини эмас, ўзимга ҳам номаълум бўлган бошқа кишини: қўққисдан намоён бўладнган, чиройли, довюрақ, кучли киши ролини ўйнайман...

— Сиз ёзувчилик қилиб кўрганимисиз?

— Йўқ. Агар меп ижод қилабисам сизларга хизмат... — Клаус тўсатдан жим бўлди ва билдиримай Штирлицга назар ташлади.

— Гапиравернинг, тентаквой... Орамизда яширадиган гап йўқ-ку. Агар ёзишни билсан сизларга хизмат қиласмишим, демоқчи эдингиз а?

— Шунга ўхшаш.

— Шунга ўхшаш эмас, — уни тузатди Штирлиц, — худди шундай демоқчи эдипгиз. Еки йўқми?

— Ҳа, тўғри.

— Яшанг. Менга ёлғон гапиришнинг ҳожати бўлмаса керак? Ҳеч ҳожати йўқ. Олинг, вискини ичинг, жў-

наймиз. Қоронғи түшди, ҳадемаі үчиб келиб қолсалар керак.

— Борадиган уйнимиз узоқдами?

— Үрмонда, ўн километрча келади. Ү ер жимжит, өртагача уйқуни олаверасиз...

Машинага ўтиришгач, Штирлиц сўради:

— Собиқ канцлер Брюнинг¹ ҳақида ҳеч шарса демадими?

— Мен сизга берган ҳисоботда — дарҳол дами ичига тушиб кетди, деб ёзганман-ку. Сўраб-суриншираверишдан эса чўчидим...

— Тўғри қилгансиз... Швейцария ҳақида ҳам ҳеч шарса демадими?

— Лом-мим демади.

— Майли. Бошқа томондан ёндошамиз бўлмаса. Коммунистга ёрдам беришга кўпидими — муҳимни шу. Оббо, ластор тушмагур-э!

Штирлиц Клаусни нақ чаккасидан отди. У, фильмларда кўрсатилганидек, нега ва ким номидан ўлдираётганини айтгани ҳам йўқ. Улар иттифоқчилар авиацияси үчиб келганида кўл қирғонида турган эдилар. Бу ер кириш тақиқланган зона эди-ю, лекин қоровуллар пости — буни Штирлиц анниқ биларди — икки километр нарида жойлашганди. Самолётлар овози¹ остида тўлпончанинг овози эштилмасди. Ылгари балиқчилар учун ўрнатилган бетон супачадан Клауснинг тўғри сувга ағдарилишини ва супача устида ҳеч кандай қон изи қозмаслигини олдиндан мўлжаллаб олган эди у. Аслини олганда эса бунинг аҳамияти йўқ эди: кечалари ёмғир әралаш қор ёғарди, шунинг учун ҳам зонадаги бетон супачада қон бўлиши унчалик хавфли эмасди. Мутлақо хавфли эмасди десак аниқроқ бўлади.

Клауснинг овози чиқмаеқ, худди тошдек сувга ағдарилди. Штирлиц Клаус тушган жойга тўлпончасини ҳам улоқтириб юборди (асаб чидамсизлиги сабабли ўзини-ўзи ўлдирган деган тахмин заминни тахт эди, хатларни эса Клауснинг ўзи ёзган), кейни қўлқопини ечиб, ўрмон орқали ўз машинаси томон йўл олди. «Ан

¹ Брюнинг Генрих — Германиянинг реакциои сиёсий арбоби, 1930—1932 йилларда рейхсканцлер лавозимини эгаллаб турған.

Дорфгача» қирқ километр. Пастор Шлаг ўша ерда истинкомат қиларди. Штириц ўз ҳисобица бир соатдан кейин унинг олдиди, у ҳаммасини олдиндан белгилаб қўйғанди, ҳатто вақтни далилу исбот қилиб кўрсатишгача...

«Марказ — Юстасга.

Нацистларнинг Farb дипломатлари билан Стокгольмдаги учрашуви ҳақида сизга нималар маълум — агар маълум бўлса, аниқ нималар? Риббентропнинг ходими Кляйст ҳақида қандай маълумот бершигиниз мумкин?»

«Юстас — Марказга.

Менимча, нацистларнинг Farb билан жиiddий тарзда учрашувлари ҳозирча мумкин эмас. Гитлернинг буйруғига биноан СС рейхсфюери Гиммлер, иттифоқчилар билан алоқа боғлашга журъат этган ҳар бир хони ўлимга маҳкум этилажак, деб эълон қилган. Доктор Кляйст гестапонинг Ташқи ишлар министрлигидаги одами. Аниқланishiча, илгари Farb билан ҳеч қандай жиiddий алоқаси бўлмаган. Унинг Стокгольмга қилган сафари протоколӣ масаласи билан боғлиқ ва — мендаги маълумотларга қараганда — иттифоқчилар билан алоқа боғлаши юзасидан ҳеч қандай топшириқ олган эмас.

Юстас.

Империя хавфсизлиги СД хизматининг бошлиги Эрнест Кальтенброннер веналиклар талаффузида гапирав эди. Узининг талаффузи фюрер ва Гиммлернинг фашига тегишини билиб, асл «хоҳдайч»ни эгаллаш учун билимдон фонетикачи ёрдамида машқ қилиб кўрди. Аммо унинг бу уринишлари чиппакка чиқди — у Венани севарди, Вена унинг жоии-дили эди, ўйноқи, аммо, тўғрисини айтганда, бирмунча қўпол Вена шеваси ўрнига кунига бир соат бўлса ҳам «хоҳдайч»да гапиришга ўзини мажбур эта олмасди. Шунинг учун ҳам кейинги вақтда Кальтенброннер немис бўлишга уринишдаи возкешиб, ҳамма билан ўз шеваси — Вена талаффузида гаплашаверди. Қўл остидаги хизматчилар билан у Вена талаффузида эмас, ҳатто Инсбрук талаффузида гаплашарди: тоғли австрияликларнинг тилга мутлақо

бошқача, Қальтенбруннер гоҳо ўз аппаратидаги ходимларни мушкул аҳволда қолдириши яхши кўрарди; ходимлар тушуммаган сўзларининг маъносини қайта сўрашга тортишиб, ўзлариши йўқотиб, гангид қолардилар.

— Сиблиц эмас, Штирлиц,— қаҳ-қаҳ уриб кулиб юборди Қальтенбруннер телефон трубкасига,— менимча, штатдаги ходимлар орасида Сиблицлар бўлмаса керак, сизнинг агентларингиз эса мени қизиқтирмайди. Ҳа марҳамат, иложи бўлса — тезроқ. Раҳмат. Кутаман.

У гестапо шефи СС группенфюрерин Мюллерга қараб деди:

— Мен партияда ва бир сафда туриб курашаётган ўртоқларимизга нисбатан кўнглингизга шубҳа солмоқчи эмасман, аммо фактлар қўйидагини кўрсатмоқда: биринчидан — Штирлицнинг, бевосита бўлмаса ҳам, ҳар қалай Krakow операциясининг чиппакка чиқишида қўли бор кўришади. У ўша ерда эди, лекин шаҳар портлаб яксон бўлиш ўрнига қандайдир шубҳали сабаблар билан омон қолди. Иккинчидан — у йўқолган ФАУ масаласи билан шуғулланган, аммо унинг изини ҳам топа олмаган, менга қолса, у Висла ва Вислоки дарёлари оралиғидаги ботқоқликка ботиб кетган бўлсин, деб худога илтижо қилиб ётибман... Учинчидан — у шу кунларда ҳам интиқом қуроли масаласига алоқадордир, гарчи ошкора муваффақиятсизликлар юз бермаган бўлса-да, аммо, ютуқ, олға силжиш, аниқ галаба ҳам кўринмайди. Алоқадор бўлиш — ғайри фикрдаги-ларни қамайвериш деган гап эмас. Бу, шунингдек, аниқ ва истиқболни кўзлаб фикр қилувчиларга ёрдам бериш ҳамдир... Тўртинчидан — у шуғулланган кўчма передатчик, кодига қараганда, большевикларининг стратегик разведкасига хизмат қилувчи передатчик — аввалгидек Берлин атрофларида ҳамон ишлаб турибди. Мюллер, башарти унинг ҳужжатларини олиб келишларини кутиб ўтирамай, мендаги шубҳани дарҳол йўққа чиқарсангиз жуда хурсанд бўлардим. Штирлицга нисбатан ҳурматим баланд, шу боисдан менда тўсатдан пайдо бўлган шубҳани тарқатувчи далилларга асосланган раддияни эшишини истардим сиздан.

Мюллер тун бўйи ишлаб уйқуга тўймаганидан, соиғи ғовларди, шунинг учун у одатдагича қўпол ҳазил ишлатмай жавоб берди:

— Менга унинг ҳақида ҳеч қачон ҳеч қандай сигнал тушмаган. Лекин бизнинг ишимиизда хато ва муваффақиятсизликлардан ким ҳоли бўла олади дейсиз.

— Демак, назаримда мен қаттиқ янглишаётгандай туюляпман шекилли?

Калътенброннернинг саволида қаттиқ киноя бор эли, буни Мюллер чарчагаи бўлишига қарамай, пайқаб олди.

— Нега энди... — жавоб берди у. — Пайдо бўлган шубҳани ҳар тарафлама синичиклаб таҳлил қилиб кўриш керак, бўлмаса менинг аппаратимнинг нима кераги бор?.. Акс ҳолда бизни фронтдан бош тортаётган бекорчилар деса ҳам бўлади-ку. Сизда бошқа ҳеч қандай далил йўқми? — сўради Мюллер.

Калътенброннер сигаретасини чайшаганча шидамай турарди. Шунда томография тамаки ёпишиб қолиб, анча вақт йўталди, юзлари кўкариб, бўйин томирлари ўқловдек бўртиб қизариб кетди.

— Нима десам экан, — жавоб берди у кўз ёшини артар экан. — Сизга нима дейишимин ҳам, билмай турибман... Мен бир неча куп давомида у билан одамларимиз ўртасида бўлган суҳбатларни ёзиб олишни сўраган эдим. Шубҳасиз ишонган одамларимиз аҳволнинг фожиали эканлиги, ҳарбийларимизниг миясизлиги, Риббентропнинг калтафаҳмлиги, Герингпинг аҳмоқлиги ҳақида, агар руслар Берлинга бостириб кирсалар бошимизга тушадиган даҳшатлар ҳақида бир-бирларига очиқдан-очиқ гапирсалар, Штирлиц: «Бекор гап, ҳаммаси яхши, ишлар жойида...» — деб жавоб беряпти. Ватан ва фюрерни севиш ҳамкасларга кўр-кўронга ёлгон тапириш деган гап эмас-ку... Мен ўзимга ўзим у тўнка бир одам эмасмикин, деган саволни бердим. Бизда ўйламайнетмай Геббелъсининг сафсалаларига ишонадиган миясиз одамлар кўп-ку, ахир. Йўқ, у аҳмоқ эмас. Хўш, унда нега самимий эмас у? У ёки ҳеч кимга ишонмайди, ёки бирон нарсадан қўрқади, ёнки бирон мақсадни кўзлаб соғ, оппоқ бўлиб кўринмоқчи. Шундай бўлган тақдирда нимани кўзлаши мумкин? Унпнг ҳамма операцияларин чет элга, нейтралларга бориб тақалса керак... У ёқдан қайтиб келармикин, қайтиб келгудек бўлса, оппозициячилар ёки бошқа абллаҳлар билан алоқа боғламасмикин? Бу саволларга аниқ — на ижобий, на салбий жавоб бера олдим...

Бундан аввал санаб ўтилган пунктларни Мюллер сариқ чақага олмасди: Кальтенбруннернинг разведка соҳасидаги билими юзаки эди. Аммо унинг кейинги гапи Мюллериши ўйлантириб қўйди, обергруппенфюрернинг шу топдаги фикрий таҳлилига тан берса арзирди. Ҳозиргина унинг оғзидан чиққан, юзаки қараганди оддий гап Штирлицнинг хаёлга келмаган бошқа томонларини ёритиб бергандай бўлди.

— Аввал маълумотларни ўзингиж кўрасишим ёки мен олиб кетаверайми? — сўради Мюллер.

— Сиз олиб кетаверинг, — муғомбирлик қнлди Кальтенбруннер, чункп ҳамма матерналларни ўрганиб чиқишга улгургани эди. — Ҳозир мен фюрер ҳузурига боришим керак.

Мюллер Кальтенбруннерга саволомуз тикилди. У Кальтенбруннер бункердаги янгиликлардан биронтасини айтар, деган умидда эди, лекин обергруппенфюрер ҳеч нима демади. У столининг пастки тортмасини очиб, бир шиша «Наполеон»ни олди-да, қадаҳини Мюллер гомон сурнб, сўради:

— Кўпроқ ичганимдингиз?

— Қатра ичганим йўқ.

— Нега кўзингиз қип-қизенл бўлмаса?

— Кўз юмганим йўқ. — Прагага даҳлдор иш жуда кўп эди: одамларимиз яширин группаларнинг изинга тушиб олган. Яқин ҳафталар ичида қизиқ ҳангома юз беради у ерда.

— Крюгер сизга таянч бўлади. Фантазияси кам бўлса ҳам, у ажойиб хизматчи. Конъяқдан ячинг, тетик қилади.

— Конъяқ ичсам, аксинча, ланж бўламан. Менга ароқ тузук.

— Буниси ланж қилмайди, — кулиб қўйдн Кальтенбруннер ўз қадаҳини кўтарар экин. — Прознт!

У қадаҳини бир кўтаришда бўшатди, ҳиқилдоғи худди пиянисталарникидек пастдан юқорига «Филқ» этиб кўтарилиди.

«Хўп ичади-да, — хаёлидан ўтказди Мюллер, конъякни симириётаби, — ҳозир ўзига яна бир қадаҳ қуяди».

Кальтенбруннер энг арzon ва аччиқ «Каро» сигаретасини тутата турниб, сўради:

— Хўш, яна қуяйми?

этасиз? Танқид қилпш ва заҳар сочиш — осон. Оқилона ҳаракат программасини кўрсатиш — қийинроқ нарса.

— Мен астрологияни рад этаман,— анчагина ўйлагач, аста жавоб бера бошлади астроном,— аммо астрономия олдида тиз чўкаман. Менин Килда кафедрадан маҳрум этдилар...

— Ҳали шунинг учун заҳар сочяпсанми итвачча?!

— бақирди Ҳолтофф.

— Шошилманг,— деди Штирлиц норози қиёфада,— бақирманг... Марҳамат, давом эттиринг...

— Биз қуёш безовталанаётган йилда яшамоқдамиз. Протуберанцлар портлаши, қуёш энергиясиннинг жуда катта қўшимча массасининг ажralиши сайёralарга, планета ва юлдузларга, кичик бир заррачани ташкил этган инсоннятга таъсири этмоқда...

— Сиз, айтидан,— унинг гапини бўлди Штирлиц,— қандайдир гороскоп ўйлаб топдингизми? Шунинг учун асабингиз бузуқми?

— Гороскоп — бу интуитив, балки исбот этилмаган геннали нарсадир. Йўқ, мен ўзим ўртага ташлаган оддий, мутлақо оддний гипотезадан келиб чиқмоқдаман: у ҳам бўлса ер юзида яшовчи ҳар бир жониворнинг коннот ва қуёш билан ўзаро алоқадорлигиидир... Бу алоқадорлик ватаним тупроғида бўлаётган воқеаларни аниқроқ ва оқилона тушуниб олишимга ёрдам бермоқда...

— Сиз билан шу мавзуда батафсил сұхбат қилиш гоятда қизиқтиради мени,— деди Штирлиц.— Дўстим ҳозир камерага қайтиб, икки кун дам олншингиэга рухсат берар деб ўйлайман, кейин бу сұхбатга қайтамиз.

Астрономни олиб кетишгач, Штирлиц шундай деди:

— У маълум даражада шуурсиз, ахир ўзинг кўрмайсанми? Ҳамма олим, ёзувчи, артистлар ўзига яраша шуурсиз. Улар билан алоҳида йўл тутиш керак, чунки ўзлари ўйлаб топган хаёлни оламларида яшайдилар. Бу тентакни касалхонамизга экспертизага жўнат. Ҳозир бизда жиддий иш кўп, бунақангни масъулиятсиз, эҳтимолки истеъоддли маҳмаданалар билан ўралашиб ўтиришга вақт йўқ. Агар ҳозир тинчлик панти бўлганда биз уни лагерга жўнатардик, у ерда тезгина одам қилардилар; кейинчалик эса институт ёки кафедрада ишлаб, рейх ва миллат манфаати ўйлида хизмат эта бошларди... Ҳозир эса...

— Лекин унинг гаплари Лондон радиосидаги инглиз-

нинг ёки Москва билан оғиз-бурун ўпишган социал-демократиzmning гаплари-ку?

— Одамзод радиони тинглаш учун ихтиро этган. У ҳам тинглаган-да. Йўқ, бу жиддий нарса эмас. Бизни, разведкани, бу нарса қизиқтирмайди. У билан бир неча кун кейин учрашиш мақсадга мувофиқдир: у ростакам олимми ёки оддий бир ақлдан озган одамми — шунни аниқлаш керак, холос. Агар у жиддий олим бўлиб чиқса, унга яхши паёқ бериб тоқقا жўнатилишини илтимос қилиб Мюллер ва Кальтенброннер ҳузурига кирамиз, ўша ерда ишлайверснин — илм-фанизиининг гуллари хозир тоғда яшаяпти-ку, тегадан бомба ёғилиб турмаса, ош-нон бўлса, қарагайзорда шинамгина уйи бўлса маҳмаданаликни дарҳол ташлайди. Шундай эмасми?

Холтофф кулиб қўйди:

— Тоғда уйи, ош-нони бўлса, бомба ёғилмай турса ким маҳмаданалмк қиласарди дейсиз?..

Штирлиц диққат билан Холтоффга тикилди, Холтофф унинг қаравшига дош бера олмай кўзини олиб қочгунча, безовталаниб столдаги қофозларни жойдан-жойга олиб қўя бошлагунича қараб тураверди ва шундан кейинги на ўзининг ёш касбдошига қараб самимий, очиқ кўнгиллик билан кулиб қўйди...

«Фюрер ҳузуридаги кенгаш стенограммаси. Ҳозир бўлғанлар Кейтель, Йодль, Ташқи ишлар министрлигининг вакили Хавель, рейхслайтер Борман, СС рейхсфюрери ставкасининг вакили, СС обергруппенфюрери Фегеляйн, саноат рейхсминистри Шпеер, шунингдек, адмирал Фосс, учинчи ранг капитани Людде — Нейрат, адмирал фон Пунткамер, адъютантлар, стенографисткалар.

Борман. Ким ўзи ҳадеб у ёқдан-бу ёққа юрган? Халақит беряпти! Жаноби ҳарбийлар, иложи бўлса, секин-роқ.

Пунткамер. Полковник фон Беловдан Италиядаги люфтвафенинг аҳволи тўғрисида справка беришини сўраган эдим.

Борман. Уни айттаётганим йўқ. Ҳамма баравар гапи-ряпти, шунинг учун жонга тегарли шовқин-сурон бўл-япти,

Гитлер. Менга халақит бермаяпти бу. Жаноби гене-

рал, Курляндиядаги шу кунгача бўлган ўзгаришлар ҳаритага киритилмапти.

Иодль. Фюрерим, сиз эътибор бермабсиз: мана, бугун эрталабгача бўлган ўзгаришлар.

Гитлер. Харитадаги ҳарфлар жуда майда экан. Раҳмат, энди кўрдим.

Кейтель. Генерал Гудериан дивизияларимиэнни Курляндиядан олиб чиқиб кетишни талаб қиляпти яна.

Гитлер. Бу нотўғри режа. Русларнинг жуда ичкарисида, Ленинграддан тўрт юз километр берида қолган генерал Рендулич қўшинларни қирқтадан етмиштагача рус дивизияларини ўзига жалб этиб турибди. Агар биз у ердан қўшинларимиэнни олиб чиқадиган бўлсак, Берлин остоналаридаги кучлар мувозанати дарҳол ўзгариди, ўзгарганда ҳам, генерал Гудериан ўйлаганидек, бизнинг фойдамизга ўзгартмайди. Курляндиядан қўшинларни олиб кетган тақдиримизда Берлин остоналаридаги ҳар бир немис дивизиясига камида учта рус дивизияси тўғри келади.

Борман. Сергак сиёсатчи бўлиш керак, жаноби фельдмаршал...

Кейтель. Мен сиёсатчи эмасман, ҳарбийман.

Борман. Тотал уруш асрода булар ажралмас тушунчалардир.

Гитлер. Ҳозир Курляндияда турган қўшинларни олиб чиқишимиз учун камид — Либава операцияси тажрибаси ҳисобга олинса — ярим йил керак бўлади. Бу кулгилидир. Ғалабага эришишимиз учун ихтиёrimизда соат билан, ҳа, худди соат билан ўлчанадиган муддат колган, шунда ҳам биз хом хаёлларга эмас, балки реал фактларга асосланмоғимиз лозим. Кўзи бор, таҳлил қиласа биладиган, ҳолоса чиқара оладиган ҳар бир кишин фақат биргина нарсага: яқин галаба йўли борми-йўқми, деган саволга жавоб бериши шарт. Бунда мен бериладиган жавоб кўр-кўрона бўлмаслигини истардим. Мен кўр-кўрона ишончга қаршиман, мен бамаъни ишончини излайман. Иттифоқдошлар коалициясидек зиндиятли ва парадоксал иттифоқ жаҳон тарихида бўлмаган. Бир-бира рига зид ғоя, интилиш, элемент ва характерлар иложисиз ахволга тушиб қолган тақдирдагина бир-бировларига зарар келтирмай яшашлари мумкин: мен концентрацион лагерларга қамалганларин назарда тутмоқдаман, у ерда, масалан, бир уйда папа нупциялари, коммунист

атеистлар ва француз радикаллари британиялиқ консерваторлар билан апоқ-чапок бўлиб яшар эмишлар. Иложисизлик иттифоқ түғдиради. Бу иложсизлик иттифоқидир, ҳеч қандай умид ва ҳеч қандай мақсади бўлмаган иттифоқдир. Россия, Англия ва Американинг мақсадлари бир-бирига бутуилай энд бўлса, бизнинг мақсадимиз ҳаммамизга равшан. Улар идеологик интилишлари ҳар хиллиги туфаили ҳаракат қилаётган бўлсалар, бизни ягона мақсад ҳаракатга келтирмоқдаки, биз унга бутун ҳаётимизни тикканмиз. Улар ўртасидаги зиддиятлар кучаяётган ва янада кучаядиган бўлса, бизнинг бирлнгимиз, ҳар қачонгига қараганда жинслашганки, мен бу оғир ва буюк кампаниянинг кўп йиллари давомида ана шу жинсликка эришишга куч сарфлаб келган эдим. Душманларимиз иттифоқини дипломатия ёки бошқа йўллар билан бузишга интилиш — хомхәёл. Башарти буни ваҳимага тушниш ва истиқболни бой беринш деб атамасак, унда, хом-хаёлдан бошқа нарса эмас. Уларга ҳарбий зарба бериш билангиша, иродамиз букилмас ва куч-қудратимизнинг битмас-туганимас эканлигини намойиш қилиш билангиша бу иттифоқнинг инқирозини тезлаштирамизки, зафарни тўпларимиз садолари остида ер билан яксон бўлади у. Фарб демократиясига ҳеч нарса қудратимизни намойиш қилишдан кўра кўпроқ таъсир кўрсата олмайди. Бир томондан, Фарбнинг саросимага тусиши, иккинчи томондан бизнинг зарбаларимизгина Сталинни ҳушёр қила олади. Сталиннинг ҳозир урушни Брянск ўрмонлари ёки Украина далаларида олиб бормаётганлигини ҳам ҳисобга олинг. Унинг қўшинлари Польша, Руминия, Венгрия територияснда. «Ватан»ларида ташқарига бевосита чиқишлиари билан-ноқ, русларнинг занглашгани ва маълум даражада руқни тушгани аниқ. Аммо ҳозир менинг бутун диққатим русларда ёки американкларда эмас. Менинг бутун диққат-эътиборим немисларда! Фақат биённинг миллатимизгина ғалабага эришиши шарт ва эриншажак! Ҳозиргукунда бутун мамлакат ҳарбий лагерга айлантирилган. Бутун мамлакат деганимда Германия, Австрия, Норвегия, Венгрия ва Италиянинг бир қисми, Чехия ва Богемия протекторатларининг кўпчилик териториясини, Даніяни ва Голландиянинг бир қисмини назарда тутяпман. Бу — Европа маданиятининг марказидир. Бу — моддий ва маънавий куч-қудрат мажмуасидир. Қўли-

мизга ғалаба имкони келиб тушди. Ғалабамиз учун бу имкониятдан қай даражада фойдалана билиш биzlарға, ҳарбийларга боғлиқ. Сўзимга ишонаверинг — армияларимизнинг дастлабки қақшатқич зарбаларидан кейин оқиттифоқчилар коалицияси барбод бўлади. Уларнинг ҳар бири ўз эгоистик манфаатларини масалани стратегик жиҳатдан кўра билишдан устун қўядилар. Мен ғалабамиз соатини яқинлаштириш мақсадида қўйидагиларни таклиф этаман: СС олтинчи ташк армияси Будапешт остоналаридан қарши ҳужум бошлайди ва бу ҳужум, бир томондан, Австрия ва Венгриядаги националсоциализм жанубий истеҳкомланинг мустаҳкамланишини таъминлайди, ва иккисидан, русларнинг ён томонига чиқишимиз учун шароит тайёрлайди. Бир царсани ҳисобга олинг, худди ўша ерда, жанубда, Нальканижда биз етмиш минг тонна нефтга эгамиз. Нефть эса уруш томонридан оқиб турувчи қондир. Мен ана шу нефти қўлдан бой беришдан кўра Берлинни толширишини мъқул кўраман, чунки бу нефть Австрияning мустаҳкам туришини ва унинг Италиядаги миллион кишилик Кесельринг группировкаси билан бирга бўлнишини таъминлайди. Яна: «Висла» армиялар группаси, резервларни тўплаб, русларнинг иkkala флангига қатъий қарши ҳужум бошлайди ва буннинг учун Померания плацдармидан фойдаланади. СС рейхсфюрери қўшинлари дус мудофаасини ёриб, орқа томонга ўтиб олади ва ташаббусини ўз қўлига олади. Штеттин группировкаси ёрдами билан улар руслар фронтини ёриб ўтадилар. Резервларни етказиб келиш Сталин учун энг жiddий масаладир. Масофанинг олислиги уни мушкул аҳволга солиб қўяди. Аксинча, масофа бизнинг тарафимизда. Берлинни ўраб турган етти қатор мудофаа чизиги — булар эса шаҳарни амалий жиҳатдан олиб бўлмайдиган қилиб қўйган — ҳарбий санъат қонунларини бузишга ҳамда жануб ва шимолдан қўшинларининг талайгини группасини ғарбга олиб ўтиш имконини беради. Биз вақтдан ютамиз: Сталинга резервларни қайтадан группировка қилиш учун иккн-уч ой керак бўлади; армияларимизни қўчириш учун эса бизга беш кун кифоя. Германия масофалари эса, стратегия анъаналарини бузсамиз ҳамки, бунга имкон беради.

Подль. Бу масалани стратегия анъаналарини билан боғласак ёмон бўлмас эди...

Гитлер. Нима демоқчи әдингиэ, Йодль?

Йодль. Менимча бу жуда узоқни кўзлаган ва оқилона режа, аммо мен фақат биргина нарсага эътироэ билдиришга журъат этаман: ана шу режанинг деталларни ҳарбий санъат анъаналари билан bogлаб олиб борилгани маъқулмиди?

Гитлер. Гап деталлар эмас, балки бир бутун нарса ҳақида кетмоқда. Қолаверса хусусий нарсаларни штабларда тоғ доирадаги мутахассислар гуруҳлари ҳал қилиши мумкин. Ҳарбийлар мустаҳкам мудофаа муштумини ташкил этган тўрт миллиондан ортиқ кишига эга. Вазифа, ана шу мустаҳкам мудофаа муштумини қақшатқич ғалаба муштига айлантиришдан иборатдир. Ҳозир биз 1938 йилнинг августи апафасидаги чегарада турибмиз. Биз ҳар қачонгидап кўра жипслашганимиз. Биз — немис миллатимиз. Бизнинг ҳарбий саноатимиз 1939 йилдагига қараганда тўрт марта кўп қурол-аслаҳа ишлаб чиқармоқда. Армиямиз эса ўша йилдагига қараганда иккى марта катта. Бизнинг пафратимиз даҳшатли, иродамиз, ғалабага бўлгаги иштиёқимиз эса чексиздир. Қани, айтингларчи, биз уруш йўли билан тинчликка эриша олмаймизми? Наҳотки ҳарбий муваффақият сиёсат бобида муваффақиятга олиб келмаса?

Кейтель. Рейхслейтер Борман айтганидек, ҳарбий киши ҳозир бир вақтда сиёсатчи ҳам бўлиши керак.

Борман. Хўш, қўшилмайсанми фикримга?

Кейтель. Қўшиламан.

Гитлер. Илтиқомос, жаноби фельдмаршал, эртагача менга аниқ тақлифларни тайёрлаб қўйсангиз.

Кейтель. Хўп бўлади, фюрерум. Биз умумий режанинг тайёрлаймиз ва, ягар сиз уни маъқуллассангиз, барча деталларини ишлаб чиқишга кирншамиз.

Гитлернинг божаси, СС обергруппенфюрери Фегеляйн Гиммлер ставкасига келиб, унга бункерда бўлиб ўтган сўнгги кенгаш ҳақида ахборот берди.

— Фюрер,— деди ў,— масалани ҳар қандай сиёсий йўл билан ҳал этилишини рад этмоқда.

— Унинг режасига ҳарбийлар қандай муносабатда бўлдилар?— деб сўради Гиммлер.

— Киноя билан. Шуниси ажабланарлики, уруш оқибати сиёсий йўлдан бошқа ҳеч қандай йўл билан ҳал

этилиши мумкин эмаслигига ҳарбийлар чуқур ишонмоқдалар.

— Сўзсиз таслимми? — сўради Гиммлер хаёл сурниб. — Урушиб ҷарчанибдими?

— Нега албатта таслим бўларкан? Музокаралар-чи?..

Штирлиц соат еттида, қош қораяётган пайтда қайтди. У бу фаслни жуда севарди: қор деярли йўқ, аzonлаб қарағайлар учига қуёш нури тушади. Назарида аллақачон ёз келгандек туюлади, қаны энди шуҳдай бўлса-ю, Могельзеега жўнаб, кун бўйи балиқ овласанг ёки мазакилиб тебранувчи креслода уйқуни олсанг.

Бу ерда, Потсдамдан унча узоқ бўлмаган Бабельсбергда, ўзининг мўъжазгина коттежида якка ўзи турагарди; унинг хизматчиси бир ҳафта олдин Тюрингияга, тоққа, жияниникига жўнаб кетган эди. Аёл кетма-кет бомбардимонга бардош бера олмади, асаби чидамади.

Ҳозир унинг «Овчи» қовоқхонаси хўжайнининг қизи йифиштириб турагарди. У жуда ёш, зеҳни ва чиройли қиз эди. «Саксониялик бўлса керак,— ўйларди Штирлиц, қизнинг меҳмонхонада катта пилесос билан гилам тозалашини кузатиб турар экан,— соchlари қопқора, кўзлари мовий. Тўғри, талаффузи берлинча, лекин, бари бир, Саксониядан бўлса керак».

Штирлиц ўзининг эски соатига назар ташлаб, ўзича ўйлади: «Алмаштириш пайти келибди. Агар бу, «ланжин» соатим ё тез юрса, ё орқада қолса бошқа гап эди, унга мослашиб олардим. Лекин бу гоҳ орқада қолади, гоҳ олдинга ўтиб кетади. Шу ҳам соат бўлди-ю».

— Соат неча бўлди? — сўради Штирлиц.

— Еттига яқинлашди...

Штирлиц кулиб қўйди: «Бахтли қиз экансан... «Еттига яқинлашди» дейди-я. Вақтнинг оқибати нимага олиб келишидан қўрқмай, ундаи бемалол фойдаланадиган кишилар ер юзида энг бахтли кишилар бўлса керзк... Аммо бу қиз берлинча талаффузда гаплашар экан, буниси аниқ. Ҳатто Мекленбург талаффузидан ҳам нималардир бор...»

Келиб тўхтаган автомобиль овозини эшитниб.

— Қизалоқ, бир қарачи, ким келди экан? — деди Штирлиц.

Штирлиц эшик очилганини эшитди, кейин қизча у

камин ёнидаги креслода ўтирган чоғроққина хона эшигидан мўралаб:

— Полициядан бир жапоб келибди,— деди.

Штириц ўринидан турди, сүякларини шиқирлатиб кернинди, сўнгра даҳлиздан ўтди. У ерда катта сават кўтарган СС унтершарфюорери туради.

— Жаноби штандартенфюерер, шофферингиз бетоб бўлиб қолди, озиқ-овқатларни унинг ўрнига мен олиб келдим...

— Раҳмат,— жавоб берди Штириц.— Холодильникка қўйинг. Қизча ёрдамлашиб юборади.

Ў унтершарфюорерни кузатиб чиқмади. Кабинетга қизча аста кириб, эшник ёнида турганича оҳистагина:

— Агар герр Штириц истасалар, мен тунаб қолишим ҳам мумкнин,— деди.

«Қизча шунча озиқ-овқатни биринчи марта кўрган бўлса керак,— пайқаб олди у,— бечора қиз».

У кўзини очди, яна керишиб, жавоб қилди:

— Керак эмас... Колбаса билан пишлоқнинг ярмини шусиз ҳам олиб кетаверишинг мумкин.

— Йўғ-э, герр Штириц,— деди у,— мен овқат учун эмас...

— Мени севиб қолдингми, мени-я? Севаман дегин? Еки оппоқ соchlарим тушнингга кирадими?

— Сочи оқарган эркакларни яхши кўрамаш...

— Майли, қизалоқ, оқ соч ҳақида кейинроқ сұҳбатлашармиз... Турмушга чиққанингдан сўнг... Ислами нима?

— Мари... Айтган эдим-ку... Мари...

— Ҳа-я, айтган эдинг, тўғри. Кечир мени, Мари. Мария Магдалина. Жажжи Мариларнинг ҳаммаси ҳам гуноҳга ботадиган бўладими дейман-а? Йўлини қилмай, колбасани олавер. Ёшинг нечада?

— Ўн тўққизда.

— Э, кап-катта қиёз бўлиб қолибсан. Саксониядан келганингга анча бўлдими?

— Анча. Ота-онам билан кўчиб келганимиз.

— Борақол, Мари, бор, дамингни ол. Яна бомбардимон бошланиб қолмасин, кетишда қўрқиб юрма, мен ҳам ҳавотир олиб ўтирамай.

Қизча кетди. Штириц ёруғлик ўтказмайдиган дераза пардаларини ёпди-да, стол лампасини ёқди. Энгашиб

каминга қараса, ўтиң ўзи ёқтирганидай қудук шаклида тахланиб қўйилган экан, қалин кўк товоқчада эса қайнин пўстлоги ҳам бор эди.

«Мен унга бу ҳақда гапирмаган эдим... Йўқ, айтган эканман. Шунчаки... Қизча эслик экан,— ўйлади у, пўстлоқни ёқар экан,— биэ ёшлар ҳақида худди кекса ўқитувчилар каби ўйлайдиган бўлиб қолганмиз, четдан қараганда бу хийла кулгилиши бўлса керак. Мен бўлсам ўзимни чол деб ҳисоблашга ўрганиб қолганмаи; ҳар ҳолда, қирқ тўкқиз ёш...»

Штирлиц қоқ-қуруқ қайнин ўтиң ловиллаб ёнгунича кутиб турди-да, кейин приёмник ёнига келиб, уни буради. Москва овози: қадимий романслар ижро этилмоқда. Штирлиц бир вақтлар Герингнинг ўз штабидагиларга: «Душман радиосини тинглаш ватанпарварлик эмас, албатта, аммо мен баъзан биэ ҳақимнэда қандай сафсалалар сотнишаётган экан, деб тинглагим ҳам келиб колади», деганини эслади. Герингнинг фаҳмисиз ва қўрқоқ одам эканлигини Штирлиц ўшандаёқ сезган эди: унинг душман радиосини эшитишини Мюллер ёллаган хизматкори ва шофёри етказиб турарди. Агар «нацист № 2» шу йўснинда ўзини оқламоқчи экан, бу унинг қўрқоқлигни ва эртанги куннга бутунлай ишончи йўқлигини кўрсатарди, холос. У аксанча қилиши керак эди, ўйларди Штирлиц, душман радиосини тинглаётганини яширмаслиги лозим эди. Душман берган эшиittiришларга ўзига хос изоҳ бериб, унинг устидан кулиб ҳазил-мазах қилиб юрса бас эди. Бу нарса тафаккури саёз Гиммлерга таъсир қилиши мумкин эди.

Романс оҳиста Фортепиано садолари билан тугади. Москва дикторининг — афтидан, немис бўлса керак,— узоқдан эшитилаётган овози жума ва чорсанба кунлари бериладиган эшиittiришлар тўлқинларини бера бошлади. Штирлинц рақамларни ёза бошлади: бу — унга берилаётган шифровка эди. Олти кундан бери кутаётган эди буни. У рақамларни бир текисда устун қилиб ёза бошлади. Рақамлар кўп эди, шунинг учун ҳам диктор, уларни ёзиб олишга улгура олмас, деб яна бир бор такрорлади.

Кейин яна оромбахш рус романслари янграй бошлади.

Штирлиц китоб жавонидан Монтень асаридан бир жилдини олиб, рақамларни сўзга кўчирди ҳамда буюк

ва мўътадил француз мутафаккирининг доно фикрлари битилган асарлари орасига яширилган кодга солиштириди.

Олинган радиограмманинг маъносини чақиб бўлгач, у рақамлар ва сўзлар ёэилган қофозни ёндириб, кулини камидаги кулга аралаштириб юборди-да, яна озигина конъяк ичди.

«Улар мени ким деб ҳисоблашяпти ўзи? — ўйланниб қолди у. — Доҳий ёки ҳамма нарсага қодир илоҳий одам дебми? Буни ақл бовар қилмайди... Мен бундай алоқалар борлигига ишонмайман...»

Штирлицнинг бундай деб ўйлашига асос бор эди, чунки Москва радиоси орқали берилган топшириқда шундай дейилган эди:

«Алекс — Юстасга.

Биздаги маълумотларга қараганда Швеция ва Швейцарияда СД хавфсизлиги хизмати ва ССнинг олий офицерлари пайдо бўлиб, улар иттифоқчилар резидентлари билан алоқа боғлаш ўйларини топишга уринганлар. Хусусан Бернда СД одамлари Аллен Даллес ҳодимлари билан алоқа боғламоқчи бўлганлар. Сиз алоқа боғлашга қаратилган бундай уринишлар: 1) қалбаки информациями, 2) СД олий офицерларининг шахсий ташаббусими, 3) марказ топшириғи билан бажарилаётган ишми — ана шуларни аниқлашингиз зарур.

Агар СД ва ССнинг шу ҳодимлари Берлин топширигини бажараётган бўлсалар, уларни топшириқ билан ким жўнатганлигини аниқланг. Аниқроғи: рейхнинг олий раҳбарларидан қайси бири Гарб билан алоқа боғлашини истаётганлигини аниқлаш зарур.

Алекс.

Юстас укинг ўзи, штандартенфюрер Штирлиц бўлиб, у Москвада полковник Максим Максимович Исаев сифатида фақат уч олий раҳбаргагина маълум эди...

...Бу шифровка Штирлицнинг қўлига тсгишидан олти кун бурун, Сталин совет разведкачиларидан олинган сўнгги маълумотлар билан танишиб, Яқин боғига разведка бошлигини чақириб, унга бундай деган эди:

— Фақат чала завод сиёсатчиларгиңа Германияни узил-кесил күчсиэланган ва шу сабабли хавфли эмас деб ҳисоблашлари мумкин... Германия бамисоли охири-гача қисиб қўйилган пружинадирки, уни икки томондан-гина катта куч сарфлаб синдириш мумкин. Акс ҳолда, бу пружина бир томондан қисилаверса, у тўғриланиб, иккинчи томонга зарба бериши мумкип. Ва бу жуда кучли зарба бўлади, биринчидан, шунинг учунки, гитлерчилар фанатизми илгаригидек жуда кучли, иккинчидан, Германиянинг ҳарбий куч-қудрати ҳали тугаганича йўқ. Шунинг учун фашистларнинг Farbdagi совет душманлари билан битим тузишга қаратилган ҳар қандай уринишларига сиз бирипчи галдаги вазифа деб қарашингиз зарур. Табиийки,— давом эттириди Сталин,— юз бериши мумкин бўлган бундай сепарат музокараларда асосий шахслар Гитлернинг партия аппаратида ҳам, ҳалқ орасида ҳам обрў-эътиборга эга энг яқин сафдошлиари бўлиши мумкинлигини ҳисобга олиб қўйинг. Худди шуларни, яъни ушинг яқин сафдошларини доимо кўздан қочирманг. Шубҳасиз, жар тепасида осилиб қолган золимнинг яқин сафдешлари ўз ҳаётларини сақлаб қолиши учун унга хоинлик қила бошлайдилар. Бу ҳар қандай сиёсий ўйин жабҳасидаги аксиомадир. Агар юз бериши мумкин бўлган ана шу процессларни илғамай қолсангиз — унда ўзингиздан кўринг.

Қаердадир узоқ жойда ҳаво ҳужуми тревогаси сиреналари увиллаб, кетма-кет зенит тўплари тилга кирди. Электр станцияси чироқларни ўчирди, Штирлиц эса камин олдида узоқ вақт қорамтири-қизғиши ўтиналарни кўм-кўк олов чирмаб олаётганини томоша қилиб ўтириди.

«Агар тутун йўлини бекитиб қўйсам,— хаёл суро бўшлади Штирлиц,— уч соатдан кейин ухлаб қоламан. Ўтирган жойимда қотаман-қоламан... Бир вақтлар Яки-манкада бувим билан менга ис тегишига оз қолган эди. Ўшандай бувим худди шундай қорамтири-қизғиши ўтиналарни кўм-кўк олов ямлаб турган пайтда, вақтидан бурун печка эшикчасини ёпиб қўйған эканлар. Биз заҳарланган газнинг тузи ҳам, ҳиди ҳам, йўқ эди... Мепимчча...»

Штирлиц каминдаги чалалар қоп-қорайгунча кутиб турди, сўнгра тутун йўлини бекитиб қўйди-да, шампань

виноси шишаси учига ўрнатилган шамни ёқди ва шам эриб шиша сиртида ҳосил бўлган антиқа шаклини кўриб ғоятда таажжубланди. У жуда кўп шам ёқдан эди, шиншанинг асл шаклидан эса ҳеч нима қолмаган, қадимги кўзачаларни эслатарди, фақат тузи оқимтири-қизгиш эди. Штирлиц Испанияга борган дўстларидан ўзи учун рангли шамлар олиб келишларини илтимос қиласарди; кейин эса ажойиб шаклдаги бундай мум кўзачаларни танишибилишларига совға қиласарди.

Яқингина жойдан икки марта кетма-кет портозаш овози эшитилди.

«Фугас бомбалари,— деб қўйди у.— Жуда катта фугаскалар. Боплаб ташлашяпти. Ҳа, қойил қилишяпти. Урушнипг сўнгги кунларида бомба тагида қолиш алам қиласди, албатта. Унда ўзимизниклар изимни ҳам тошишолмайди. Дом-дараксиз ҳалок бўлишдан ёмон шарса йўқ. Сашенька,— у хотинининг чеҳрасини кўз олдига келтириди.— Жажжи Сашенькам ва катта Сашенькам... Энди ҳалок бўлиш ярамайди. Энди қандай бўлмасин омон қолиш йўлини тутиш керак. Елгиз ўзинг бўлсанг, осон, унда ҳалок бўлишдан ҳам унча қўрқмайсан киши. Ўғлини билай дийдор кўришгандан сўнг ҳалок бўлиш эса — даҳшат. Севгани қон-қарнидошлари қўлида тинчгина жон берди. деб романларда ёзганлар тентак кишилардир. Ўз бола-чақалариниң қўлида ўлиш, уларни сўнгги марта кўриш, уларниң яқинлигини сезиш ва шу ҳол сўнгги марта юз бераётганилигини, бундан кейиниги ҳолат қоп-қоронги дунё ва кариндош-уруглар доғи-ҳасратда қолишини тушуниб туришдан даҳшатлироқ нарса бўлмаса керак...»

Бир вақтлар Штирлиц Унтер деи Линденга, совет элхихонасидаги қабул маросимига Шеллеңберг билан бирга борган эди. Ушанда у ёш совет дипломати билай сиёсий разведка шефи ўртасидаги инсоннинг тумор, афсун, нишон ҳақидаги, элхихона секретарининг айтишича, бошқа «ваҳшиёна бемаъни одатларга» ишониш ҳуқуқи тўғрисидаги баҳсларига одатдагидай қовогини ўйиб қулоқ солиб турган эди. Бу хушчақчақ баҳсада Шеллеңберг одатдагича ўзини одобли сақлар, ўз гапини исбот этар ва баъзан ён босиб ҳам қўярди. Унинг рус йигитини баҳсга тортаётганинг кўриб, Штирлиц ичидагачиқланди.

«Чироқ ёқиб душманни кузатмоқда,— ўйларди у.—

Иисон характери баҳс пайтида жуда яхши билинади, бунга эса Шелленбергдек уста одам йўқ, албатта».

— Агар бу дунёдаги ҳамма нарса сизга тушунарли бўлса,— давом этарди Шелленберг,— унда сиз, табиийки, иисоннинг туморга ишончини рад қила олишга ҳақ-қингиз бор, албатта. Аммо ҳамма нарсанинг ҳам тагига ета олганмисиз? Мен мафкурани эмас, физика, химия, математикани назарда тутяпман...

— Физик ва математиклардан қайси бири,— ҳаяжон билан гапиради элчихона секретари,— бўйнига тумор осиб ишга киришган экан? Бундайини топа олмайсиз.

«Гапки савол билан тугатиши керак эди,— деб қўйди Штирлиц ичида,— у эса ўзини тута олмай ўз саволнига ўзи жавоб қайтарди. Баҳслашувда савол бериш муҳим нарса: шунда рақиб кўзга ташланиб туради, буннинг устига савол беришда жавоб қилиш мураккаброқ иш...»

— Балки физик ёки математик тумор тақар-у, лекин буни ҳеч кимга билдирамас?— сўради Шелленберг.— Ёки бундай имкониятни рад этасизми?

— Имкониятни рад этиш гўллик бўлади. Имконият категорияси истиқбол маъносига генгdir.

«Яхши жавоб берди,— хаёлидан ўтказди Штирлиц.— Аммо сал усталик қилиши керак эди... Масалан, «Сиз бунга қўшилмайсизми?»— деб сўраши керак эди. У буни сўрамади ва яна ўзини зарба остига қўйди».

— Балки туморни ҳам мавҳум имконият категорияси га киритишимиз керакдир? Ёки сиз бунга қаршимиз?

Штирлиц ёрдамга келди.

— Немислар вакили баҳслашувда ғолиб чиқди,— ҳулоса қилди у,— аммо адолат юзасидан тан олиш керакки, Германиянинг ажойиб саволлариiga Россия ҳам тоят яхши жавоб қайтариб турди. Биз мавзуни тугатдик, аммо агар руслар вакили ташаббусни ўз қўлнига олиб, саволлар билан ҳамлага ўтганда бизнинг аҳволимиз қандай бўлишини худо биларди...

«Ука, тушундингми?»— Штирлицнинг кўзларида худди шу савол чақнаб туарди ва рус дипломатининг бир зум тикилиб қолганидан Штирлиц берган сабоги тушупарли бўлганлигини пайқади...

«Укажон, хафа бўлма,— ўйларди у, узоқлашаётган йигитга назар ташлар экан,— бу сабоқни бошқалардан

кўра ўзим берганим яхшироқ бўлди... Аммо тумор юза-
сидан сен ноҳақсан... Менинг аҳволим мушкуллашганда
ва мен очиқдан-очиқ қалтис йўл тута бошлаганимда
(менинг ҳар бир ҳаракатим эса ўлимга олиб кетниши
мумкин) Сашеньканинг бир тутам сочи сақланган ту-
морни — медальонни бўйнимга осиб оламан... Аввалги
медальонни ташлаб юбориб (чунки унинг русларники
еканлиги яққол кўриниб турарди), оғир, нақшли немис
медальонини сотиб олишга тўғри келди — Сашеньканинг
олтин ранг соchlари доим кўксимда, у менинг туморим-
дир...»

Иигирма уч йил муқаддам Дзержинскийнинг топши-
риги билан оқ эмигрантларга қўшилиб аввал Шанхайга,
сўнгра Парижга жўнаётган пайтида, Владивостокда
Сашенькани сўнгги марта кўрган эди. Ана ўша шамол-
ли, даҳшатли, узоқ кундан бери унинг образипи доим
дилида сақлаб келди; бу образ унинг бир қисмига ай-
ланиб, бутун вужудига сингиб кетган эди...

У Krakовда ярим кечада ўғли билан тасодифан уч-
рашиб қолганини эслади. У «Гришанчиков»нинг ўз хузу-
рига — меҳмонхонага келгани, радиони баланд қўйиб
ўғли билан пичирлашиб гаплашганлари, тақдир тақо-
зоси билан унинг йўлидаи кетган ўғли билан хайрлашув
қанчалик азоб бўлгани ёдига тушди. Ўғлининг ҳозир
Прагада эканлигини ва майор Вихрь икковлари Krak-
овни портлашдан қандай сақлаб қолган бўлсалар, ўғ-
ли ҳам, Прагани ўшандай сақлаб қолиши кераклигини
биларди у. Ҳозир унинг иши қанчалик мураккаб экан-
лигини билар, айни вақтда ўғли билан кўришишга қара-
тилган ҳар қандай урниш — Берлин билан Праганинг
ораси олти соатлик йўл эди, холос,— унинг учун ғоятда
хавфли эканлигини ҳам тушунарди...

Штирлиц ўрнидаи туриб, шамни олди ва стол ёнига
келди. У бир теча варақ қофоз олиб, пасъянсда қарта ёз-
гандек ёйиб қўйди. Варақлардан бирига қалам билан
семиз, новча кишининг расмини чизиб, тагига — Геринг
деб ёзиб қўймоқчи бўлди-ю, аммо ёзмади. Иккинчи вар-
аққа Геббелъс қиёфасини, учинчисига чандиги бор,
иродали бир кишининг юзини чизди. Бу Борман эди. Бир
оз ўйлаб, тўртинчиси остига — «СС рейхсфюрери» деб
ёзиб қўйди. Бу унинг шефи Генрих Гиммлернинг лаво-
зими эди.

Штирлиц учта қофозни четга суриб қўйиб, Геринг

расми солингани варақни яқинроқ тортди-да, фақат ўзингагина тушунарли бўлган доирава ва квадратлар чиза бошлади, уларни дам иккита йўғон, дам битта ингичка, дам кўринар-кўринмас пункттир чизиқлар билан бирлаштира бошлади.

...Муҳим воқеалар жараёнига тушиб қолган разведкачи худди актер каби гоят эмоционал, ҳатто ҳирслли кинши бўлиши керак; аммо бундай эмоционал ҳиссиётлар мустаҳкам ва равшан мантиқий сувуққонлик пардасига чулғанган бўлиши керак.

Штирлиц камдан-кам ҳолатларда кечалари ўзининг Исаев эканлигини ҳис қилганида шундай мулоҳаза юритар эди. Ҳақиқий разведкачи бўлиш деган нарсанинг ўзи нима? Ахбороту маълумотлар йиғиб, объектив маълумотларни қайта ишлаб, сиёсий холоса чиқариш ҳамда қарор қабул қилиш учун марказга жўнатишми? Еки фақат шахсий холосангни чиқариш, ўз мўлжалларингни белгилаш, тахминларингни таклиф этишми? Айнан ўзинг, келажакда нималарни кутишинг мумкинлигини аниқ била туриб, сен ўзинг, Максим Исаев, ана шу келажакка таъсир этишга ҳақлинимисан? Разведканинг балоси шундаки, деб ҳисобларди Исаев, кундалик маълумотларнинг ҳаддан ташқари кўп бўлиши истиқболни кўрсатмай қўймоқда, уни яширмоқда, қандай ҳақиқат бўлмасин — даҳшатлими ёки қувончлими, бари бир — шу ҳақиқат таҳлили оқибатини объектив эмас, балки субъектив қилиб қўяди. Разведкага сиёсатни плашаштириш рухсат этилган тақдирда эса, тавсиялар кўп, маълумотлар эса кам бўлади, деб ҳисобларди Исаев. У. мен разведкачиман, шунинг учун ҳам фоятда объектив бўлишим керак, деган фикрдэ эди. Агар разведка оддиндан аниқлаб қўйилган сиёсий йўлга бутунлай тобе бўлиб қолса иш пачава бўлади: Совет Иттифоқи заниф деган ишонч ҳосил қилиб, ҳарбийларнинг эҳтиёткорлик билан «Россия унчалик заниф эмас» деган фикрига қулоқ солмаган Гитлерининг аҳволи ана шундай бўлди. Разведка сиёсатни ўзига бўйсундирмоқчи бўлиб уринса ҳам иш пачавалашади. Разведкачи воқеаларнинг муҳим ривожини истиқболни ҳисобга олган ҳолда кўра билса ва сиёсатчилар ихтиёрига ўз нуқтан назаридан мумкин бўлган, мақсадга энг мувофиқ қарорларни бера билса унинг иши мақтовга сазовор бўла олади.

Разведкачи, деб ҳисобларди Исаев, ўз мўлжаллари

тўғри эканлигига шубҳалашшига ҳаққи бор, аммо унинг бир парсага — воқеликни объектив тарэда тадқиқ этишдан четлашишга ҳаққи йўқ.

Утган йиллар мобайнида йигиб олган материаллари иш сўнгги марта анализ қилишга киришар экан, Штирлиц шу сабабли «ҳа» ва «йўқ» деган жавобларини аниқлаб олишга мажбур эди, чунки бу нарса миллион-миллион кишиларнинг тақдирни ҳақидаги масала бўлиб, шуни таҳлил қилишда хатога йўл қўйиши аслол мумкин эмас эди.

...Гитлернинг вориси —«наци № 2»— Герингга биринчи марта Штирлиц 1942 йилнинг апрелида, Американинг саккиз юзта «учувчи истеҳкомлари» Киль шаҳрини бомбардимон қилгандан кейин, диққат билан назар сола бошлаган эди. Шаҳар ёндирилиб, вайрои этилганди. Геринг, ҳужумда уч юзта самолёт қатнашди, деб хабар қилган эди фюрерга. Бир сутка давомида сочлари оқариб кетган Килиниг гаулейтери Грехе: ҳужумда саккиз юзта «учувчи истеҳкомлар» иштирок қилган эди, люфтваффе эса шаҳарни қутқариб қолиш учун ҳеч нарса қила олмай, ожизлик қилди, деб асосли тарэда Герингни рад этди.

Гитлер Герингга индамай қараб турарди, фақат ижирғангандай афти бўришиб кетди, чап қўли эса жой топа олмай, тимирскиланарди — гўё фюрер тапасига тошган қўтирини қашиётгашга ўхшарди ҳадеб. Кейин жазаваси қўзиб кетди.

— Германия шаҳарларига биронта душман бомбаси тушмайди эмиш?! — Герингга қарамай, асабийлик ва алам билан гапира бошлади у. — Миллатга бу гапларни ким айтган эди? Ким партиямизни шунга ишонтирган эди?! Мен қарта ўйинлари ҳақида китобларда ўқиганиман — уйдирма шима эканлигини тушунаман! Аммо Германия гардкам деб қарта ташланадиган қиморхона столидаги кўк мовут эмас! — Гитлер Герингга бир ўқрайиб қўйиб, сўзини давом эттириди: — Сиз фаровошлик ва зеби-зийнат ботқогига ботиб қолибсиз, Геринг! Сиз уруш йилларида худди император ёки ҳокими мутлақ яҳудий бойи каби ҳаёт кечиряпсиз! Душман самолётлари миллатни тўпга тутаётган бир пайтда сиз ўқ-ёй билан кийик овлаб юрибсиз. Доҳийнинг бурчи — миллатни улуғлаш! Доҳий вазифаси — ваъдага вафо қилишдир!

Кейинчалик маълум бўлнишича, Геринг Гитлернинг

алла шу гапларини эшитиб уйига қайтган ва иситмаси күтарилиб, қаттиқ асаб касалига дучор бўлиб ётиб қолган. У бомбардимон қилингани шаҳарларга бориб турар, у ерда халқ билан учрашар, жабрланганиларга тезлик билан ёрдам кўрсатишни талаб қилар, шаҳарларнинг ҳаво мудофаасини қайтадан ташкил этар ва шулардан кейин иситмаси күтарилиб ўришга ётиб оларди: қон босими ошиб кетар, бармоқларни музлар, чаккаси ёрилиб кетаётгандек бўлар, пешанаси чидай олмас даражада оғирдиди. Гиммлер, Герингнинг обрўсига путур етказувчи материаллар тўплашниятида — балки найранг ишлататеётгандир — врачлар хулосасини олиб келишларини сўради. Бироқ медицина текширувлари Герингнинг қон босими чиндан ҳам кескин күтарилиб кетганлигидан дарак берарди.

Шундай қилиб, Гитлернинг расмий вориси Геринг 1942 йили биринчи маротаба иззат-нафсига тегадиган даражада танқид қилинганди, бунинг устига бу воқеа фюрер аппаратидагиларнинг кўёз олдида юз берган эди. Бу воқеадан Гиммлер дарҳол фойдаланди ва эртасига ёқ СС рейхсфюери, Гитлердан рухсат сўраб ўтирмасданоқ, «фюрернинг энг яқин сафдошининг» телефонда сўзлашган гапларини тинглаб боришини буюрди.

Гиммлер биринчи марта, албатта фюрернинг рухсатини олгач, рейхсмаршалнинг укаси билан бўлган воқеадан сўнг, бир ҳафта давомида Герингнинг телефон орқали гаплашган гапларини тиинглаб туришни буюрган эди. Геринг ўз укасини Венадан Прагага —«Шкода» заводларининг экспорт бўйича раҳбари вазифасига ўтиказгандан сўнг, ранжитилганиларнинг ҳимоячиси сифатида ном чиқарган Альберт акасининг бланкасига Маутхаузен лагернинг комендантига: «Айбини жиддий исботловчи далиллар бўлмаганилиги туфайли профессор Кишин дарҳол озод қилинг», деб ёзиб юборган эди. Хат остида исми қўйилмаган «Геринг» имзоси турарди. Ути ёрилиб кетаётгандан концлагерь коменданти бир йўла Киш фамилияли икки кишини озод қилиб юборган: кейин маълум бўлишича улардан бири — профессор, иккичиси — яширин ташкилотчи экан. Геринг укасини қутқариш учун катта меҳнат сарфлади: бу воқеани у Гитлерга қизиқ латифага ўхшатиб гапириб бериб, укасини зарбадан сақлаб қолди. Шундан сўнг Гиммлер дарҳол ўзиши четга олди ва Гитлер бу ҳақда қанчалик ҳазил

қылган бўлса, у ҳам бу воқеани шунчалик ҳазилга айлантириб ҳикоя қилиб юрди.

Бироқ шу воқеадан кейин ҳам Гитлер Борманга қайта-қайта таъкидларди:

— Герингдан бошқа ҳеч ким менинг ворисим бўлмайди. Чунки, биринчидан, у ҳеч вақт ўзича сиёсат юритмаган, иккинчидан, унинг халқ орасида обрўси бор, учинчидан, душман матбуотидаги карикатуралар учун асосий нишондир.

Гитлер бу гапларни бутун амалий фаолиятини ҳокимиятни қўлга олишга қаратган киши, бегоналарга эмас (диктофонларга ҳам эмас, чунки у ўша пайтларда «курашдош биродарлари» унинг гапларини яширин равишда тинглашлари мумкинлигига ишонмас эди), балки кечаси ўринда ётганида ўз хотинига: «Мен яшаётганим йўқ, балки менинг жисмимда фюрер яшамоқда...»— деган киши ҳақида айтган эди.

Биринчи жаҳон урушининг жасур учувчиси, кайзер Германиясининг қаҳрамони нацистларнинг биринчи бош кўтариб чиқиши меваффақиятсиз тугагач Швецияга қочган эди. У ерда граждан авиациясида учувчи бўлиб ишлай бошлади ва бир куни князь Розенни самолётда олиб кетаётганида қаттиқ бўронга дуч келиб, ўз самолётини мўъжиза билан Роклштадт қасрига қўндира олган эди. У ерда полковник фон Фокнинг қизи Карина Фон Катцов билан танишди, уни эридан айнитди, сўнгра Германияга жўнаб, у ерда фюрер билан учрашди. 1923 йил 9 ноябрда бўлиб ўтган национал-социалистлар намойишида қатнашиб, яраланди, қамоқقا тушнишдан бир амаллаб қутулиб, Инсбрукка жўнаб кетди, у ерда Карина кутарди уни. Уларнинг пули йўқ эди, лекин отель хўжайини уларни бепул боқиб турди: у ҳам Геринг каби национал-социалист бўлиб, Инсбрукдаги отелларнинг етмиш процентини қўлга оливолган яхудийлардан жабр тортмоқда эди. Кейинчалик Герингни хотини билан Венециядаги «Британия» отелининг хўжайини таклиф қилди ва эр-хотин у ерда 1927 йилгacha, Германияда афв умумий эълон қилинган кунгача яшадилар. Ярим йил ўтмасданоқ у бошқа ўн бир нацист қаторида рейхстаг депутати бўлиб олди. Гитлер рейхстаг депутатлигига номзодини қўя олмасди, чунки у австриялик эди.

Яшги сайловларга тайёргарлик кўриш керак эди. Фюнер қарори билан Геринг партия ишидан кетди ва фагат рейхстаг аъзоси бўлиб қолди. Унинг вазифаси дунёдаги энг кучли одамлар билан алоқа ўрнатишдан иборат эди — ҳокимиятни қўлга олмоқчи бўлган партия кенг алоқа доирасига эга бўлмоғи лозим. Партия қарори билан у Баденштрасседаги ҳашаматли уйлардан бирини ижарага олди: у ерга, унинг ҳузурига шаҳзода Гогенцоллер, шаҳзода Кобург, турли магнатлар келиб турдилар. Уйнинг файзи Карина эди: истараси иссиқ, оқсуяк аёл, швециялик амалдорнинг қизи, уруш қаҳрамони, мусофир, жангчи, большевистик ваҳшайликларга бардош бера олмаётган ғарбдаги қутурган демократиянинг ашаддий душмани бўлган Герингнинг хотини сифатида Карина ҳаммага ёкарди.

Ҳар гал, қабул маросими олдидан эрта билан уйга национал-социалистлар Берлин ташкилотининг партайлайтери Геббелльс келарди. У партия билан Геринг ўртасида алоқачи эди. Геббелльс рояль чаларди, Геринг, Карина ва унинг биринчи эридан қолган ўғли Томас халқ қўшиқларини айтишарди: рехстагдаги нацистлар лидерининг уйнда ўта бачкана америка ёки француз жази ижро этадиган машқларни ёмон кўрардилар.

Худди шу ерга, партия ҳисобидан ижарага олинига уйга 1931 йилнинг 5 январида Гитлер, Шахт ва Тиссен кириб келдилар. Худди шу ҳашаматли уй молия ва саноат корчалонларининг национал-социалистлар лидери Гитлер билан тил биректиришларининг гувоҳи бўлди.

Кўп ўтмай Гитлер муваффақиятга эришди. Карина Швецияга учиб кетди ва у ерда тутқаноқ касалига мубтало бўлиб вафот этди. Ҳар қандай шароитда ҳам Герман фюрернинг содиқ хизматкори бўлиб қолсин, унинг сўнгги истаги-васияти шундай эди.

Рем бошлиқ фитнадан сўнг, фюрер капитал билан иттифоқ тузиб ғояга хоинлик қилди, деб ҳисоблаган партия ветеранлари унга нисбатан оппозицияга ўтиб олганида, партияшнинг қуи органлари ва қуи доираларида:

— Герингнинг Германлиги қолмапти, у президент бўлиб қолибди... У партиядош ўртоқларини қабул қилмай қўйибди, идорасида уларни менсимай куттириб қўяётган эмиш... У зеб-зийнатга ботиб кетибди... — деган гаплар тарқала бошлади.

Аввал бу ҳақда фақат партияниң оддий аъзолари яширишча гап тарқатиб юрдилар. Аммо Геринг 1936 йилда Берлин яқинидаги Каринхале қасрини қуриб бўлгач, унинг устидан оддий национал-социалистлар эмас, балки бошлиқлар -- Лей ва Заукель шикоят қилдилар. Геббелльс эса Геринг Берлиндаги ижарага олинган уйдаёқ айний бошлаган, деб ҳисобларди.

— Зеб-эйнат ботқогига ботиб кетмоқда,— дерди у,— Герингга ёрдам бериш керак, чунки у биз учун жуда қимматли одам.

Гитлер Каринхалега борди, ўша қасрни кўздан кечириб, бундай деди:

— Герингни тиич қўйишлар... Ахир Farb дипломатларини қандай шаронитда қабул этишни унинг ўзи билади... Каринхале чет эллик меҳмонлар қабул қилинадиган жой бўла қолсин! Қўяверишлар! Германнинг бунга ҳадди сигади. Каринхале халқ мулки-ю, Герман у ерда яшайди, деб ҳисеблай қоламиш...

Чехословакия элчиси Местнийнинг қўлга туширилган хабарига қараганда, Геринг бу қасрда бутун вақтини энг яхши кўрган авторлари — Жюль Верн, Карл Мэй китобларини қайта-қайта ўқиши билан ўтказар экан. Шу ерда у ўргатилган кийикларни овлар, кечқурунлари эса аллақанча вақт кинозалда ўтирад: бир йўла бешталаб саргузашт фильмларни томоша киларди. Сеанс пайтида меҳмонларини типчлантириб.

— Ташвишланмаглар, охири яхши тугайди,— деб қўйяр эди у.

Штирлиц Герингниң семиз жасади чизилган расмни бир четга қўйиб, Геббелльс қиёфаси ишланган қогозни олдига сурди. Рейх киностудияси жойлашган ва ҳамма актисалар яшайдиган Бабельсбергдаги ишратлари учун унга «Бабельсберг буқачаси» деган лақаб қўйган эдилар. Унинг устидан тўпланган маълумотларда Геббелльс чех актисаси Ліда Бааровага айланишиб юрган пайтларда фрау Геббелльс билан Геринг ўртасида бўлиб ўтгани сухбат ёзиг қўйилган эди. Ушанда Геринг унинг хотинига қуйидагиларни айтганди:

— Хотинларни деб пешанаси ёрилади. Шармандалик бу. Бизнинг ғоямиз учун жавобгар бўлган одам, тасодифий алоқалар билан ўзини шарманда қилиб юрса-я!

Фюрер фрау Геббельсга ажралишни тавсия қилган эди.

— Мен сизнинг тарафнингизда бўламап,— деган эди у,— токи ўзини юксак ахлоқли ва оила олдиндаги муқаддас бурчими беғараз адо эта биладиган ҳақиқий национал-социалистдек тута олмагунича эрингиз билан шахсан учрашишдан воз кечаман...

Ҳозир эса бу гаплар унтутилиб кетган эди — шу йил январь ойида Гитлер Геббельснинг туғилган кунида келди. У фрау Геббельсга кичкинагина гулдаста тақдим қиласка, бундай деди:

— Кечикканим учун афв этишингизни сўрайман, чунки, гул топаман деб бутун Берлинни айланаб чиқдим — Берлин гаулейтери партайгепоссе Геббельс барча гул дўконларини беркитиб қўйибди: тотал уруш пайтида гул керак эмасмиш...

Қирқ минутдан кейин Гитлер жўнаб кетгач, Магда Геббельс:

— Герингларникига фюрер ҳеч вақт бормасди...— деди.

Берлин вайронага айланган эди, минг йиллик рейх пойтактидан бир юз қирқ километр парида жанглар бораётган бир пайтда севишчи ичига сизмаган Магда Геббельс ўз ғалабаси суруридан маст эди. Эри ёнида турар, юзлари эса баҳтиёрликдан оппоқ оқариб кетганди; ҳазилакам гапми бу, олти йиллик танаффусдан сўнг фюрер унинг уйига келган эди-да, ахир...

«Бунинг энди аҳамияти йўқ,— мuloҳазасии давом эттири Штирлиц,— беҳуда хатти-ҳаракатлардан бошқа парса эмас...»

У қогозга катта доира шаклини чизиб, шошилмай униш ичини аниқ ва тўғри чизиқлар билан тўлдира бошлади. У Геббельснинг купдалик дафтarlariiga тааллуқли нарсаларни эслай бошлади. У Геббельснинг кундалик дафтarlari билан рейхсфюрер қизиқаётганлиги ва ўз вақтида бу дафтarlар билан танишиш иштиёқида кўп уриниб кўрганлигидан хабардор эди. У фақат бир неча саҳифанинг фотонусхаси билан танишишга муваффақ бўлган эди, холос. Штирлицнинг хотираси жуда зўр эди: унча диққат сарфламай, дафтardagi ёзувларни кўз ўнгига келтира бошлади:

«1943 йил, 9 декабрь. Англияда грипп эпидемияси бошланибди,— деб ёзарди Геббельс.— Ҳатто қирол бе-

тоб экан. Қани энди шу эпидемия бутун Англияни қириб юборса, аммо бу ажойиб истакнинг амалга ошиши қийин бўлса керак.

1943 йил, 2 март. Ҳамма яхудийлар Берлиндан йўқ қилингунига қадар дам олмай ишлайман, Оберзальцбергда Шпеер билан сұхбат қилиб бўлгач, Геринг ҳузурига жўнадим. Унинг подвалида 25 минг шиша шампань виноси бор экан. У яна национал-социалист эмиш! У ички кўйлакда экан. унинг рангидан кўнглим беҳузур бўлди. Нима ҳам қилиб бўлади, у қандай одам бўлмасин, кўниб юраверишга мажбурсан».

Штирлиц кулиб юборди: Гиммлернинг Геббелъс ҳақида айнан худди шу сўзларни айтгани эсига тушганди. У буни қирқ иккинчи йилда айтган эди. Геббелъс у вақтда оиласи билан катта уйда эмас, балки шаҳар чеккасида «ишлаш учун» қурилган кичкинагина коттежда туради. Коттеж кўл бўйида жойлашган бўлиб, ичкарига қамишзор томондан айланиб ўтиш мумкин эди—сув у ерда тўпиққача чиқар, СС қоровуллари пости эса четроқда жойлашган эди. Унинг ҳузурига актисалар келиб туришарди: улар электр поездидан тушиб, ўрмоқ орқали ўтиб келардилар. Геббелъс аёлларни ўз уйнга машинада олиб келишни национал-социалист шаънига тўғри келмайдиган дабдаба деб ҳисобларди. Уларни қамишордан ўзи олиб ўтарди, кейин азонда, ССчилар ухлаётган пайтда, куэатиб қўярди. Гиммлер бундан хабардор эди, албатта Ана шунда Гиммлер: «У қандай одам бўлмасин, кўниб юраверишга мажбурсан...» деган эди.

Штирлиц Геринг ва Геббелъс қиёфаси тасвирланган қоғозларни ғижимлаб, шам алансига тутиб ёқа бошлиди. Олов бармоқларини куйдирай деганда, қоғозларни каминга ташлади. Чиройли чўян косов билан кулни титиб, яна стол ёнига келди ва папирос чекди. Кейин Гиммлер ва Борман тасвирланган иккала варақни олдига суриб қўйди.

«Геринг ва Геббелъс бундан истисно. Буларни танламайдилар. Унисини ҳам, бунисини ҳам. Геринг музоракаларга журъят эта оларди-ю, лекин ҳозир обрўсини тусириб қўйган, у ҳеч кимга ишонмайди. Геббелъс-чи? Йўқ. У бунга журъят эта олмайди. У фанатик, охиригача ўз ишига содиқ бўлиб қолади, унга таяниб бўлмайди, дарҳол шерикликка бошқаларни қидира бошлайди.

Гиммлер билан Борман қолди. Иккаласидан бири. Агар мен шуларнинг биридан бошқаларига қарши ишлаш учун ваъдасини ололсам — ютиб чиққан бўламан. Агар хатога йўл қўйсам — жонимдан айриламан. Дарҳол ҳаракат қўлмоқ зарур. Аммо қайси бирини танлаш керак? Афтидан, Гиммлерни. У ҳеч қачон музокара олиб боришга ботинолмас, чунки ўз номининг қанчалик нафрат билан тилга олинаётганлигини билса керак. Афтидан, шуни, Гиммлерни танлаш лозим...»

Худди шу пайтда ранглари оқариб, кўзлари кирташиб, оғриқдан боши торс ёрилиб кетай деётган Геринг фюрер бункеридан Каринхалега қайтаётган эди. Бўгун эрталаб у машинада фронтга, рус танклари ёриб ўтган жойга борди. У ердан дарҳол Гитлер ҳузурига жўнади.

— Фронтда ҳеч қандай уюшқоқлик йўқ,— деган эди у,— ҳамма ёқда тартибсизлик. Солдатлар кўзида довдираш аломатларини кўрасиз. Офицерлар маст-аласт. Большевикларниң ҳужуми армияни ваҳимага, ҳайвоналарга хос ваҳимага солиб қўйган... Менимча...

Гитлер унинг гапларига кўзларини қисиб, ўнг қўли билан дир-дир титраётган чап қўли тирсагини ушлаб турган ҳолда қулоқ соларди.

— Менимча,— қайтарди Геринг, аммо Гитлер унинг гапини бўлди.

У зўрга ўриндан турди, унинг қизарган кўзлари чақчайди, нафратдан мўйловчаси қимиirlаб кетди.

— Мен сизга бундан кейин фронтга боришини ман этаман!— деди у аввалгидай баланд ва кучли овоз билан.— Мен бундай ваҳима тарқатишни ман этаман!

— Бу ваҳима эмас, ҳақиқат,— Геринг. умрида биринчи марта фюрерга гап қайтарди-ю, қўл ва оёқлари муздек бўлиб кетганилигини сезди.— Бу ҳақиқат, фюре-рим, бу ҳақиқатни сизга айтиш менинг бурчим!

— Бас қилинг! Яхшиси авиация билан шуғулланинг, Геринг! Тиниқ мия, истиқболни кўра билин ва куч зарур бўлган жойга ўзингизни суқаверманг. Маълум бўлдики, бунга сиз мос эмас экансиз. Мен сизга ҳозир ҳам, бундан буён ҳам фронтга боришини ман этаман.

Геринг бу ҳақоратдан ерга кириб кетаёэди, у фюрернинг пасткаш адъютантлари Шмунд ва Бургдорфнинг орқадан иршайиб қолганликларини сезди.

Каринхаледа уни Люфтваффе штаби ходимлари ку-

тиб турардилар: бункердап чиқа туриб уларни тұплашын буюрган эди. Аммо кеңгашни бошлағымади — адъютант СС рейхсфюрерн Гиммлер келганилгини айтди.

— У яккама-якка гаплашишини сұрамоқда,— деди адъютант сүзларында күп маңын бермоқчи бўлиб. Утиргаппилар орасида адъютантларнинг иши ҳам сөхрли ва қизиқарли бўлар экан деган таассурот қолдириш мақсадида шу оҳангда гапирган эди.

Геринг рейхсфюрерин ўз кутубхонасида қабул қилиди. Гиммлер ҳар вақтдагидек кулиб турар ва кўринишидан хотиржам эди. Қўлида қалин қора чирм папкасини ушлаб турарди. У креслога ўтирди, кўзойнагини олди, шишаларини узоқ артди, кейин ҳеч қандай муқаддимасиз деди:

— Фюрер бундан кейин миллат доҳийси бўла олмайди.

— Нима қилиш керак? — ўйлаб ўтирмай сўради Геринг, СС лидерн айтган гапларнинг маъносини тўла чақиб олишига улгурмасданоқ.

— Аслини олганда бункерда СС қўшинлари жойлашган,— давом эттириди Гиммлер хотиржам ва равоз овоз билан,— аммо гап бундагина эмас. Фюрернинг иродаси бўшашгап. У қарорлар қабул қила олчаётир. Биз халқ-қа мурожаат қилишимиз ша т.¹⁹

Гиммлернинг тиззасида ётган қора папкага қараб қолди Геринг. Қирқ тўртнинчи йили хотинининг дугонаси билан телефон орқали сўзлаша туриб: «Яхшиси бу ерга кела қол, телефон орқали гаплашиб қалтис ишга ташларимизни тинглаб турувчилар бор», деган гаплари ёдига тушди. Геринг ўша пайтдаёқ Эммига: «Буни гапира кўрма, тентаклик бу», дегандек бармоқлари билан столни уриб қўйганлигини эслади. Мана, ҳозир ҳам у қора папкага қарап экан, балки ичиди диктофон бордир, балки бир соат ўтар-ўтмас ёзиб олинган бу суҳбат Гитлерга қўйиб берилар, ана унда иш/тамом-вассалом.

«У истаган гапини гапираверсин,— ўйларди Геринг Гиммлер хақида.— Айғоқчилар отахони соғдил одам бўла олмайди. У менинг бугун фюрер юлдида шарманда бўлганимни билган, албатта. У ўз вазифасини циҳоясига етказмоқчи бўлиб келган».

Ўз павбатида Гиммлер ҳам «наци № 2» нималарини ўйлаб турганини биларди. Шу сабабли, бир хўрсниб қўйиб, унга ёрдамга келмоқчи бўлди. У бундай деди:

— Сиз,— вориссиз, бинобарин, сиз — президентсиз.
Шундай қилиб меш — рейхсканцлер.

СС раҳбари бўлганилиги сабабли миллатни ўз ортидан зргаштира олмаслигини Гиммлер яхши биларди. Унга ўзини яшириб турадиган машҳур ном керак эди. Герингдан яхшироқ қалқонни топиш амри маҳол эди.

Геринг яна ўйлаб ўтирумай жавоб қайтарди:

— Бу мумкин эмас... — У бир нафас жим қолди ва борди-ю, қора папкага диктофон яширилган бўлса ёзиб олинмасин деб пичирлаб гапира бошлади: — Бу мумкин эмас. Фақат бир одам ҳам президент, ҳам рейхсканцлер бўлиши лозим.

Гиммлер кулиб қўйди ва бир дақиқа жим ўтируди, кейин дик этиб ўринидан туриб, Геринг билан партиячалига хайрлашди-да, кутубхонадан пилдираганча чиқиб кетди...

(3)

Штирлиц кабинетдан гаражга тушди. Илгаригидек бомбалар портламоқда, эпди Цоссен районида, ҳар ҳолда шундайга ўхшарди унинг назарида. Штирлиц дарвозани очиб, руль олдига ўтирил ва моторни юргиэди — «Хоръх»нинг қувватли мотори равон ишлай бошлади. Штирлиц гаражд и чиқиб, Ҷарвозозни ёпди, машинаси бир силтаниб шитоб билан илгарилаб кетди. У ўзл ёлғиз бўлганида, тун пайтида, бомбардимон вақтидагина машинаси ана шундай шитоб билан қўзғатарди жойидан. Немис шоффёrlари жуда эҳтиёткор бўладилар. Машинани фақат ажнабийларгина: ё славян, ёки америкаликлар турган жойидан шитоб билан қўзғатадилар:

«Қани кетдик, машинаси тушмагур», — деди у ўзига ўзи русчалаб, радиони қўяр экан. Енгил музика садолари эшилтилди. Бомбардимон пайтида радиодаи ҳар вақт хушчақчақ қўшиқ бериларди. Фронтда ўларча қалтак ейилаётган ёки ҳаво ҳужуми пайтида радиодан доим хушчақчақ ва кулгили программаларни эшилтириш одат тусига кириб қолган эди. «Қани физилла, машинажон, бомба тагида қолмаслик учун тез юр. Бомба кўпинча қимиirlамайдиган нишон устига тушади. Ҳаракат қилаётган нарсага бомба тушиш имконияти апча камаяди. Эллик километр тезликда борамиз: демак бомба тегиш имконияти ҳам эллик марта камаяди...»

У машинада юришни яхши кўрарди. Унинг олдида биронта муаммо масала пайдо бўлса дархол «Хоръ»ига ўтириб, соатлаб Берлин атрофидаги йўлларда айланниб юрарди. Аввал у акселераторин бор кучи билан босиб йўлга тикилиб кетаверарди; тезлик диққатини ўзига тортади, шунда одам ўзини машина билан бир бўлиб кетгандек сезади ва шунинг учун мия каттаю кичик, бир-бирини рад этувчи ва аксинча бир-бирини тўлдирувчи мулоҳазалардан холис бўлади. Тезлик — ақл ёрдамчиси. У майда-чуйда хаёллардан бутунлай холис бўлиш имконини беради. Ана шундан кейингина, тез ва қалтиш юришдан сўнг машина кандайдир кичкинагина қовоқхона олдида тўхтагачгина — бу ерда урушнинг энг оғир йилларида ҳам конъякни карточкасиз сотоверардилар,— дераза олдидағи стол ёнига ўтириб, ўрмон товушларига қулоқ солиб, иккى ҳисса «Якоби» конъягини ичиш ва ҳал қилиниши лозим бўлган масалалар устидаги шошилмай ўйлаб кўриш мумкин бўлади. Юриш тезлиги кучайиши билан ўйлаш секинлашади. Энг охирги тезликда юриб, маълум масофани босиб ўтилгач, киши аинча хотиржам хаёл қиласи. Ҳар қалай Штирлиц ўзини шундай ҳис этарди.

Унинг радиостлари — Эрвии ва Қэт — Шпрее қирғидаги Қепеникда яшардилар. Иккаласи: Эрвии ҳам, Қэт ҳам ухлаб ётишган эди. Кейинги пайтларда улар жуда барвақт уйқуга кетардилар, чунки Қэт фарзанд кутмоқда эди.

— Кўрининишиг яхши,— деди Штирлиц,— ҳомиладорлик янада гўзал қилиб юборадиган нодир аёллар тоифасига кирасан-да.

— Ҳомиладорлик ҳамма аёлларининг ҳам чиройни очади,— жавоб берди Қэт.— Буни пайқашга шунчаки имкониятинг бўлмаган-да...

— Имкон бўлмаган,— кулиб гапирди Штирлиц,— буни тўғри айтдинг.

— Сутли қаҳва қилиб берайми?— сўради Қэт.

— Сутни қаердан олдинг? Сизларга сут олиб келниш ёдимдан чиқибди... Аттаниг...

— Костюмимга алмашдим,— жавоб берди Эрвии.— Оз-оз бўлса ҳам албатта сут ичини турни зарур. Ҳомиладорларнинг овқати ҳам жуда бўшни қотирадиган нарса экан-да.

Штириц Қэтнинг юзларини силаб, сўради:

— Бирон нимани чалиб берасанми?

Қэт рояль ёнига ўтири ва ноталарни титкилаб, Бахи олди. Штириц дераза ёнига борди-да, Эрвиндан секин суради:

— Яхшилаб текшириб кўрдингми, ҳаво кирадиган жойга бирон нарса тиқиб қўймаганмикинлар?

— Текширдим. Менимча ҳеч нарса йўқ. Нима гап ўзи?

— Ҳеч гап йўқ. Ҳаммаси жойида. Шунчаки эҳтиётишарт-да.

— Сддаги биродарларинг бирорта япги жирканч нарсани ўйлаб чиқардиларми дейман?

— Ким билади дейсан. Эҳтимол. Инсоният ҳаммадан кўп ўзгалар сирини яхши кўради.

— Ҳўш?— сўради Эрвин.— Нима гап?

Штириц кулиб бошини қимирлатди.

— Биласанми,— осойишта гап бошлади у,— мен топшириқ олдим...— У яна кулиб қўйди.— Энг олий марта-бадагиларнинг қайсиси Farb билан сепарат музокаралар бошламоқчи бўлаётганини аниқлашим керак... Улар гитлерчи раҳбарлардан бирини назарда тутишяпти. Энг каттаконларини. Қалай вазифа? Қизиқми? Башарти мен йигирма йил мобайнида қўлга тушмаган эканман, демак у ҳамма нарсанинг уддасидан чиқади, деб ўйласалар керак. Қани энди Гиммлерга ўринбосар бўлиб олсан. Ёки фюрер ўрнини эгалласаммикин? Хайль Штириц! Қалай? Мен ззма бўлиб қолибман-а, сезяпсанми?

— Сенга ярашади бу,— жавоб берди Эрвин.

— Сен қандай туғмоқчисан, жоним?— сўради Штириц Қэт куйни ижро қилиб бўлгач.

— Менимча, туғишининг янгича усулини ўйлаб топмаганлар шекилли,— жавоб берди аёл.

— Мен ўтган куни бир гинеколог врач билан суҳбатлашган эдим... Мен сизларни қўрқитмоқчи эмасман...— У Қэтга яқинроқ бориб, илтимос қилди:— Чалавер, жоним, чалавер. Ўзим қўрқиб кетган бўлсам ҳам, сизларни қўрқитмоқчи эмасман. Ўша кекса доктор менга, туғаётган пайтида ҳар бир аёлнинг қаердан эканлигини аниқлаб оламан, деди.

— Тушунмадим,— деди Эрвин.

Қэт чалишдан тўхтади.

— Чалавер, жоним, чалавер,— илтимос қилди Штириц.

лиц,— қўрқма. Аввал эшит, сўнгра бирон чорасини то-пишни ўйлаб кўрамиз. Аёлларнииг тўлғоқ пайтида додлашини биларсан албатта.

— Раҳмат-э,— кулиб жавоб берди Қэт,— аёллар ту-ғаётганда қўшиқ айтишса керак, деб ўйлаб юрадим.

— Биласанми, жоним, улар ўз она тилларида қичқиришар экан. Қаерда тугилган бўлсалар ўша ер шенасида. Демак, сен рязанчасига «ойи» деб қичқирап экансан...

Қэт куйни ижро этишда давом этаверди, аммо унинг қўзларига жиққа ёш тўлганини кўриб қолди Штирлиц.

— Нима қиламиз энди?— сўради Эрвин.

— Сизларни Швецияга жўнатсак-чи? Бу менинг қўлимдан келар.

— Энг сўнгги алоқа воситасидан маҳрум бўласанми?— сўради Қэт.

— Мен бу ерда қоламан-ку,— деди Эрвин.

Штирлиц йўқ дегандай бошини қимирлатди.

— Бир ўзингни қўймайдилар Фақат бирга кетишларинг мумкин; у уруш инвалиди сифатида санаторийларда даволалишга муҳтож, Стокгольмдаги немис қариндошлари таклиф қилишади... Бир ўзингни ўтказмайдилар. Сенинг эмас, унинг амакиси швед нацисти ҳи-собланади...

— Биз шу ерда қоламиз,— деди Қэт.— Қўявер. Немис тилида қичқиралмай.

— Русча ҳақоратли сўзларни ҳам бир оз қўшишинг мумкин, лекин албатта Берлин талаффузида бўлсин,— ҳазнл қnlди Штирлиц.— Бу нарсани ҳал қилишни эртага қолдирамиз: қаҳрамонлик кўрсатмай бафуржা ўйлаб кўрамиз. Кетдик, Эрвин, алоқа боғлаш керак. Эртага менга қандай жавоб беришларига қараб бирор қарорга келамиз.

Беш минутдан сўнг улар уйдан чиқдилар. Эрванинг қўлида чамадон, чамадонда эса рация бор эди. Улар Рансдорф томон ўн беш километрча йўл юриб, ўрмюнга кирдилар, Штирлиц моторни ўчирди. Йилгаригидек бомбардимон давом этмоқда эди. Эрвин соатига қараб олди-да:

— Бошлидикми?— деди.

— Бошлидик,— жавоб берди Штирлиц, аччиқ фран-

цуз «Галуаз» сигаретасини тутатиб, қаттиқ тортар әкаи.— Башладик,— яна қаптарди у.

«Юстас — Алексга.

Ҳали ҳам Farbdagi биронта жиiddий сиёсатчи СС ёки СД билан музокарага ботина олмайды деган ишончдаман. Аммо, топшириқ олганим учун амалга оширишга киришишмоқдаман.

Сизлардан олинган маълумотларнинг бир қисмини Гиммлерга етказсамгина топшириқни бажаришим мүмкун деб ҳисоблайман. Унинг таянчига эга бўлганимдан сўнггина музокара йўлини қидираётган кишиларни кеийинчалик түғридан-тўғри кузатиб бориш имкониятига эга бўла оламан. Менинг Гиммлерга «чақимчилик» қилишим — майдада-чўйда нарсаларни сиздан консультация олмай ўзим уюштиравераман — гипотезангиизни исботлаш йўлидами, уни рад этиш йўлидами, бари бир, сизни барча янгиликлар билан таништириб туришга ёрдам беради. Ҳозирча бундан бошқа йўл йўқ деб ҳисоблайман. Агар маъқул топилса, Эрвин канали орқали «яхши» деган жавоб беринг.

Ю С Т А С».

— У ҳалокат ёқасига бориб қолибди,— деди Марказ бошлиғи бу шифровка Москвага етказилгач.— Башарти у тўғридан-тўғри Гиммлер билан алоқа боғласа — ҳалок бўлди деяверинг, ҳеч нарса қутқариб қололмайди уни. Ҳатто Гиммлер «беркинмаçoқ» ўйнамоққа аҳд қиласа-чи, деб фараз қилинган чоғда ҳам.. СС рейхсфюрери бундай қилишга арзитадиган даражадаги шахс эмас у, албатта. Эртага эрталаб қатъян рад этилади деган маънида ошиғич хабар юборинг.

Марказ билган нарсаларни Исаев билмасди албатта, чунки сўнгги бир неча ой мобайнида тўпланган маълумотлар Гиммлер фамилияли одамнинг қандай инсон эканини очиб берадиган калит вазифасини ўташи мумкин эди.

...У бирор елкасига туртгандек қўққисдан уйғоннб кетди. Каравотда ўтирар әкаи, атрофга аланглади. Хона жимжит. Кичкинагина будильникнинг ёришиб турган мили бешни кўрсатарди.

«Ҳали жуда эрта,— ўйларди Гиммлер,— ҳеч бўлмаганда яна бир соат ухлаш керак».

У эснади, яна ёстиққа бош қўйинб, девор томонга ўтирилиб олди. Очик форточкадан ўрмон говури эши-тилиб турарди. Кеча кечқурун қор ёға бошлаган эди, ҳозир сокин, ҳеч зот йўқ қишки ўрмоннинг қанчалик гўзаллигини Гиммлер тасаввур қилди. У, худди ёшли-гимдагидек ҳозир ҳам якка ўзим ўрмонга кирсанм қўрқ-сан керак, деган хаёлга келди.

— Йўқ, йўқ, йўқ,— деди Гиммлер астагина, ўзи ҳам кутмаган ҳолда.

У каравотдан туриб, елкасига халат ташлади ва стол ёнига борди. Чироқ ҳам ёқмай, ёғоч креслонинг четига ўтирди-да, қора телефон трубкага қўлини узатди.

«Қизимга телефон қилишим керак,— ўйларди у.— Қизча хурсанд бўлади. Унинг қувониб юриши учун имконият кам».

Катта ёзув столидаги ойна остида икки ўғил боланинг расми қўришиб турарди.

Гиммлер бирданига кўз олдига Борманни келтирди ва ҳозир қизига телефон қилиб. «Салом, дўмбогим, да-данг гапиряпти. Қандай тушлар кўрдинг, жонгипам?», дей олмаслигимга ана шу бадбаҳт айбдор, деб ўйлади. У ҳозир ўғилларига ҳам телефон қила олмасди, чунки улар ғайри-қонуний никоҳ фарзандлари эдилар. Қирқ учинчи йилда икки ўғлининг энаси Марта учун бомба-лар ёғилаётган жойдан нарироқда, Баварияда чоғроқ-қина вилла қуришга партия кассасидан саксон минг марка қарз сўраганида Борманнинг лом-мим демагани Гиммлернинг ёдига тушди. Буни Бормандан эшитган фюрернинг ставкада тушки овқат пайтларида ўзига бир неча марта ҳайрон бўлиб қараб қўйганини ҳам эслади. Гарчи у олти йилдан бери ўйида яшамаётган бўлса ҳам худди шу сабабли хотини билан ажрала ололмасди. Қабул маросимларига хотини билан бирга боришга мажбур эди.

«Борманнинг айби йўқ бунда,— ҳамон ўйларди Гиммлер,— мен ўзим ноҳақман. Менинг бу ташвишимга бўрдоқининг нима даҳли бор. Ажралиш учун ҳар қандай хўрликка рози бўлардим. Аммо қизимнинг кўнглини оғритишга ҳеч қачон ботина олмасдим».

Гиммлер фаолиятининг илк даврларини эслаб кулиб кўйди. У пайтлар хотини ва қизалоги билан Нюренберг-

да, оч наҳор, совуқ хонада яшашарди. Бунга анча вақт ўтган бўлса ҳам яқиндагина бўлиб ўтгандек туюларди. Орадан атиги ўн саккиз йил ўтипти. Уша пайтда фюрерниң «биродари» Грегор Штрассернинг секретари бўлиб ишларди. У партия ташкилотлари ўртасида алоқа боғлаб Германия бўйлаб санғиб юарди, вокзалларда ухларди, егани нон билан қаҳва деб ном олган атала эди. Уша пайтда, 1926 йилда, Штрассернинг қўриқчи СС отрядларини ташкил қилиш ҳақидаги фикри зарурат туфайли эмас, балки СА раҳбари Рэмга қарши бошланган кураш туфайли пайдо бўлганлигини ҳали тушуна олмаган эди. СС отрядлари партия доҳийларини қизиллардан қўриқлаш учун зарурлигига Гиммлернинг ишончи комил эди. Қизилларнинг асосий вазифаси улуғ доҳий, меҳнаткаш немисларнинг бирдан-бир дўсти Адольф Гитлерни йўқ қилиш эканлигига униш ишончи комил эди. У столи тепасига Гитлернинг катта портретипи илиб қўйди. Гитлер бир пайт Штрассер ҳузурига келгаида ўзининг портрети остида сепкилли, оғзи йигитчани кўриб бундай деди:

— Партия лидерларидан бирини бошқа националсоциалистлардан ажратиб шунчалик балаид кўтариш яхшими?

Гиммлер бундай жавоб қилди:

— Агар сиз оддий лидер бўлганингизда, мен партия сафида бўлмас эдим. Мен лидер эмас, балки доҳнийга эга бўлган партия сафидаман!

Гитлер уни эслаб қолди. НСДАПнинг Бавария ташкилоти техник секретари берган жавобдан Штрассер ҳам мамиундай бўлди ю, аммо ичиди мешчанлар муҳитидан раҳбарлар сафигача олиб чиққан одамининг ишон-кўрлигидан ўксинган эди. У фюрерга Гиммлерни янги ташкил қилинган СС отрядларига рейхсфюрер қилиб тайинлашни таклиф қилганида, СС биринчи галда унинг ўзига, Рэмга қарши курашига, партия ва фюрерга таъсир ўтказиш учун курашига хизмат қилади деб мўлжаллаган эди. Унинг бошчилигигда дастлаб икки юз эсесчи, атиги икки юз пафар эсесчи бирлашган эди. Аммо СС-сиз 1933 йилда фюрер ғалаба қезона олмас эдя—Гиммлернинг бунга ишончи комил эди. Лекин ғалабадан сўнг фюрер уни Мюнхен шаҳри криминаль полициясининг бошлиги қилиб тайинлади, холос. Шунда Гиммлер ҳузурига уни партияга қабул қилган, партияниң маф-

курачиси ва назариётчиси, СС отрядлари ташкил қилиш ғоясии биринчи майдонга ташлаган киши — Грегор Штрассер кириб келганди. Штрассер ўша пайтга келиб партия ветеранларига, Гитлер саноат корчалонларига сотилиб кетди, деб шикоят қилиб юрган ва фюгерга нисбатан ошкора оппозицияга ўтиб олган эди.

Ушанда Гиммлер Штрассернинг гапнии бўлиб, фюгерга содиқлик ҳар бир НСДАП аъзосишинг бурчидир, деган эди.

Сиз ўз шубҳаларинингизни съездга ҳавола қилишниңиз мумкин, аммо оппозицион қурашда ўз обрў-шуфузингиздан фойдаланишга ҳаққингиз йўқ — бундай қилиш партия жипслигига путур етказади.

Уша куни кечқурун Гиммлер ўз уйнда, байрам қадаҳини кўтараётib:

— Мен оддий оиласардан чиққан эсесчиларимни оқсуюк қизларга уйлантириб тоза наслии миллатни яратиш ниятида эдим, эндиликда, миллат душманлари: коммунистлар, яҳудийлар ва руҳонийлар билан иш кўришимга тўғри келади. Агар бу нарса фюернинг истаги экан, шундай бўлажак,— деди. Чунки ўша пайтларда Герингга итоат этувчи марказий полиция аппаратининг унинг уйидаги гапларини тинглашларини билар эди.

Гиммлер марказда қандай воқеалар юз бераётганини дикқат билан кузатиб борди. У ғалаба завқи амални ишни маълум даражада сустлаштирганини кўриб турди. У Берлиндаги партия доҳийлари митингларда сўзга чиқиши, туиларни эса дипломатик қабул маросимларида ўтказиши — хуллас, национал-социализм ғалабасининг самарасидан баҳрамаид бўлишдан бошқа нарса қилмаётирлар деб асосли равнишда ўйлаб юарди. Гиммлер бундай қилишга ҳали вақт эрта деб ҳисобларди. Шундан сўнг бир ой ўтар-ўтмас Даҳауда биринчи намунали концентрацион лагерни ташкил қилди.

Коммунистлар учун овоз берган саккиз миллион кишини чинакам Германия граждани руҳида тарбиялаш учун бу лагерь жуда яхши меҳнат мактабидир. Саккиз миллион кишининг ҳаммасини концлагерларга ташлаш албатта бемаънилик бўлади. Аввало битта лагерда террор вазиятини яратмоқ, сўнгра иродаси синганларни битта-битта чиқаравериш керак. Лагердап чиққан бундай кишилар национал-социализм амалий ишларининг энг яхши ташвиқотчиларига айланадилар. Улар дўсти-

бирөдарлари ва бола-чақаларини тартибимизга ломмим демай итоат этишга даъват қиласидилар.

Унинг ҳузурига Герингнинг шахсий вакили келди. У Даҳауда бир неча соат бўлгач сўради:

— Бу концлагерни, аввало у конституцияга зид бўлганлиги туфайли, Європа ва Америкада кескин қораламасмикнлар?

— Нега энди тузум душманларини қамашни конституцияга зид тадбир деб ўйлайсиз?

— Чунки сиз қамаган кишиларниң кўпчилиги ҳатто суд биносини кўрмаган. Айблаш учун ҳеч қандай хулоса йўқ, қонундан асар ҳам кўринмайди...

Гиммлер шу масала устида ўйлаб кўришни ваъда қилди. Геринг вакили жўнаб кетди, Гиммлер эса шахсан Гитлерга хат ёзиб, унда суд ва терговсиз қамоққа олиш ҳамда концлагерларга жўнатиш қаичалик зарур эканлигини ишончли қилиб асослади.

«Бундай қилиш,— деб ёзди у фюрерга,— националсоциализм душманларини халқ газабидан қутқариб қолишини кўзлаган инсонпарварлик тадбиридан бошқа нарса эмас. Миллат душманларини концлагерларга ташламасак, биз уларниң ҳаёт қолишига кафил бўла олмаймиз: халқ уларни тошбўро қиласди».

Ана шу хат фюрер атрофидаги одамларнинг биронтасини қўлига тушиб қолмасин учун Гиммлер ўша куниёқ катта митинг уюштириб, хатдаги гапларни сўзмасўз қайтарди ва унинг бу нутқи эртасига ҳамма газеталарда босилиб чиқди.

1933 йилнинг охирида бевосита Герингга итоат қилувчи Берлин полициясида катта жанжал чиққач Гиммлер тундаёқ Мюнхендан жўнаб кетди ва эртасига фюрернинг қабулига муюссар бўлди. У «сотқин, эски тузум полициясини» «халқнинг асл фарзандлари»— СС назорати остига беришии сўради.

Гитлернинг Герингни хафа қилгиси келмади. У Гиммлерга тайинли жавоб бермади. Унинг қўлини шунчакни сиқиб қўйди, кабинет эшигигача кузатди, худди ўрганаётгандек кўзига тикилиб қаради, кейин бирданига хушчақчақ кулиб, деди:

— Келгусида ақлли таклифларингизни бир кун олдин юборадиган қилнинг: менга юборган хатингизн ва Мюнхендаги митингда сўзлаган ўша мазмундаги нутқингиизни назарда тутяпман.

Гиммлер кайфи бузилиб жўнаб кетди. Аммо бир ой ўтгач, у Берлинга чақирилмасданоқ, Мекленбург ва Любек сиёсий полициясининг, яна бир ой ўтгач — 20 декабрда Баден, 21 декабрда Гессен, 24 декабрда Бремен, 25 декабрда Саксония ва Тюрингия, 27 декабрда Гамбург сиёсий полициясининг шефи қилиб тайинланди. Бир ҳафта ичидаги ҳам Герингга бўйсуниб турган Пруссия полициясидан ташқари, бутун Германия полициясининг шефи бўлиб қолди.

«Гитлер Герингга: Гиммлер бутун рейх махфий полициясининг шефи қилиб тайинласа-ю, аммо Герингга бўйсунса, деган фикрни таклиф қилди. Рейхсмаршал фюрернинг бу таклифига рози бўлди. Бу таклифга у хушламай рози бўлди, чунки тоталитаризм тузуими шароитида махфий полиция кимнинг қўлида бўлса, ўшанинг доим ғолиб чиқишини яхши тушунар эди. Лекин Герингдек мавқега эга кимса учун эса полицияга бош бўлиш паст иш эди. У маршал, Пруссия бош министри, рейхстаг раиси унвонларига эга эди. Бунинг устига яна бош полициячи бўлишини пасткашлик деб ҳисобларди. Шунинг учун у икки йўлдан бирини таплаши: ё Гиммлерни ўз кишиси қилиб олиши, ёки унинг иродасини букиб, ўзига итоат қилдириб олиши керак эди. Геринг биринчи йўлни танламади — индамас, тили дағал ва кўримсиз Гиммлерни назарга илмади. У иккинчи йўлни танлади. У ўз секретарига Гиммлерга ички ишлар министрининг ўринбосари ва махфий полиция шефи унвонини ҳамда полицияга тегишли масалалар муҳокама қилинганда кабинет мажлислиарида қатишашиб ҳуқуқипи бериш ҳақидаги қарорни фюрер идораси тасдиқидан ўтказишни буюрди. «Полиция масалалари» сўзидан кейин ёзилган «ва рейх ҳавфсизлиги масалалари» деган сўзларни ўз қўли билан ўчириб ташлади. Гиммлерга шунинг ўзи ҳам етар. Қарор лойиҳаси фюрер идорасидан тасдиқланиб ўтгач, Геринг ҳужжатни газеталарда босишини буюрди.

Гиммлер ҳужжатнинг газетада босилиб чиққанини кўргач, матбуот билан — журналистларни обрўсизлантирувчи материалларни йигиши билан шуғулланувчи иккى ходимини чақириб, ўзининг янги лавозимга тайинланганлигини расмий матбуот хабаридан бошқачароқ қилиб шарҳлаб беришини сўради. Геринг Гиммлернинг тайинланишига рози бўлиб асосий хатога

йўл қўйган эди: у Гиммлернинг СС рейхсфюреи деган асосий унвонини ҳеч ким бекор қилмаганини унугтган эди. Натижада, эртасига барча марказий газеталар буни қўйидагича изоҳлаб чиқдилар: «Национал-социализм адлияси муҳим ғалаба қозонди — СС рейхсфюреи Гиммлер қўл остида криминаль, сиёсий полиция, гестапо ва жандармерия бирлаштирилди. Бу тадбир рейхнинг барча душманларини огоҳлантиришdir: национал-социализмнинг қасоскор мушти зарба бериш учун ҳар бир оппозициячи, ҳар бир ички ва ташқи душман боши узра шай бўлиб туражак». ▶

У Берлинга, ҳашаматли Ан Донненстаг вилласига, Риббентропга қўшни бўлиб кўчib ўтди. Коммунистлар устидан қозонилган ғалаба гаштини суриб юриш пайти давом этар экан, Гиммлер ўз ёрдамчиси Гейдрик билан бирга душманлар устидан ва, асосийси, дўстлар устидан маълумотлар йиға бошлади. Собиқ бошлиги Грегор Штрассерга тегишли маълумотларни шахсан ўзи тўплай бошлади. У ўзини фақат устози ва биринчи тарбиячиси бўлган Штрассернинг қони билан тўлатўкис оқлаши мумкин эканлигини фаҳмлаганди. Шунинг учун ҳам Штрассерни оғилишга дучор қилиши мумкин бўлган ҳар қандай материалларни, ҳатто майдачуйдасигача синчиклаб йиға борди.

1934 йилнинг 20 июня Гитлер Рэмга қарши бўлаjak тадбирларни муҳокама килиш учун Гиммлерни ўз ҳузурига сұхбатга чақирди. У фюрернинг хатти-ҳаракати қандай бўлишини олдиндан тасаввур қила олмас эди, аммо қандайдир ҳаракат зарурлигини биларди, у ҳар куни кўздан кечириб турган минг-минг бетлаб агентура маълумотлари ва ёзиб олинган телефон сұхбатлари шундан далолат берарди.

Рэмга қарши тадбир Гитлер билан бирга иш бошлаганларнинг хаммасини йўқотишга қаратилган баҳона эканини Гиммлер тушуниарди. Биргалашиб иш бошлаганлар учун Гитлер оддий инсон, партиядош биродар эди, эндиликда эса Адольф Гитлер немислар учун доҳий ва худо бўлиб қолиши керак эди. Партия ветеранлари унинг учун ортиқча юқ бўлиб қолди.

Душманлар ташвиқоти таъсирига тушиб қолган жуда озчилик ветеранлар шаънига Гитлер айтиётган газабли гапларга қулоқ солар экан, Гиммлер бунинг тагида шима ётганини очиқ-ойдин тушуниб турарди.

Гитлер ҳеч кимга — ҳатто яқин дўстларига ҳам ҳамма ҳақиқатни очиқ айта олмасди. Гиммлер буни ҳам тушунарди ва шунинг учун Гитлер билан биргаликда национал-социалистик партияни ташкил қила бошланган тўрт минг нафар ветеран — деярли ҳамма ветеранлар устидан тўплангани маълумотларни стол устига қўйинб, фюгерга ёрдам қилди. У психологик жиҳатдан жуда нозик йул тутди. Гитлер унинг бу хизматини ёддан чиқармаслигига ишонди, чунки золим учун ўз-ўзини оқлашда ўзганинг берган ёрдами бебаҳодир.

Лекин Гиммлер шу билангина чекланмади: фюгернинг мақсадларини билиб олиб, ўзини шунчалик зарур одам қилиб қўйдики, бўлажак тадбирлар шахсан уни четлаб ўтиш у ёқда турсин, балки бу таъқибларни фақат ўз назорати остига олишга ҳаракат қилди.

«Штассер қандай ветеран бўлса, мен ҳам шундай ветеранман,— ўйларди Гиммлер,— аммо мен Штрассернинг ветеран эмас, балки амалпараст ва ёвуз оппозициячи эканлигини миллатга исбот қила олсам, абадий ветеран бўлиб қоламан».

Гитлер Гиммлерни Герингдинг Шорфейддаги боғига таклиф қилиб, ўзи билан олиб кетаётганида, Гиммлер бир спектакль уюштириди: олдиндан тайинланниб қўйилган рэмчиларишг СА формасини кийган агент фюгер кетаётган очиқ машинага қараб ўқ узганда, Гиммлер доҳийни ўз танаси билан бекитди ва партияда биринчи бўлиб:

— М Е Н И Н Г Ф Ю Р Е Р И М, сизниг ҳаётингииз учун қон тўкиш мен учун баҳтдир! — деди.

Шу пайтгача ҳеч ким «менинг фюгерим» иборасини ишлатмаганди. Шундай қилиб, фюгерни илоҳийлаштирувчи бу иборанинг муаллифи худди Гиммлернинг ўзи бўлиб қолди.

— Шу дақиқадап бошлаб сиз менинг туғишган укамсиз, Генрих,— деди Гитлер ва бу сўзларни ҳозир бўлганиларнинг ҳаммаси эшилди.

Гиммлер Рэмни йўқ қилиш юзасидан операцияни ўтказиб бўлгач, устози Штассер ва яна тўрт минг партия ветеранлари отиб ўлдирилгач, «эпчил» журналистлар ҳаракат бошидан фюгер билан ёнма-ён турган киши худди Гиммлер эканлиги ҳақида афсонга тўқиб чиқардилар.

Ишни бошлиб юборгач, давомини ҳам ўйлаш керак

эди. Гейдрих давлат машинасида куч-қувват мушти бўлгани СС дивизияларини ташкил қилиш фикрини айтди. Герингда люфтваффе, бош штабда армия бор. Гиммлер эса атиги детектив, агент ва жосусларгагина эга. Шу ҳам иш бўлдими? Ҳарбий қисмлар керак! Гамбургдаги «Германия» ва Мюнхендаги «Дейчланд» СС дивизиялари ана шундай қўшилмалар бўлди.

О1935 йилнинг 7 октябрида фюрер Гиммлерга туғилган куни билан табриклаб телеграмма юборди: «Менинг қадрли партиядош дўстим Гиммлер! Сизнинг туғилгани кунингиз муносабатн билан национал-социализмни муҳофаза этиш ишини давом эттиришда Сизга энг яхши тилаклар изҳор этаман. Адольф Гитлер». Ⓛ

1936 йилдан, Гейдрихнинг маслаҳати билан Гитлерга яна бир нарсани таклиф этган кунидан бошлаб эса, фюрер ҳузурида ўтказиладиган ва фақат энг яқин дўстлари бўладиган «тафельрунде»ларга¹ қатишча бошлади. У Геббелъснинг тарғибот аппарати ёрдамн билан Рейн обласгининг босиб олиши Париж ва Лондон шаънига тегадиган ҳаракат эмас, балки Москвага қарши қуролли тайёргарлик кўриш юзасидан қилинган зарурий тадбир деб дунёга жар солиши тақлиф этгани зди.

Геринг, Гесс ва Геббелъслар билан қўл бериб дўсто на сўрашиб юрар экан, Гиммлер ўзининг ана шу жанговар дўстлари устидан маълумот йигишин сира тўхтатмади.

Штирлиц машинасини секин ҳайдарди, чунки Марказ билан олиб борилгани ҳар бир алоқа сеансидан кейин асаблари тордай тараанглашар, шундан кейин ҳам жисмоний, ҳам руҳан чарчаганлигини сезарди.

Иўл ўрмонзордан ўтарди. Шамол тўхтади. Осмон топ-тоза, юлдузлар чарақлагали.

«Москва ана шундай музокаралар олиб борилиши эҳтимолини тахмин қилгани тўғри бўлиши ҳам мумкин,— мuloҳазасини давом эттириди Штирлиц.— Ҳатто уларда аниқ маълумотлар бўлмаган чоғда ҳам бундай тахмин ҳақли тахминидир. Бу ерда, рейх идорасида, фюрер атрофида пизолар бўлаётганини Москва билади,

¹ «Тафельрунде»— Гитлер ҳузуридаги кечни учрашувлар.

албатта. Илгари бу низолар фюнерга яқин бўлиб олишга қаратилган эди. Ҳозир аксинча бўлиши мумкин. Уларнинг ҳаммаси: Геринг ҳам, Борман ҳам, Гиммлер ҳам, Риббентроп ҳам рейх, СС, партия билан чамбарчас боғланганлар. Рейхни сақлаб қолишдан уларнинг ҳар бири манфаатдор. Сепарат сулҳ тузиш уларнинг ҳар бири учун омон қолиш йўлидир. Улар баҳти қора халқ ҳақида, унинг азоблари ҳақида бош қотирмайдилар; уларни герман давлати ҳам қизиқтирумайди — ҳар бири Германия ва немислар тақдиди ҳақида эмас, балки ўзлари, ўзларининг шахсий тақдирлари ҳақида ўйламоқдалар. Шу вазиятда эллик миллион немис халқи улар учун қимор паттасидек нарса. Улар армия, полиция, ССни ўз қўлларида сақлаб турар эканлар — шахсан омон қолиш эвазига рейх ғилдирагини истаган томонга буриб юборишлари мумкин...»

Штирлицнинг кўзига ёп-ёруғ шуъла тушди. У кўзини юмиб, дарҳол тормоз педалини босди. Бутазор ичидан иккита ССчилар мотоцикли чиқиб келди. Улар йўлни тўсдилар, мотоциклчилардан бири машина томон автоматини ўқталди.

...Гиммлер креслодан туриб дераза ёнига борди: қишки ўрмон ҳайратда қоларли даражада гўзал эди — шохлардаги қор ой нурида товланар, ҳамма ёқда сукупнат ҳукмрон, бепоён бинафша ранг осмон қўйнида юлдузлар чақнарди.

Шу пайт тўсатдан Гиммлер фюнернинг энг яқини кишиси Гессга қарши уюштирган операциясини заслади. Ушанде Гиммлер бир зумгиша ўлим ёқасига бориб қолган эди: Гитлер учун қарама-қарши қарорга келиш ҳеч гап эмасди. Гиммлер ўз одамларидан Гесснинг туалетда ононизм билан шуғулланаётгани суратга олинган киноплёнкани олганди. Гиммлер ўша плёнкани дарҳол Гитлер ҳузурига олиб бориб, экранда кўрсатганди.

Фюнер жуда ғазабланди ўшанде. Тун бўлишига қарамай, Геринг ва Геббельсни ҳузурига чақиришни, Гессга эса қабулхонада кутиб туришни буюрди. Биринчи бўлиб Геринг етиб келди — унинг ранглари оқарган эди. Рейхсмаршалнинг нега қўрқиб кетганлигини Гиммлер биларди: унинг веналик балерица билан ҳан-

гамаси айни авжига чиққан пайт эди (Гиммлер рейхсмаршалнинг озгин балериналарга хуштор бўлишини таиқаганди: у Герингнинг гуноҳини кўрсатувчи саккизта лентани кўздан кечирганда ундаги ҳамма аёллар бир-бираидан озгин эди). Гитлер «Гесснинг пасткашлигини» кўришга таклиф этди дўстларини. Геринг қаҳ-қаҳ уриб куларди. Гитлер унинг кулгусини тўхтатиб: «Бунчалик шафқатсиз бўлмаслик керак!»— деди. У Гессни кабинетга чақирди, кейин олдига югуриб борди-да, бақира кетди:

— Сиз ифлос, қўланса, абраҳ экансиз! Сиз онон билан шуғулланар экансиз!

Гиммлер ҳам, Геринг ҳам, Геббелъс ҳам мартабаси ғоят катта шахс — партиядаги мавқеъи бўйича иккинчи шахснинг шарманда бўлаётганинг гувоҳи бўлганикларини тушунардилар.

— Ҳа,— жавоб берди Гесс хотиржамлик билан ҳаммани ҳайратда қолдириб.— Ҳа, фюрерим! Яширадиган жойим йўқ! Мен нега бу иш билан шуғулланаман? Мен нега актисалар билан ётмайман? — деркан Геббелъс томонга қарамади, лекин униси креслога ёпишганича қимирламай қолди.— Нега мен Венага балет кўргани ва ўша ерда тунаб қолгани бормайман! Шунинг учунки, менинг ҳаёт-мамотим партиядир! Партия ва сиз, фюрерим, мен учун бир нарса! Шахсий ҳаёт учун вақтим йўқ! Мен бир ўзим яшайман!

Гитлер жаҳлидан тушди, Гессга яқинлашиб, уни ўнғайсиэлангандек қучоқлади, елкасига қоқиб қўйди.

Гесс ғолиб чиқди. Гиммлер лом-мим дея олмади, чунки Гесс ўч олишга уста эди. Гесс кетгач, Гитлер деди:

— Гиммлер, унга хотин танланг. Ҳаракатимизга содиқ бўлган бу ажойиб кишини мен тушунаман. Номзодларнинг расмларини менга кўрсатинг, биронтасини танлайман: у менинг тавсиямни қабул этади.

Гиммлер бу дақиқа ҳамма нарсани ҳал қилиши мумкин эканлигини пайқади. Геринг ва Геббелъс уйларига жўнаб кетишгач, Гиммлер бундай деди:

— Фюрерим, сиз национал-социализм учун унинг содиқ фарзандини қутқариб қолдингиз. Гесснинг фидокорлигини биз ҳаммамиз қадрлаймиз. Сиздан бошқа ҳеч ким унинг тақдирини шунчалик доно ҳал қила олмас эди. Шунинг учун ҳозироқ, кечиктирмай, яна бир

неча материал олиб келишга рухсат бергайсиз! Гессга қандай ёрдам берган бўлсангиз бошқа солдатларигиз-та ҳам ёрдам бермогингиз лозим.

Кўп ўтмай у Гитлерга меҳнат фронтиниг раҳбари Лей устидан материал олиб келди. У пияниста бўлиб қолган эди, унинг маст-аласт бўлиб кўтарган тўполонларини Гитлердан бошқа ҳамма биларди. Гиммлер «Бабельсберг буқачаси» устидан тўплашган материалларни ҳам қўйди. Унинг агентлари рейхсминистр Геббелъсин ўз маълумотларида апа шундай деб атардилар. Геббелъсининг қони тоза бўлмаган хотинлар билан алоқада бўлиши чинакам национал-социалист шаънига ярашмайдиган иш эди. Гитлернинг столидан Борманий обрўзизлантрирувчи материал ҳам жой олди: Гиммлер асосли равишда у Гесс билан жинсий алоқада бўлса керак, деб тахмин қиларди.

— Йўқ, йўқ,— Борманийнг ёниши олди Гитлер,— унинг тўққизта боласи бор. Гомосексуалистларда бола бўлмайди. Бу гаплар бўхтон.

Гиммлер Гитлерга гап қайтармади, аммо фюрернинг материалларни жуда қизиқиб бетма-бет кўраётганини, баъзи маълумотларни қайта-қайта ўқиётганини кўриб фюрерни узил-кесил ўз томонига жалб қила олганлигини пайқади.

У тўғри пайқаган эди: Гиммлернинг СС раҳбари сифатида ўн йиллик юбилеини Гитлер бутун Германияда байрамдек нишонлашни буюрди. Шу кундан бошлаб барча гаулайтерлар — вилоятлардаги партия раҳбарлари Гитлердан кейин тўла ҳокимиятга эга бўлган киши худди Гиммлер эканлигини тушуниб олдилар. Шундай қилиб, ҳамма вилоятлар, партиянинг ҳамма маҳаллий ташкилотлари асосий ахборотларни Гесс бошчилик қилаётган партия штабига қараганда кўпроқ Гиммлер идорасига юборадиган бўлдилар. Бир группа ишончли агентлардан Гиммлер ҳузурига келиб турадиган материаллар бўлимлардан ўтмай, тўппа-тўғри унинг шахсий темир архивларига тушарди: булар партия раҳбарларини обрўзизлантрирувчи материаллар эди. 942 йили Гиммлер биринчи марта фюрерни обрўзизлантрирувчи материални ўз сейфига яширди. Буни у сиёсий разведка бўйича ёрдамчиси Шелленберг билан бўлиб ўтган сұхбат арафасинда қилган эди. Шелленберг 1942 йилининг август ойида, тоиг отар паллада

Житомир яқинидаги рейхсфюрер ставкасиға самолётда учиб келганди. Шарқий фронтда ғолибона ҳужум, давом этарди. Роммелнинг галабалари бутун Африкани ларзага солаётган бир пайт эди. Шелленберг эса мұфассал ахборот беріб бўлгач, деди:

— Энди, рейхсфюрер, менда бир нарсагина қолди— у ҳам бўлса бир фикр.

Гиммлер безовталанди.

— Шахсан бирон кимсага қарши фикрми? Кўнгил-сиз воқеа юз бердими?

— Пўқ. Ундаи эмас. Бисмарктининг пастики тортмасида исботли ҳужжат таҳт турмагунча ҳеч шимага ҳаракат қилма⁹ деган васияти ёдимда. Сиздан бир нарсани сўрашим мумкинми, рейхсфюрер, уруш тақдиди ҳақидаги ҳужжатлар столингнэнинг қайси тортмасида сақланмоқда?

Гиммлер, ҳар эҳтимолга қарши, сұхбатни биронтаси плёнкага ёзиб олмасин учун радиони қўйди, сўнгра жавоб берди:

— Мен сизга беш ҳафта дам олишга рухсат бераман. Асабларингиз жойида эмас. Мазангиз қочибди, Шелленберг. Тушунарлами? Буниси майли, аммо мен билан шу тариқа гаплашишга ким ҳуқуқ берди сизга?

— Ҳозир биз шу қадар кучлимиэки,— давом эттириди сўзини Шелленберг,— бутун дунёга ҳукмимизни ўтказишимиз мумкин. Ҳозир биз шон-шараф чўққисидамиз, Бисмарк эса шон-шараф чўққисига мингандада сулҳ тузаарди.

Гиммлер ўшандаги — ҳозир ўша воқеани ипидан-иг-насигача эслади — диванга чўзилиб олиб, қорнини силай бошлаган эди (упинг меъдаси сусайиб кетган эди ва рак касалига дучор бўлишдан қўрқарди). Кейин деди:

— Ташқи сиёсатда фюгеррга калтафаҳм Риббентропнинг маслаҳат берини давом этар экан сулҳ ҳақида гап бўлиши мумкин эмас.

— Риббентроп Геринг билан ит-мушук — Герингга ёрдам беріб, Риббентропни ағдаришимиз мумкин. Уни вино кони бўлган Бургундиянинггина эмас, балки конъяк кони бўлган Брабантнинг ҳам гаулейтери қилиб тайинлаш мумкин. Пияниста дўстимиз бунга кўнади..

Гиммлер ўшандаги қўлини узатиб, столчадаги Броқ-

гауз чиқарган географик атласни олиб варақларкан, бармоқлари билан кўрсатди:

— Бунинг амалий томонларига нима дейсиз? Бельгия тақдиди нима бўлади? Голландияни нима қиласиз? Украина-чи?

— Масалани бўлиб-бўлиб ҳал қилмоқ керак,— деди Шелленберг.— Россия синдирилди, демак Украина масаласи қолмади деса ҳам бўлади. Бельгия ва Голландия Англия ҳамда Америка билан олиб бориладиган музокаралар мавзуи бўлади. Мен фақат Америка билан Бормандан қўрқаман.

Гиммлер илжайиб қўйди.

— Хўп, яхши,— деди у,— Франция-чи?

— У билан иттифоқ тузамиз. Унинг мустамлакалари бизга куч-куvvват беради.

— Сиз иттифоқчилар фикрини Фрицхен орқали билмоқчимисиз?— сўради Гиммлер, гарчи саволи кўпроқ тавсияга ўхшаб кетса-да,— Ҳаммасига ўзингиз жавоб берасиз, мени бунга аралаштируманг.

Шундан кейин Шелленберг ишга киришиди. Аммо у Берндаги Даллес одамлари билан алоқа боғлашга шошилмади. Фрицхен—фон Папендан ҳам фойдалаимади. Чунки, аввало Риббентропни ағдариш керак эди. Шелленберг Риббентроп аппаратидан унга қарши ошкора курашишга тайёр бир кишини топди. Бу киши статсекретарь Лютер эди. Кабул маросимларидан бирида у Шелленберг билан олиб борилган аввалги суҳбатларидан илҳомланиб, ҳамманинг кўзи олдида Гиммлернинг ёнига бориб, дўстона суҳбатлаша бошлиди, уйга қайтиб келгач эса, Борман, Гиммлер ва Герингга Риббентроп устидан чақув хати ёзди. Риббентроп СС обергруппенфюери бўлганлиги сабабли, Гиммлер бу фурсатдан фойдаланиб унга қарши иш бошламади: бунга партия этикаси йўл қўймасди. Риббентропни вазифасидан бўшатиш олдидан партия суди, кейин СС суди бўлиши шарт эди, фақат шундан сўнггина уни министрлик лавозимидан олиш мумкин бўларди.

Гиммлер бир қарорга кела олмади, зарба беришдан қўрқди, бу орада эса аппарат иш бошлаб юборди: гестапо шефи Риббентроп разведкадаги агентларнинг соҳта ҳужжатлари бўйича Лютерни қамоқча олди. Риббентролга чоҳ қазиган кишининг ўзи тушиб қолди чоҳ-

га. Бунинг устига Мюллер Лютерни ҳамма гапларни айтишга мажбур этиб, Борманга Ғарб билан сепарат музокаралар бошламоқчи бўлган кишилар бор экан, деган ахборот юборди. Борман бу ҳақда фюрерга ахборот берди. У Риббентропга, уруш ҳолатида бўлган мамлакатлар билан музокара олиб бориш — хоинлик, ким шундай қилас экан ўлимга маҳкум, деган буйруқ чиқаришни буюрди.

Ушанда Гиммлер биринчи марта фурсатни қўлдан бой берганлигига ва Риббентропдан енгилганлигига иқрор бўлиб, Шелленбергга ҳасрат қилди:

— Фюрер учун урушиш жонга тегди. Башарти у шуни истар экан, эндиликда унинг ўзига қарши ҳаракат қиласман.

— Ҳужжатингиз,— деди мотоциклчи.

Штирлиц унга гувоҳномасини узата туриб:

— Нима гап?— деб сўради.

Мотоциклчи гувоҳномани кўриб унга честь берди ва бундай жавоб қилди:

— Бизни тревога бўйича оёққа турғаздилар. Радистларни изляяпмиз.

— Хўш, қандай?— сўради Штирлиц гувоҳномасини чўнтағига солар экан.— Натижа борми?

— Биринчи бўлиб сизнинг машинангизни учратдик.

— Юқдонни кўрсатайми?— сўради Штирлиц жилмайиб.

Мотоциклчилар кулиб юбордилар:

— Олдинда иккита чуқур бор, эҳтиёт бўлинг, штандартенфюрер.

— Раҳмат,— жавоб берди Штирлиц,— мен ҳамма вақт эҳтиёткорман.

«Бу Эрвиндан кейин кўтарилган шов-шув,— дарҳол тушунди у,— улар шарқ ва жанубга қараб кетадиган йўлларни тўсиб қўйишган. Принцип жиҳатдан тўғри бўлса ҳам, умуман жуда оддий йўл тутишибди — Германияни билмаидиган кишига нисбатан шундай йўл тутилса бошқа гап эди».

У бомбалар ўпириб ташлаган чуқурларни четлаб ўтди. Чуқурлар янги эди, ён ойналардан ачимсиқ ҳид кириб туарди.

«Энди бу лақмаларга қайтайлик,— ўйлашни давом эттириди Штирлиц.— Бинобарин, улар Кукинислар

ва Ефимов расмларида тасвирланганчалик гўл, лақма эмаслар. Демак, меш учун бир нарса қалит хизматини ўташи керак, у ҳам бўлса, Риббентроп, Геринг, Борман ёки фельдмаршал Клюгенинг шахсан сулҳ тузишдан манфаатдор бўлишларидир — Марказнинг нима учун безовта бўлаётганилиги сабабини тушуниб олишим учун асосий нарса шу. Аммо улар билан сепарат сулҳ тузишга ким ботина олади? Рузвельтми? Йўқ албатта! Ёки Буюк Британиянинг жамоатчилик фикрими? Ҳеч вақт! Лекин, бошқа томондан олганда, Германиянинг фақат Фарб олдида таслим бўлиши у ердаги монокалинал (ахир у ҳам маълум шахслардан иборат-ку) учун фойдалидир. Демак, рейхспинг олий доиралари орасида ишимни тугатганимдан кейин Шпеерга жиддий эътибор беришим керак: Германия саноатига раҳбарлик қилувчи бу одам истеъоддли инженергина эмас, жиддий сиёсатчи ҳам бўлиши керак. Фарбдаги саноат хўжайинлари билан бевосита алоқа қилиб турадиган бу шахс билан шу топгача жиддий равишда шуғулланмаган эдим.

Штирлиц машинасини гаражга киритиб ўтирмаши—совуқ унча кучли эмасди: икки-уч градусга яқин.

«Бари бир мен эртага барвақт тураман,— ўйлади у,— радиатордаги сув музламайди. Эртага оғир кун бўлади. СД офицери бўла туриб, шахсан Гиммлер хизматига ўтиш ҳазил гап эмас... Бунинг ўстига, бу оқибат-натижа яқинлашаётганилигининг неботидир. Мен Гиммлерга содиқлик ҳақида қасамёд қилган эдим. Энди бунинг ўзи кифоя қилмаяпти — унинг шахсан ўзига, Гиммлер фамилияли киши, СС рейхсфюриерига шахсан содиқ бўлишим лозим...»

Худди ана шу 1942 йилдан сўнг, Гейдрих Прагада ҳалок бўлгач, Шелленберг Гиммлернинг энг ишончли кишини бўлиб қолди. Гейдрихнинг ўринини олган Кальтенбриннерий Гиммлер савияси жуда паст бўлганлиги ва ўйламай-нетмай иш тутганлиги учун ёқтирасди. У жуда кўп ичарди, кунига юзталаб сигарета чекар ва ёқимсиз австрияча шевада гаплашарди — буларнинг хаммаси Гиммлернинг меъдасига тегар эди. Гиммлер яна унинг тишлари қўйма бўлганлиги учун ҳам гапига яхши тушуна олмасди.

— Тиш докторига мурожаат қилсангиз бўлмайдими,— деди у бир куни Кальтенброннерга,— шошилиб гапирганингизда сўзларини гизга ҳеч тушуниб бўлмайди.

Кальтенброннер жуда хафа бўлди, Гиммлер буни сезиб, ўйланиб қолди: «Аҳмоқ бўлганлиги ҳам яхши— уни ҳар вақт муштга рўпара қилиш мумкин, аммо ўзимдан узоқроқ тутишим керак. Аҳмоқлик — юқумли нарса».

Борман-чи... Борманини Гиммлер ўлгидек ёмон кўрарди...

Қўйидагиларпи фюгеррга худди ана шу Борман айтган эди:

— Бизга бир нарса айниқса аёи бўлдики, армияга тўла ишониш жуда қийин. Партия ва национал-социализмнинг умиди бўлмиш СС дивизияларининг мавжудлиги миллатимиз учун катта баҳт. Фақат СС раҳбари— дўстим Гиммлергина шарқий фронтга, «Висла» армиялари группасига қўмондонлик қилишга қодир. Фақат унинг раҳбарлиги остида СС ва унга бўйсунган бошқа армиялар русларни улоқтириб ташлаб, яксон қилиши мумкин.

Гиммлер эртасига ёқ ўзининг қандай лавозимга тайинланганлигини ҳали билмай туриб, фюгер ставкасинга учиб келди. Тақдирни олдиндан ҳал қилиб қўйилгани учун ҳам Борманга итоат қилган Германнининг барча таулейтерлари айни вақтда унга, СС рейхсфюерерига ҳам бўйсунишлари кераклиги ҳақидаги у олиб келган фармонга Гитлер осонлик билан имзо чекди. Гиммлер Борманга қақшатқич зарба тайёрлаган эди. Шунинг учун ҳам Гиммлер фюерернинг ҳеч қандай гап-сўзсиз имзо чекканини кўриб у бир оз таажжубланди. Фюгер ҳужжатга қўл қўйиб бўлиши билан бир дақиқа ўтгач ҳаммасини пайқади.

— Табриклайман сизни, Гиммлер. Сиз «Висла» армиялари группасига бош қўмондон қилиб тайинландингиз. Сиз, фақат сиз, большевик галаларини тор-мор келтиришингиз мумкин. Сиз, фақат сиз, Сталиннинг беллини букиб, унинг олдига сулҳ шартларини қўйишингиз мумкин!

Бутун ҳаракатлар пучга чиқди. Гиммлер ҳаммасини тушунди. Енгилиш бўлса, бундан баттар бўлмас. 1945 йилининг январи эди, ғалаба қозонишга ҳеч қандай умид йўқ. Бундай пуч хаёлларни улоқтириб ташлаш

керак! Фақат бир йўл бор: Фарб билан дарҳол сулҳ тушиб, большевиклар галаларига қарши биргалашиб курашишдан бошқа илож йўқ.

Гиммлер шундай катта ва фаҳрли вазифага тайниланганлиги учун фюрерга ташаккур билдириб, уйнга жўнаб кетди. Кейин у Геринг ҳузурига борди — аммо гаплари қовушмади.

...Мана ҳозир у азонги соаг бешда уйғониб кетиб, қайтиб ухлай олмай, қарағай ўрмон сукунатига қулоқ солиб турибди, қизасига ҳам телефон қилолмайди, буни Борман билиб қолиши мумкин, ўғилларига ва уларнинг онасига — севган аёлига ҳам телефон қила олмайди, чунки жанжал чиқишиндан қўрқади — фюрер, ўзининг айтишича, «ахлоқий нопоклик» учун ҳеч кимни кечирмайди. Лаънати сифлис... Ахлоқий попоклик эмиш-а... Гиммлер нафрат билан телефон аппаратига назар ташлади: ўн саккиз йил мобайнида яратган машинаси ҳозир унинг ўзига қарши ишлай бошлаганди.

«Бўлар иш бўлди,— деди у ўзига-ўзи.— Ўзим учун ҳозирданоқ, дарҳол курашига киришмасам иш пачава».

Гиммлер агентура маълумотларига асосан Италиядаги қўшинлар группаси бош қўмондони фельдмаршал Кессельрингнинг Фарб билан музокара олиб боришга мойиллигини биларди. Бу ҳақда фақат Шелленберг билан Гиммлергина хабардор эдилар. Бу ҳақда хабар қилган икки агент йўқ қилингэн эди: улар Кессельринг ҳузурига қайтиб кетаётгапларида олдиндан белгилаб қўйилган авиация ҳалокатига учраган эдилар. Сирни сақлаш — муваффақият гаровидир. Италиядан Швейцарияга йўл очиқ. Швейцарияда эса Американинг Европадаги разведка хизматининг бошлиғи Аллен Даллес бор. Буниси жиддий масала. Бу жиддий кишиларнинг бевосита алоқаси бўлади, устига устак Кессельрингнинг дўсти, Италиядаги СС бошлиғи генерал Карл Вольф Гиммлерга содиқ киши.

Гиммлер телефон трубкасини кўтариб:

— Марҳамат, генерал Карл Вольфни зудлик билан чақиритиринг,— деди.

СС ветерани Вольфга ишонар эди. У фарб билан, Гиммлер номидан жиддий музокаралар бошлай олади...

Штирилиц ҳузурига пастор Шлагни биринчи сўроқ учун олиб кирганларида, унга қарши бирон комбинация ўюштириш нияти йўқ эди: Шелленбергнинг буйруғини бажаришга киришган эди, холос. Уч кун суҳбат қилиб, бу қарияга жуда қизиқиб қолди: Шлагда ҳайрон қоларлик даражада бамаънилик ва болаларга хос соддалик бор эди. Агар чол Мюллер бошлиқ гестапочилар қўлига тушгудек бўлса, уни тезда ҳайвон даражасига келтиришларига Штирилицининг ақли етарди.

Штирилиц — иложи бор пайтларда — етарли далилларсиз қўлга олинган ва иши унчалик жиддий бўлмаган кишиларга ёрдам беришга ҳаракат қиларди. Табиийки, у ўзининг асосий ишини хавф остида қолдирмасликка интиларди, аммо ипсон тақдирига у бефарқ қарай олмасди. У кишиларни қутқаришнинг муайян бир шаклини ўйлаб топди: арзимас иш билан қўлга тушган кишиларни ўзига «ёллаб», уларнинг дарҳол ёки бир оз концлагерда ётганидан кейин озод қилинишига эришарди. Бундай кишилар озод қилингач Шелленберг разведкаси ва, албатта, Штирилиц хизмат қилаётган разведка учун қизиқарли бўлган муассасаларга ишлашга жўнатилар эдилар. У қўл остидагилардан партиянинг кўзга кўринисиган аъзолари устидан материал йигишни сўради. Бундан мақсад, иккюзламалик қилган, қалтис гапларни гапирган, ахлоқ жиҳатдан бузилган ашаддий гитлерчиларни обрўсизлантириш эди. Шундай қилиб, у «уч томонлама» ютиб чиқарди. Гитлерчиларга қарши бирон-бир фикр билдирган кишиларни қутқариб қоларди, ишга юборилган агентларидан махфий маълумотлар олиб турарди ва, ниҳоят, улардан олинган материаллардан фойдаланиб, тузумга содиқ нацистларни лавозимидан ағдараради.

У пастор билан суҳбатлашар, унинг устидан йиғилган маълумотлар билан танишар экан, пастор кейинчалик унинг ишига қандай ёрдам бериши мумкинлиги устода кўпроқ бош қотира бошлади.

Штирилиц пасторнинг нацизмдан нафрлатланишидан ташқари, қаршилик ҳаракатига ёрдам беришга тайёр эканлигига ишонч ҳосил қилиб,— иғвогар Клаус билан суҳбатини тинглагач, бунга иқрор бўлган эди,— ўзининг бўлажак ишларинда Шлагдан қандай фойдаланиш мақ-

садга мувофиқ әкалини ҳақида аниқ бир қарорға келмаган бўлса-да, маълум ролни мўлжаллаб қўйди унга.

Штирлиц ҳодисалар қандай ривож топишини олдиндан фол боққандек аниқлаб олмас эди, аммо бўлажак операциянинг умумий қиёфасини аниқ тасаввур қилиларди. Жиноятчини қандай фош этиб, қандай қўлга туширишини олдиндан аниқ билгани изқуварлар акс эттирилган детектив романларни ўқиб энсаси қотарди. Европани босиб ўтиб, Апқарага йўл олган поездда кетаётуб бир китобда ўқиган воқеасини десим эслаб юрарди — бу воқеа унинг ёндида ҳеч чиқмасди. Бир куни, деб ёзарди тушмагур адабиётшунос, Пушкиндан гўзал Татьянанинг тақдирни има бўлишини сўрашганда, Пушкин ранжиб: «Унинг ўзидан сўранг, мен билмайман», деб жавоб берган экаи. Штирлиц математик ва физиклар билан суҳбат қилиб турарди, у атом масаласи билан шуғулланувчи физик Рунгени гестапо қамоққа олгандан кейин шундай суҳбатларни янада кўпайтирди. Штирлицини фан назариётчиларининг кашфиётларни қанчалик олдин планлаштиришлари қизиқтиради. «Бундай қилиш мумкин эмас,— деб жавоб берардилар унга.— Биз фақат тадқиқот йўлинигина белгилаймиз, қолгани тажриба жараёнида аниқ бўлади».

Разведкада ҳам ана шундай. Операция доираси аниқ белгилаб қўйилса, у чиппакка чиқиши мумкин, чунки олдиндан белгиланган бирон алоқа узилса, асосий мақсаднинг барбод бўлишига олиб келиши мумкин. Киши ўзини асосий вазифани ҳал қилишга бағишлаб ва олдиндан турли имкониятларни ҳисобга олиб иш кўра билса муваффақиятга эришиши мумкин. Айниқса киши якка ўзи иш кўраётганда шундай қилиши лозим. Штирлиц ана шундай деб ўйларди.

«Пастор...— деди ўзига ўзи Штирлиц.— Хўш, пасторга келайлик. Энди Клаус йўқ қилиниб, у яна икки кишини, бизнинг радиостларимизни соголмайдиган бўлгач, пастор сўзсиз менга тобе бўлиб қолади. Чолининг эксканцлер Брюнинг билан алоқаси борлигини аниқлаб бўлмаганини Шелленбергга айтган эдим ва у, афтидан, чолга қизиқмай қўйди чоги. Аммо Марказ бўйруғидан кейин чолга бўлган қизиқишини ортди».

Штирлициинг умумий мулоҳазаси аниқ ва равшак эди. У фақат бир нарсада янгишаётганди: Шелленберг

пасторни унутмаган эди. Аксипча, худди эндигина у билал и чинакам қизиқа бошлаган эди...

Мюллер оберштурмбанфюрер Айсманни кечаси соат учда чақиртириди: у Кальтенбруниер қўйин берган копъяқдан сўнг мизғиб олган ва ҳозир ўзини тетик ҳис старди.

«Дарвоқе, конъяги жуда ажойиб экан,— ўйларди у орқа миясини ўнг қўлининг катта ва кўрсатгич бармоқлари билан уқалар экан.— Ўзимизникини ичсангиз миячарсилааб ёрилиб кетай дейди, буни ичтандада одам жуда енгил тортар экан».

Айсман қизарган кўзлари билан Мюллерга тикилар-каи, болаларча бегубор кулиб қўйди.

— Менинг ҳам миям ёрилиб кетай деяпти,— деди у,— етти соатлик уйқуни тангридан совға кутгандек орзу қиласман. Кишини ухлатмай қийнашдан баттар қийноқ бўлмаса керак.

— Кулоқ солинг,— гап бошлади Мюллер,— бу ерда тушупиб бўлмайдиган бир нарса бошланди. Мени бугун бошлиғимиз чақирди. Бу бошлиқлар роса хаёлпараст бўладилар-да... Улар хаёл қилаверсалар бўлади — аниқ, тайинли ишлари йўқ, йўл-йўриқ кўрсатиш циркдаги шимпанзеининг ҳам қўлидан келади... Биласизми, у Штирлицга қарши тиш қайрамоқда...

— Кимга қарши?

— Ҳа, ҳа, Штирлицга қарши. Шелленберг разведкасида мен кўнгил қўйган бирдан-бир киши шу одам эди. Лаганбардор эмас, доим босик, хўжа кўрсинга ишлайди. Бошлиқлар атрофида гирдикапалак бўладиган ва керакми, керак эмасми, митингларда сўзга чиқавера-диган кишиларга ишонавермайман... Ҳаммаси ишёқмас, нўноқ, вайсақилар... У эса камгап. Мен камгап одамларни яхши кўраман... Агар дўстинг камгап бўлса — у чинакам дўст. Агар душман бўлса — чинакам душман. Улардан ўрганса арзиди...

— Мен Штирлицни саккиз йилдан бери биламан,— деди Айсман,— мен у билал Смоленск остонасида бўлдим, бомбалар остида қолдик: у тош ва пўлатдек метин.

Мюллер афтини буриштириди:

— Нима бало, ўхшатишларга берилиб кетяпсиз? Чарчаб қолдингизми дейман? Ухшатишларни партия

раҳбарларингизга қолдираверинг. Биз, изқуварлармиз, шунинг учун от ва феъллар билан, чунончи «у учрашди», «у бундай деди», «у бундай деб юборди» йўсинида фикр қилишимиз керак... Хўш, бу масалага сиз қандай қарайсиз?..

— Иўқ,— жавоб берди Айсман,— Штирицинг софкиши эмаслигига ишона олмайман.

— Мен ҳам.

— Эҳтимол, бирон йўлини топиб, буни Кальтенбруннера га тушунтириб қўйиш керакдир.

— Нега энди?— бир оз сукутдан сўнг сўради Мюллэр.— Борди-ю, у Штирицинг носоғфиши бўлиб чиқишини истаб қолса-чи? Бундай эмас, деб уни кўндириб ўтиришнинг ҳожати бормикин? Аслини олганда, Штирицинг бизнинг идорамизга даҳли йўқ-ку. У олтинчи бошқармадан. Шелленбергнинг жони чиқаверсинг...

— Шелленберг исбот талаб қиласди... Бунда уни реихсфюрер қўллаб-қувватлашини ўзингиз биласиз.

— Шундайми?

— Ишончим комил.

— Нега энди?

— Буни исбот этишим қийип... Ишончим комил, обергруппенфюрер.

Мюллэр яна ўнг қўлининг бош ва кўрсатгич бармоқлари билан гарданини уқалай бошлади.

— Хўш, нима қиласми?

Айсман елкасини қисиб қўйди:

— Шахсан менинг фикрим шуки, ўз виждоимиз олдида охиригача соф бўлиб қолишимиз керак — шунинг ўзи кейинги ҳаракат ва қилмишларимизни белгилаб беради.

— Ҳаракат ва қилмишлар — иккаласи ҳам бир нарса,— изоҳлади Мюллэр.— Фақат буйруқни, ҳа, буйруқни бажарувчи кишиларга ҳавасим келади, билсангиз. Қани энди мен ҳам фақат буйруқни бажараверсам! «Соф бўлиш керак» эмиш! Мен доим нопоклик йўлини қидирниб юргандай гапирасиз-а. Марҳамат, сизнинг пок бўлишингиз учун бутун имкониятни яратиб бераман: мана бу материалларни олиб,— Мюллэр Айсман олдига тексти машинкада ёзилган бир неча папкани суриб қўйди,— ўз хулосангизни айтинг. Аммо охиригача ҳалол хулоса бўлсин. Мен шефга текширув натижалари ҳақида ахборот берганимда шу хулосангизга суюниб иш кўраман.

— Нима учун бу ишни мен қилишим керак, обергруппенфюрер? — сўради Айсман.

Мюллэр кулиб юборди:

— Хўш, дўстим, соф-поклигингиз қаерга кетди? Қани у? Бошқаларга ҳалол бўл деб насиҳат қилиш осон нарса. Аммо ҳар ким ҳам ўзининг нопоклигини поклик қилиб кўрсатиш пайида бўлади... ўзини ва ўз хатти-ҳарақатларини оқлаш учун, албатта. Ёки нотўғри тапирияпманми?

— Мен рапорт ёзиб бернишга тайёрман.

— Қандай рапорт?

— Мен рапортда Штирлицни кўп йиллардан бери биламан ва унинг ҳалол, покиза киши эканлигига кафил бўла оламан, деб ёзиб бераман.

Мюллэр бир нафас индамай қолди, креслода гужанак бўлиб ўтири-да, кейин Айсман олдига бир варақ қофозни суриб қўйди.

— Ёзинг,— деди у.— Ёзақолинг.

Айсман қўлига ручка олди, дастлабки иборани узоқ ўйлаб, кейин чиройли дастхат билан қўйидагиларни ёзди: «Бошқарма бошлиги СС обергруппенфюрери Мюллэрга, СС штандартенфюрери Штирлицни чипакам олий ирқ, фюрер ва НСДАП гояларига садоқатли киши деб ҳисоблайман ва шу сабабли унинг иши юзасидан текширув ўтказиш билан шуғулланмасликка рухсат этгайсиз. СС оберштурмбанфюрери Айсман».

Мюллер қофозни босма билан босди, уни иккى марта ўқиб чиқиб, мулойимлик билан деди:

— Балли, яшанг!. Мен ҳар доим сизни ҳурмат қилиб келдим ва сизга тўла ишонаман. Ҳозир ҳам сизнинг жуда баодоб киши эканлигингизга яна бир карра иқор бўлдим, Айсман.

— Ташаккур, обергруппенфюрер.

— Менга ташаккур билдиришнинг ҳожати йўқ. Мен сизга ташаккур билдираман. Майли. Мана учта папка: ундаги ҳужжатлар бўйича Штирлицнинг иши тўғрисида ижобий жавоб ёзиб беринг — сизга ўргатишнинг ҳожати йўқ: разведкачига хос санъат, терговчига хос зийраклик, чинакам национал-социалистга хос матонатни шуга солинг. Бунинг учун сизга қаинча вақт керак?

Айсман папкаларни титиб кўриб, жавоб берди:

— Ҳамма нарсани чиройли расмийлаштириш ва ҳуж-

жатлар билан асосли равишда исботлаш учун бир ҳафта муддат бернишигизни сўрар эдим.

— Кўпি билан беш кун.

— Яхши.

— Штирлицининг ашави руҳоний иши юзасидан кўрсатган маҳоратини боллаб тасвиrlашга ҳаракат қилинг,— Мюллер бармоғи билан папкалардан бирини кўрсатди.— Кальтенброннернинг фикрича, кимдир руҳонийлар: Ватикан ва ҳоказолар орқали Farb билан алоқа боғлашга уринмоқда...

— Маъқул.

— Муваффақият тилайман. Ҳозир бориб ухланг. Етти соат вақт бера олмайман. Беш соатга рухсат этаман. Уйқингиз ширин бўлсин.

Айсман чиқиб кетгач, Мюллер унинг хатини алоҳида папкага солиб, узоқ вақт хаёл сурнб ўтирди. Кейин у бошқа бир ходими — оберштурмбанфюрер Холтоффни чақириди.

— Қулоқ солинг,— деди у ҳатто ўтиришни ҳам таклиф қилмай — Холтофф ёшлардан эди.— Мен сизга ғоят махфий ва муҳим бир топшириқ бераман...

— Қулоғим сизда, обергруппенфюрер.

«Буниси игна билан қудуқ қазишга ҳам тайёр,— ўйлади Мюллер,— отдек гижинглаб туришини қаранг. Бунга бизнинг найрангларимиз ҳамони ёқади, уларга шўнғиб кетган, ўзини худди сувла юрган балиқдек сезади. Буниси ҳар қандай топшириғингизни бажаришга тайёр... Шуниси ҳам яхши.. Шелленберг билан савдолашиб учун қўлда далил бўлса зиён қилмас».

— Гап бундай,— давом эттирди сўзини Мюллер.— Сиз манави ишларни ўрганиб чиқинг: бу штандартен-фюрер Штирлицининг кейинги йилда бажарган ишлари. Бу қасос қуроли... яъни атом қуроли... физик Рунтега тааллуқли иш. Умуман олганда, пичоқقا илинмайдиган иш, аммо унн синчилаб кўринг... Қандай савол туғилса, олдимга кираверинг.

Бир оз ўнгайсизланган, аммо ўзининг ўнгайсиэ аҳволга тушганлигини яширмоқчи бўлган Холтофф гестапо бошлигининг кабинетидан чиқиб кетаётганида Мюллер уни тўхтатиб:

— Яна унинг бир неча дастлабки, фронтдаги ишларини ҳам олиб кўринг, бир назар ташланг-чи, Штирлиц билан Айсманнинг орасида бирон гап йўқмикан?

Гестапо ҳам, абвер ҳам, Виши контрразведкаси ҳам 1942 йил ёзининг ташвишли кунларидан бирнда Франциядан махфий равишда қандайдир америкалик ўтиб кетиши кераклигини билардилар. Франция контрразведкаси, гестапо ва адмирал Канарис идораси ана шу кишини қўлга туширмоқчи бўлдилар.

Вокзалларда, аэроромларнинг ойнаванд биноларида агентлар қиёфаси сал бўлса-да америкаликка ўхшаган кишиларни кузатиб ўтирадилар.

Бироқ улар ўша кишини қўлга тушира олмадилар. У ресторонларда ўтириб тўсатдан ғойиб бўлар, қўққисдан самолётларда пайдо бўлиб қоларди. Ақлли, тадбирли оғир табиатли ва довюрак бу киши немис хавфсизлик хизматини, Виши контрразведкасини доғда қолдирнуб, 1942 йилнинг охирида бетараф мамлакат Швейцарияга ўтиб кетди.

У баланд бўйли киши эди. Пенснесининг ярқироқ ойнаси орқасига яшнинган кўзлари бу дунёга бир оз изар-нисанд қўлмай, яхшилик тилагандек ва айни пайтда жиддият билан боқар эди. Бу кишининг оғзида инглизча трубкаси бўларди ҳамиша, у камгап эди, кўпинча кулиб турар ва суҳбатдошлари гапига диққат билан қулоқ соларди. У ўзининг ўткир ҳазиллари, ноҳақ бўлган пайтларнда ўзининг ноҳақлигига дарҳол ва очиқ-ойдин иқрор бўлиш одати билан кишиларни мафтун этарди.

Бинобарин, Гиммлер, Канарис ва Петен идоралари ходимлари бу кишининг ким эканлигини билганларида уни Франциянинг ўзидаёқ қўлга тушириш учун ўн баравар ортиқроқ ҳаракат қўлган бўлур эдилар. Уша пайтларда, 1942 йилнинг охирида немис армияси Францияга бостириб кириб, унинг «мустақиллитига» чек қўйган ва пойтахти Вишида бўлган қарам бир давлатга айлантирган эди. Шу киши генерал Донован томонидан Бернга юборилган стратегия хизмати бошқармасининг ходими Аллен Даллес эди.

Швейцарияда унинг ҳақида Рузвельтнинг шахсий вакили деган гап тарқалди.

Даллес бунга жавобан матбуотда раддия берди. Раддия ҳам жуда ажаб ва сирли эди. Бундай икки томонлама реклама — миш-миш гаплар ва ажаб раддия — айни пайтда ўз фойдасига хизмат қилишини у фаҳмлаб олли. Ҳа, бу борада янгишмаганди: Бернда истиқомат

қила бошлаган дастлабки ойлардан бошлабоқ унинг ҳузурига турли жойлардан турли кишилар — банкирлар, спортчилар, дипломатлар, филологлар, асл шаҳзодалар, актёрлар, яъни бутун дунё разведкалари ёллайдиган, чинакамига жиддий агент бўладиган кишилар кела бошлади.

Даллес Швейцарияда стратегия хизмати бошқармасининг бўлимини ташкил қилиш олдидан ўз ходимлари устидан тўпланган материалларни синчилаб ўрганиб чиқди.

— Мана бу кўк папкада,— тушунтириди унинг ходимлари устидан тўпланган маълумотларни текшириб, тартибга солувчи Текшириш федерал бюроси (ФБР)нинг вакили,— душман мамлакатлар ва бетараф мамлакатларда қариндош-уруглари ёки яқин дўстлари бор кишилар ҳужжати. Мана буниси эса Германия ва Европада туғилган ҳамда ота-оналари немис бўлган кишилар ҳужжати. Бу ерда сизнинг ходимларингиз ким билан ёзишиб турса, ўша кишиларнинг фамилиялари бор... Мана бунисида...

Даллес тушунмагандек унинг гапини бўлди:

- Буларнинг ишга қандай даҳли бор?
- Кечирасиз...

— Мени қўйидаги нарсалар қизиқтиради: мен билан ҳамкорлик қилаётган одамлардан биронтаси Германия—Америка институтининг ташаббускор ходимими ёки йўқми? У компартия аъзосими ёки йўқми? У гомосексуалист эмасми? Аёл киши бўлса, лесбиянкамасми? Оиласи қандай? Никоҳ мустаҳкамми ёки хотини манжалакими ва шу сабабли эри ичкиликка берилиб, жанжалли уй-рўзгорига лаънат ўқиб, ташлаб кетмоқчи эмасми? Германия ёки Италиядаги қариндош-уругларга келганда, менинг ҳам узоқ қариндошим ўтган асрдаёқ Германияда ўтроқ бўлиб қолган экан.

Афсуски, «Who is who» справочнигига шу киши илгари ким бўлганлиги ҳақида озгинагина маълумот берилган экан. Унинг тарихи Германия контразведкасининг олдинроқ билиб олишига арзирди. Аммо буни улар анча кейин билдилар.

Гиммлер идораси Даллес уйига ўз агентини ўрнаштира олгандан сўнг (Аллен Даллес уйида хизмат қилинб юрган ёқимтой, ишchan ошпаз аёл империя хавфсиэлиги олтинчӣ бошқармасининг ходими эди), Шелленберг ҳам,

Гиммлер ҳам, гестаподан Мюллер ҳам, кейинчалик эса Қальтенбруннер ҳам ўз агенти орқали муҳим ва қизиқарли, равшан ва керакли нарсаларни билди олдиларки, бу маълумотлар арзимас майда-чўйдалардан тўпланган эди.

Шу агент, масалан, Аллен Даллесинген энг севимли ва ҳеч ажралмас китоби хитойлик Сун Цзининг «Урушсанъати» деган асари эканлигини хабар қилди. Бу китобда хитой назариётчиси жосуслик асосларини баён қилган. Унда, албатта, эрамизгача 400 йилда Хитойда қўлланилган жосуслик асослари баён қилинган эди.

Аллен Даллес хитойлик авторнинг разведка соҳасидаги энг керакли агентлар ҳақидаги фикрларини қайта-қайта ўқир экан.

«Сун Цзи агентларни беш турга бўлган экан: маҳаллий, ички, икки томонлама, қайтmas ва тирик.

Маҳаллий ва ички агентлар (Даллес буларни алоҳида қофозларга ёзиб қўярди, шунингдек бу қофозлар Шелленберг идорасига ҳам келиб тушарди) ҳозир биз жойлардаги агентлар деб атайдиган агентларга тўғри келади.

Икки томонлама агент — асир қилиб олинган душман разведкачиси, кейинчалик у қайтариб ўз томонига жўнатилади, аммо эндиликда у асир тушган мамлакатининг агенти бўлиб кетади..

Аллен Даллес қизил қалам билан «қайтmas агент» сўзининг тагига чизиб қўйган экан. Хитойликларнинг бундай назокат сўзи унга жуда маъқул тушди. Сун Цзи душманга сохта маълумотлар етказиб берадиган агентларни қайтmas агент ҳисобларди. Сун Цзи уларга шунинг учун қайтmas агентлар деб ном берган эдики, улар топширган маълумотларнинг ёлғон эканлиги маълум бўлиши билан душман уларни ўлдириб юбориши мумкин эди.

Сун Цзи тирик агентлар деб атаганлар, таъкидлар эди Даллес ўз ёзувларида, бизнинг давримизда ичкарига кириб борадиган агентлар деб аталади. Улар душман мамлакатига бориб ишлайдилар ва у ердан омон-эсон қайтиб келадилар.

Сун Цзи, ҳақиқий разведкачи бир йўла ана шу беш хил агентларнинг ҳаммасига эга бўлмоғи лозим, деб қайд қилган. Сун Цзи ана шу беш хилдаги агентга эга бўлган киши «илоҳий кучга тенг бир ўргимчак иннига»,

яъни жуда нозик, кўзга кўринмас ва бақувват иплардан тўқилгап бир тўрга эга бўлади, деган эди.

Сун Цэн кўп нарсаларни ёзган, Даллес эса унинг асаридан кўп жойларни — контрразведка, қалбаки ахборот, психологик уруш, агентларни муҳофаза қилиш ҳақидаги жойларни алоҳида-алоҳида варақларга ёзиб қўярди.

Сун Цэн разведкаси Қадимги Греция ва Қадимги Рим разведкасидан анча афзал эди. Греция ва Римда кўпинча руҳ ва худолар кўрсатмаларига асосланишар эди. Разведкада эса, таъкидлар эди Сун Цэн, руҳларга ҳам, худоларга ҳам ишониб бўлмайди. Разведкада душманни, дўстни — фақат иисонга ишониш лозим.

Гестапо агентти америкалик разведкачи четларига ўз фикрларини ёзиб қўйган саҳифаларнинг фотосуратини олишга ҳам муваффақ бўлган. Тавротда Исо Навиннинг Иерихондаги аҳволини билин учун яширин равишда иккни кишини юборганилиги тўғрисида ёзилган жойни Даллес чиизиб қўйган эди. Шу кишилар фоҳиша Рааб уйига келишгали. Бу нарса, деб ўйларди Даллес ва шу ҳақда дўстларига ҳам ҳикоя қиласади, тарихий солномаларда битилгап, ҳозирги кунда профессионал разведкачилар махфий учрашув жойин деб аталган нарсанинг дастлабки мисолидир. Рааб жосусларни ўз уйинда яшириб турган, кейин эса уларни шаҳардан эсон-омон олиб чиқкан, исроилликлар эса Иерихонни ишғол қилиб, тирик жон борки, ҳаммасини ўлдирганлар, фақат Рааб ва унинг оиласи омон қолган. Ана ўша даврдаёқ разведкага ёрдам берган кишиларни тақдирлаш одати келиб чиқкан экан.

Аллен Даллес уйидаги агентнинг ўз марказига хабар қилишича, унинг энг яхши кўрган китобларидан бирни Даннель Дефонинг «Робинзон Крузо» асари экан. Шунингдек у «Молль Флендерс» ҳамда «Вабо босган шаҳар тўғрисида эсдаликлар» номли китобларни ҳам тез-тез ўқиб туарар экан. Бу китобларни ҳам жуда ажойиб разведкачилардан бирни бўлган Даннель Дефо ёзган. У йирик разведка тармогининг ташкилотчисигина бўлиб қолмай, инглиз разведкасининг биринчи раҳбари ҳам бўлган эдикни, буни бутун дунё унинг вафотидан кейин кўп йиллар ўтгачгина билган эди.

Даллес унинг китоблари саҳифаларида бу асарни Британия империяси разведкасининг бошлиғи ёзганили-

гина билдирувчи бирон-бир шаъма бормикан, деб кўп излади, аммо ундаш шаъмадан асар ҳам топа олмади.

Шунингдек, Шелленберг агентининг хабар қиляшича Аллен Даллес бўш вақтларида Европадаги XIX аср йирик жосуслик ташкилотларининг амалий ишлари ва методларини синчиклаб ўрганарди.

Гиммлер идорасининг темир архивларида Аллен Даллес ҳақида бундан бошқа маълумотлар ҳам кўп эди. Аммо учинчى рейх раҳбарлари қанча уринмаснилар, XX аср ўрталаридаги устомон бу разведкачининг тўлиқ ва батафсил таржимаи ҳолиш тиклай олмадилар.

Даллеснинг таржимаи ҳоли унчалик кўзга ташланмасди. Йигирма уч ёшида санъат магистри дипломинц олиб, Ҳиндистон ва Хитойда миссионер бўлиб ишлаган, 1916 йилнинг майида Венада дастлабки дипломатик лавозимни эгаллаган. Парижда Вудро Вильсон бошлиқ делегация составида ишлаган. Сўнгра у маҳсус топшириқ олиб, Швейцария ва Австрия-Венгрия империясини сақлаб қолишга уриниб, Австрияда ишлаган. Уша ерда 1918 йилда у биринчи фитнасини тайёрлаган, башарти Даллес уни охирига етказа олган тақдирда ғоят катта фитнага айланниши турган гап эди. Бироқ коммунистлар бошчилигида Германияда бошланган ноябрь революцияси фитна йўлини тўсиб қўйди. Большевизмнинг Фарбга тарқалишининг олдини олиши, унга қарши қудратли тўсиқ бўлиб туриши лозим бўлган бўлажак Габсбурглар монархиясп зарбага учраган эди.

Бир йил ўтгач, 1919 йилда, Даллес Қўшма Штатларнинг Германиядаги әлчиҳо насишининг биринчи секретари қилиб тайинланди. Шу ерда, Вильгельмплацдаги 7-йіда ишлаб, Европада большевизмга қарши курашишни Ўзларининг асосий вазифаси қилиб олган кишилар билан юзма-юз учрашиди. Худди шу ерда Аллен Даллес Қўшма Штатларнинг Германиядаги вақтинча ишоиччи вакили мистер Дресселни Кремлга ҳужум қилишининг дастлабки планини ишлаб чиққан генерал Гофман билан таништириди.

Гофман ўша вақтда уларга бундай деган эди: «Умрим бўйи мен бир нарсага афсусланаман. Брест-Литовскдаги музокараларни бузиб, Москва томон юриш бошламаганимга афсусланаман. Уша пайтда шундай қилиш мен учун осон эди».

Худди ўша вақтда ва худди Гофманнинг ўзи Даллес

билан сұхбатда кейинчалик «дранг нах остең» доктринаси сифатида юзага келган доктринани чиройли ғаплар билан исботлаб, оқлаб чиқди.

Берлиндан сүнг Аллен Даллес икки йил Истамбулда, яғни Совет Россиясы билан бевосита чегарадош мамлакат пойтахтида, бпр томондан Қора ва Үрта деңгизге ўтиш учун калит хизматини ўтаган, иккінчи томондан — жаҳон нефть запаслари останасидаги истеъжом бўлган мамлакат пойтахтида икки йил хизмат қиласди.

У ердан Даллес Вашингтонга қайтади. У давлат департamentiда Яқин Шарқ ишлари билан шуғулланувчи бўлимга бошлиқ бўлиб олади. Яқин Шарқ уруш озукаси — нефтга жуда бой район эди. Америка саноатининг нефть билан шуғулланувчи магнатларини ўша пайтда жаҳон бозорида инглиз рақиблари эришаётган катта муваффақиятлар безовта қила бошлаган эди.

Худди ўша вақтда «Стандарт ойл оф Нью-Жерси» компанияси бошқармасининг раиси мистер Бетфорд: «Қўшма Штатлар учун ҳозир тажовузкорона сиёsat ўтказиш муҳим», деган эди.

Даллес зўр бериб ишлай бошлайди. Буюк Британия устидан қозонилган биринчи ғалаба унинг раҳбарлигида амалга оширилган эди. Бу воқеа 1927 йилда, Рокфеллер компанияси «Ирак петролеум компани» нефть компанияси акцияларининг йигирма беш фоизига эга бўлиб олган пайтда юз берган эди.

Худди шу йил Меллон группасига кирувчи «Гауф ойл» нефть корпорацияси Бахрайн оролларида концессиялар олишда афзалликларга эга бўлиб олади.

Ана шу ғалабаларни тайёрлаб, Даллес истеъро бермоқчп бўлади. Банкчи Ротшильдлар уйида разведка хизматини ўрганиши натижасида у, давлат департamentiда ишлаган пайтим келажакдаги жиддий хизматим йўлидаги дастлабки қадам экан, деган фикрга келади.

Аллен Даллес «Салливен энд Кромвэл» адлия фирмасига жойлашади. Бу фирма Рокфеллер ва Морганлар хонадони билан яқиндан алоқа қилиб турган Уоллстритдаги энг йприк фирмалардан бири эди. Худди шу ерда, адлия фирмасида Аллен Даллес Колумбия республикасидаги нефть концессияларини қўлга киритиш бўйича гоят катта операцияни амалга оширди.

Канал қурилаётган пайтда Панама ҳукумати билан иш олиб борган ҳам худди ана шу «Салливен энд Кром-

вэл» фирмаси эди. Худди ўша пайтда «Салливен энд Кромвэл» фирмаси Германия билан, яъни Версаль шартномасидан кейин Америка саноатчилари жуда күп миқдорда доллар юбораётган мамлакат билан яқиндан алоқа боғлаган эди.

Худди ўшандада Аллен ва унинг акаси Жон Фостер Даллес Тиссеннинг «И. Г. Фарбениндустри» трести ва «Роберт Бош» концерни билан яқин алоқа боғлагандилар. Аллен ва Жон Даллес шу немис корпорашияларнинг Америкадаги агентлари бўлиб олган эдилар.

Уруш бошланиши арафасида Аллен Даллеснинг иши барбод бўлаёзганди. «Роберт Бош» концернининг Қўшма Штатларда филиали бор эди. Унинг номи «Америкен Бош корпорейшн» эди. Иккинчи жаҳон уруши бошланишида фирма қора рўйхатга тушниш хавфи остида қолади. Унинг эгалари швециялик банкчилар — ака-ука Валленберглар билан шошилинч равишда шартнома тузадилар. Бу шартномада, фирмани эгаларига фақат урушдан кейин қайтариш шарти билан, «Америкен Бош корпорейшн» устидан номигагина швед банки назоратини ўрнатиш кўзда тутилган эди.

Валленберглар бунга розн бўлдилар, аммо уларга зарур бўлган расмий томонларни бажарниш учун америкалик контрагент керак эди. Бу вазифа ака-ука Даллесларга топширилади. Аллен Даллес Америка ҳукмдорларини алдаб Швеция байроғи остига нацистлар мулкини яширишга муваффақ бўлади. Кейинчалик Аллен Даллес фақат «Салливен энд Кромвэл» фирмасининг хўжайинларидан бирига айланибгина қолмай, балки «Шредер трест компани»нинг, айни вақтда «Ж. Генри Шредер бэнкинг корпорейшн»нинг ҳам директори бўлиб қолади.

Хўш, Шредер ким бўлган?

У Германияда немис граждани, Қўшма Штатларда америка граждани, Буюк Британияда инглиэ граждани бўлган. Уттизинчи йилларда бу концернга барон Курт фон Шредер бошлилик қилган. 1933 йил, 7 январда Шредернинг Кёльндаги вилласида Гитлер фон Папен билан учрашади. Гитлер шу ерда нацистлар томонидан ҳокимиyatни қўлга олиш планини ишлаб чиққан эди. Бунинг эвазига Курт фон Шредер СС группенфюрери унвонини олганди. Айни вақтда у «Френден Крейсс» маҳфий ташкилотининг раиси ҳам бўлиб олади. Бу ташкилот СС

рейхсфюрери Гиммлер отрядлари учун Рурмагнатлари орасида маблағ түплаган.

Шредер концернининг инглиз филиали Лондонда «инглиз-герман жамияти», яъни Буюк Британиядаги фюрер ғоялариниң тарғиб қилиш билан машгул бўлган жамиятин маблағ билан таъминлаб турган. Бундан Қўшма Штатлардаги «Ж. Генри Шредер бэнкинг корпорейши» нима билан шугуллапганилиги ўз-ўзидан маълум бўлиб қолади. Ана шу фирманинг директори Алек Даллес эди.

Европа, Германия, нацизм, бизнес, нефть нима эканлигини ҳаммадан яхшироқ билган худди ана шу киши Қўшма Штатларининг Европадаги стратегик хизмат бошқармасининг вакили бўлиб қолди.

Даллес, албатта, Рузевельтнинг Берндаги шахсий вакилин эмасди. Унинг стратегик хизмат бошқармасининг разведкасига ўтиш тарихи, хусусан, японлар Пирл-Харборга ҳужум қилишганидан бир ҳафта кейин катта бизнес вакилларидан бирни билан қилган суҳбатига боғлиқ бўлди.

— Сиз истиқбол ҳақида сўраяпсанз,— хаёлга ботиб деди Даллес, одатдаги инглизча трубкасини тутатиб,— аммо мен тўлиқ жавоб беришга тайёр эмасман. Ўз истиқболингни белгилаб олиш учун молия аҳволи ва мамлакатда тарқалгаш латифаларни, театрлардаги яшги постановкаларни ва Ньюренбергдаги партайтаглар ҳақидаги ҳисботларни ўрганиб чиқмоқ лозим. Мен учун бир нарсагина аниқ ва равшан: Германия — мен, албатта, истеъфога чиқариб юборилган Шахт каби жиддий молиячилар ва лотинчадан таржима қилишга мажбур бўлган адиллар Германиясини назарда тутяпман — жим турмайди.

— Шахт — бу жиддий гап, адиллар эса...

— Бунисен ҳам жиддий,— эътиroz билдириди Даллес,— сиз ўйлагандан ҳам жиддий. Гиммлер ўттиз тўртинчи йилдаёқ Нобель мукофотининг лауреати фон Осечкийни¹ концлагерга ташлаб биринчи йирик хатога йўл кўйган эди. Бу билан бир шаҳид образини яратди. Ана шу шаҳидни концлагерга ташлаш ўринга шон-шараф, пул, хотинлар билан сотиб олиш керак эди... Ахир,

¹ Осечкий Карл (1889—1938 йиллар) — немис твраққийпарвар журналисти ва публицисти.

актер, ёзувчи, рассомлардек сотқин одам бўлмайди. Уларни усталик билан сотиб олмоқ керак, чунки сотиб олип — обрўсизлантиришнинг энг яхши усули.

— Майли, бу нарсалар биэнни қизиқтирумайди, бу — хусусий нарсалар...

— Хусусий эмас,— яна гап қайтарди Даллес,— ҳеч вақт хусусий бўлмайди. Гитлер етмиш миллион кишини кўр-кўрона штоат этгувчи қилиб тарбиялади. Унинг театри, киноси ва тасвирий сапъати ҳар қандай ишни кўр-кўрона бажарувчи автоматларни тарбияламоқда. Бу эса бизни қондирмайди: савдо қилиш, муомалада бўлиш, бизнес соҳасида қулай операцияларни ўйлаб топишга автоматнинг қурбн етмайди. Бунақангги автоматларга Шахт керак эмас. У бизга керак. Шундай қилиб,— туғатди ганини Даллес,— ҳамма нарса бир-бирига чамбарчас боғлиқ... Ана шу ўзаро боғлиқлик армиядаги зиёлиларга келиб тақалади... Майордан тортиб фельдмаршалгача армия зиёлиларидир. Ундан паст поғонадагилар истаган буйруқни кўр-кўрона ва ўйламай-нетмай бажарувчи кишилардир...

— Ҳа, ана бу тахминнингиз қизиқарли,— деди Аллен Даллеснинг суҳбатдоши.— Шунинг учун ҳам қизиқарлики, бунинг истиқболи бор. Сиз эса менинг саволимга жавоб берса олмайман дейсиз...

Карл Вольф Гиммлер кабинетидан чиқиб кетгач, рейхсфю rer худди қотиб қолгандай жойида узоқ вақт қимири этмай ўтириди. У ҳозир ваҳимага тушмаганди, йўқ. Ҳар ҳолда ўзини шундай сезарди. У ҳаётida биринчи марта муртад бўлди. У маслагидан қайтганларни кўн кўрган, қирқ тўртингчи йилиннг июлида ким ғолиб чиқар экан деб муртадларга халақит бермай кузатиб келган ҳам эди, аммо ҳозир унинг ўзи давлатга нисбатан хонилликка йўл қўйди: душман билан музокара олиб борганилик учун ўлим жазосига маҳкум этилиши турган гап. Геринг билан суҳбат қнлганида доим олдини олиб, ҳушёр турарди: актив сиёсий ҳаётдан четлашган бу одамнинг кайфиятини билишга уринарди. Агар ўтган йилги июль фитнасидан унинг хабардорлиги ошкор бўлиб қолса, барча фитначилар тезда қамоққа олингандикларини рўйяч қилиб, буни рад этиши мумкин эди: «Мен улар билан мушук-сичқон ўйнагандим, уларнинг ҳаммаси

менинг чангалимда эди. Штауфенберг — экстремист, ҳаёт эса тасодифлардан холи эмасми, бунинг устига шахсан ўзим бункерда, фюрернинг ёнида эдим — бундан яхши далил топиш мумкинми, ахир?»

Хозир эса Карл Вольф тўғридан-тўғри Даллес билан алоқа боғлаш учун — ССнинг олий лавозимдаги офицери билан иттифоқчиларнинг олий лавозимдаги разведкачиси ўртасида алоқа боғлаш учун Швейцарияга жўнаб кетди.

Гиммлер одатдагидек кўзойнагини қўлига олди — бугун у мактаб ўқитувчилари тақадиган гардишсиз кўзойпак таққан эди — ва шишиасини майин чарм билан арта бошлади. У ўзида қандайдир ўзгариш бўлганлигини сезди. Бу ўзгариш нимадан иборат эканини дарҳол пайқай олмади, аммо кейин қулиб қўйди. «Мен ҳаракат қила бошладим,— пайқади у.— Ҳаракат қилмай қотиб қолишдек азоб нарса бўлмаса керак — бу қўрқинчи туш кўрган билан баробар».

У Шелленбергни чақирди. Сиёсий разведка шефи учничи қаватда, ўз хонасида эмас, балки худди қабулхонада кутиб тургандек бир минут ўтар-ўтмас Гиммлер ҳузурига кириб келди.

— Вольф Даллес билан алоқа боғлагани учиб кетяпти,— деди Гиммлер бармоқларини шиқирлатиб.

— Оқилона иш бўлибди...

— Бу тентаклик, Шелленберг, бу тентаклик ва авантюризм.

— Сиз фош бўлиш мумкинлигини назарда тутяпсизми?

— Мен мумкин бўлган бир неча вазиятни назарда тутяпман! Буни сиз қилдингиз, ҳаммасини сиз қилдингиз! Мени бу йўлга сиз бошладингиз!

— Агар Вольф иши барбод бўлса, ҳамма материаллар ўз қўлимга келиб тушади.

— Улар аввал анови веналикнинг қўлига тушиши мумкин...

Шелленберг саволомуз тикилди Гиммлерга. У жаҳл билан тушунтириди:

— Қальтенбруннерга. Ана унда материаллар кимга тегади — Бормангами, менгами — бунисини билмайман. Бу хилдаги материал қўлига теккакч Борманнинг нималар қилишини ўзингиз биласиз. Булар фюрерга етказилгач ва бунинг устига Борманнинг изоҳлари билан унга

қандай таъсир этиши мумкинлигини тасаввур қилиб кўринг.

— Мен бу имкониятни ҳам таҳлил қилиб чиққанман.

Гиммлер афсуслангандек юзини буриштириди. Ҳозир унда Вольфни қайтариш, уни шу ерда қолдириб, ораларнда бўлиб ўтган гапларни эсдан чиқариб, хотирадан бутунлай ўчириб ташлаш истаги кучайган эди.

— Мен бу имкониятни таҳлил қилиб чиққанман. Биринчидан, Вольф Даллес билан музокарани сизнинг номингиздан олиб бориш у ёқда турсин, ҳатто ўз номидан ҳам олиб бормайди. У фельдмаршал Кессельринг номидан олиб боради, чунки у Италияда Кессельрингга итоат қиласи. У — Италиядаги қўшинлар қўмондононининг ўринбосари, у — бевосита сизга итоат қилмайди...

Гиммлер дарҳол Шелленбергга қараб қўйди. «Ақли расо одам, — ўйларди у.— Ҳаммаси равшан гап-ку! Геринг билан қилган сухбатимга ҳам мос тушади!»

Фельдмаршал Кессельринг бир вақтлар люфтваффе бўйича Герингнинг ёрдамчиси эди. Ҳамма уни Герингнинг одами деб ҳисобларди.

— Буниси яхши,— деди Гиммлер.— Буни олдиндан ўйлаб қўйган эднингизми ёки ҳозир келиб қолдими хаёлингизга?

— Бу нарса Вольфнинг жўнаб кетишини эшитишим биланоқ келганди миямга,— жавоб берди Шелленберг.— Чексам рұксат берасизми?

— Ҳа, марҳамат,— жавоб берди Гиммлер.

Шелленберг сигарет тутатди — ўттиз олтинчн йилдан бери у фақат «Қемэл» сигаретасини чекарди ва бошқасини тан олмасди. Бир вақтлар, қирқ иккинчи йилда Америка урушга қўшилганда: «Душман сигаретинин қаердан олдингиз?..»— деб сўрашганда, Шелленберг: «Астофирилло, америка сигаретини сотиб олсан — ватан хоини бўлиб қолар эканман-да...»— деб жавоб қайтарган эди.

— Мен ҳамма имкониятлар, ҳатто кўнгилсиз имкониятлар тўғрисида ҳам ўйлаб қўйганман.

— Яъни, масалан?— ҳушёр тортиб сўради Гиммлер. У тинчлаган, ўзини ўнглаб олганди, оқилона истиқбол йўли ҳам топилди, ҳамма иш шунчалик равон борса, қандай кўнгилсиз ҳодиса юз бериши мумкин?

— Борди-ю Кессельринг ёки бундан ҳам баттарро-

Енг — унинг ҳомийси Геринг бу воқеадан айбдор эмасликларини исбот этсалар-чи?

— Биз бунга йўл қўймаслигимиз мумкин. Бунинг барвақт олдини олиб қўйинг.

— Биз-ку буни бажарамиз, лекин сиз ҳам ўринbosariшгиз Калътенброннерни ҳақли равишда мазкур операшнямиздан четлатиб қўйдингиз. Худди шу киши юқоридаги имкониятга йўл қўйиши мумкин. Худди шу киши ва яна Мюллэр.

— Яхши, яхши,— деди Гиммлер ҳоргинлик билан,— хўш, нимани таклиф қилмоқчисиз?

— Мен битта ўқ билан иккита қуённи отишни таклиф қиласдим.

— Бундай бўлиши мумкин эмас,— жавоб берди Гиммлер янада ҳоргинроқ ва сўниқ овоз билан,— айтгандек, мен овчи эмасман...

— Фюрерниг иттифоқчилар бир-бирларидан ажralиб кетиш арафасида турибдилар дегани рост эмасми? Бинобарин, уларни ажратиб ташлаш бизнинг асосий вазифамиз бўлиши керак эмасми? Агар Сталин СС генерали Вольф гарбий иттифоқчилар билан сепарат музокаралар олиб бораётганини эшитиб қолса нима қиласди? Унинг нима қилишини билмайман, албатта, лекин унинг қандайдир хатти-ҳаракат бошлашига ишончим комил. Демак, Вольфниг музокарага боришин унга биз Сталинига етказиладиган соxта маълумот деб ном қўямиз — фюрер фойдасињга қилинаётган тадбир эмасми? Яъни бизнинг ниятимиз музокаралар — Сталини лақиллатиш учун ишлатилган афсона бир гап! Агар операция барбод бўлса, фюрерга ана шундай деб тушунтирамиз.

Гиммлер ўтирган стулидан қўзғалди — у креслода ўтиришни ёқтирумасди ва ҳамиша стулда ўтирас — дераза ёнинг бориб, узоқ вақт Берлин вайроналарини томоша қилиб турди. Баъзи жойларда майсалар ҳам кўрипиди қолпиди. Мактабдан хушчақчақ болалар келишяпти. Икки аёл болаларини аравачада олиб кетяпти. Гиммлер буларни кўзатар экан, анча хотиржам тортди ва ҳаёлига: «Қани ўрмонга бориб, гулхан ёнида тунасанг. Жуда ақлли одам-да бу Вальтер, худо ҳақи...» деган фикр келди.

— Бу гапларинги устида ўйлаб кўраман,— орқасига қарамай деди Гиммлер. У Шелленберг галабасини ўзиники қилиб олмоқчи эди. Шелленберг доимо ўз ғалаба-

ларини унга ва Гейдрихга қўш қўллаб топшириб келгани каби, бу ғалабасини ҳам жон-дили билан рейхсфюрерга топширншга тайёр эди. Шунинг учун ҳам бундай деди у:

— Тафсилотлари ҳам қизиқтирадими сизни, ёки майдачуйдалар устида ўзим бош қотираверайми?

— Ўзингиз амаллайверинг,— жавоб берди Гиммлер, аммо Шелленберг эшик томон қадам ташлаганида, у ўгирилиб:— Аслини олганда, бу ишда майдачуйда нарсалар бўлмаслиги керак. Сиз аниқ шимани назарда тутяпсиз?

— Биринчидан, ҳимоя операцияси керак... Яъни: Ғарб билан музокара учун бирон кишини, ўзимизники эмас, албатта, нишон қилиб қўйиш керак... Кейинчалик ўша киши ҳақидаги материални... фюрерга етказамиш... Бу эса бизнинг разведка хизматимизнинг ғалабаси бўлади: душманларнинг ёвуз ниятларини барбод қилгани бўламиш — Геббелъс ҳам, менимча, шундай деб эшиттиришлар бериб туради шекилли.. Иккинчидан, Вольфни кузатадиган минглаб кўзлар бор. Шу минглаб кўзлар орасида бизнинг агентларимиз ҳам бўлишини мумкин, улар хабар берниб турадилар. Хабар кимнинг қўлига тушади? Кимнинг агенти — менинг агентимми ёки Мюллернинг агентими — аввал хабар қиласди? Вазиятга соғлом баҳо берадиган зиёлимни, ёки Кальтенброннерга ўхшаган кўркуона иш тутувчи фанатикни? Бинобарни, ғарбий иттифоқчиларнинг кузатувчи минглаб кўзлари қатори менинг ҳам беш-олти «кўзим» бўлишини истайман. Вольф бизнинг одамларимиз ҳақида ҳеч нарса билмайди — улар ахборотни бевосита менга юбориб турадилар. Бу олдинги далилларга қўшимча бўладиган учинчи далилдир. Агар иш барбод бўладиган бўлса Вольфни қурбон қилишга тўғри келади, аммо уни кузатиш натижасида тушган материаллар бизнинг далилларимизга қўшимча бўлади.

— Сизнинг,— уни тўғрилаб қўйди Гиммлер,— сизнинг далилингиэга.

«Яна қўрқитиб юбордим,— ўйларди Шелленберг.— бу деталлар уни ваҳимага солмоқда. У таваккал иш тутишдан чўчниди, у умуман ҳар бир нарсадан чўчнидиган одам. Үндан фақат қатъий розилик олиб, колган ишни ўзим қиласверишим керак.

— У ерга кимни юбормоқчисиз?

— Ихтиёrimda жуда сизбоп номзодлар бор,— жавоб берди Шелленберг,— аммо буниси сизни мухим ишлардан чалғитишига арзимайдиган деталлар, уларни ўзим ҳал қиласкераман.

Шелленберг биринчи вазифанин бажарувчи номзодлар рўйхатини тузиб қўйган эди, бу рўйхатда фон Штирлиц билан у «ҳоминиллик қилган» пастор ҳам бор эди.

5

Эрта тоигда, Эрвин Марказдан жавоб олиши лозим бўлган вақтда, Штирлиц машинасини секин юргизиб, унинг уйи томон жўнади. Орқадаги ўриндиқда катта проигриватель ётарди: Эрвин хўжа кўрсинга проигривателлар сотувчи кичкина фирманинг хўжайини эди — бу эса мижозларига хизмат қилиш мақсадида мамлакат бўйлаб кўп юришига имкон берарди.

Йўлда тўсиқ пайдо бўлди: тунги бомбардимон пайтда олти қаватли бинонинг девори қулаб тушганди, ҳозир йўл ишчилари ва полициячилар биргаликда тез ва чақонлик билан транспорт учун йўл очардилар.

Штирлиц орқасига қаради: унинг «Хоръх»и кетидан камида ўттиэта машина турарди. Юк машинасининг шофери, ёшгина йигитча Штирлицга бор овози билан:

— Агар ҳозир самолётлар келиб қолса, роса тўс-тўполнон бошланади-да, қочгани жой ҳам топа олмайсан,— деди.

— Келмайди,— жавоб берди Штирлиц, осмонга қараб. Булатлар жуда пастда эди — қўнғир-қора ҳошияларига қараганда қор ёғиши мумкин.

«Тун илиқ келди,— ўйларди Штирлиц,— ҳозир эса салқин тушди — қор ёғиши муқаррар».

У нимагадир анови астрономни эслади — безовта қуёш йили эмиш. Ер куррасида ҳамма нарса ўзаро боғлиқ. Биз бир-биримизга боғлиқмиз, ер қуёш билан, қуёш галактика билан боғлиқ. Штирлиц тўсатдан жилмайди: «Гестапонинг агентура тармоғига ўхшаш. Ҳар иккинчи киши учинчисини, учинчиси эса иккинчисини кузатиш топшириғини олган. Биз юлдуз бўлсак, бизнинг ҳаётбахш қуёшимиз — буюк фюреддир... Үн йил ичидаги халқни расво қилдилар-а?»

Олдинда турган шуцман қўл силтаб:

— Утирглар!— деб бақирди.

«Жаҳоннинг ҳеч қайси ерида,— ўзига ўзи деди Штирлиц,— полициячилар худди бизникидек буйруқ беришини ва таёқ билан буйруқомуз ишора қилишини яхши кўрмайдилар». У немислар ва Германияни ўз миллатим ва мамлакатим деб ўйлаётганини фаҳмлаб қолди. «Бошқача бўлиши ҳам мумкин эмас. Агар ўзимни бундан ажратиб қўядиган бўлсам, аллақачон фош бўлардим. Афтидан, мен шу ҳалқни ва шу мамлакатни севаман.. Ҳақиқатан ҳам гитлерлар келиб-кетаверса керак?!»

Бу ёғига йўл очиқ эди. Штирлиц машинага тўла газ берди. У кескин бурилишларда резина ишдан чиқишини биларди, покришкалар ҳам топилмайдиган нарса бўлиб қолганини ҳам биларди, аммо у бурилишларда резинанинг чийиллаб, машинанинг эса худди тўлқин пайтидаги қайиқдай қийшайиб кетишини яхши кўрарди.

Кепеникда, Эрвин ва Кэт уйига буриладиган жойни полициячилар қуршаб олган эдилар.

— Нима гап?— сўради Штирлиц.

— Кўча вайрон бўлган,— жавоб берди ёшгина, ранглари оқарган шуцман,— улар қандайдир қудратли торпеда ташлашибди.

Штирлиц пешанасига тер чиқиб кетганини сезди.

«Ҳа, шундай,— дарҳол пайқади у.— уларнинг уйига ҳам тушибди».

Шу йиллар мобайнида у кўнгилга келадиган нарсани таҳлил қилишга ўрганиб қолган эди. Воқеани олдиндан сезиш — бу хурофот ва бўлмаган гап деган одамларга ҳайрон бўларди. Штирлиц муҳим воқеани доим бир кун ёки икки кун олдин сезарди. У атрофида бўлаётган нарсаларни радиолокатор каби ҳис этарди. Ҳар бир кишин воқеани олдиндан сезишга қодир, аммо кўпчилик ўзларида мавжуд бўлган бу қобилиятни ўстиришга ҳаракат қилмайди, деб ишонарди.

— Тўқизинчи уй-чи?— сўради у.— У ҳам вайрон бўлганми?

— Ҳа, бутунлай вайрон бўлган.

Штирлиц машинасини йўлакка чиқариб қўйди-да, ўнг томондаги кўчага бурилди. Ўша кўриннишидан касалвон шуцман унинг йўлини тўсади:

— Жаноблари, бу ёқа ўтиш ман этилган.

Штирлиц ёқасини кўтариб, белгисини кўрсатди. Шуцман честь бериб, деди:

— Салёрлар аста-секин портлайдиган бомба йўқманин, деб шубҳа қилишядпти...

— Бўлса бирга портлармиз,— ҳоргинлик билан жавоб берди Штирлиц ва харобага айланган тўққизинч уй томон қадам ташлади.

У ҳаддан ташқари чарчаганини сезди, шошилмай сенкин юргиси келарди, аммо одатдагича тез ва равон қадам ташлаши юзидан сеҳрли табассум аримаслиги лозим эканлигини биларди. У шундай қилди ҳам. Унинг кўз олдида Кэт турарди. Унинг қорни анча қаппайиб, думалоқ бўлиб қолган эди. «Қиз бўлса керак,— деган эди бир куни у.— Қорин чўзиқроқ бўлиб ўсса — ўғил туғиларниш, мен бўлсан албатта қиз туғаман».

— Ҳамма ҳалок бўлганми?— сўради Штирлиц ўт ўчирувчилар ишини кузатиб турган полициясидан.

— Айтиш қийин. Бомба эрталабга яқин тушган, сашитар машиналар жуда кўп келганди...

— Буюмлари омон қолганми?

— Қаёқда... Анави аталани қаранг...

Штирлиц болали, йиғлаётган бир аёлга аравачасини йўлкага чиқаришга ёрдамлашиб юборди-да, машинаси ёнига келди...

— Ойн, ойижон!..— деб қичқиради Кэт.— Е, худо! Ойижо-о-он! Ёрдам беринглар, ёрдам!

У стол устида ётарди. Уни туғруқхонага контузия билан олиб келгандилар: боши икки жойдан яраланган эди. У аллақандай узуқ-юлуқ сўзларини айтарди, бу ёрдамга чақирувчи рус сўзлари эди.

Бақироқ, овози хирилдоқ тойлоқдай ўғил болани қўлга олган доктор акушеркага:

— Полька экан, аммо қўчқордай бола туғди-я,— деди.

— У полька эмас,— деди акушерка.

— Бўлмаса ким? Русми? Ёки чехми?

— Паспортида немис,— жавоб берди акушерка.— Унинг пальтоси чўнтагида Кэтрин Қин номига берилган паспортн бор экан.

— Балки, бошқа бирориннг пальтосидир?

— Балки шундайдир,— кўнди акушерка.— Буни қаранг, қандай дўмбоқ — камидা беш килограмм. Чиройлилигини қаранг... Гестапога ўзингиз телефон қиласизми ёки кейинроқ мен телефон қилайми?

— Сиз қилақолинг,— жавоб берди доктор,— лекин кейинроқ... Ҳали ишнмиэ кўп...

«Тамом, вассалом,— чарчоқ ҳолда, ўз ишига четдан назар ташлади Штирлиц.— Энди якка ўзим қолдим. Энди мутлақо ёлгиз бўлиб қолдим...»

У узоқ вақт кабинетини ичидан қулфлаб олиб, телефон қўнғирогига жавоб бермай ўтириди. Беихтиёр санади у — телефон тўққин марта жиринглади. Икки киши унга узоқ вақт телефон қилди, муҳим ишлари бўлса керак-да, ёки қўл остидагилар қўнғироқ қилингандир, чунки улар ҳар вақт узоқ телефон қиласидилар. Бошқалари қисқа-қисқа жиринглади: бошлиқлар ёки дўстлар ана шундай қўнғироқ қиласидилар.

Сўнгра у стол тортмасидан қоғоз олиб, ёза бошлади:

«СС РЕЙХСФЮРЕРИ ГЕНРИХ ГИММЛЕРГА.

ҚАТЪИЯН МАХФИЙ.

ШАХСАН.

РЕЙХСФЮРЕР!

Миллатимиз манфаатларини кўзлаш мақсадида мен Сизга мазкур хат билан мурожаат этишга мажбур бўлдим. Бетараф таммакатлар журналистларига яқин манбалардан менга шу нарса маълум бўлдики, қандайдир шахслар Сдан ва СС рейхсфюреридан яширинча ҳолда келишини қидириб душман билан алоқа боғлашга уринмоқда эканлар. Мен бўя маълумотларни жиддий равишда ҳужжатлар билан исбот эта олмайман, лекин менга жуда муҳим бўлиб туюлаётган ва кечиктирилиши мумкин бўлмаган шу масала юзасидан мени қабул қилишингиизни ва таклифларимга қулоқ солишингиизни Сиздан сўрайман. Алоқаларимдан фойдаланиб Сизни янада батафсил хабардор қилишга ва бу тахминни ишлаб чиқиш юзасидан ўз режаларим билан таништиришига руҳсат этгайсиз, чунки бу тахмин — ағсуски — ҳақиқатга яқин.

Хайль Гитлер!

СС штандартенфюрери фон Штирлиц».

У суҳбат пайтида кимни мисол келтиришини биларди: бундан уч кун аввал ҳаво ҳужуми пайтида португалия-

лик кинохроникачи Пуэблос Вассерман ҳалок бўлган эди. Штириц унинг шведлар билан яқин алоқада бўлганлигини биларди: бинобарин, шу нуқтаи назардан унинг тахмини жуда аниқ ва равшан эди.

Афтидаи, Гиммлернинг массажчиси доктор Кестнердан кейин бирдан-бир ишонган кишиси Шелленберг эди. У Шелленбергни ўттизинчи йиллардан бери — у таълим олаётган пайтларданоқ кузатиб юради. Бу келишган йигирма уч ёшли йигитнинг иезуитлар коллежидан сўнг университетни санъат бакалаври унвони билан тутатганини биларди. У шунингдек, университетда Шелленбергнинг севган профессори яхудий бир киши бўлганлигини ҳам биларди. У Шелленбергнинг аввал национал-социализм ғояларини ҳазил-мазах қилиб юргани ва фюрер ҳақида доим яхши фикрда бўлмаганидан ҳам хабардор эди.

Гиммлер ихтиёрида минглаб кучли, сўнгги қопи қолгунча унга кўр-кўрона содиқ қоладиган кишилар бор эди. Аммо унга воқеаларга ана шундай киноя билан қараса ҳам, лекин сиёсатни тўғри олиб борадиган камида беш нафар зийрак ёрдамчилар керак эди.

Шунинг учун ҳам Шелленберг Гейдрих билан бир неча бор суҳбатлашиб, Гиммлер билан бўй мarta учрашгандан сўнг унга учинчи рейх разведкасида ишлаш тақлиф қилинганда, у Гейдрихнинг бу таклифини қабул қилган эди, чунки у бу вақтга келиб кўл қирғоқлари ва Берлин атрофидаги осойишта қарагай ўрмонларида жойлашган боғчаларига бекиниб олиб, Гитлер қилаётган ваҳшийликлардан шунчаки қайғуриб ва фюрернинг жававаси тутишини мазах қилишдан нарига ўтмайдиган герман интеллигенциясидан ҳафсаласи пир бўлган эди.

Унинг дастлаб иш бошлаган жойи Қитти салони бўлди. Криминал полициянинг шефи Небе ўз картотекаси орқали ана шу оқсуяклар салони учун Берлин, Мюнхен ва Гамбургнинг энг гўзал фоҳишаларини ажратиб қўйган эди. Кейин у, Гейдрихнинг топшириғи билан, дипломатлар ва олий лавозимдаги ҳарбийларнинг ёши, гўзал хотинлари, яъни ёлғизликда зериккан аёллар (уларнинг эрлари эрта-ю кеч кенгашларда банд бўлардилар, Германияни кезиб юардилар, чет элга бориб турар эдилар) билан таниша бошлади. Хотинлар нима қи-

лишларини билмас, айш-ишрат излардилар. Улар бундай айш-ишрат жойини Китти салонидан топдилар. У ерда Осиё, Америка ва Европа дипломатлари ҳам тўпланаарди. СД хавфсизлик техника маҳкамасининг эксперталари шу салонда икки қават девор ўрнатиб, у ерга гапларни ёзиб борадиган ва расм оладиган аппаратлар ўрнатдилар. Гейдрих фикрини бу ерда Шелленберг амалга ошириди, у шу салоннинг хўжайини бўлиб олди, оқсуяклар орасида қўшмачилик ролини ўйнаб юрди.

Шелленберг билан Гейдрих кейин кичкинагина кинозalда ўз оғайниларининг хотинлари билан чет эл дипломатлари қандай айш-ишрат қилаётганликларини тасвиrlовчи расмларни томоша қилиб ўтирадилар.

Улар икки томонлама одам ёллай бошладилар: фош қилинган дипломатлар Шелленберг разведкасида ишлай бошладилар, учинчи рейх ҳарбий амалдорлари, партия ва давлат арбобларининг фош этилган хотинларининг номлари эса гестапо шефи Мюллер рўйхатига тиркалар эди.

Дарвоqe, Мюллернинг салонда ишлашига йўл қўймадилар, чунки унинг қишлоқилиги ва дағал ҳазиллари салон шинавандаларини чўчитиб юбориши мумкин эди. Ушанда Мюллер ўзининг йигирма уч яшар йигитчага тобе эканлигини биринчи маротаба сезганди.

— У ўша афти-башарасини бўяб олган фоҳишаларнинг сонига чанг солади, деб чўчиса керак-да мендан,— деди Мюллер ёрдамчисига,— овора бўлади. Ёнidan пул берса ҳам биронтаси билан ётмасман. Қишлоғимизда бундай хотинларни гўнг қўнғиз деб атардилар.

Бир куни фрау Гейдрих эри йўқ пайтида Шелленбергга зерикканлигини билдириб қўнғироқ қилганида, уни шаҳардан четга, кўл бўйига таклиф қилган эди. Мюллер дарҳол бундан хабардор бўлди ва бу келишган йигитчанинг бошини танасидан жудо қилиш пайти келди, деб ўйлади. Шелленберг келишган, лотинча ва испанча китоблар олиб турадиган, олифта, хотинлар билан ошкора юрадиган, Шаҳзода Альбрехтштрасседан машинага ўтирмай пиёда юрадиган, маҳмадона, енгилтак ва ароқ-хўр киши — жиддий разведкачи ҳам шундай бўладими?— побол бир йигит, деб ҳисоблаб юрган гестаподаги «кеекса»ларнинг фикрига қўшилмасди у. Мюллernинг деҳқонча, замини оғир, аммо янгиликни дарҳол сизадиган ақли Шелленбергнинг янги авлод қалдирғочи

законлигини дарров пайқаб олди. Бундаи ёқимтой киши ўзига ўхшаганларни яна жалб қилаверади.

Шелленберг фрау Гейдрихни Плойнер кўлига олиб борди. Фрау Гейдрих Шелленберг жуда ҳурмат қиладиган бирдан бир аёл эди — у билан Элладанинг улуғвор фожиаси ва Римнинг қўпол ҳирсияти ҳақида гаплашиш мумкин эди. Улар кўлни ёқалаб саир қилишиб, роса мириқиб суҳбатлашидилар. Турқи совуқ икки йигит 2 ва 75 рақамли объектларни кузатиб, совуқ сувда чўмнлар эдилар. Мюллер фрау Гейдрихни, империя хавфсизлиги хизматида эрининг тутган мавқенга қараб 2 рақамли объект деб атаганди. Муздек сувда чўмилаётган ана шу икки аҳмоқ йигитнинг гестапо агентларп бўлиши мумкинишинг Шелленберг хаёлига ҳам келтирмаганди, чунки булардан бошқа чўмилаётганлар йўқ эди. У, агент ўзини бунчалик ошкора тутиши керак эмас, деб ҳисобларди. Мюллернинг қишлоқиларга хос айёргиги Шелленбергнинг равон мантиқидан устун чиқди. Агар «объектлар», Мюллер ибораси билан айтганда, «буталар остида дам олмоқчи бўлсалар» агентлар уларни суратга олишлари керак эди. Аммо «объектлар» буталар орасига бормадилар. Очиқ айвончада қаҳва ичиб, яна шаҳарга қайтиб келдилар. Бирорк Мюллер кўр-кўрона рашик, ўз кўзин билан кўриб рашик қилгандан кўра кучлироқ бўлади, деб ҳисобларди. Шуининг учун Мюллер Гейдрихга хотинишинг Шелленберг билан Плойнер кўли ёқасида, ўрмонда саир қилганини етказди. У берган маълумотини изоҳлаб ўтирмади — Гейдрих ўтакетган худбин ва ўзини қандай тутишини билib бўлмайдиган киши эди.

Бу хабарни ўқиб, Гейдрих Мюллерга ҳеч нима демади. Кетаверинг, дегандек бошини қимирлатиб қўйди, холос. Мюллер ҳам индамади: Гейдрихнинг баджаҳл ва тунд юзидан у ҳеч нимани пайқай олмади. Куни билан нима бўлганини билмай юрди. Кечқурун эса Гейдрих аввал Мюллерга қўнғироқ қилиб, кейин Шелленбергнинг кабинетига кирди ва унинг елкасига қоқиб:

— Бугун кайфиятнинг мазаси йўқ, ичамиз,— деди.

Улар уч киши бўлиб олиб эрталаб соат тўртгача кичкина ва ифлос қовоқхоналарда юрдилар, асабийлашгандар фоҳишалар ва валютафурушлар билан бирга ўтирдилар, биргалашиб ҳалқ қўшиқларини айтдилар, кейин аzonга яқин оппоқ оқариб кетган Гейдрих Шелленбергга яқинроқ ўтириб, дўстлик қадаҳини кўтаришни таклиф қилди.

Улар ичдишлар, сўнгра Гейдрих ўз қадаҳини кафти билан бекитиб деди:

— Қулоқ солнинг, мен сизга винога заҳар солиб бердим. Агар сиз фрау Гейдрих билан қандай вақт ўтказганингиз ҳақида бор гапни айтиб бермасангиз, ўлишингиз мұқаррар. Агар ҳақиқатни айтсангиз — мен учун у қашчалик даҳшатли бўлмасин — сизга зидди заҳар бераман.

Шелленберг ҳаммасига тушунди. Унда хамма нарсанинг ҳақида бор гапни айтиб бермасангиз, эслади, Мюллернинг кўзи ўйнаётганлигини, лабнда табассум пайдо бўлганлигини кўриб турди ва бундай деди:

— Майли, айтай, фрау Гейдрих менга телефон қилдилар. Зериккан эканлар. Мен у киши билан Плойнер кўлига бордим. Биз вақтни қандай ўтказганимизни кўрган гувоҳларни ҳам келтиришим мумкин. Биз сайд қилдик, Грециянинг буюклиги ва уни айғоқчилар Римга сотиб қандай ҳалок қилганликлари ҳақида суҳбатлашдик. Бинобарин, Греция фақат шунинг учунгина ҳалок бўлмаган, албатта. Ҳа, мен фрау Гейдрих билан бирга бўлдим, мен бу аёлга, буюк инсон деб ҳисоблаб юрган кишининг хотинига жуда ихлос қўйганман. Зидди заҳарингиз қани? — сўради у. — Қани?

Гейдрих кулиб қўйди, қадаҳга озгина мартини қўйиб, Шелленбергга узатди.

Шу воқеадан яром йил ўтгач, Шелленберг Гейдрих ҳузурига кириб ундан рухсатнома сўради: «Мен уйланмоқчиман, — деди у, — аммо қайнонам — поляк». Бу масалани СС рейхсфюрери Гиммлер кўриб чиқди. Гиммлер шахсан унинг бўлажак хотини ва қайнанасининг фотосуратларини кўздан кечирди. Розенберг маҳкамасидан одамлар келди. Микроциркуль билан мия тузишлиши, пешана кенглиги, қулоқ шакли текширилди. Гиммлер Шелленбергга уйланишга рухсат берди.

Никоҳ пайтида, анча-мунича ичиб олган Гейдрих Шелленбергнинг қўлтиғидан ушлаб дераза ёнига олиб борди-да:

— Хотинингизнинг опаси яҳудий банкирга текканини билмайди деб ўйлайсизми? — деди.

Шелленберг бўшашиб, қўллари музлаётганини сезди.

— Ташвишланманг, — деди Гейдрих ва хўрсиниб қўйди.

Шелленберг ўша пайтда Гейдрихнинг нега хўрсиниб

қўйганини тушунмаган эди. Буни у анча кейин билди, империя хавфсиэлиги шефининг бобоси яхудий бўлиб, Вена опереттасида скрипка чалган экан.

6

Шелленберг Штирлицни рейхсфюрер қабулхонасида учратди. Штирлиц Гиммлер қабулига ёзилган эди: унинг қўлида гардишлари олтин ҳалли кўкимтири-кулранг папка бўлиб, ичидаги бир варақ қоғоз ётарди, у ҳам бўлса Кепеникдан келиши биланоқ ёзган хати эди.

— Кейинги навбат сизники,— деди навбатчи адъютант, Гиммлер ҳузурига СС хўжалик бошқармасининг бошлиғи генерал Польни таклиф қиласр экан.— Менинча обергруппенфюрер кўп ушланиб қолмайдилар — лўнда масалалар.

— Салом Штирлиц,— деди Шелленберг.— Мен сизни излаб юрибман.

— Саломат бўлинг,— жавоб берди Штирлиц.— Чарчаган кўринасиз?

— Билингитими?

— Жуда.

— Юринг хонамга. Ҳозир менга жуда кераксиз.

— Мен рейхсфюрердан қабул қилишларини сўраган эдим.

— Нима масалада?

— Шахсий.

— Бир-бир ярим соатлардан кейин келасиз,— деди Шелленберг.— Қабул вақтини кечиктиришни сўранг, рейхсфюрер кечгача шу ерда бўладилар.

— Яхши,— норози бўлгандек деди Штирлиц,— сал ноқулай бўлмасмикан?

— Мен фон Штирлицни олиб кетаман,— деди Шелленберг навбатчи адъютантга.— Қабул муддатини иккя соат орқага суреб қўйинг.

— Хўп, бўлади, бригаденфюрер!

Шелленберг Штирлицни тирсагидан ушлаб кабинетдан олиб чиқаркан хушчақчақлик билан шивирлаб қўйди:

— Овозини қаранг? Оперетта артистига ўхшаб овозни қорнидан чиқараётгандек рапорт беради-я, одамларга ёқмоқчи бўлади.

— Мен доим адъютантларга ачиниб юраман,— деди Штирлиц.— Улар доим ўзларининг керакли эканликла-

рини бўрттиришга ҳаракат қиладилар, бўлмаса одамлар аксинча эканини сезиб қоладилар-да.

— Сиз ноҳақсиз. Адъютант жуда ҳам керак. У чиройли овчи итидек бир нарса: иш ўртасида чақчақлашиб олиш ҳам мумкин, кейин яхши този бўлса, бошқа овчиларнинг ҳаваси келиб юради.

— Тўғри, мен импресарио вазифасини ўтайдиган бир адъютантни учратганиман: у ҳаммага ўз хўжайнининг буюклиги ҳақида гапираверарди. Оқибат натижада уни автомобиль ҳалокатида ўлдириб юбориши: мақтолари билан жуда жонга теккан бўлса керак...

Шелленберг кулиб юборди:

— Тўғри гапми ёки тўқидингизми?

— Тўқидим, албатта...

Уртадаги зиналояда улар Мюллерни учратдилар.

— Хайль Гитлер, дўстлар! — деди у.

— Хайль Гитлер, оғайни, — жавоб берди Шелленберг.

— Хайль, — жавоб берди Штирлиц қўлини кўтармай.

— Оббо айёрлар-э, сизларни кўрганимдан жуда хурсандман, — деди Мюллер, — яна биронта навбатдаги маккорликни тайёрлайпсизларми, дейман?

— Тайёрлайпмиз, — жавоб берди Шелленберг, — нега тайёрламас эканмиз?

— Маккорликда сизга teng келолмаймиз, — деди Штирлиц. — Сиз бўри бўлсангиз, биз қўёзичоқмиз.

— Мен-а? — ҳайрон бўлди Мюллер. — Майли, бирор сени шайтон ҳисобласа ёмонми? Қиши ўлади, аммо хотираси қолади. Шайтон хотираси бўлса ҳам, хотира-да.

Мюллер Шелленберг билан Штирлицнинг елкасига дўстона қоқиб қўйди ва ўз ходимларидан бирининг кабинетига кириб кетди: у ходимларининг кабинетига тўсатдан, айниқса зерикарли сўроқ бўлиб турган пайтларда кириб боришни яхши кўрарди.

Урушнинг кейинги ойларида, Гитлер СССР — Англия — Америка иттифоқи ҳафталар ичидаги барбор бўладиган нарса деб қайта-қайта такрорлаган, ҳал қилувчи зарба берилгач. Farb немислардан ёрдам сўраб мурожаат қилади, деб ҳаммани ишонтираверган пайтда, кўпчилик буни фюрерга хос дардманд тасаввуринга ишонавериш хусусияти бўлса керак, деб ҳисобларди. Аммо бунда Гитлер фактларга таянган эди: Борман раз-

ведкасп, 1944 йилнинг ўрталаридаёқ, адмирал Канарис-шинг қилмишлари билан обрўсизланган ҳарбий разведка у ёқда турсин, ҳатто Гиммлер ва Риббентроп каналларини четлаб ўтиб, Лондондан жуда маҳфий ҳужжат олишга сазовор бўлганди. Ана ўша ҳужжатда, чунончи, қўйидаги сатрлар ҳам бор эди: «Агар рус ваҳшийлари қадимдан яшаб келаётган Европа давлатларининг маданияти ва мустақиллигини барбод қилса, даҳшатли бир оғат юз берган бўлади». Гитлернинг ажойиб хотираси ўзининг 1936 йилда, Нюренбергда Германия националсоциалистлар партияси съездидан сўзлаган нутқини эслатдн. Унда Гитлер бундай деган эди: «Агар большевиклар методи муваффақиятли чиқса, унда Европа маданияти ўринни мисли кўрилмаган даҳшатли ваҳшийлик босади».

Угирланган ўша ҳужжатдаги у тез-тез мурожаат қилиб турган сатрлар Уинстон Черчиллнинг гапи эди. У шу сўзларни 1942 йил октябринда, руслар Польшада эмас, Стalingрад остоиаларида, Руминияда эмас, Смоленск ёнида, Югославияда эмас, Харьков остида турган бир пайтда ўзининг маҳфий меморандумида ёзган эди.

Афтидан, Гитлер 1943—1944 йилларда инглизлар ва америкаликлар ўртасида иттифоқчилар армияларининг асосий зарбаси қайси томондан берилиши кераклини юзасидан келишмовчилик борлигидан ҳабардор бўлганида, музокара қилишга ҳар қандай уриниш учун ўлим жазоси берилсин, деган буйруқларини чиқармаган бўлардн. Черчилль қўшинларни Болқонга ташлаш керак деб туриб олган эди. Буни у қўйидаги фикрлар билан асослаганди:

— Масала бундай: Болқон ва, эҳтимолини, Италиянинг коммунистлашнишига рози бўламиэми? Бизнинг хулосамиз шундан иборат бўлиши керакки, биз коммунизм таъсирининг ёйнишига ва бостириб киришига қарин турмогимиз керак... Фарб демократияси, агар унинг армиялари Будапешт ва Венага кирса, Прага ва Варшавани озод этса, қандай афзалликларга эга бўлниб олишин мумкинлигини аниқ тасаввур этиши керак...

Масалага жiddий қараган америкаликлар Черчиллнинг Гитлерга қарши асосий зарбани Францияда эмас, балки Болқондан беришга уринниши фақат ўз манфаатини ўйлаб айтилган фикр эканлигини пайқалилар. Агар Черчиллнинг нуқтai назарн ютиб чиқса, Буюк Британия

Үрта денгиэда гегемон бўлиб қолиши, яъни худдига шу Буюк Британия Африка, араб Шарқи, Италия, Югославия, Грециянинг хўжайини бўлиб олиши мумкинлигини америкаликлар яхши тушунардилар. Шундай қилиб, куч баланси Қўшма Штатлар фойдасига бўлмасди ва шунинг учун Францияга қўшин тушириш мўлжаллаб қўйилди.

1945 йилининг қишида Черчилль ўз стратегиясини ўзининг энг яқин ходимлари учун қўйидагича ифодалаб берган эди:

— Биринчида, Совет Россияси эркин дунё учун ўлим билан тенг хавф туғдиряпти; иккинчида, унинг шитоб билан бостириб келишига қарши дарҳол янги фронт ташкил қилиш зарур; учинчидан, бу фронт пложи борича шарққа қараб ичкарироқ кириб бориши зарур; тўртичидан, инглиз-америка қўнинларининг асосий ва ҳақиқий мақсади — Берлинни ишғол қилиш; бешинчидан, Чехословакияни озод қилиш ва Америка қўшинларининг Прагага кириб бориши катта аҳамиятга эга; олтинчидан, Вена, аслини олганда, бутун Австрия гарбий давлатлар томонидан бошқарнилиши лозим...

Эҳтиёткор ва довюрак сиёсатчи бўлган Черчиллнинг гитлерчилар партияси раҳбарларининг биронтаси билан — ҳатто руслар Европага шиддат билан кириб келган тақдирда ҳам — алоқа боғлаб бўлмаслигига ақли етарди, чунки Россия унинг учун ўлим хавфи бўлиб туюлса-да, гитлерчилар зулми остида эзилган одамлар учун бу мамлакат озодлик тимсоли бўлиб қолган эди. Берлни билан яна шунинг учун алоқа боғлаш қийин элики, у гитлерчи бошлиқларнинг бетайинлигини ва ҳар дамда хиёнат йўлига ўтишлари мумкинлигини яхши биларди; у жаҳон жамоатчилиги демократиянинг гитлерчилар билан алоқа боғлашини ҳеч вақт оқламаслигини ҳам тушунарди.. Черчилль русларнинг Атлантика қирғоқларига бостириб келишига қарши тура оладиган ягона фронт ташкил қилиш мақсадида маълум ва қалтис вазиятда фюрерга нисбатан оппозицияда бўлган кишилар билан алоқа боғлаши мумкни эди, чунки у ҳаммадан кўпроқ, русларнинг Атлантика қирғоғига чиқиб олишидан қўрқарди. Бироқ Германняда 1944 йили фитначилар йўқ қилиниб ташланганларидан кейин бундай куч қолмаган эди. Черчилль Вермахт армияларининг таелим бўлишига уринаётган гитлерчин раҳбарлардан

биронтаси билан эҳтиёткорлик билан алоқа боғлаш қи-
йин бўлса ҳам — чунки Рузвельт бунга қаттиқ қаршилик
кўрсатаётган ва бутун дунё русларга нисбатан хайрхоҳ
эди — бундай алоқа Сталинга нисбатан қаттиқ сиёсат
аиниҳса Польша ва Греция масалаларида қаттиқ сиёсат
қўллашга имкон беради деб ҳисобларди.

Ҳарбий разведка немислар иттифоқчилар билан ало-
қа боғлаш йўлларини излаётганилиги ҳақида Черчиллга
хабар қилганди, у бундай жавоб берди:

— Британияни сусткашликда, тутуриқсиэлика, юмо-
ристик таҳлилпаратликда айблашлари мумкин. Аммо
Британияни ҳеч ким маккорликда айблаши мумкин эмас
ва ҳеч ким ҳеч вақт бизга бу айбни қўймаслигини худо-
дан сўрардим. Бироқ,— қўшиб қўйди у ва унинг кўзлари
қимириламай тик қараб қолди, фақат қораочиги ичиди
билинар-билинмас кулги учқунлари чақнади,— мен дон-
мо миллатлар иттифоқини мустаҳкамлашга ҳаратилган
дипломатик ўйин билан тўғридан-тўғри олиб борилади-
ган фаросатсиэликларча маккорлик ўртасидаги чегара
аниқ бўлнишини истардим. Нозик ва мураккаб диплома-
тик ўйинни фақат осиёликлар маккорлик деб ҳисоблаш-
лари мумкин. Бинобарин, ўйин тушунчасининг ўзи зарур
бўлган тақдирда — бир қадам четга чиқиш маъносини
билдиради... Болалар шундай дейдилар, улар эса энг
соғдили сиёсатчилардир...

Шу тарнқа Черчилль разведкадаги одамларга немис-
лар билан маълум вазиятда, маълум шартлар билан
алоқа боғлаш ва иложи бўлса бу алоқаларни гитлерчи-
лар зулмига қарши курашаётган иттифоқчиларнинг ман-
фаатларини кўзлаб қилинган ўйин, синов, деб ёълон
қилиш мумкинлигига ишора қилганди.

— Бунда,— қўшиб қўйди у,— америкалик шерикла-
римиз бу ҳақда биз билан баробар, ҳатто кўпроқ хабар-
дор бўлганликлари учун уларга шу ансамблда бирничи
скрипкачи ролини ўйнашга имкон бериш керак.

— Агар мақсадга мувофиқ келиб қолса, ўйин жид-
дий акцияга айланиб кетмасмий? — сўради разведка
бошлиғининг ёрдамчиси.

— Сизнингча,— ўйин жиддий нарса эмасми? Дунёда
ўйиндек жиддий нарса йўқ. Ўйин ва тасвирий санъат.
Қолган нарсалар — беҳуда ва майда нарсалар,— жавоб
берди Черчилль. Унинг кундузги дам олиш фурсати ту-
гамаган эди — ҳали ўринда ётарди ва шунинг учун кай-

фи чоғ эди.— Биз тасавур қилишга ўрганиб қолган сиёсат аллақачон ўлиб кетган. Дунёнинг у ёки бу қисмида олиб бориладиган башанг операциялардан иборат маҳаллий сиёсат ўз ўрнини глобал сиёсатга бўшатиб берди. Бу энди бирон шахснинг иродаси, бирон-бир гуруҳдаги одамларнинг ўз манфаатларинигина кўзлаб қилган уриниши эмас, балки математика каби аниқ, медицинадаги экспериментал радиация каби хавфли фандир. Рассомлар ва астрономлар, лифтчилар ва математиклар, қироллар ва доҳийлар глобал сиёсатига бўйсунадиган бўладилар.— Черчилль устидаги жун адёлни тўғрилаб, қўшиб қўйди:— Бир ўринда қирол билан доҳийни тилга олганликим доҳийни қиролга қарши қўймоқдаман деган гап эмас. Бу ўринда булар атайлаб эмас, балки тасодифан ёнма-ён қўйилди. Глобал сиёсат шунчалик кутилмаган иттифоқларни, стратегияда шундай бир-бирига зид бурилишларни назарда тутадики, менинг 1941 йил 22 июнда Сталинга қилган мурожаатим мантиқ ва изчилик чўққиси бўлиб туюлади. Дарвоҷе, менинг мурожаатим мантиқ жиҳатдан бирламчи, изчилик масаласи эса иккиламчидир. Асосийси — миллатлар ҳамкорлиги манфаатларини кўзлашдир, қолгаи ҳаммасини тарих кечиргусидир...

— Салом, фрау Кин,— деди бир кимса, унинг кара-вотига энгашиб.

— Салом,— жавоб берди Қэт аранг.

У ҳали гапиришга қийналади, боши ғувилларди, ҳаракат қилса, кўнгли беҳузур бўларди. У боласини эмизгач, бир оз ўзига келарди. Үғилчаси уйқуга кетгандан кейин у ҳам нафасини ростлаб оларди. Кўз очган пайтларида яна боши айланар, теварак-атроф турли тус ола бошлар, лоҳас бўлар, ўғлига кўзи тушиб аллақандайдир янгича туйғуларни ҳис этарди. Бу жуда ғалати туйғулар бўлиб, уларнинг нималигига ақли етмасди. Унинг кўнглида ҳамма нарса — қўрқинч ҳам, енгиллик ҳам, қандайдир ички мағрурлик ва авваллари унга хос бўлмаган хотиржамлик уйғунлашиб кетган эди.

— Мен сизга бир неча савол бермоқчи эдим, фрау Кин,— давом эттирди сўзини бояги одам,— мени эшитяпсизми?

— Ҳа.

— Мен сизни кўп безовта қилмайман...

- Қаердансиэ?
- Мен страхование компаниясиданман...
- Эрим қани... ҳалок бўлдими?
- Бир нарсали эсланг: бомба тушганда у қаерда эди?
- У ваннахонада эди.
- Ўйингизга кўмир борганиди? Жуда камчил нарсада... Биз компанияда шундай совқотиб ўтирибмизки...
- Учраб қолган экан озгина сотиб олган эди...
- Чарчамадингизми?
- У...ҳалок бўлдими?
- Мен сизга қайғули хабар олиб келдим, фрау Кин. Эрингиз дунёдан ўтди... Ўша даҳшатли ҳаво ҳужумидан жабр кўрганларнинг ҳаммасига ёрдам беряпмиз. Сиз касалхонада ётган пайтингизда қандай ёрдам олишини истайсиз? Овқат билан таъминлаб туришса керак, кийим-кечакни чиқишингизга тўғрилаб қўймиз: ўзингизга ҳам, чақалоққа ҳам... Жуда дўмбоқ бола экан... Қизми?
- Ўғил.
- Йиғлоқими?
- Ыйқ... Мен ҳали овозини ҳам эшитганим йўқ. У ростдан ҳам ўғлининг овозини шу дамгача эшитмаганига безовта бўла бошлади.
- Улар кўп йиглайдиларми? — сўради Кет.— Билмайсизми?
- Менинг фарзандларим жуда йиғлоқи эдилар,— жавоб берди у.— чинқириқларидан қулоғим гаранг бўлиб қолаёзарди. Фарзандларим озгин туғилган. Сизеникни — полвон экан. Полвонлар доим индамас бўлади... Кечирасизу, фрау Кин, агар чарчамаган бўлсангиз, яна саволим бор эди: мол-мулкингизни неча сўмга страхование қилдиргансиз?
- Билмайман... Бу иш билан эрим шуғулланган эди...
- Қайси бўлимда страхование қилдирганлигингизни ҳам билмайсизми?
- Кудам ва Кантштрассе кўчалари бурчагидагида бўлса керак.
- Тўғрн, у ерда йигирма еттинчи бўлим бор... Топиш анча осонлашди... Страхование суммаси қанчалиги эсингиздами?
- Ўн минг марка бўлса керак...
- Анча экан...

Эркак бу гапларни ўзининг эски дафтарчасига ёзиб олди; кейин йўталиб қўйиб, яна Қэтнинг юзига энгашди-да, секингина деди:

— Ёш онага йиғлаш ва безовта бўлиш ярамайди.. Уч фарзанднинг отасига ишонаверинг... Булар ҳаммаси бола ошқозонига таъсир этади, шундан кейин жанжалини кўрасиб... Энди сиз фақат ўз ҳақингизда ўйлашга ҳаққингиз йўқ, у вақтлар сиз учун бутунлай ўтиб кетди..

— Хўп, йиғламайман,— пичирлади Қэт ва муздек бармоқлари билан унинг илиқ, нам қўлини ушлаб қўйди,— раҳмат сизга...

— Қариндошларингиз қаерда? Компаниямиз уларнинг келишига ёрдам қиласди. Биз йўл кирасини тўлайнмиз ва турар жой берамиз... Албатта, тушунсангиз керак, меҳмонхоналар қисман вайрон бўлган, қисман эса ҳарбийларга берилган. Аммо бизларда хусусий хоналар бор. Қариндошларингизни ранжитмаймиз. Қаерга ёзиш керак?

— Менинг қариндошларим Кенингсбергда қолишган,— жавоб берди Қэт.—Улардан бехабарман.

— Эрингизнинг қариндошлари-чи? Қўнгилсиз воқеанин кимга хабар қиласлийлик?

— Унинг қариндошлари Швецияда турадилар... Аммо уларга ёзиш ўнгайсиз: эримининг амакиси Германиянинг катта дўсти, шунинг учун унга ёзмасликни илтимос қиласлан... Биз қулагай пайтдагина ёки элчихона орқали хат ёзардик.

— Адреси эсингиздами?

Шу пайт бола йиғлаб юборди.

— Кечирасиз,— деди Қэт,— мен уни эмизиб олай, кейин адресини айтаман.

— Майли, халақит бермай,— деди у киши ва палатадан чиқиб кетди.

Қэт унинг кетидан қараб қолди ва томоғига алланима тиқилгандай бўлди. Йилгаригидек зирқира боси оғрирди, аммо кўнгли лоҳас бўлмади. У ўзига берилгаш саволлар устида яхши ўйлаб ололмади, чунки бола эма бошлади-да, ташвишли, бегона нарсалар четда қолди. Унинг бағрида фақат шоша-пиша эмәётган ва қўлчалари билан ўйнаётган бола қолди: у ўйргакларни ечиб ташлади ва қип-қизил, баданини ҳар ер-ҳар еридан ип билан боғлаб қўйгандек бақалоқ боласини томоша қилиб ётди.

Кейин у икки кун олдин аёллар кўп, катта хонада ётганини эслади. У ерга болаларни бир вақтда олиб келардилар, палатани йиғи босиб кетарди, аммо унга болалар овози узоқдан эшитилаётгандек туюларди.

«Нега бу ерда бир ўзимман?— ўйлаб қолди Кэт.— Қаердаман ўзи?»

Ҳалиги киши ярим соат ўтгач кириб келди. У ухлаб ётган болани томоша қилиб турди кейин папкадан анчагина фотосуратларни олди-да, тиззасига ёйиб, сўради:

— Мен амакингизнинг адресини ёзиб олгунимча, марҳамат, қараб кўринг, бу ерда сизнинг нарсаларингиз йўқмикан? Бомба тушгандан кейин уйингиздаги бир қатор нарсаларни топиш мумкин бўлди: биласизми, сизнинг ҳозирги ташвишли аҳволингизда битта чамадон ҳам катта бойлик. Бирон нарсани сотиш мумкин бўлар, болага зарур кийим-кечак оларсиз... Биз, албатта, чиқишингизга ҳамма нарсаларни тайёрлашга ҳаракат қилалимиз, аммо буниси ҳам ортиқча бўлмас...

— Франц Паакенен, Густав Георгплац, 25. Стокгольм.

— Раҳмат. Толиқмадингизми?

— Бир оз толиқдим,— жавоб берди Кэт, чунки кўчадаги қатор қилиб териб қўйилган чамадон ва яшиклар орасида бошқалари билан адаштириб бўлмайдиган катта чамадон турарди. Эрвиннинг ана шу чамадонида радиостанция сақланарди...

— Диққат қилиб қаранг, сўнг мен кетаман,— деди эркак фотосуратларни унга узатар экан.

— Менимча, йўқ,— жавоб берди Кэт,— булар орасида бизнинг чамадонларимиз йўқ...

— Хўп, раҳмат, унда буни ҳал бўлган масала деб ҳисоблаймиз,— деди у ва фотосуратларни авайлаб портфелга солди-да, таъзим қилиб, ўрнидан турди.— Биринки кундан кейин мен яна хабар оларман, ўшанда уринишларимнинг натижасини айтарман... Мен оладиган шириккома — нима дейиш мумкин, замон шундай — унча кўп эмас, сизга оғирлик қилмайди...

— Мен сиздан жуда миннатдор бўлардим,— жавоб берди Кэт.

Кэтни зиёрат қилиб юрган киши, гестапо район бўлимининг терговчиси Кэт бармоқлари изини дарҳол эксп

пertiaзага юборди: чамадонлар тасвирланган фотосуратлар устига олдиндан махсус состав суртиб қўйилган эди. Чамадонга ўрнатилган радиопередатчикдаги бармоқ излари текшириб чиқилганди. Радиостанция жойланган чамадонда уч кинининг бармоқ излари борлиги аниқланган эди... Иккинчи сўроқни у империя хавфсиэзлиги олтинчи бошқармасига юборди: унда Швеция фуқароси Франц Паакененинг ҳәти ва фаолиятига тегишли ҳамма маълумотлар сўралган эди.

Айсман кабинетида аллақанча вақт у ёқдан-бу ёққа юрди. У қўлини орқасига қилиб, тез-тез юрар, одатдаги кўнигиб қолгани қандайдир муҳим бир нарса етишмаётгандек бўлиб туюларди. Бу эса диққатини йигиштириб олишига халақит берарди; у асосий нарсадан чалғиб кетарди, ўзини қийнаётган: «Нега Штирлиц гумон остига тушган экан?» деган масалани охиригача анализ қила олмаётган эди.

Ниҳоят асабни бузувчи ҳаво тревогаси сиреналари увиллай бошлаганда, Айсман, ўзи учун худди шу ҳаво ҳужуми етишмаётганигини тушунди. Уруш оддий ҳаётга ўҳшаб қолди, одамлар ҳаво ҳужумидан эмас, балки худди бирон ҳавф келтириши мумкин бўлган тинчликдан қўрқардилар.

«Худога шукур,— деди ичиди Айсман, сиреналар фарёди тиниб, яна сукунат қайтгач.— Энди ўтириб ишласа бўлади. Ҳозир ҳамма кетади, менга эса ўтириб ўйлаш имконияти туғилади, бемаъни саволлар ва келишмаган тахминлар билан кирадиганлар бўлмайди...»

Айсман стол ёнига ўтириб 1944 йилда давлатга қарши ишларда шубҳаланиб қамоққа олинган протестант руҳонийси Фриц Шлаг ишини варақлай бошлади. Қамалиш олдидан унинг устидан қавмлари Барбара Крайн билан Роберт Ниче чақимчилик қилган эканлар. Уларнинг чақувларида пастор Шлаг ўз ваъзларида ҳамма халқлар билан биродар бўлиб, тинч яшашни тарғиб қиляпти, уруш ваҳшийлик, ноҳақ қон тўқилмоқда, деб қоралаяпти, дейилган эди. Объектив текшириш шуни кўрсатганки, пастор ҳозир Швейцарияда яшаб турган собиқ кайцлер Брюнинг билан бир неча марта учрашган. Улар ўртасида дўстона муносабат бўлган, аммо Германияда ҳам, Швейцарияда ҳам синчиклаб текшириш олиб борилгани-

га қарамай, пасторнинг муҳожирликда яшаётган канилар билан сиёсий алоқада бўлганлигини кўрсатувчи ҳеч қандай далиллар йўқ эди...

Нега пастор Шлаг разведкага тушиб қолган? Нега уни гестапога жўнатмаганлар? Нега Шелленберг шу саволларга жавобни ишга илова қилиб қўйилган қисқагина маълумотдан топди: пастор 1933 йилда пацифистлар¹ конгрессида қатнашиш учун икки марта Буюк Британия ва Швейцарияга борган экан.

«Булар уннинг алоқалари билан қизиққанлар,— деган холосага келди Айсман,— у ерда пасторнинг ким билан учрашганлиги қизиқтирган. Шунинг учун пастор разведкага олиб борилган, шунинг учун ҳам уни Штирлиц қўлига беришган. Хўш, Штирлицнинг бунга нима даҳли бор? Топшириқни бажарган, холос...»

Айсман ишни яна варақлаб, чиқди: сўроқлар қисқа ва лўнда эди. Уз холосаси асосли ва ҳужжатли бўлиши учун объектив йўл тутиб, ишдан баъзи нарсаларни кўчириб олмоқчи бўлди, аммо амалда кўчириб оладиган нарса йўқ эди. Сўроқ Штирлицга хос услубда олиб борилмаган: ялт этган жойи йўқ, турган-битгани расмиятчилнк.

Айсман махсус картотекага қўнғироқ қилди. Телефонни узоқ вақт ҳеч ким олмади.

«Бомбадан яширинадиган хонада бўлсалар керак»,— деган холосага келиб, трубкани энди қўймоқчи бўлиб турганда бироннинг овози эшлилди.

— Тўртинчи бошқармадан Айсман гапирияпти. Салом, Марҳамат қилиб, картотекага қараб кўринг; 1944 йил 29 сентябрда штандартенфюрер Штирлиц томонидан олиб борилган пастор Шлаг сўроғининг ёзуви бормикан?

— Сизни огоҳлантириб қўймоқчиман: сиз қамоқдан сиз, кимки айборларни жазолашга ва халқни балолардан қутқаришга қаратилган национал-социализмнинг адолат суди қўлига тушган бўлса, уннинг бу ердан нормал ҳаётга ва фаолиятга қайтиши амалиян мумкин эмас. Қариндош-уруғларингиз ҳам осойишта ҳаёт кечира олмайдилар. Изоҳ берай: сиз, биринчидан, ўз айбинн-

¹ Пацифизм — қар қандай урушга, шу жумладан миллий-озодлик уруши, адолатли урушга ҳам қарши чиқувчи буржуа оқими.

тизга нқрор бўлиб, бизнинг давлатимизга ишебатан нолоял бўлган бошқа черков арбобларини фош қилиб берсангиз, иккинчидан, бундан буён бизнинг ишимизга ёрдам қилиб турсангиз буниш акси бўлиши мумкин. Сиз шу таклифларни қабул қиласизми?

— Мен ўйлаб кўришни керак.
— Ўйлаб кўришингиз учун қанча вақт қерак?
— Ўзимга ҳозирланиш учун инсонга қанча вақт керак бўлар экан?

— Сиздан яна ҳалиги таклифимга қайтишини сўрайман. Сиз ундоқ қилсам ҳам, бундоқ қилсам ҳам, барibir, ҳаёт тугади деяпсиз, лекин сиз Германиянинг ватанпарвар фарзанди эмасмисиз?

— Ватанпарварман. Аммо «Германиянинг ватанпарвар фарзанди» деганда нимани тушуниш керак?

— Мафкурамизга содиқликни.
— Мафкура ҳали мамлакат эмас-ку.

— Ҳар ҳолда бизнинг мамлакатимиз фюрер мафкураси билан яшамоқда. Руҳоний сифатида бизнинг идеологиямизга эътиқод қилаётган халқ билан бирга бўлиш сизнинг вазифангиз эмасми?

— Агар мен сиз билан генгма-тенг баҳслашганимда, нима жавоб беришмни билардим.

— Бемалол тенгма-тенг баҳслашаверинг.

— Халқ билан бирга бўлиш — бир нарса, аммо адолат ва имон юзасидан иш кўраётганингизни сезиб туриш — бошқа нарса. Булар бир-бирига мос келиши ва мос келмаслиги мумкин. Мазкур ҳолда сиз эътиқодимга мос келмайдиган йўлни таклиф қилмоқдасиз. Сиз менинг қандайдир аризага қўл қўйиншими иstab, кўмнингдир фойдасига ишлатмоқчисиз. Сиз ўз таклифингизни мени бир шахс сифатида қабул қилаётгандек бежаб кўрсатмоқдасиз. Нега энди мен билан шахс спфатида гаплашиб туриб, восита бўлишмни таклиф қилмоқдасиз? Ё қоғозга имзо чек, сени ўлдирамиз, деб тўғрисинни айтиб қўяқолинг. Немис халқи қайси йўлдан бормоқда, у қайси тилда гапирмоқда,— менга бари бир, чунки, аслини олганда, мен аллақачон тирик мурда бўлиб қолганиман.

— Галингиз нотўғри. Қуйидаги сабабларга кўра нотўғри. Мен биронта қоғозга имзо чекишингизни сўрамадим. Майли, мен биринчи масала — сизнинг матбуот

ва радио орқали тартибимиэга нисбатан оппозицияда турган дин аҳлларига қарши очиқ гапиришингиз кераклиги ҳақидаги таклифимдан воз кечдим, деб фараз қилайлик. Мен сиздан аввал национал-социализм ҳақиқат эканлигини тушуниб олишингизни, сўнгра сиз шу ҳақиқат билан келиша олиш имкониятини топа олсангиз, ҳақиқатимизга қанчалик ишонсангиз, шунчалик бизга ёрдам беришингизни сўрардим.

— Агар саволни шу тариқа қўймоқчи бўлсангиз, аввал национал-социализмнинг бошқа нарсалардан кўпроқ инсонга фойда келтириши мумкинлигига мени ишонтириб кўринг.

— Ишонтиришга тайёрман. Ахир национал-социализм — бизнииг давлатимиз, фюгернинг буюк ғоялари билан бошқарилаётган давлатимиз бўлса-ку, сизлар дин аҳллари шу давлатга мос тушадиган бирон нарса таклиф этмасангиз. Сизлар фақат маънавий баркамолликни таклиф этмоқдасизлар, холос.

— Жуда тўғри.

— Инсон фақат нон билан тирик бўлмагани каби, фақат маънавий барқарорлик билан ҳам тирнк эмас-да, ахир. Бинобарин, биз ҳалқимизга яхшилик истаймиз. Шундай экан, бу ишимизни миллатимизни маънавий жиҳатдан янада баркамол бўлишга олиб келадиган биринчи қадам деб ҳисоблайлик.

— Яхшн, ундаи бўлса мен сизга бир савол берай: концлагерлар ёки менга, руҳоний кишига нисбатан олиб бораётган терговингиз каби терговлар давлатчилигининг муқаррар оқибатими?

— Сўзсиз, чунки биз сизни миллатимиз нафратидан сақлаб турибмиз. Агар сиз фюгернинг душмани, ғоямиз душмани эканлигингизни миллат билиб қолса, ер билан яксон қиласди.

— Хўш, бошланниши қаерда-ю, оқибати қаерда? Миллат нафрати қаердан пайдо бўлди ва миллат нафрати сиз тарғиб қилаётган тузумнинг зарурий хислатимнкан? Агар шундай бўлса — нафрат қачондан бери мустақил ижобий факторга айланган экан? Бу нафрат эмас, балки ёвузликка қарши реакциядир. Агар нафрат сизда асосни ташкил этса, агар нафрат сизда сабабу бошқа нарсалар оқибат бўлса, хуллас ёвузликни сабабга киритаётган бўлсангиз, нега энди ёвузлик — яхшиликдир, деб мени ишонтироқчи бўлмоқдасиз?

— Йўқ, «ёвузлик» сўзини сиз ишлатдингиз, мен эса «халқ нафрати» дедим. Ҳа, бизни ҳақорат қилган кўп йиллик Версаль шартномасидан кейин, яҳудий банкирлари ва дўкондорлари зулмидан сўнг биринчи марта тинч-тотув ҳаётга эришган халқ нафрати. Кимки, ҳатто у руҳоний бўлса ҳам, буюк фюрер бошқаруб бораётган партиямиз келтирган улкан ютуқларга шубҳа билан қараса ўша кишига халқ нафрат билан қарай бошлайди.

— Жуда яхши... Тинч яшаш ва уришиш, иккови ҳам бир нарсами?

— Биз ўзимизни ҳаёт макони билан таъминлаш учунгина уруш қилмоқдамиз.

— Аҳолининг тўртдан бирини концлагерларда ушлаб туриш — бу яхшиликми ёки мен жонимни қурбон қилишим лозим бўлган ўша муштарак ҳаётми?

— Янглишяпсиз, бизнинг концлагерларимизда мамлакатнинг тўртдан бир қисми ётганича йўқ. Кези келганда шуни ҳам айтиш керакки, концлагерлар кишиларни йўқ қилиш қуроли эмас, бинобарин, сиз душман манбаларидан олинган маълумотлардан фойдаланаётганга ўхшайсиз. Бунинг устига бизнинг ҳар бир концлагеримиз дарвозасида: «Мехнат озодликка олиб чиқади», деб ёзиб қўйилган. Биз концлагерларда йўлдан адашганларни тарбияламоқдамиз, табиийки, адашмаган лекин чинакам душманларимиз ўлимга маҳкум этилганлар.

— Демак, ким айбдор-у, ким айбдор эмаслигини сиз ҳал қиласизми?

— Шубҳасиз.

— Демак, ҳар бир кимсанинг нимани истаётганлигини: нимада хато қиласди-ю, нимада йўқ, буни олдиндан билар экансиз-да?

— Мен халқ истагини биламан.

— Халқ денг. Кимлардан иборат ўша халқ?

— Одамлардан.

— Ҳар бир киши нимани исташини билмай туриб халқ истагини қаердан била оласиз? Тўғрироғи, нимани исташи кераклигини олдиндан унга айтиб, мажбур қилишми? Бу — хомхаёл.

— Сиз ноҳақсиз. Халқ яхши овқатланишни истайди.

— Бунинг учун уруш қилишни ҳам деяқолинг?

— Сабр қилинг. Яхши овқатланиш, яхши уй-жойни,

автомобилни, оиласда хурсандчилик бўлишини ва шу баҳт учун урушни, ҳа, урушни истайди!

— У бошқа мафкурадаги кишиларнинг лагерларда ётишини ҳам истайди денг? Агар бахт учун уруш муқаррар экан, демак сизнинг бахтингизда нимадир нотўғри, чунки бу тариқа эришиладиган бахт, менинг нуқтани назаримдан, соф бахт бўла олмайди. Балки менниг қарашим сизнинг қарашингиздан фарқ қиласа керак. Сизнинг нуқтани назарингиз бўйича мақсад воситани оқласа керак. Исзуитлар ҳам шуни тарғиб қилиб келганилар.

— Сиз, руҳоний сифатида бутун христианлик тараққиётини ревизия қилмассиз? Еки христианлик таълимоти тараққиётидаги айрим даврларни — хусусан инквизицияни қоралашга журъат қиласизми?

— Мен сизга қандай жавоб беришни биламан. Чунончи, христианлик тарихида инквизиция бўлган. Менинг нуқтани назаримда, испанларнинг миллат сифатида инқирозга учрашишиг сабаби ҳам мақсаднинг воситага алмаштирилишп бўлган. Дастреб динни тозалаш воситаси сифатида таъсис этилган инквизиция аста-секин ягона мақсадга айланниб кетган. Яъни дастреб мафкураси бошқача кишиларни дни воситаси билан соф кишиларга айлантиришни мақсад қилиб қўйган ана шу шафқатсиз аутодафе секин-аста жаҳолатни ўз олдига ягона мақсад қилиб қўядиган бўлди.

— Тушунарли. Қани айтинг-чи, христианлик тарихида черков, табиийки, ҳукмдор қавмнинг тинч-тотув яшашни мақсаднда бошқа мафкурадаги кишиларни кўп марталаб йўқ қилиб турганми?

— Гапинингизга тушундим. Одатда бидъатчилар йўқ қилинганд. Христианлик тарихидаги барча бидъатлар эса моддий манфаатларни кўзлаб қилинганд ғалаёнларпининг ўзгинаси. Христианликдаги барча бидъатчилар тенгсизлик гоясини тарғиб қиласди, ҳолбуки Исо пайғамбар эса тенглик гоясини тарғиб қиласган. Христианлик тарихида бидъатчиларнинг аксарияти бой камбағалга тейғ эмас, камбағал бойни йўқ қилиши ёки ўзи бой бўлиб олиб унинг ўринин эгаллаши керак, деган фикрга асосланган эди, ҳолбуки Исо пайғамбарнинг таълимоти иккى хил инсон ўртасида айтарли фарқ йўқ, бойлик ҳам, камбағаллик ҳам бу дунёдаги ўткинчни нарса деган фикрдан иборат эди. Исо пайғамбар кишиларни келиштирмоқчи бўлган бўлса, бидъатчилар қон тўкишга чақпради. Бинонин, ёмонлик, жаҳолат гояси — бу, одатда, бидъатчи-

лик таълимотларига тааллуқлидир, черков эса зўравоцлик христианликнинг маънавий қонунчилик мажмусига кириб қолмасин деган мақсаддагина бидъатчиларга қарши куч ишлатди.

— Тўғри, аммо зўравонликка чақирган бидъатга қарши курашган черков ўзи зўравонликка йўл қўйган-ку?

— Ҳа, йўл қўйган, лекин уги мақсадга айлантиргман ва амалий жиҳатдан оқламаган.

— Бидъатчиликка қарши зўравонлик, менимча, саккиз-тўқиз аср давомида ишлатилиб келинган шекилли? Демак, зўравонликни йўқ қиласмиш, деб саккиз юз — тўқиз юз йил давомида зўравонлик қилиб келинди. Биз 1933 йилда ҳокимият тепасига келдик. Хўш, биз яна нима қилиб берайлик? Ўн бир йил мобайнида биз ишсизликни тугатдик, ўн бир йил мобайнида биз ҳамма немисларнинг қорнини тўйғаздик, ҳа — бошқача мафкурадаги кишилар устидан зўравонлик ҳам қилдик! Сиз эса сафсаларингиз билан биэзга халақит бермоқдасиз! Агар сиз тузуммизнинг ашаддий душмани бўлсангиз маънавий асосга эмас, балки моддий асосга суюнганингиз мақсадга мувофиқ бўлмасмикан? Хусусан, қавмингиэ орасида давлатга қарши қандайдир гурӯҳ ташкил қилиб бизга қарши ишлашингиз мумкин-ку? Ҳокимиятнинг маълум вакилларига қарши қуролли ҳужумлар ўюштириб, варақалар тарқатиб; саботаж, диверсиялар йўли билан курашишингиз мумкин-ку?

— Иўқ, оддий сабабларга кўра мен бу йўлдан бормайман асло... мен бирон нарсадан қўрққаним учун эмас... Бундай йўлини принцип жиҳатдан хотўғри деб ҳисоблайман, шунинг учунки, мен сизларга қарши ўзларнингизнинг усусларингизни ишлата бошласам, бенхтиёр сизларга ўхшаб кетаман.

— Демак, қавмингиздан биронта йигит келиб: «Пирим, мен тузумдан порозиман ва унга қарши курашмоқчиман», деса...

— Мен унга халақит бермайман.

— «Мен гаулайтерни ўлдирмоқчиман» деса-чи? Гаулайтернинг уч боласи: икки, беш ва тўқиз яшар қизчалари, сёёклари палаж хотини бўлса-чи? Хўш, унда нима қиласдингиз?

— Билмадим.

— Агар мен ўша киши ҳақида сўрасам, ҳеч нимани

айтмайсизми? Уч қизалоқ билан бемор хотинининг ҳаётини сақлаб қолмайсизми? Ёки менга ёрдам берасизми?

— Йўқ, мен сизга ҳеч нимани айтмайман, чунки бир кишининг ҳаётини қутқараман деб бошқаларнинг ҳаётини хавф остига қўйиш муқаррардир. Ана шундай шафқатсиз кураш бораётганда фаоллик сарп босилган ҳар қандай қадам фақат яна қон тўқилишига олиб келиши мумкин. Руҳоний киши бундай вазиятда биргина йўлни тутиши — шафқатсизликдан юз ўғириб, жаллод томоннада турмаслиги мумкин, холос. Ағсуски, бу йўл пассив йўлдир, аммо бу ҳолда ҳар қандай актив йўл тутиш кўпроқ қон тўқилишига олиб келиши мумкин.

— Ишончим комилки, агар биз учинчи даражада сўроқ қиласак — бу эса қийноқ ва оғриқ деган гап — ўша одамнинг исмини айтиб берардингиз, албатта.

— Агар мени қийноқдан ақлни йўқотгаи ҳайвонга айлантирангиз, пимани истасангиз, шуни қиласеверади деб ўйлайсизми мени? Бинобарин, шундай қилишим ҳам мумкин. Аммо бу ҳолда шу ишни мени қилган бўламан. Шундай экан, бошқа гапнинг ҳожати йўқ бўлса керак? Менга қарши нималарни ўйлаб қўйган бўлсангиз, шуларни ишлатаверишинг, мендан хайвон сифатидами, машина сифатидами, қанақасига фойдалансангиз фойдалана-веринг...

— Айтинг-чи, агар сизга ашаддий душманлар ақлдан озганлар чет элга — Буюк Британияга, Россияга, Швецияга ёки Швейцарияга бориб, ўртада воситачи бўлишни, биронта хатни элтиб беришни илтимос қиласалар, шунга кўнармидингиз?

— Воситачи бўлиш мен учун табиий нарса.

— Нега энди?

— Шунинг учунки, одамларнинг худо билан ўзаро алоқа қилишларида воситачи бўлиш — менинг бурчим. Одамнинг худога муносабати шунинг учун керакки, одам ўз-ўзини тўла-тўкис инсон сифатида ҳис этади. Шунинг учун одамнинг худога муносабатини бир одамнинг иккинчи одамга муносабатидан ажратиб бўлмайди, деб ҳисоблайман. Принцип жиҳатдан иккала муносабат ҳам бир хил — бирлик муносабатларидир. Шу сабабли одамлар ўртасида ҳар қандай масалада воситачилик қилиш мен учун табиий нарса. Аммо бунда мен ўз олдимга бирдан-бир шарт — воситачилик яхшиликка хиз-

мат қилиши ва яхши воситалар билан амалга оширилиши зарурлиги шартини қўяман.

— Воситачилик давлатимизга нисбатан ёмонлик бўлса-чи?

— Сиз мени умумий баҳо беришга мажбур этмоқда-сиз. Агар давлат зўравонликка асосланган бўлса, руҳоний киши сифатида уни принцип жиҳатидан маъқуллашим мумкин эмаслигини яхши тушуниб турнибиз. Албатта, одамларнинг ҳозирдагига нисбатан бошқачароқ яшашларини истардим. Афсуски, бунга қандай йўл билан эришилишини билмайман. Аслини олганда, ҳозир национал-социализм давлатини ташкил қилган одамлар доим омои бўлнишларини ва уларнинг ҳаммаси қандайдир бошқа бирликка уюнишларини истар эдим. Менда ҳеч кимни ўлдирниш нияти йўқ.

— Менимча, хоинлик даҳшатдир, аммо хоинлик ҳам, қотиллик ҳам қандай содир бўлаётганлигини бефарқ ва қўл қовуштириб кузатиб туриш ундан ҳам баттар даҳшатдир.

— Ундаи ҳолда қотилликни тўхтатишга ҳаракат қилиш керак, холос.

— Уни тўхтатишга сизнинг қурбингиз етмайди.

— Ҳа, етмайди. Хоинликни сиз нима деб атайсиз?

— Хоинлик — сусткашликдир.

— Йўқ, сусткашликнинг ўзи хоинлик эмас.

— Хоинликдан даҳшатлидир...»

Айсман бинонинг силкинаётганини сезди. «Бомбалар яқинга тушяпти шекилли,— ўйлади у.— Еки катта бомбаларни ташлашяпти... Жуда қизиқ суҳбат... Жуда қизиқ, аммо суҳбат оҳангি ғалати...»

У навбатчига қўнғироқ қилди. У кириб келди — ранги оқарган, юзини тер босган эди.

— Бу расмий ёзувми, ёки контроль ёзувми? — сўради Айсман.

Навбатчи секин жавоб берди:

— Ҳозир аниқлаб бераман.

— Бомбалар яқин жойга тушяптими?

— Бизнинг деразаларимиз чил-чил бўлди...

— Бошпанага тушишингиз мумкин эмасми?

— Йўқ,— жавоб берди навбатчи.— Бу инструкцияда ман этилган.

Айсман сұхбатии тинглашни давом әттиromoқчи бұлди, аммо навбатчи қайтиб келиб, Штирлициннг сұхбатни ёзиб бормаганлыгини айтдн. Бу ёзув марказий аппарат ходимларини контролъ текширудан ўтказып мақсадида контразведка күрсатмасы билан олиб борнлган ёзув өзан.

7

— Ҳар қайсиси бир тоңнаданми дейманп бомбалар,— деди Шелленберг.

— Шунақага ўхшайды,— маъқуллади Штирлиц.

У ҳозир кабинетдан чиқиб кетиб, папкасида ётган қоғозни — «СД хоинлариннинг» Фарб билан музокара олиб бораёттанлари түғрисидаги ахборотни даржол ёқиб ташлашни истарди. «Шелленбергнинг бу айёрги тагида күп ғап бўлса керак,— ўйларди Штирлиц.— Уни руҳоний аввал-бошданоқ қизиқтириб келган. Келажакда айбни яшириш учун керак бўлган. Унга руҳонийнинг айнан ҳозир керак бўлиб қолгани жуда қизиқ, Гиммлерни хабардор қилмай турнб, бу ишини бошламаса керак!» Шунга қарамай, Штирлиц шошилмай, ҳазил аралаш, бўлаҗак операциянинг деталларини Шелленберг билан муҳокама қилиши кераклигини тушунарди. У ҳозир қанчалик шошилмай, баҳузур гапирса, иши шумчалик муваффақиятли бўлади...

— Менимча, самолётлар қайтялти,— деди Шелленберг овозларга қулоқ солиб.— Шундайми?

— Ҳа, яна бомба ортиш учун қайтиб кетялти...

— Йўқ. Булар базасига бориб ўйин-кулги қилиб ўтирадилар... Самолёти етарли, бизни кетма-кет бомбардимон қилишлари мумкин... Демак, пасторнинг синглисини болалари билан кафил сифатида сақласак, у қайтиб келади деб ҳисоблайсизми?

— Албатта...

— Қайтиб келгач, Мюллер сўроқ қиласа, алоқа боялаш учун уни сиз юборганингизни айтмайди, деб ўйлайсизми?

— Билмадим. Ким сўроқ қилишига боғлиқ.

— Яхиси, сұхбатни магнитофон лентасига ёзиб қолдириш, у эса... бомбардимон пайтида ҳалок бўлар...

— Ўйлаб кўраман...

— Узоқ ўйлайсизми?

— Яхшилаб, ҳар томонлама ўйлаб кўришга ижозат беришингизни сўрайман.

— Ҳар томонлама ўйлашга қанча вақт кетади?

— Кечқурун бирон инманин таклиф этишга ҳаракат қиласан.

— Машқул,— деди Шелленберг.— Ахийри учнб кетишди... Қаҳвага қалайсан?

— Қаҳва ичгим бор, аммо ишни тугатай.

— Яхши. Ҳамма нарсанни тўғри тушунганингидаш хурсандсан, Штирлиц. Бу билан Мюллернинг адабини бериб қўямиз. У сурбетлик қиласанти. Ҳатто рейхсфюрерга ҳам. Майли, биз унинг ишини бажарайлик, армонда қолмасин... Биз рейхсфюрерга катта ёрдам берган бўламиз.

— Рейхсфюрер бундан хабардор эмасларми?

— Йўқ... Йўқ — шундай деб фараэ қила турайлик... Тушунарлим? Умуман, сиз билан ишлаш ёқади менга...

— Менга ҳам.

— Нега жаҳлингиз чиққан кўринасиз?

— Жаҳлим чиққанича йўқ. Ундан пайтда жуда ҳо-муш бўламан. Ҳозир хаёлга ботганман.

Шелленберг штандартенфюрерни эшиккача кузатиб борди, қўлини қисиб деди:

— Агар ҳаммаси жойида бўлса, беш-олти кун тоғда дам олишингиз мумкин: ҳозир чанғида учадиган пайт — кўкимтири қор, қуёшда қораяпсиз... Жуда маза-да! Уруш пайтида кўп нарсаларни унтиб юбординг-а...

— Ҳайитда кўп ячиб юбориб, пальто кийиш эсимиздан чиқиб қолгандек, аввало ўзимизни унтиб юбордин...

— Ҳа, ҳа,— хўрсинди Шелленберг,— худли эсдан чиқиб қолган пальтодек... Шеър ёзмаганингиэга анча бўлдими?

— Ҳали бошлаганимча йўқ...

Шелленберг бармоғи билан пўписа қилиб деди:

— Оз бўлса ҳам ёлғон гапирсангиз бутунлай ишончи ни йўқотиб қўйишингиз мумхин. Штирлиц.

— Онт ичишим мумкин,— кулди Штирлиц,— шеърдан бошқа ҳаммасини ёзганман, лекин қофияга йўқман...

Штирлиц Гиммлер номига ёзилган хатни йўқ қилиб, Шаҳзода Альбрехштрасседаги бинодан чиқиб, аста Шпрее томон йўл олди. Тунда гишт парчаларига тўлиб кетган йўлка супурилган эди: ҳозир бир кечада икки-уч марталаб бомбардимон бўлиб қоларди.

«Ишим пачава бўлишига сал қолди,— ўйларди Штирлиц,— Шелленберг пастор билан шуғулланишни менга топширган пайтда уни ҳозир Швейцарияда муҳожирликда яшаётган собиқ канцлер Брюнинг қизиқтирган эди. Фақат шунинг ўзи. Пасторнинг кимлар билан алоқаси борлигигина қизиқтирганди: шунинг учун пастор биз билан ҳамкорлик қилмоқчи деганимда, Шелленберг чолни бўшатишга дарҳол рози бўлган эди. У мендан кўра узоқни кўра билган экан. У ўзларининг жиддий тадбирларида пасторни сохта шахс сифатида сақлаб турган экан. Бу кулги-ку: қандай қилиб пастор Вольф операциясига қатнашиши мумкин? Ўзи қандай операция экан? Ундан кимга фойда? Нега Вольфнинг Швейцарияга кетганини гапиргандা, Шелленберг радиони баланд қилиб қўйди. Агар у буни баланд овоз билан айттолмаётган бўлса, демак, қандайдир катта тадбирга уринилмоқда, обергруппенфюрер Карл Вольфга эса кенг ваколат берилган, унда Риббентроп ёки Фегеляйнникидек СС унвони ҳам бор. Шелленберг Вольф ҳақида менга айтмаса бўлмасди, чунки унга ўзим нима гаплигини билмай туриб операцияни қандай тайёрлашим мумкин, деб савол беришим турган гап эди. Фарбдагилар Гиммлер билан бир стол атрофига ўтиromoқчиларми? Ўмуман олганда, Гиммлер катта куч, буни улар тушунадилар, кучга эга бўлмаганлар билан музокара олиб боришдан ҳеч қандай маъно чиқмайди. Уларнинг бир стол атрофига ўтиришини хаёлга келтириш ҳам қийин... Майли... Пастор хўракка қўйиладиган, уларнинг айбини бекитувчи бир нарса, тажрибага ажратилган қуён бўлиши керак: уларнинг фикри шундай. Аммо улар Шлагнинг у ерда алоқаси кенг эканлигини ҳисобга олмаганлар. Бинобарин, мен чолга шундай йўл-йўриқ кўрсатиш им керакки, у ердаги таъсиридан ўзини жўнатган кишиларга,— албатта мен орқали жўнатган,— қарши фойдалана олсин. Мен ундан қўшимча алоқа канали сифатида фойдаланмоқчи эдим, аммо унга бундан ҳам масъулиятли ролни ўйнашга тўғри келадиган кўринади. Швейцарияда у алоқа ўрнатмайди, албатта. Агар мен уни Шелленберг тексти билан эмас, балки ўз йўл-йўриғим билан таъминласам, унинг ҳузурига Ватикандан ҳам, инглиз ва американклардан ҳам одам келади. Буниси равшан. Демак, мен шундай режани тайёрлаб беришим керакки, у ерга борган ёки бормоқчи бўлган немисларга нисбатан

унга кўпроқ ҳизиқиши туғилсин. Қўрайлик-чи, ким ғолиб чиқар экан. Ҳар ҳолда, биринчидан, унинг учун амал қилипадиган режа ва, иккинчидан, Гитлер ва Гиммлерга нисбатан оппозициячи сифатида уни юборган одамларнинг исми зарур».

Штириц «Вайнштюббе»га тушиб бир қадаҳ конъякни аллақанча вақт әрмак қилиб ўтириди. Бу ер жимжит, ўйлашга ҳеч ким халақит бермасди. Ҳозир у бутун вужуди билан ўйга ботган эди — кечириб бўлмас ёки пайқаб олиш қийин ҳодисага келган пайтларда у шундай ахволга тушарди.

Бу киши ҳақида ҳеч ким ҳеч нима билмасди. У кинохроника кадрлари ва фотосуратларда фюернинг ёнида камдан-кам кўринарди. Ўрта бўйли, юмaloқ бошли, юзи чандиқ бу киши фотографлар орқасига яширинишга уринарди.

1924 йилда у сиёсий қотиллик учун ўн тўрт ой қамоқда ётиб чиқкан дейишарди. Бундан кейин у авф умумий бўйича озод бўлгач ёки қамоқдан қочгач, ҳар қалай яшириниб юрган — бунинг қайси бириси аниқлигини ҳам ҳеч ким билмасди. Гесс Англияга учеб кетган кунига қадар уни ҳеч ким билмасди. Гиммлер «ана шу фоҳишахона»да тартиб ўрнатиш ҳақида фюернинг буйруғини олди. Фюрер партия идораси ҳақида ана шундай деганди — бу идоранинг бошлиги эса партия аъзолари орасида фюерерни исми билан атайдиган ва «сенлаб» гаплашадиган бирдан-бир киши Гесс эди. Гиммлер одамлари бир кеча давомида етти юзга яқин кишини қамадилар. Уларнинг бир қисмини кейин бўшатишга тўғри келди, бир қисми узоқ муддат билан концлагерларга жўнатилди. Гесснинг энг яқин ходимлари қамоқقا олинди, аммо партия идораси шефининг энг яқин ёрдамчиси — унинг ўринбосари Мартин Борман бундан холис қолди. Устига устак маълум даражада Гиммлерга нима қилиш кераклигини маслаҳат бериб турган кишига айланди: у ўзига керакли одамларни омон сақлаб қолди, кераксизларни, аксинча, лагерга жўнатаверди.

Гесс ўрнига ўтиргандан кейин ҳам у ҳеч ўзгармади: у илгаригидек индамас, илгаригидек Гитлернинг ҳамма гаплари ёзиладиган чўнтак дафтарчасидан айрилмасди; у илгаригидек камтарона яшар, бегона кўзлардан олиб қочарди ўзини. У илгаригидек, Геринг, Гиммлер ва Геб-

бельсларни ҳурмат-нэзат қиласарди, аммо аста-секин, биринки йил ўтгач фюрерга шундай зарур одам бўлиб қолдикки, у ҳазил қилиб Борманин ӯзнининг сояси деб ҳам атаган эди. У ишни шунчалик уюштирган эдпки, Гитлер бирон масала билан қизиқиб қолса, овкатланиш олдинми ёки қаҳва ичаётган пайтидами, Борман жавобини таҳт қилиб туради. Бу ишлар хўжа кўрсинга эмас, балки шошма-шошарликсан, пишпқ-пухта бажариларди. Бир куни Берхтесгаденда фюрерни халқ гулдурос қарсаклар билан кутниб олиб, учрашув тасодифан катта на мойншга айланниб кетганда, Гитлернинг офтобда турганини Борман назарга олиб қўйди. Эртасига ёқ Гитлер ўша жойда эман дарахтни кўриб қолди: бир кечада Борман катта бир дарахтни кўчириб келиб ўтқиздирибди... Гитлер Форманин койиб қўйди, аммо ичидаги ёрдамчи сининг шунчалик меҳрибончилигидан хурсанд эди. Борман Гитлер учун ҳамма хатларни тайёрлаб берарди, фюрер столи устига тушиши керак бўлган барча материалларни кўриб чиқарди. Бир вақт Геббелъс учувчиларнинг жасорати тасвирланган бир альбомни Гитлерга юборганида, Борман: «Шунчалик ошкор пропагандистик ёлғон нарса билан фюрернинг асабини бузиш шартми кан?» деган хат билан уни қайтариб юборган эди.

У Гитлернинг ўз шутқларини плдиндан тайёрламаслигини билар эди: фюрер тайёрланмай гапиришни яхши кўйарди ва нутқи яхши чиқарди ҳам. Аммо Борман чет элдан келган давлат арбоблари билан ўтказиладиган учрашувлар олдидан ёки 9 ноябрда — революция байрами кунида кўпроқ эътибор берилнишн лозим бўлган — унинг нуқтаи пазаридан, албатта — масалалар юзасидан фюрерга тезис ёзиб беришни ҳеч унутмасди. У бундай кўзга кўринмайдиган, лекин жуда муҳим ишни жуда одоб билан бажаарардики, Гитлерда, программали нутқларимни бошқа одам ёзиб беряпти, деган фикр пайдо бўлмасди,— у Борманинг ишини ўз вақтида бажарилган, зарур котиблик иши деб қабул қиласарди. Бир куни Борман касал бўлиб қолганда, Гитлер эртасига ёқ иш юришмаётганинги сезиб, унинг олдига шахсий врачиини юборди.

Борман фюрернинг ҳуэурига бирон кимса қандай масала билан кирмоқчи бўлганлигини, ўша кишининг иззат-иафсига тегмай, одоб доирасидан чиқмай, билиб олишга уста эди. Шунингдек, қабул пайтида ўзини қан-

дай тутниши кераклиги ҳақида кимга ва қандай масла-
ҳат беришни ҳам биларди. У қабулга келган кишини шундай тайёрлардикى, унинг фикри билан фюрер фикри бир-бирига мос тушиб қўяқоларди.

Кимки ўз нуқтани назарини ёқлаб фюрер билан баҳса-
лашувга журъат этса ва ўша фикри умум фикрига мос
келмаса, шу кишиларни Борман Гитлер ҳузурнга бундан
кейин киргизмасликка ҳаракат қиларди.

Борман чиройли гапири олмасди, аммо расмий қо-
ғозларни ёзишга жуда уста, ақлли одам эди. У ўз ақли-
ни дағаллик, тўғрисўзлик, соддадиллик ниқоби остига
яшира оларди; унинг қўлидан ҳамма нарса келарди,
аммо ўзини арзимас, лекин сал-пал маstryuliylatli қарор
қабул қилиш олдинан ҳам «маслаҳатлашиб олишин»
зарур ҳисоблаган оддий кишилардек тутарди...

Худди ана шу киши—Мартин Борман қўлига СД мах-
фий почтасидан «шахсан» деб шархланган ва мазмуни
қўйидагича хат келиб тушди: «Партайгеноссе Борман!
Сизнинг секретариатингизда СД одамлари бор — улар-
нинг фамилиялари менга номаълум, аммо мен шахсан
Сизнинг топшириғингизни олсам, буларни аниқлаб бера
олардим. Ушбу хатнинг Сизга бориб тегишига кўзим ет-
майди, агар қўлингизга тегса — давлат аҳамиятига эга
бўлган иш юзасидан Сизга мурожаат этаман. Ҳозирги
пайтда менга маълум бўлган кишилар фюрердан яши-
ринча равишда Швеция ва Швейцариядаги чириган гарб
демократияси вакиллари билан алоқа ўрнатишга урин-
моқдалар. Ялпи уруш бўлиб турган бир вақтда, жанг
майдонларида жаҳоннинг келажаги ҳал қилинаётган
кунларда шу воқеа юз бермоқда. Ана шу хоинона музо-
караларнинг икир-чиқирларигача Сизни хабардор қилиб
туришим мумкин. Аммо менга кафиллик керак, чунки
ушбу хатим СД аппаратига тушиб қолгудек бўлса — ме-
ни дарҳол йўқ қиласидилар. Шу сабабли хатга имзо чек-
мадим. Агар менинг ахборотим Сизга мұхим бўлиб туюл-
са, эртага соат 13.00 да табиатшунослик музейи қарши-
сидаги «Нойе Тор» меҳмонхонасига келишингизни сў-
райман. Фюрерга содиқ НСДАП аъзоси».

Борман бу хатни ушлаганича узоқ вақт ўтириб қолди.
Бир неча марта қўли телефонга югурга бошлиди. Гестапо
шефи Мюллерга телефон қилиш нияти туғилди. Мюллер

билин бир-бирларига қанчалик хизмат кўрсатганликларини эслади. Эски полициячи бўлган Мюллер ўттизинчи йилларнинг бошларида иккى марта Бавариядаги национал-социалистик партия ташкилотини тор-мор қилган эди. Бу партия Германия давлат ҳокимнитининг партиясига айлангач, унга хизмат қила бошлади. 1939 йилгача гестапо шефи партиясиз эди: хавфсиэллик хизматидаги ҳамкарабалари унинг Веймар республикаси давридаги жонбозликларини кечира олмадилар. Борман, худди шу Борман — Мюллер буни яхши биларди — шахсан фюрер олдида кафиллик бериб, унинг партия сафига киришига ёрдамлашган эди. Бироқ Борман Мюллерни ўзига унча яқинлаштирумасди. У ичидаги кишиларга унча ишонавермасди. Улар қандай тадбир кўрмасинлар, оқибат натижада Гиммлерга хизмат қилардилар. Шудамгача Мюллерни кузатиб келган эди ва яқинлаштириш инияти бўлса, уни ҳамма нарсадан хабардор қилиб, жуда яқинлаштириш керак, бўлмаса — фойдаси йўқ.

«Бу қанақаси бўлди? — ўйларди Борман, ўнинчи марта хатта кўз ташлаб. — Иғоми? Ундан бўлмаса керак. Мияси касал одам ёзганмикан? Бундай бўлиши ҳам мумкин эмас — рост гапга ўхшайди... Шу одам гестаподан бўлиб, Мюллернинг ҳам бунда иштироки бўлса-чи? Қема ғарқ бўлиши олдидан каламушлар қочиб қолади — ҳамма нарса бўлиши мумкин... Ҳар ҳолда, бу ҳужжат Гиммлерга қарши танланган кузур қарта бўлиши мумкин. Ана шунда мен бу аблаждан чўчимай, ҳамма партия пулларини унинг одамлари номига эмас, ўз одамларимномига бетараф мамлакатлар банкларига бемалол ўтказишм мумкин...»

Борман бу хат устида узоқ хаёл сурди, аммо тайинли бир қарорга келолмади.

Айсман яна магнитофонни қўйди. У Штирлицнинг бир оз бўғиқ овозига тамаки тутатиб қулоқ солиб турди.

«— Нега сиз бизга қарши куч ишлатмаяпсиз? Очикойдин жавоб бераверинг. Гапнимиз шу кабинетдан нарнга чиқмайди, ваъда бераман.

— Шунинг учун бўлса керакки, мен шахсан ўзим куч ишлатишдан воз кечиб келдим. Аммо ҳар бир киши ҳаётидаги шундай пайт ҳам келиши мумкинки, у ортиқ чираб турумайди. Агар сиз, сенни йўқ қилиб ташлайман,

деб дўқ урсангиз, мени ҳам шундай қилишга мажбур этасиз. Аммо мен ёмонлик қила туриб, уни яхшилик деб атамайман. Уртамиздаги фарқ шундаки, сиз ёмонлик қила туриб, уни яхшилик деб атайсиз, мен эсам сизенингга жавобан ёмонлик қиллар эканман, ёмонлик қилганимни доим эслайман.

— Айтингчи, бизнинг турмамида икки ой ўтириш қўрқинчли бўлдими?

— Мен учун сизлар ҳокимнят тепасига чиқиб олган ўн бир йил қўрқинчли бўлди.

— Буниси демагогия. Бизнинг камераларимизда, турмада ўтирган пайт сиз учун қўрқинчли бўлдими?

— Сўзсиз.

— Сўзсиз, албатта. Агар биронта мўъжиза юз берниб қолгудек бўлса-ю, биз сизни озод қилиб юборсак, яна шу ерга тушишни истармидингиз?

— Иўқ. Мен сизлар билан умуман ҳеч қандай алоқада бўлишни истамасдим.

— Жуда яхши. Агар сизни озод қилиш учун мен билан яхши алоқада, инсоний муносабатда бўлишингизни шарт қилиб қўйсам, розимисиз?

— Албатта. Сиз билан соф инсоний муносабатда бўлиш ўзимнинг одамларга нисбатан табиий муносабатимнинг оддий ифодаси бўлади. Агар сиз менинг ҳузуримга национал-социалистик партиянинг ташаббускори эмас, балки қай даражада инсон бўлиб келсангиз мен ҳам сизни шу даражада инсон деб қабул этаман.

— Лекин мен ҳузурингизга ҳаётнингизни қутқарган киши сифатида келаман.

— Маъқул.

— Шу нарса ёдингизда бўладими?

— Албатта.

— Табиийки, сиз энди қавмга эга бўлолмайсиз. Гелиз, кўзга ташланмай яшайсиз. Ортиқ тарғибот қилмайман, деб менга ваъда бера оласизми?

— Бўлак қандай чораси бор?

— Агар сизни озод қилишининг улдасидан чиқа олсан, мендан миннатдор бўлишингиз керак.

— Сиз менга шахс сифатида ёрдам берадигизни ёки мендан бирон ишда фойдаланиш мўлжалингиз борми?

— Фойдаланиш мўлжалим бор.

— Ундай бўлса, сиз мақсад қилиб қўйган нарса ях-

шилил эканлигига ишонч ҳосил қилишим керак; акс ҳолда ижобий жавоб бернишм қийин.

— Менинг мақсадларни соф мақсадлар эканинга ишнаверниңг.

— Мендан нима қилишни сўрайсиз?

— Давлатнииз хизматида бўлган талайгина ошнаогайниларниш бор. Улар фан арбоблари, партия ташаббускорлари, ҳарбийлар, журналистлар, хуллас одамлар. Агар мен бошлиқларнишни сизни озод қилишга кўндира олсанам, албатта, сиздан ана шу кишилар билан суҳбат қилишни сўрардим. Мен бу суҳбатлар ҳақида сиздан ҳисботот сўрамайман. Мен, албатта, қўшни хонада диктофонлар ўрнатилмаганлигига кафил бўла олмайман, аммо сиз ўрмонга ўтиб, ўша ерда суҳбат қилишининг мумкин. Шу кишиларда, сизнинг нұқтани назарингиздан, ёмонлик ёки яхшилик даражаси қанча эканлиги ҳақида фикрингизни эшитсанам. Бундай дўстона хизматни бажара оласизми?

— Ҳа... ҳа, албатта... Аммо менда нега шундай таклиф тушаяпти деган кўп саволлар пайдо бўляпти?

— Сўрайверниш.

— Менга сиз ё ортиқча ишонч билдириб бошқа ҳеч кимдан сўрай олмайдиган ёрдамни сўрамоқчисиз, ёки менга нисбатан иғво ишлатяпсаниз. Агар иғво қилаётган бўлсангиз, гапимиз яна қовушмайди.

— Яъни?

— Яъни биз яна умумий тил тона олмаймиз. Сиз партия ташаббускори бўлиб қолаверасиз, мен эса шундай ташаббускор бўлмаслик йўлини излаётган одам бўлиб туравераман.

— Мен сизга нисбатан иғво қилмаслнгимни қандай исботласам ишонасиз?

— Кўзимга тикилиб қарасангиз...

— Ака энди ўзаро ваколат қофозларини алмашдик, деб ҳисобласак бўлади».

— Пасторниш турмада ўзини қандай тутганлиги ҳақидаги маълумотларни олиб кўринг.— сўради Айсман, плёнкани тинглаб бўлгач.— У ерда ўзини қандай тутган, ким билан алоқада бўлган, маҳбуслар билан гапирган гаплари, нималарга қизиқкан... Қисқаси, иложи борича битафсилоқ бўлсин.

...Бир соатдан сўнг тайёрлаб берилган жавоб уни ҳайратда қолдириди. 1945 йилнинг январь ойида пастор Шлаг турмадан озод қилинганд экан. У СД фойдасига ишлашга роэзлик берганни ёки бошқа номаълум сабабларга кўра уни озод қилишганни — ҳужжатлардан буни тушуниб олиш қийин эди. Шлаг озод қилинсин ва Штирлицнинг назорати остига берилсин, деган Шелленбергнинг оғзаки бўйруғи бўлган экан. Бор гап шу. Бошқа ҳеч нима йўқ. Айсман ўрнидан туриб, кабинетнинг у бурчагидан-бу бурчагига юра бошлади, у ташвишга тушди ва ўзини ғалати сезди, ўзини ожиз ва заиф ҳис эта бошлади.

Яна ярим соат ўтгач, унга сўнгги ҳужжатни келтирилар: Шлаг озод қилингандан кейин — у билан олтинчи бошқарманинг маҳсус агенти шуғулланган.

— Материаллари борми? — сўради Айсман.

— У штандартенфюрер Штирлиц билан бевосита алоқа боғлаб турган.

— Езувлар қолмаганми?

— Йўқ,— жавоб беришди картотекадан,— операция манфаатини кўзлаб ёзув олиб борилмаган...

— Уша агентни топинг,— илтимос қилди Айсман.— Аммо шундай қилингки, бунн фақат уч киши: сиз, мен ва ўша агентдан бошқа ҳеч ким билмасин...

Кальтенброннер Мюллерга телефон қилиб, Прагага—генерал Крюгерга — фюрернинг маҳфий қарори лойиҳасини юборишни сўради.

— Шундай қилмасак, худди Krakovга ўхшаб, Прагани ҳам бой бериб қўямиз. Буйруқ билан ўзингиз ҳам танишиб чиқинг — буйруқ фюреримизга хос бўлган жасорат ва генийлик намунасиdir.

«Фюрер қуийдагича буйруқ қиласди:

Мазмуни: Германия территориясидаги объектларни вайрон қилиш тўғрисида.

Халқимизнинг ҳаёт-мамоти учун олиб борилаётган кураш душманнинг ҳарбий кучини заифлаштирадиган ва ҳужумини тўхтата оладиган барча воситалардан Германия территориясида ҳам фойдаланишига мажбур этмоқда. Душманнинг жанговар куч-қудратига бевосита

ёки билвосита иложи борича күпроқ зарар етказиш учун барча имкониятлардан фойдаланиш зарур. Қўлдан кетган террориялар қайта қўлга олингандан кейин чекиниш олдидан вайрон қилинмаган ёки оз муддатга ишдан чиқарилган йўллар, алоқа воситалари, саноат корхоналари ва коммунал хўжалик муассасаларидан яна фойдаланиши мумкин бўлади, деб ўйлаш хатодир. Душман чекинаётганда маҳаллий адоли эҳтиёжларини навар-писанд қилмайди ва бор нарсани ёндириб қуруқ ернигина ташлаб кетади.

Шу сабабли буюраман:

1. Германия террориясида жойлашган барча йўллар, алоқа воситалари, саноат корхоналари ва коммунал хўжалик муассасалари, шунингдек душман бирон меъёрда фойдаланиши мумкин бўлгач моддий запаслар дарҳол ёки озгина муддат ўтгач йўқ қилиниши лозим.

2. Барча ҳарбий объектларни (жумладан йўл иншотлари ва алоқа воситаларини) йўқ қилиш юзасидан масъулият ҳарбий қўмондонликнинг инстанцияларига, барча саноат корхоналари, коммунал хўжалик корхоналари, шунингдек турли моддий запасларни йўқ қилиш юзасидан масъулият гаулейтерларга ез давлат мудофаа комиссарлари зими масига юклатилсин. Қўшиклар гаулейтерларга ҳамда давлат мудофаа комиссарларига уларнинг олдида турган вазифаларни бажаршида зарур бўйган ёрдамни кўрсатишлари лозим.

3. Мазкур буйруқ дарҳол барча командирларга етказилсин. Ўшбу буйруққа зид келадиган барча фармийшилар ўз кучини йўқотади.

ГИТЛЕР».

8

Борман билан учрашувга Штирлиц машинасида, кўчалардан айланиб, ҳар эҳтимолга қарши кетига ҳеч ким тушмаганлигини текшириб шоншилмай борарди. Шу учрашувдан у умидвор бўлган эди, чунки қармоққа жуда мазали хўрак илинганди. Штирлиц кетига бирор тушган ёки тушмаганлигини бехосдан текширадиган бўлиб қолди; кейинги кунларда уни шубҳалантирадиган воқеа бўлмади, илгаригига ўхшаб ярим кечаси уйғониб кетгани ҳам йўқ. Илгари уйғониб кетган пайтларида вужу-

ди билан ташвишни сезиб турғандай бўларди. Шунда у чироқни ёқмай, узоқ вақт кўзини очганча ётаверарди, ўтгани ҳар бир минутини, ҳар бир киши, ҳатто сутчи, метро-даги тасодифий йўловчи билан гаплашган ҳар бир сўзи-ни синчилаб таҳлил қиласарди. Чунки бу кишилар ҳам назорат остида бўлишлари ва у, тасодифан, ўзи билмай зарба остига тушиб қолиши мумкин эди. Шунинг учун ҳам Штириц машинада юришни афзал кўриб, ортиқча тасодифий учрашувлардан холи бўлиб юарди. У дунёдан ўзини бутунлай ажратиб қўйиш ҳам бемаънилик бўлади деб ҳисобларди. Марказдан ҳар хил топшириқ ке-лиши мумкин. Ана шунда юриш-туришни кескин ўзгартириб юборса ўзини кузатиб юрганиларни шубҳага солиб қўяди, рейхда ҳар бир кишини кузатиб юришлари Штириц учун сир эмасди.

У музейларда кўп бўларди. Биринчидан, музейларда одатда одам кам бўларди, хоналар акс-садоли ва ба-ланд, орқа томондан бирон кишининг келаётгани қўшни залдан эшитилиб туради. Иккинчидан, музейларда, кў-пинча район Гестапосининг хабарчилари бўлган назо-ратчилар ишлайди ва у агар музейга борган бўлса,— у одатда ҳарбий формада борарди — ҳамма назоратчилар қачон, ким билан ва қанча вақт бўлганлигига гувоҳ бў-лишлари мумкин. Музейларга СС одамлари кам бори-шинн билиб, у атайлаб форма киярди, унинг дабдабали полковник унвонли кийими дарҳол кўзга ташланарди.

У майда-чўйда нарсалар устида ҳам синчилаб ўй-ларди: унинг касбидаги одамлар одатда майда-чўйда-ларда қўлга тушиб қолардилар. Ана шу майда-чўйда-ларни олдиндан ўйлаб қўйиш уни қутқариб юарди. Чунки бу дунёда майда-чўйда нарсалар йўқ, фақат зий-рак ва лавашанг одамлар бор, холос.

...Штириц бехосдан ойначага қаради ва ҳайрон бў-либ, ҳуштак чалиб юборди: Курфюрстендам ёнида унинг кетига тушган «Вандерер» ҳамон келяпти. Штириц акселератор педалини куч билан босди, «Хорх» тез юриб кетди. Штириц Александрплац томон ҳайдади, кейин Бергштрассега бурилди, қабристон ёнидан Вете-раненштрассега ўтиб, орқасига яна қаради, унинг кети-дан тушган машина кўринмасди. Штириц яна бир мар-та шу йўлдан айланиб чиқди, ўзи севган «Дагал Готлиб» ресторончаси ёнидан ўтиб — ҳали вақт бор эди — тўх-тади.

«Агар улар яна кетимга тушиншса,— ўйларди у,— демак бирон ҳодиса юз берган. Нима юз бериши мумкин? Ҳозир ўтириб, конъяк устида ўйлаб кўрамиз...»

Бу қадимий қовоқхонани у жуда севарди. У шунинг учун ҳам «Дагал Готлиб» деб аталардики, қовоқхона хўжайини меҳмонларни уларнинг унвони, амали ва мавқеидан қатъий назар ҳаммани қўйидаги сўзлар билан кутиб оларди:

— Келардилар-да, бесўпақай! Жононингни ҳам олиб келдингми — ёмои эмас... Нақ пиво бочкасининг ўзи, елини сўлиб қолган қарши сигнрга ўхшайди!

Готлиб энг ҳурматли мижозларини айниқса қўйол сўзлар билан кутиб оларди. Буни Штирлиц кейинроқ сеза бошлади: бунинг тагида ҳурмат — аксиича катта ҳурмат ётарди.

Штирлиц Готлибнинг хаёл суреб турган пайтига тўғри келди. Шунда ҳам у:

— Салом, тентак! Ўтир, нафсингни қондири...— деди.

Штирлиц унинг қўйини қисиб қўйди, икки марка узатиб, четроқдаги, устун орқасидаги столча ёнига ўтириди. Устунга Макленбург балиқчиларининг беадаб ва ўта сўқинишлари ёзиб ташланган эди. Булар саноатчиларнинг кексаяётган хотинларига жуда маъқул бўларди.

«Нима бўлиши мумкин?— ўйини давом эттириди у, конъяк ичар экан.— Алоқани кутмаётпран — бу томондан хотиржамлик. Эски ишларми? Яигиларини зплай олмаятилар-ку — саботаж кенгайиб бормоқда, Германияда бундай саботаж ҳеч қачон бўлган эмас. Эрвин микин? Тўхта... Передатчикни топиб олган бўлсаларчи?»

Штирлиц сигаретасини олди, жуда чеккиси келган бўлса ҳам, чекмай яна ёнинга солиб қўйди.

Эрвин ва Кэт яшаган уй вайронасига боргиси келди.

«Мен катта хато қилдим,— тушунди у.— Ҳамма касалхоналарни ўзим текшириб чиқишим керак эди — борди-ю ярадор бўлсалар-чи? Бекор телефонга ишондим... Бормай билан суҳбатдан сўнг дарҳол шу иш билан шугулланаман... У албатта келиши керак. Улар қаттиқ сиқувга олингашида, дарҳол демократлашиб қоладилар. Ишлари жойинда бўлса, яқинларига йўлатмайдилар, тамом бўлаётганикларни сезганларида эса қўрқоқ, хушмуомала ва демократ бўлиб қоладилар. Ҳозир мен ҳам масини, ҳатто Эрвин билан Кэт ишини қўя туришим ке-

рак. Аввал анави жаллод билак гаплашиб олай. Балки «Вандерер»дан бекорга шубҳалангандирман?

У ресторондан чиқиб, рулга ўтирди ва Инвалиденштрассе, табнатшунослик музейи томон йўл олди. У ерда «Нойе Тор» меҳмонхонаси олдида бир соатдан кейин уни Борман кутишн керак. Агар кетига одам тушган бўлса, ундан қутулиш учун вақт етарли. У дам-бадам ойначасига қараб секин ҳайдаб борди машинасинн: орқада қора «Вандерер» кўринмасди.

«Балки Шлаг билан бўладиган операция олдидан Шелленберг мени текширмоқчи бўлар?— ўйлаб қолди у.— Шундай бўлишн ҳам мумкин-ку. Балки асабим бу зилляптимикин?»

У яна ойнага қаради — йўқ, кўчада машина қораси кўринмайди. Йўлкаларда тинчлик пайтидан фойдаланиб хушчақчақ болалар ролик конкиларда учиб юрардилар. Доғ босган, сувоқлари кўчган, иморатлар олдида одамлар навбатда туришарди: гўшт кутаётган бўлишса керак.

Штириц машинасини «Шарите» клиникаси ёнига қўйди-да, касалхона боғи орқали Инвалиденштрассе кўчасидаги музей ёнига чиқди. Бу ерда жимжитлик: кўчада ҳеч ким йўқ. У атайлаб шу жойни танлаган эди — бу ердан ҳамма нарса кафта тургандек кўриниб турарди.

«Айтгандек, улар ўз одамларини меҳмонхонага ҳам қўйишилари мумкин. Агар Борман Гиммлерга хабар қилган бўлса, шундай қиладилар. Агар хабар қилмаган бўлса, унинг одамлари албатта илмий ходимлар ишқоби остида меҳмонхонанинг нариги бетида юришлари керак...»

Штириц шу куни ҳарбий формасиз, бошида берег, бурнига катта шоҳ суюкли кўзойнак тақиб олган эди — уни узоқдан таниб бўлмасди. Музейга киравериш хонасида Уралдан келтирилган катта малахит ва Бразилиядан келтирилган аметист турарди. Штириц ҳамиша Бразилия аметисти ёнида тўхтарди-ю, аммо Урал тошини томоша қиласди.

Кейинн у шошилмай ойналари синиқ катта залдан ўтди. У ерда баҳайбат динозавр макети турарди. Бу жойдан туриб музей олдида майдон ва меҳмонхонани кузатиш жуда қулай эди. Йўқ, ҳамма ёқ жимжит, ҳатто ҳаддан ташқари жимжит. Штириц музейда бир ўзи эди — бунақада кўзга ташланиш осонроқ бўлади.

Шунинг учун кўп вақт томонга қилинш мумкин бўлган

экспонат ёнида тўхтади: мия суяклари тараққиётининг ўн учта босқичи кўрсатилган эди бу ерда. Саккизинчи мия — павиан, тўққизинчи — гибbon, ўнинчи — орангутанг, ўн биринчи — горилла, ўн иккинчи — шимпанзе, ўн учинчи — одам мияси экан.

«Нега энди ўн учинчиси одам экан? Ҳамма нарса, ҳатто рақамлар ҳам одамга қарши-я,— ўзича кулиб қўйди у,— ўн иккинчиси, ўн тўртинчиси бўлса нима қиласарди. Йўқ, худди ўн учинчпси эмиш... Ҳамма ёқда маймун,— ўйлашни давом эттириди у, горилла Бобби тулуни ёнида тўхтар экан.— Нега энди маймунларга шунчалик эътибор берилар экан-а?»

— Тахтага қўйидагилар ёзилган эди: «Горилла Бобби Берлинга 1928 йилнинг 29 ғорида уч яшарлигига олиб келинган. 1935 йил 1 августда ўлган. Бўйи 1 метру 72 сантиметр, вазни 226 килограмм».

«Мундоқ қараганда шундай оғирлиги билинмайди ҳам,— ўйларди Штирлиц, тулуни қайта-қайта томоша қилиб,— семизга ҳам ўхшамайди. Менинг бўйим баландроқ, вазним эса фақат етмиш икки кило».

У гўё маймунни узоқдан кўрмоқчи бўлгандай орқасига тисланди. Бу ердаги катта ойнадан Инвалиденштрассенинг париги бети кўриниб турарди. Штирлиц соатига қаради. Учрашувга йигирма минут вақт бор.

Худди шу вақтда унинг олдига агент Клаус келиши керак эди. У бугун эрталаб секретариат орқали унинг адресига маҳфий телеграмма юборди. Унинг агентлар билан музейда учрашиш одатини ҳамма биларди, бу нарса ҳозир унинг шу ерга келишини ҳам оқларди. Клаусни чақиришдан у икки мақсадни кўзлаганди: асосий мақсад — агар Борман хат ҳақида Гиммлерга айтган бўлса, унинг бунга ҳеч қандай алоқаси йўқлиги исбот қилинади ва иккинчи даражали мақсад — билвосита бўлса ҳам йўқолган Клаус ишига унинг ҳеч даҳли йўқлиги исботланади.

Штирлиц кейинги залга ўтди: Инвалиденштрасседа ҳали ҳам ҳеч ким йўқ эди. Бу залда у ўн саккизинчи асрда Веденшлосс ўрмонларидан топилган нодир бир экспонат олдига тўхтади. Даражат шаббалари орасидан кийик шохи ва мажақланган мия суягининг бир қисми чиқиб турарди: баҳорги севги жангларида бу кучли ҳайвон рақибини сузаман деб, ўзини дарахт танасига бориб урганга ўхшайди...

Штирлиц бир тўп одамларнинг гаплашиб ва тапир-тупур қадам ташлаб келаётганларини эшилди. Аввал: «Қуршов!»— деган фикр ўтди хаёлидан. Кейин болалар овозини эшишиб орқасига қаради: эски, аммо зеб бериб мойланган эркаклар ботинкасини кийган ўқитувчи аёл ўқувчиларни,— олтинчи синиф болалари бўлса керак,— шу ерга ботаника дарсини ўтишга олиб келган экан. Болалар тўполон қилмай, оғизларини очиб экспонатларни томоша қиласдилар, уларнинг пичир-пичир гаплари ташвишли эди.

Штирлиц болаларга назар ташлади. Уларнинг юзи рангсиз, бурунлари киртайган, кўзларида болаларга хос ажойиб хушчақчақлик ва шўхлик кўринимасди. Улар ўқитувчининг гапларини диққат билан, худди катталар-дек тинглашарди.

«Нега бу ҳалқ шунчалик лаънатга учрамаса?— ўйларди Штирлиц.— Бемаъни foялар ҳатто болаларни ҳам кексаларга хос ваҳимага солғанлигининг сабаби нимада? Нега энди шоколад, сардин ва пишлоқларни запас қилиб бункерларга тушиб олган нацистларнинг аҳмоқона идеологияси ана шу нозик болаларни қалқон бўлншга мажбур этмоқда? Бу болаларни, яшашдан асл мақсад — фюнер идеаллари учун қурбон бўлишдир, деган кўр-кўрони ишонч руҳида тарбиялаган ким? Шуниси айниқса даҳшатли».

Соат бирдан беш минут ўтгач, Штирлиц эҳтиёт эшикдан чиқиб кетди. Меҳмонхона ёнида ҳам ҳеч ким йўқ эди. У кўча айланаб Шпреे бўйига чиқиб, машинасига ўтирди-да, ўз идораси — СД га жўнади. Қайтаётганда ҳам биронтаси кетига тушганлигини сезмади.

«Нима гап ўзи?— ўзига ўзи савол берди у.— Жуда галати бўлди-ку. Агар Борман кутган бўлса, мен уни пайқашим турган гап эди. Кетимга ҳеч ким тушмаган, ўзимча ваҳима қилиб юрибман, холос...»

Борман бункердан чиқа олмаган эди: фюнер нутқ сўзлади, залда одамлар гавжум, у эса фюнернинг чал томонида, унинг орқасида турарди. Нутқ пайтида кета олмади. Бундай қилиш аҳмоқлик бўларди. Унда хат ёзган кишини кўриш нияти бор эди. Аммо бункердан фақат соат учдагина бўшаб чиқди.

«Энди уни қаердан топаман?— ўйларди Борман, партия идорасига қайтар экан.— У билан учрашсам ҳеч

німа йўқотмас эдим, лекин учрашмай кўп нарсадан маҳрум бўлдим».

«Д-8 — МЮЛЛЕРГА.

Мутлақо маҳфий. Бир нусха босилган.

ВКР 821 номерли «Хоръх» маркали автомобилни Ветераненштрасседан кейин кузатишнинг иложи бўлмади. Айтидан ҳайдовчи кузатаётган машинани сезиб қолган кўринади. Мотор кучли бўлишига қарамай, сизнинг кўрсатмангизга биноан үнинг кетидан бормадик. ВКР 821 «Хоръх» қайси томонга кетганлигини Н-2 га хабар қилиб, ўз базамизга қайтиб келдик. Д-8».

«В-192 — МЮЛЛЕРГА.

Мутлақо маҳфий. Бир нусха босилган.

Ходимларим ВКР 821 номерли «Хоръх» маркали машинани кузатишни давом эттириб, соат 12.27 да шу автомобиль эгаси табиатшунослик музейига кирганлигини аниқладилар. Сиз кузатув объектининг ихтисос жихатдан тайёргарлиги кучли эканлиги ҳақида бизни олдиндан огоҳлантирганлигиниз туфайли мен музейга битта ёки иккита одам киритишни лозим кўрмадим. Менинг агентим Ильзе музей залида дарс ўтказиш учун олтинчи синф ўқувчиларини олиб борди. Ильзе кузатувидан кейин объектнинг ҳеч ким билан учрашмаганлиги аниқ бўлди. Объектнинг қайси экспонатлар олдида кўпроқ тўхтаганинги курсатувчи график план илова қилинади. Объект музейдан соат 13.04 да музей ходимлари юрадиган эҳтиёт эшикдан чиқиб кетди. В-192».

Мюллер ахборотларни папкага солиб, телефон трубкасини кўтарди.

— Мюллер эшитади,— деди у.

— Ўртоқ Мюллерга ўртоқ Шелленбергдан салом,— ҳазиллашди сиёсий разведка бошлиғи.— Ёки сизни «мистер» деб атасам маъқулроқми?

— Менга кўпроқ «Мюллер» деб мурожаат қилингани маъқулроқ,— деди гестапо шефи.— Лўнда, оддий ва чиройли... Хўш, қулоғим сизда, дўстим.

Шелленберг телефон трубкасини кафти билан бекитиб, Штирлицга қараб қўйди.

— Ҳа, тўғрисини айтаверинг, бўлмаса тулкидек ҳийла ишлатади,— деди Штирлиц.

— Дўстим, олдимга Штирлиц келди, ёдингиизда бўлса керак у... Ёдингииздами? Унда жуда ҳам яхши. У бир оз ҳаяжонланялти: унинг кетига жиноятчилар тушган бўлса керак, ўрмонда бир ўзи яшайди-да, ёки сизнинг одамларингиз уни кузатиб юришибди. Шуни аниқлашга ёрдамлашиб юбормайсизми?

— Автомобилнинг маркаси қандай?— сўради Мюллер, папкадан бояги ахборотни олар экан.

— Автомобилингиз маркаси қанақа?— сўради Шелленберг яна трубкани кафти билан беркитиб.

— «Хоръх»

— Трубкани кафтингиз билан бекитманг,— деди Мюллер.— Штирлицининг ўзи трубкани олсин.

— Ойнаш жаҳонмисиз дейман?— сўради Шелленберг.

— Албатта.

Штирлиц трубкани олиб:

— Хайль Гитлер!— деди.

— Саломат бўлинг, дўстим,— жавоб берди Мюллер.— Машинагизнинг номери тасодифан ВКР 821 эмасми?

— Худди шундай, обергруппенфюрер...

— Қаерда кетингизга тушишди? Курфюрстендамдами?

— Йўқ, Фридрихштрасседа.

— Улардан сиз Ветераненштрасседа қочиб қутулдигизми?

— Худди шундай.

— Уларни кўрдингизми?

— Албатта.

Мюллер қаҳ-қаҳ уриб кулиб юборди:

— Мен уларнинг калласини оламан — шу ҳам ишабажариш бўлдими! Ҳавотирланманг, Штирлиц, кетингизга жиноятчилар тушмаган. Ўрмонингизда тинчгина яшайверинг. Бизнинг одамларимиз эди. Улар бир жанубий американликнинг сизникига ўхшаган «Хоръх» машинаси кетига тушишлари керак эди. Қандай яшаб келган бўлсангиз шундай яшайверинг. Аммо келгуси гал сизни жанубий американлик билан янгиштирмай, Кудамдаги «Цигойнакеллер»га бориб турганингизни хабар қилишса, сизни ёқламайман...

«Цигойнакеллер» («Лўлилар ертўласи») ҳарбийлар

ва партия аъзоларининг бориши ман этилган кичкинагина қовоқхона эди.

— Агар мен у ерга иш юзасидан борсамчи? — сўра-ди Штирлиц.

— Бари бир,— кулиб қўйди Мюллер,— агар одамларингиз билан ифлос жойларда учрашмоқчи бўлсангиз, яхиси «Мехико»га бориб туринг.

«Мехико» Мюллер тузоқ қўйган қовоқхона эди — у ерда контрразведка ишларди. Буни Штирлицга Шеллебе-бодгайтган эди. Аслида эса, албагта, буни гапирмаслиги керак эди, чунки партия аъзолари ва ҳарбийларнинг «Мехико» қовоқхонасига боришини ман этувчи маҳсус кўрсатма чиқарилганди, шунинг учун ҳам соддадил маҳмадоналар у ерда ҳеч қандай хавф йўқ деб, ҳар бир столни гестапо тинглаб туришидан бехабар эдилар.

— Раҳмат таклифингиз учун,— жавоб берди Штирлиц.— Агар сиз менга рухсат берсангиз, одамларим билан худди ўша «Мехико»да учрашиб турман. Аммо мени ҳиқилдоғимдан олишса ёрдам сўраб ҳузурингизга бораман.

— Келаверинг. Кўрсам доим хурсанд бўламан, дўстим, Хайль Гитлер!

Штирлиц икки хаёлга келиб ўз уйига қайтди: умуман у Мюллернинг гапларига ишонди. Аммо нега Мюллер уни кузатганини очиқ айтятпти? Меъёрни билиш — ҳар бир ишда асосий нарса. Айниқса разведка ишида. Баъзан Штирлицга ғоятда ошкора иш тутишга қараганда ҳаддан ташқари шубҳаланиб юриш хавфсизлироқ бўлиб туоларди. Ҳар ҳолда кечқурун муҳим бир ишга кетатуриб идорадан машина чақирди.

«ВЕРНЕР — МЮЛЛЕРГА.

Мутлақо маҳфий. Бир нусха босилган.

Бугун саот 19.42 да объект ВКН 441 номерли идора машинасини чақирди. Объект шофёрдан уни эс-бан бегати «Миттельплац»га олиб боришини суради. Бу ерда у машинадан тушди. Объектни бошқа бекатлардан қидириб топиш иложи бўлмади. Вернер».

Мюллер бу ахборотни энг маҳфий ва муҳим ишлар сақланадиган эски папкасига солиб, яна Штирлиц устидаги материалларни ўрганишга кирнинди. Объект бўш

вақтларини музейларда ўтказишни яхши кўради деган жойни қизил қалам билан чизиб қўйди. Ўша ерда яна, унинг музейларда ўз агентлари билан учрашиб туриши ҳам ёзилган эди.

«Ажойиб одам,— деб ўйларди Мюллер Штирлиц ҳақида,— жуда ажойиб ва ақлли одам. Қальтенброннерга келганда, унинг шунчалик доно эканлигини кутмагандим. Алларатда беш-олти йил ишласа, Фушедан қолишимасди».

9

СС обергруппенфюрери Карл Вольф хатни Гиммлернинг шахсий учувчисига топширди.

— Агар сизни уриб туширсалар,— деди у юмшоқ овоз билан,— урушда ҳамма нарса бўлиши мумкин, парашют тасмасини ечмасдан олдин бу хатни ёқиб ташлашингиз зарур.

— Мен хатни парашют тасмасини ечгунга қадар ёқа олмайман,— деди аниқликни яхши кўрадиган учувчи,— чунки парашют мени ерда анча судраб боради. Лекин тасмани ечишим билан қиласдиган ишим хатни ёқиш бўлади.

— Яхши, яхши,— деди Вольф кулиб,— бу вариантга ҳам розиман. Айтгандек, сизни рейх устида уриб туширсалар ҳам хатни ёқиб ташлашингиз шарт.

Карл Вольфнинг ана шундай хавфсирашига асос бод эди. Агар хат Гиммлердан ташқари истаган бошқа одам қўлига тушса — тамом, тақдири ҳал бўлди деяверинг.

Етти соат ўтгач хатни Гиммлер очиб ўқиди.

«Рейхсфюрер!

Италияга келишим билан Даллес билан алоқа бўлаш йўлини излай бошладим. Бунга кўпроқ ташкилий жиҳатдан эмас, балки стратегик жиҳатдан тайёргарлик кура бошладим. Мендаги мавжуд маълумотларга асосланниб муҳим бир ҳуносага келдим: Шимолий Италияда коммунистик ҳукуматнинг тузилиши мумкинлиги бизни қанчалик ташвишлантираётган бўлса, иттифоқчиларни ҳам шунчалик ташвишлантирмоқда. Агар бундай ҳуку-

мат номигагина тузилган чоғда ҳам, Москва Тито боишибаги коммунистлар орқали, Италиядаги коммунист раҳбарлар ва Морис Торез ёрдами билан Ла-Маншига тўғри йўл очиб олади. Шундай қилиб, Белграддан бошлаб, Генуя орқали Канин ва Парижгача давом этган «большевизм миңтақаси»ни ташкил этиш хавфи туғилади.

Операцияни бажаришда Эуген Дольманни ёрдамчи қилиб олдим — чунончи, унинг онаси италиялик, Германия тарафдори, лекин нацизмга қарши кайфиятда бўлган олий аристократия орасида алоқаси кенг. Аммо мен учун «Германия» ва «национал-социализм» тушунчалари бир-биридан ажратиб бўлмас тушунчалардип, фрау Дольманда германпарастлик кайфияти бошқа кайфиятлардан устун бўлганлиги туфайли, мен Эуген онасининг алоқалари иттифоқчилар орасида тегишили равишда иш олиб бориш учун ёрдам беради деган ниятди, уни операция деталларини ишлаб чиқишга жалб қилиши лозим кўрдим.

Мен Даллесни итальян каналлари орқали бўлғуси музокараларнинг маъноси билан, яъни бутун Шимолий Италияда коммунистлар хўжайин бўлиб олмасликларидан бурун Гарб Шимолий Италияни ўз назорати остига олмоғи лозим эканлигидан хабардор қилишга қарор қилдим ва буни амалга оширишни Дольман ўз зинмасига олди. Агар иттифоқчилар менинг қандай кайфиятда эканлигимни ўз агентураси орқали «билиб олсалар» мақсадга мувофиқ бўлади, деб ташаббусни биз бошламаслигимиз керак, деган қарорга келдик. Шунинг учун мен Дольманга қўйидаги операцияни ўтказишга ижозат бердим: гестапо маълумотларига қараганда СС танк қўшинларининг кичик офицери Гидо Циммер урушда мағлубиятга учрадик, аҳволни тузатишга ҳеч қандай умид йўқ деган гапларни итальянлар билан сұхбатда кўп марта айтиб юрган. Дольман «тасодиғиан» бўлиб қолган дўстона кечада кўп ичклик ичилиб бўлингач, аzon пайтида Циммерга шу лаънати, мақсадсиз уруш жуда тинкасини қуритганлигини айтган. Агентура маълумотларига биноан кейин қўйидагиларни аниқладим: эртасига ёқ Циммер барон Луиджи Парилли билан сұхбатда, агар Дольман урушни лаънатлаётган бўлса, Карл Вольф ҳам шундай фикрдадир, бутун Шимолий Италия ва бу ерда турган немис қўшинларининг тақдиди эса ана шу Вольф

қўлида, деган. Луиджи Парилли илгари «Кэлвилэйшен корпорейшн» америка компаниясининг вакили бўлган ва ҳамма вақт дуче тузумини қўллаб-қувватлаб келган бўлса ҳам, унинг Америка билан алоқа қилиб туриши ҳаммага маълум эди. Бунинг устига унинг қайнотаси британ ва француз капитали билан боғлиқ булган ливанлик юрик банкир эди. Циммерни қўлга олиш учун унинг Парилли билан қилган сұхбати баҳона бўлди. Дольман Гидо Циммерни яширин квартирага таклиф этиб, уни фош этувчи материалларни олдига қўйди. «Сизни ҳозирнинг ўзида дорга осиш үчун шу ҳужжатларнинг ўзи кифоя қиласди,— деди у Циммерга,— аммо, фақат Германия учун соғ кураш сизни қутқариб қолиши мумкин. Бу курашда эса кўзга кўринмас, дипломатик жанглар ҳам мұҳим». Хуллас, Циммер биз билан ишлашга рози булди.

Эртасига Циммер барон Парилли билан учрашиб бутун мамлакатдаги тоғ ва шаҳарларда ҳаракат қилаётган партизанлар туфайли рўй берадиган коммунистик хавфдан Шимолий Италияни фақат Италиядаги СС бошлиғи Вольф қутқариб қолиши, лекин Вольф иттифоқчилар билан биргалашиб иш кўрганида, бунга тез эришчи мумкинлигини айтди. Турин, Генуя ва Миландач молиявий жихатдан жуда манфаатдор булган барон Парилли Циммернинг гапларини жуда қизиқиб тинглади ва гарбий иттифоқчилар билан ана шундай алоқа ўрнатишга ёрдам қилмоқчи бўлди. Табиийки, Циммер менинг номимга бу сұхбат ҳақида рапорт ёзиб берди, шундай қилиб, бутун операция шу пайтдан бошлаб назоратга олинди ва у СС назорати остида фюрер ва рейх манфаатини кўзлаб иттифоқчиларни синаш операцияси сифатида амалга оширила бошланди.

21 февралда барон Парилли Цюрихга жўнаб кетди. У ерда ўзига таниш бўлган Макс Гюсман билан боғланди. У Швейцария разведкасининг кадр офицери майор Вайбелъ билан алоқа боғлашга ёрдам берди. Вайбелъ Швейцария фуқароси сифатида ўз мамлакати манфаатини кўзлаш баҳонаси остида СС билан америкаликлар ўртасида алоқа ўрнатишга ёрдам беришга рози бўлди: гап шундаки, Генуя асосан Швейцария фирмалари фойдаланадиган портдир. Агар Италия коммунистик ҳокимиият остида қолгудек бўлса, Швейцария фирмалари ҳам зарар кўради. Мен яна майор Вайбелъ Базель ва Франк-

фурт университетларини тугатиб, Германияда таълим олганлигини аниқлашга муваффақ бўлдим.

Барон Парилли билан сұхбат пайтида Вайбель жуда ҳам эҳтиёт булишиңи сўраган, чунки алоқа боғлашга ёрдам бериб ўзини катта хавф остига солаётганлигини айтган. Бу нарса, деган у, Швейцариянинг бетарафлигини бузиши мумкин, ҳозирги пайтда русларнинг позицияси шунчалик кучлики, сир очилиб қолгудек бўлса, унинг ҳукумати, бутун айбни шахсан унинг устига қўйиши турган гап. Парилли, сирнинг очилишидан руслар билан коммунистлардан бошқа ҳеч ким манфаатдор эмас, деб майор Вайбелни ишонтирган. «Орамизда,— гапини давом эттирганди у,— биронта коммунист, аниқса руслар йўқ, деб ўйлайман, демак сир очилишидан хавфсираш керак эмас».

Вайбелнинг айтишича, Парилли билан сұхбатининг эртасига у Аллен Даллесни ва унинг ёрдамчиси Геверницини зиёфатга таклиф этган. «Менинг жуда қизиқ бир фикрни ўртага ташлаётган икки оғайним бор,— деди у,— агар истасангиз, улар билан таниширишим мумкин». Аммо Даллес Вайбелнинг ўртоқлари билан кейинчалик — аввал унинг ёрдамчиси сұхбат қилгандан сўнг учрашишини исташини айтган.

Парилли билан Геверниц ўртасида сұхбат бўлиб ўтди. Бу Геверниц Эгон Геверницининг ўғли эмас, балки Берлин университетининг иқтисод фанлари профессори Герхард фон Шульц-Геверницининг ўғли эканлигидан сизни олдинроқ хабардор қилган эдим. У Франкфуртда докторлик диссертациясини ёқлагач (Вайбель билан Геверниц иккаласи битта университетни тугатганлиги сабабли Германиянинг ўзида дастлабки алоқа боғламаганмисинлар, деган фикрга ҳам келдим). Америкага бориб, Нью-Йоркда халқаро банк концернларида ишлай бошлаган. Ўша пайтда Аллен Даллес ҳам шу соҳада ишлаб юрган.

Парилли сұхбат пайтида: «Ана шу ва яна бир қатор масалаларни конкрет равишда муҳокама қилиш учун СС штандартенфюрери Дольман билан учрашишга тайёрмисиз?» деган савонни берган. Геверниц бу таклифга ҳам розилигини айтган, аммо Париллининг фикрича, бу таклифга разведкага тушиб қолган зиёлиларга хос маълум ишончсизлик ва шубҳа билан қараган.

Мен Дольманнинг Швейцарияга боришига рухсат

бердим. У ерда Чиасо кўлида уни Гюсман билан Парили кутиб олишган. Улар Луганога «Бъянки» номли кичкинагина бир ресторанга борганиларида, Дольман, маслаҳат қилиб олганимиздек, қўйидагиларни айтган: «Биз — деган у,— Шимолий Италиядада коммунистлар ҳукуматини тузишга қаратилган Москва планини барбод этиш мақсадида Фарбдаги иттифоқчилар билан музокара қилишни истар эдик. Бу вазифа бизни орамиздаги аламу хафагарчиликларни четга қўятуриб эртанги кун ҳақида ўйлашга мажбур этмоқда. Сулҳ адолатли ва орзигудек бўлмоғи лозим».

Гюсман амалга ошиши мумкин бўлган бирдан-бир музокара — сўзсиз таслим бўлиш тўғрисидаги музокара бўлиши мумкин, деб жавоб берган.

«Мен хиёнат қилолмайман,— деган Дольман,— Германияда ҳеч ким бунга рози бўлмайди».

Гюсман «сўзсиз таслим бўлиш» концепциясида турaverган, лекин Дольман биз илгаридан белгилаб қўйган чизиқдан чиқмай салбий позицияда қаттиқ турганлигига қарамай, Гюсман муҳокамани давом эттираверган.

Сўнгра, Гюсманнинг сўзини бўлиб, муҳокамага А. Даллеснинг ёрдамчиси Полъ Блюм қўшилган. Худди шу Блюм Дольманга Италиядаги Қаршилик ҳаракатининг икки раҳбари: Ферручи Парри ва Усмияни фамилияларини берган. Бу кишилар бизда турмада ётибди. Булар коммунист эмас, шу сабабли қўйидаги хulosани чиқариш мумкин: худди бизни ташвишлантираётгани кабин американликларни ҳам Италияни коммунистик хавф юз берини мумкинлиги ташвишлантирмоқда. Уларга зарур пайтда Фарб идеалларига содиқ бўлган ҳукуматга бош бўла оладиган Қаршилик ҳаракатининг коммунист бўлмаган қаҳрамонлари керак.

«Агар шу кишилар озод қилиниб, Швейцарияга олиб келинса,—деган Даллеснинг вакили,— учрашувларимизни давом эттира олар эдик».

Дольман ҳузуримга қайтиб келгач, мен музокаралар бошланганинг амин бўлдим, чунки икки италияликни озод қилиш тўғрисидаги илтимосни бошқача тушуниш қийин. Дольман менинг Швейцарияга боришияни Даллес кутаётган бўлса керак, деб тахмин қиляпти. Мен фельдмаршал Кессельринг ҳузурига бордим. Беш соатлик сухбат давомида фельдмаршал аниқ айтмаган бўлса ҳам, ҳар ҳолда таслимга рози деган хulosага келдим.

Кессельингнинг ўз фикрини тўғридан-тўғри айтмаслигига хавфсизлик хизмати вакили билан очиқ гаплашишдан чўчиши одати сабаб бўлган кўринади.

Эртасига Парили Гарда кўли ёқасидаги яширин квартирага келиб, менга Даллес номидан Цюрихга кенгашга бориш таклифини топширди. Шундай қилиб, индинга мен Швейцарияга жўнайман. Агар қопқонга тушибдек бўлсақ, мени ўғирладилар, деб расмий баёнот эълон қиласман. Агар бу музокараларнинг бошланиши бўлса ўз қароргоҳимга қайтиб келишим билан яна хат орқали сизни хабардор қиласман.

КАРЛ ВОЛЬФ».

Коҳ номидаги касалхонанинг бош врачи мияси палаж бўлиб ўлди. Унинг акаси, бир вақтлар Киль университенинг проректори бўлган профессор Плейшнер Даҳаудаги концлагерда ётиб «тозаланиб» қайтиб келди. Унинг юзидағи итоатгўйликни кўрсатувчи табассум қотиб, маъюс, камгап одам бўлиб келган эди. У қамоққа олинганидан кейин кўп вақт ўтмай хотини кетиб қолди — уни бунга қариндошлари мажбур қилган эди, чунки фрау Плейшнернинг укаси Гуго фон Энс яқинда Нейрат ҳузурда Испаниядаги рейх элчихонасига иқтисодий масалалар бўйича маслаҳатчи қилиб тайинланган эди. Еш йигитнинг келажаги порлоқ деб ҳисоблардилар, НСДАП-нинг маҳаллий аппаратида ҳам унга нисбатан яхши муносабатда эдилар, шунинг учун оила кенгашида фрау Плейшнер олдига иккι нарсадан бирини ташлашни таклиф қилиб: ё давлат душмани бўлган эрингдан воз кеч, ёки шахсий манфаатларингни афзал кўрадиган бўлсанг, бутун қариндошлар сендан юз ўгиради — ака-ука ва опа-сингилларниг, амаки ва холаларинг матбуот орқали сен билан алоқани узганликларни эълон қиласдилар,— дейишиди.

Фрау Плейшнер профессордан ўн ёш кичик: қирқ иккига кирган эди. У эрини севарди. Икковлари бирга Африка ва Осиёни саёҳат қилдилар, у ерда профессор ёз пайтида Берлиндаги «Пергамон» музейн ташкил қилган экспедицияларга қатнашиб, қазиш ишларн билан шуғулланарди. Фрау Плейшнер аввал ўз эридан воз кечишдан бош тортди, шунда кейинги юз йил мобайнинда газмол савдоси билан боғлиқ бўлиб келган кўпчилик

қариндошлари у билан алоқа узганлигини матбуот орқали эълон қилишни талаб қилдилар. Оиладаги кексалар янги давлат ва национал-социалистик партия шундоқ ҳам буржуа ва савдо оиласидан чиққан кишиларнинг мансабдор ишларга кўтарилишига унчалик катта ёрдам бермаяпти, шунинг учун давлат билан алоқа қилман туриб савдони ривожлантириш амри маҳол, деган баҳона билан шундай талаб қўйган эди. Янги давлатнинг Ташқи ишлар министрлигига оила аъзосининг бўлиши, бунинг устига Испанияда иқтисод масалалари бўйича маслаҳатчи вазифасига тайинланиши фирманинг Пиреней ярим оролига чиқиши учун йўл очиши мумкин эди. Лекин Гуго фон Энснинг ўзи қариндошларини гап-сўз бўладигаи йўлдан қайтарди. «Барибир,—деб тушунтирди у,—бундан душманларимиз фойдаланиб қолади. Мени кўролмайдиганлар сон-саноқсиз, гап-сўз тарқалса ўзингизга ёмон бўлади. Йўқ, яхшиси бу ишни овоза қилмай, усталик билан тўғрилаш керак».

У Фрау Плейшнер ҳузурига яхтсменлар клубидан бир ошнасини олиб келди. Уттиз яшар, келишган бу йигитнинг исми Гетц эди. Ҳазил қилиб уни «Берлихинген бўлмаган Гетц»¹ деб аташарди. У қанчалик чиройли бўлса, шунчалик аҳмоқ эди. Унинг қари хотинлар ҳисобига яшаб юришини Гуго биларди. Учаласи кичкинагина ресторанда ўтиришди ва Гетц ўзини қандай тутаётганини кўриб Гуго фон Энс хотиржам бўлди. У аҳмоқ бўлса ҳам ўз ролини бир қолипда, аниқ ишлаб чиққанди. Қолип топилгач, уни такомиллаштириш лозим, Гетц уни чинакамига такомиллаштирган эди. У камгап, сипо ва савлатли эди. Бир-икки марта кулгили латифа айтиб берди. Кейин у одоб билан фрау Плейшнерни рақсга таклиф этди. Гуго уларни кузатар экан, яна хотиржам бўлди: опаси унисизгина куларди, Гетц эса тобора унга яқинлашиб, қулогига нималарнидир гапиради.

Икки кун ўтгач Гетц профессорнинг ўйига кўчиб борди. У ерда бир ҳафта — полиция биринчи марта текширув ўтказгунга қадар турди. Шунда фрау Плейшнер Гуго ҳузурига кўз ёши қилиб келди: «Уни қайтар, кетиб қолганига асти чидолмаётиман». Эртасига у эри билан ажралишни сўраб ариза берди. Бу нарса профессорни

¹ Гетц фон Берлихинген — XIX асрдаги немис достонининг қадрамони.

букиб қўйди, чунки у ўз хотинини энг яқин фикрдоши деб ҳисобларди. Ўзидағи золимлар тузумига нисбатан шафратини фақат унга очиқ айтарди. У лагерда азоб чекиб, шу билан хотинимнинг номусини, унинг истаганича озод фикр қилишини қутқариб қолмоқдаман, деб ўйлаб юрарди.

Бир куни тунда Гетц: «У мендан яхшироқмиди?»—деб сўради. Фрау Плейшнер секин кулди ва уни қучоқлаб: «Йўқ, жоним... У гапга уста эди, холос...»—деб жавоб қилди.

Лагердан қутулгач Плейшнер Кильга бормай, тўғри Берлинга жўнади. Унинг Штириц билан боғлиқ бўлгани укаси «Пергамон» музейига ишга киришига ёрдам берди. Музейда у қадимги Греция бўлимида ишларди. Худди шу ерда Штириц ўз агентлари билан учрашиб турарди, шунинг учун учрашувлардан бўшагач, кўпинча Плейшнер олдига кирав, икковлари узоқ вақт «Пергамон» музейининг катта ва бўм-бўш залларини бирга айланар эдилар. Штирицининг «Оёғидан зирапча олаётган бола» ҳайкалини узоқ томоша қилишини, қора тошдан ясалган, тик қараган оқ кўзлари эса қандайдир рангсиз тошдан ясалган Цезарнинг ҳайкали атрофидан бир неча бор айланиб ўтишини Плейшнер олдиндан биларди. Профессор Штирицига қадимги антик маскалар: трагедия, кулги ва ақл маскаларини кўрсатиш учун атайлаб ўзи йўл бошларди, Штирицининг уйида ваннахонага кириб, артистлардек узоқ вақт кўзгу олдида юз ифодасини репетиция қилишидан профессор бехабар эди, албатта. Штириц разведкачи ҳар вақт ўз юзининг ифодасини ўзгартиришга уста бўлиши керак деб ҳисобларди. Қадимги греклар бу санъатни жуда такомиллаштирган эдилар...

Бир куни Штириц профессордан Самос оролидан топилган бронза ҳайкаллар сақланадиган ойнали шкафнинг калитини сўради.

— Шу ҳайкалчаларни бамроқларим билан ушляб кўреам, назаримда мўъжизалар юз бераётгандек ва мен бутунлай бошқа одамга айланнib, қадимгиларнинг хотиржам ақл-идрокига эга бўлаётгандек бўлиб туюяпти,— деди у.

Профессор калитни олиб келди ва Штириц битта ҳайкалчадан нусха олди. Ана шу аёл ҳайкалчаси тагига у ҳужжатларни беркитардп.

У профессор билан сұхбат қилишни яхши күрарди.
Штирлиц бундай мұлоқаза қиларди:

— Грекларнинг санъати қанчалик истеъоддли бұлмасин, ҳаддан ташқари гүзәлликка ва нозикликка интилади. Римліклар санъати бақуувватроқ, шу томондан улар немисларга яқин. Грекларни умумий тарә, фикр ҳаяжонлантиради; римліклар эса мантиқий тақомиллик шинавандаларидир, шу сабаблы улар бирон асарни деталларигача батағсил тасвир этадилар. Масалан, Марк Аврелий портретига қаранг. У тақлид қишлиш учун яратылған қаҳрамоннинг худди ўзгинаси, болалар унга тақлид қилиб ўйнасалар бўлади.

— Кийим деталлари, гавда тузилишининг түғри топилғанлиги чиндан ҳам гүзал — деб эҳтиёткорлик билан қарши фикр билдириди Плейшнер. Лагерда ётиб чиққандан кейин у баҳслашувдан ўзини тортарди — у эҳтиёткорлик билан рози эмаслигини билдиради, холос. Илгари у баҳслашашётган рақибини жаҳл билан жеркиб ташларди. Энди эса у фақат қарама-қарши далиллар келтиради.— Аммо унинг юзига диққат билан қараб кўринг. Аврелий чехрасида қандай фикр бор? Унда ҳеч қандай фикр йўқ, у ўзининг буюклигидан мамнун. Ўн саккизинчи аср охирларидаги Франция санъатига эътибор билан назар ташласангиз, Парижга Греция санъати кўчиб борганигини, буюк Элладанинг ворислари якобинчи эркпарвар эканлигига ишонасанис...

Бир куни Плейшнер унн ярим одам, ярим ҳайвон: боши одаму танаси тўнғизсимон махлуқлар тасвирланган кўргазма ёнида тўхтатди.

— Бунга нима дейсиз?— сўради Плейшнер.

Штирлиц Плейшнерга ҳеч нима галирмай «социал» товушлар билан — у «ҳа», «чиндан ҳам», «бай-бай-бай» каби товушларни шундай деб атарди — жавоб бердн. Тўғри жавоб бериш мумкин эмас, аммо индамай кетишининг ҳам ўрни бўлмаган пайтларда у шундай жавоб қайтарарди.

Бир куни улар қадимги Троя залида юрганларида Штирлиц профессорга:

— Шу деворларга штепсель ўрнатиш ўтакетган бемаънилик эмасми? Бу ерга шамлар ёки шамлар ўрнатилган қандиллар қўйилиши керак, чунки антик-даврнинг юксак трагизмини йигирманчи асрнинг дидсизлиги бузиб турибди,— деди.

Штирлиц «Пергамон»нинг бўм-бўш залларидан ўтар экан, ўзига ўзи савол берарди: «Нега энди шундай буюк санъатни яратган одамлар ўз санъаткорларига нисбатан ваҳшийларча муносабатда бўлганлар? Нега улар ҳайкалларни вайрон қилдириб, куйдириб, ер билан яксон қилганлар? Нега улар ҳайкалтарош ва рассомнинг истеъодидига жиноятга тенг совуққонлик билан қараганлар? Нега энди биз уларининг аҳмоқлиги, жиноят ва ваҳшийликларидан қолган ушоқларни тўплаб, улар воситасида келажак авлодимиизни гўзалликка ўргатишимиз керак? Нега энди қадимти одамлар ўзларининг тирик худоларини ваҳшийлар қиличи остига қўйиб берганлар?»

...«Пергамон»ни инглизлар бомбардимон қилганларидан кейин ҳам профессор бошқа илмий ходимлар билан бирга кўчиб кетмади. У Берлинда қолиб, биноннинг омои қисмини назорат қилиб туришга рухсат олди.

Штирлиц ҳозир унинг ҳузурига кетаётган эди. У алоқасиз қолиб, зўр бериб алоқа боғлаш йўлини қидира бошлади. Штирлиц, кўр-кўrona иш қиладиган, қандайдир «почта қутичаси» хизматини бажарадиган, нима ва ким учун хизмат қилаётганлигини англамаган одам билан ишлаш мазкур вазиятда нотўғри бўлар эди, деб ҳисобларди.

Агар Шелленберг Штирлиции пастор Шлаг билан бирга Швейцарияга «асл мақсадни яшириш» операцияси ни амалга ошириш учун юборса, у ерда бизнинг одамларимиз билан алоқа ўрнатишни ният қилиб қўйган эди. Аммо Штирлиц операцияни тайёrlагач, ўзи рейхда қолиши, пасторни эса бошқалар «бошқариши» ҳам мумкин эди. Шундай ҳам бўлиши мумкин. Штирлиц илгариgidек Борман билан учрашиш йўлини изларди, бинобарин, у Бормапнинг паноҳида бўлишни таъмин эта олса, «музокараларни шахсан назорат қилиб туриш учун» Швейцарияга бориши турган гап. Лекин Бернда бутун дунё разведкачиларининг қаттиқ назорати остида юрган совет гражданлари билан ҳар қандай алоқа қилиш бутун операцияни узил-кесил зарба остига қўйиши мумкин эди.

Шунинг учун унга софдиллигига тўла ишониш мумкин бўлган одам керак эди. У Плейшнернинг софдиллигига ишонарди. Лекин, борди-ю, Плейшнер қўлга тушгудек бўлса, гестапоннинг сўроқ қилиш методларига бардош бера олишига ишонмасди.

Плейшер қаҳва қайнатиладиган идишни қўяркан:

— Сизни шунчалик соғинаман деб ўйламаган эдим. Мен касбингизни билмайман, марҳум укамнинг яхши ошнаси бўлганлигингизни биламан, холос, аммо-лекин герр Штириц, сиз билан бирга бўлиш жуда мароқли.

— Раҳмат. Сиз билан бирга бўлиш мен учун ундан ҳам мароқлироқ. Бу ер совуқлик қилмайдими?

— Совуқдан карахт бўлиб қолай дейман. Лекин на чора? Ҳозир ким совуқ қотмайди дейсиз?

— Фюрер яшаётган бункерни ҳўп иситишяпти...

— Тушунарли... Доҳий иссиқда яшамоғи керак. Бизнинг ташвишларимизни унинг ташвиш ва ғамлари билан таққослаб бўладими? Биз фақат ўзимизнингина ўйлаб юрган кишилармиз, у эса ҳамма немислар тақдири ҳақида ўйлайди.

Штириц дижқат билан подвалга кўз югуртириди: бу ерада ҳаво чиқиб турадиган биронта тешик йўқ, бирор эшниб турадиган аппарат ўрнатилиши мумкин эмас эди. Шунинг учун аччиқ сигарета тутунини ичига тортиб, деди:

— Қўйсангиз-чи, профессор... Қутурган савдои бир одам миллион-миллион кишилар бошини бомбаларга тўғрилаб, ўзи мустаҳкам, ҳавфсиз жойга бекиниб олиб, бутун галаси билан кино томоша килиб ўтиrsa...

Плейшнернинг юзи оппоқ оқариб кетди, Штириц эса бу гапларни айтганида, умуман ўз иши билан шу бебаҳт чол олдига келганилигидан афсусланди.

«Нега энди «менинг» ишим экан? — ўйларди у.— Кўпроқ буларнинг, немисларнинг ва, демак, унинг ҳам иши-ку, ахир? Улар ўзлари қилиши лозим бўлган ишни бажараётирман-ку?»

— Хўш,— деди Штириц,— жавоб беринг... Еки менинг фикримга қаршимнисиз?

Профессор илгаригидек индамай тураверди.

— Гап бундай,— деди Штириц,— сизнинг укангиз, менинг эса оғайним, антифашист эди... Яширин иш олиб борарди... У менга ёрдам бериб юрган. Сиз ҳеч вақт менинг касбим билан қизиқмадингиз: мен СС штандартен-фюрериман, разведкада ишлайман.

Профессор ваҳимага тушиб, бетини бекнгандек қўлларини кўтарди.

— Йўқ,— деди у.— Йўқ. Йўқ! Укам ҳеч вақт иғвогар бўлган эмас ва бўлиши ҳам мумкин эмас! Йўқ!— деди

у яна, овозини баландроқ чиқариб.— Йўқ! Мен сизга ишонмайман!

— У иғвогар эмасди, лекин мен ростдан разведкада... Совет разведкасида ишлайман,— деб жавоб берди Штирлиц ва Плейшнерга укасининг вафоти олдидан ёзган хатинн узатди.

«Дўстим. Дўст бўлганимиз учун сенга раҳмат. Мен сендан кўп нарсани ўргандим. Мен қандай қилиб севишни ва шундай севги манфаати учун Германия халқига қуллик келтираётган кишилардан нафратланишни ўргандим. Плейшнер».

— У гестаподан қўрқиб шундай деб ёзган,— тушунтириди Штирлиц хатни қайтариб олар экан.— Тушунгандирсиз, немис халқига қуллик келтироқчи бўлганлар большевиклар тўдаси ва америкаликлар галасидир... Шундай эмасми? Укангиз айтганидек, ана шулардан биз нафратланишимиз керак... Балки қулликни сизга Гитлер, нацистлар келтиргандир?

Плейшнер катта креслога чўкканича ҳамон индамасди.

— Баракалла сизга,— ниҳоят деди у,— гапингизга тушундим... Менга бутунлай ишонаверинг. Аммо тўғрисини олдиндан айтиб қўяқолай: елкамга қамчи тушиши билан ҳамма нарсани айтиб берақоламан.

— Биламан,— деб жавоб берди Штирлиц.— Айтингчи, нимани афзал кўрасиз: заҳар ичиб дарҳол ўлишиними ёки гестапога қийноққа тушишними?

— Агар учинчи йўл бўлмаса,— маъюсона кулиб қўйди Плейшнер,— табиийки, заҳар маъқул.

— Кимлигимни айтганимда, ўзингизни қандай сездингиз?

— Енгил сездим,— жавоб берди Плейшнер.— Жуда ҳам енгил сездим, чунки нафрат ва ожизлик ҳиқилдигимга келиб тақалган эди.

— Сиз билан иш қиласа бўлар экан,— деди кулиб Штирлиц.— Астойдил иш қиласа бўлар экан.

— Нима қилишим керак?

— Ҳеч нима. Яшайверинг. Лекин зарур топшириқни бажаришга тахт бўлиб туринг.

— Кимнинг манфаати учун?

— Германиянинг...

— Кимнинг?!

— Германиянинг. Мен рейхни эмас, Германияни на-

зарда тутмоқдаман. Ана шу икки тушунча ўртасида жуда катта фарқ борлигига аминмисиз?

10

— Салом, пастор,— деди Штирлиц, ортидаги эшикни тез ёпиб.— Қеч келганим учун кечирэсиз. Ухлаганимдингиз?

— Салом, салом. Ҳа, уйқуга кетған эканман, лекин зарари йўқ, кираверинг.

— Яна бир марта кечирим сўрайман.

— Сизни кечирдим деяверинг. Киринг, марҳамат, ҳозир шам ёқаман.

— Яхши.

— Бирон нарса бўлдими?

— Ҳа, бўлди...

— Утилинг.

— Раҳмат, қаерга ўтирай?

Истаган жойингизга. Манави ер, печка олди иссиқроқ... Балки манави ерга ўтирасиз?

— Иссиқ жойдан совуқ жойга ўтсам, дарҳол шамоллайман. Доим бир хил ҳарорат бўлгани дуруст. Пастор, кейинги етти кун ичида уйингизда ким турди?

— Бу сўроқми?

— Йўқ.

— Демак, жавоб бермасам ҳам бўлар экан-да?

— Жавоб беришингиз шарт.

— Йўқ десам-чи?

— Йўқ, демайсиз.

— Нега?

— Жавоб берганингиздан кейин, тушунтириб бераман.

— Уйимда бир одам яшади.

— Сизга кимлигини айтмадими?

— Йўқ.

— Ким эканлигига қизиқмадингизми?

— Йўқ. У меникода яширининиши сўради, саломатлигининг мазаси йўқ эди, мен унга кет дея олмадим.

— Мени ишонтироқчи бўлиб, ғирт ёлғон галираёгганингиз ҳам яхши. У ўзини марксистман деб таништирган. Сиз уни коммунист деб баҳслашгансиз. У коммунист эмас, пастор. Ҳеч вақт коммунист бўлмаган. У — менинг агентим, гестапо иғвогари.

— Ҳали шундай денг... Мен у билан инсон сифатида гаплашдим. Коммунистми, сизнинг агентингизми, бари бир... У ёрдам сўради... Мен йўқ дея олмадим...

— Иўқ дея олмаган эмишлар,— тақрорлади Штирлиц,— коммунпостми, гестапо агентимп — бу кишига бари бир эмиш...

Штирлицининг жаҳли чиққан эди.

— Сизга «оддий одам», абстракт одам муҳим бўлгандек, конкрет кишиларнинг дорга осилиши ҳам муҳимми?!

— Ҳа, бу ҳам мен учун муҳим...

— Аниқроқ қилиб айтсам, дорга биринчи галда синглингиз билан болаларнинг осилиши сиз учун муҳимми?!

Пастор ўрнидан туриб, қўлларини чўзганича Штирлиц томон ташланди:

— Бу золимлик-ку!

— Ҳузурингизга ким келса келаверсин — коммунистми ёки гестапо агентими — бу мен учун бари бир деяншингиз — бундан баттар золимликдир,— деди Штирлиц ўрнига ўтирас экан.— Бунинг устига сизнинг золимлигинги — догматик золимликдир — буниси ҳаммасидан даҳшатли. Ўтиринг. Гапимга қулоқ солинг. Агентим билан қилган сұхбатингиз плёнкага ёзилган. Йўқ, буни мен қилганим йўқ, ҳаммасини ўзи қилган. Унга нима бўлганлигини ҳам билмайман; ғалати хат ёзиб юборипти... Кейин сұхбат ёзилган плёнкасиз (чунки мен уни йўқотиб ташладим) унинг галига ишонавермайдилар. У билан ҳеч ким гаплашмайди, чунки у менинг агентим Синглингизга келганда, сиз Швейцария чегарасидан ўтишингиз билан уни қамоққа олишади.

— Мен Швейцария чегарасидан ўтмоқчи эмасман.

— Сиз чегарадан ўтасиз, мен эса синглингизниpg хавфсиз жойда бўлиши учун ғамхўрлик қилиб тураман.

— Сиз шайтонмисиз дейман? Шунча қиёфангизнинг қайси бирига ишонай?

— Менга ишонишдан бошқа иложингиз йўқ, пастор. Сиз Швейцарияга жуда бўлмаганда қариндошларнингиз ҳаётини қутқариш учун борасиз? Еки бормайсизми?

— Бораман, албатта. Уларнинг ҳаётини қутқариш учун бораман.

— Швейцарияга қандай топшириқ билан боришингиз кераклигини нега сўрамаяпсиз? Агар мен сизга у

ерга бориб ибодатгоҳни портлатасиз деган топшириқ берсам, бормассиз, албатта. Шундайми?

— Сиз ақлли одамсиз. Қўлнимдан нима келиши ва нима келмаслигини аниқ билсангиз керак дейман...

— Тўғри гапиряпсиз. Германнага ачинасизми?

— Немисларга ачинаман.

— Яхши. Бир дақиқа ҳам кечинтирмай сулҳ тузила, немисларга яхшироқ бўлади, деб ўйламайсизми?

— Германия учун яхшироқ бўлади...

— Суфизм, пастор, суфизм. Немислар учун, Германия учун, инсоният учун яхши бўлади. Биз ҳалок бўлишдан қўрқмаймиз — ўз умримизни яшаб бўлдиқ, устига устак тобора қариб бораётган сўққабош эркаклармиз... Болалар-чи? Болаларни ўйлаш керак.

— Қулоғим сизда.

— Швейцарияда пацифистлар ҳаракатида бирга ишлашган эски танишлардан кимни топишингиз мумкин?

— Диктатурага пацифистлар керак бўлиб қолдими дейман?

— Йўқ, диктатурага пацифистларнинг кераги йўқ. Урушнинг ҳар бир куни беҳуда янги қурбонлар беришдан иборат эканлигини тушуниб, вазиятга тўғри баҳо берадиганлар учун керак.

— Гитлер музокарага рози бўладими?

— Гитлер музокарага рози бўлмайди. Музокарани бошқа кишилар олиб боради. Бу гапга ҳали вақт бор. Аввал у ерга бориб, етарли эътиборга эга одамлар билан алоқа боғлашингиз мумкинлигига кафолот керак. Сизга ғарбий давлатлар вакиллари билан музокара бошлашга ёрдам бера оладиган одамлар керак. Бу ишда сизга ким ёрдам бериши мумкин?

Пастор елкасини қисиб қўйди:

— Швейцария республикасининг президенти бўлса, сизга маъқул бўладими?

— Йўқ, бўлмайди. Бу — расмий каналлар. Бу жилдий гап эмас. Мен жаҳонда обрўси бор черков арбобларини назарда тутмоқдаман.

— Бу дунёда ҳамма черков арбоблари обрўли,— деди пастор, аммо Штирлицнинг юзида яна ўзгарниш пайдо бўлганлигини кўриб, тезда яна гап қўшди:— у ерда дўстларим кўп. Бирон нарса ваъда қилиш қнийин, аммо бу масалани жиддий одамлар билан муҳокама

қила оламан, деб ўйлайман. Масалан, Брюнинг билан... Уни Farb ҳурмат қиласи. Лекин кимнинг вакилисиз деб мендан сўрашлари мумкин.

— Немисларнинг вакилиман дейсиз,— қисқагина жавоб қайтарди Штирлиц.— Агар сизга музокараларни ким олиб боради деб савол беришса, сиз ҳам: «Музокараларни Farb томондан аниқ ким олиб боради?— деб сўрайсиз. Буни албатта мен тайинлаган алоқа орқали сўрайсиз...

— Нима орқали?— сўради пастор, гапга тушунмай. Штирлиц кулиб, тушунтириди:

— Майдо-чуйдаларни кейин маслаҳатлашамиз. Ҳозирча қатъий келишиб олишимиз зарур.

— Синглим билан болалари дорга осилмайди, деб ким кафиллик беради?

— Мен сизни қамоқдан озод қилдимми?

— Ҳа.

— Бу иш осонлик билан бўлди деб ўйлайсизми?

— Йўқ, албатта.

— Иғвогар билан суҳбатда фюрерни ҳақорат қилгансиз. Плёнкага ёзиб олинган ўша суҳбатингиздан кейин сизни қул қилиш мумкиниди?

— Сўзсанз.

— Мана сизга жавоб. Синглингиз хавфсиз жойда бўлади. Токи, табиийки, немислар — ёшу қарилар ҳақида қайғиравчи сифатида ўз бурчингизни бажарар эканси.

— Сиз мени яна қўрқитмоқчимисиз?

— Мен сизни огоҳлантиряпман. Агар ўзингизни бошқача тутсангиз — сизни ва синглингигини қутқарниш учун ҳеч нарса қила олмайман...

— Қачон иш бошлаш керак?

— Эҳтиёж туғилиши билан.

— Қачон эҳтиёж туғилиши мумкин?

— Яқинда. Кейин; ўртамиизда бўлиб ўтган суҳбат ҳақида бирон киши сўраса...

— Лом-мим демайман.

— Ишонсан бўладими?

— Иккаламииздан қайси биримизниг аҳволимиз қалтироқ?

— Қандай деб ўйлайсиз?

— Менинчча, сизники.

— Тўғри.

— Немисларга тинчлик келтириш истагингиз самимийми?

— Ҳа, албатта.

— Одамларни тинчлик билан таъмин қилиш фикри яқинда пайдо бўлдими?

— Нима десам экан,— жавоб берди Штирлиц,— бу саволга охиригача самимий жавоб бериш қийин, пастор. Сизга қанчалик ҳақиқатни гапирсам, шунчалик ёлғончи бўлиб кўринисам керак.

— Менинг вазифам нимадан иборат бўлишини аниқроқ айтсанги? Мен ҳужжат ўғирлашни ва бурчакдан туриб ўқ узишни билмайман-ку?

— Биринчидан,— деди Штирлиц кулиб,— буни ўрганиб олиш қийин эмас. Иккинчидан, мен сиздан бурчакдан туриб ўқ узишни талаб қилаётганим йўқ. Сизинг алоқаларингиз иш бёриши мумкин. Дўстларингизга Гиммлер фалончи ва фалончи вакили орқали — унинг номини сизга кейин айтаман — Фарбни алдамоқчи, дейсинэ. Сиз дўстларингизга Гиммлернинг у ёки бу вакилининг мақсади сулҳ эмаслигини тушунтириб берасиз. Уша кишининг ҳатто ССда ҳам обрў-эътибори бўлмаган инвогар эканлигини исбот этасиз. Ана шундай киши билан музокара олиб бориш фақат бемаънилик эмас, балки кулгили нарса, деб тушунтирасиз... СС билан, Гиммлер билан музокара олиб бориш ақлсиазлиkdir, деб қайта-қайта ишонтираверасиз. Сиз музокараларни бошқа одамлар билан олиб бориш керак, деб куч-қуввати бор ва ақлли одамларнинг исмини айтасиз... Аммо бу иш билан кейинроқ шуғулланамиз...

Кетар олдидан Штирлиц:

— Ўйда хизматидан бошқа ҳеч ким йўқми? — деб сўради пастордан.

— Хизматчи ҳам уйда эмас, у қишлоққа, қариндошлариниқига кетган.

— Ўйни кўрсам бўладими?

— Марҳамат...

Штирлиц иккинчи қаватга кўтарилиб, дераза парда-си орқасидан кўчага қаради: кичкинагина шаҳарчанинг марказий хиёбони бошдан охиригача кўриниб турарди. Хиёбонда ҳеч ким йўқ эди.

◆ Кирқ минут ўтгач, у «Мехико» барига етиб келди: у ерда «қасд олиш қуроли» сирини сақлаш бўйича иш олиб боруви агенти билан учрашди. Штирлиц гестапо

шефи гапирилган гапларни эртасига тинглаб хурсанд бўлсин деган ияятда шу барни танлаган эди. Бу суҳбат ақлли нацист разведкачиси билан ақлли нацист олимни ўртасидаги суҳбат бўлади: гестапочилар атом физикаси бўйича мутахассис Рунгени қамоқча олганларидан кейин, Штирлиц вақти-вақти билан ҳар томонлама, асосли тарзда эҳтиёт чоралини кўриб юради.

— Салом фрау Кин... Аҳволлар қалай? Қақалоқ ту-эукми?

— Раҳмат, жанобим... Унинг овози чиқадиган бўлиб қолди, буни кўриб мен ҳам ўзимни хотиржам сезяпман. Менинг контузияга учраганим унинг овозига таъсир қилдимикан, деб қўрқкан эдим. Врачлар текшириб кўришди: ҳаммаси жойида эмисш.

— Худога шукур! Бечора болалар... Энди дунёга... даҳшатли дунёга келган қақалоқ бошига ҳам шунчалик ташвиш тушадими-я? Айтгандек, мен сизга янгилик олиб келдим...

— Хушхабарми?

— Замона шундай экан — яхши хабарлар йўқ даражада, аммо сизга айтадиган гапларим ёмон эмас.

— Раҳмат,— жавоб берди Қэт.— Яхшилигингиэн ҳеч унутмайман.

— Бош оғрифингиз қолдими?

— Ҳозир тузук. Ҳар холда бощ айланиши қолди, унчалик лоҳас бўлмаяпман.

— Бу мня шикастланганлигининг дараги бўлса керак.

— Ҳа, сочим бўлмаганда, фарзандлик ҳам бўла олмасдим... Пўлат устун зарбаси аввало сочга тушди...

— Ҳўп сочингиз бор экан... Биринчи марта келганимда қойил қолган эдим. Ажойиб совунлар билан ювиб юрган бўлсангиз керак?

— Ҳа, Швециядан амакимиз Эрон хинасини ва сифатли америка совунларини юбориб турардилар.

Тунда ҳамма воқеалар Қэтнинг эсига тушди. У «страхование компания»сидан келган жанобнинг бергани саволларини бирма-бир эслади. У яхши ҳимоя қилинган томонни зарба остига қўймоқчи бўлди. Энг хавфсизи! — Стокгольмдаги амакини қалқон қилиш эди. Чамадон юзасидан ҳам бир неча баҳонаю таҳминлар

топиб қўйди. Энг ишкал масала — чамадон масаласи. Кэт ўзининг тахминлари қанчалик ишончли эканлиги устида ўйласа чаккалари оғриб ёрилгудек бўларди. У агар чамадон масаласида гап чиққудек бўлса, аҳволим оғир деб жавоб бермасликка ҳаракат қиласман, деб мўлжал қилиб қўйди. У «страхование агенти»ни амалда синааб кўрмоқчп бўлди. Швециядаги амаки баҳонаси унинг ишидаги энг осон баҳона эди. Қани шу баҳонани келтириб бир-бири мизни синааб кўрайлик. Асосийси — гапни мен бошлашим керак...

— Амакингиз ҳақида бир нарсани билмоқчи эдим... Стокгольмда унинг телефоны борми?

— Билмадим: эрим ҳеч вақт телефон қилмасди...

У Эрвиининг ҳалок бўлганига ҳали ҳам ишонмасди. Бунга ишонгиси ҳам келмасди. Эрвиининг ҳалок бўлганини биринчи марта эшитиб хун бўлиб йиғлаганида, кекса санитарка:

— Жоигинам, йиғламанг... Менинг ўғлим билан ҳам худди шундай воқеа бўлган. Биз ҳам ҳалок бўлди деб ўтирасак, у госпиталда ётган экан. Ҳозир оёқсиз сакраб-сакраб юради, аммо уйда қолди, армияга олмадилар, энди омои қолди деяверинг...

Кэт Эрвиидан хабар олиш ииятида дарҳол Штирлицга хат юбормоқчи бўлди, аммо бундай қилиш мумкин эмаслигини биларди; шунингдек Штирлиц билан алоқа боғламаса бўлмаслигини ҳам тушунарди. Шунинг учун у оқибат ёмон бўлишини ўйламасликка ўзини мажбур этди, энди бутун фикри-зикри Эрвиини госпиталдан топа оладиган Штирлиц билан алоқа боғлаш эди. Ҳамма нарса яхшилик билан тугайди, бу қийинчиликлар ўтиб кетгач, кичкинтой билан Эрвиин Москва кўчаларида сайр қилиб юрадилар. Бу албатта баҳор иайти бўлади ёки ҳамиша баҳор бўлади, ё бўлмаса осмонда мезон ялт-ялт қилниб учиб юрган илиқ куз пайти, оппоқ ва баланд қайни дараҳтлари сап-сариқ баргларини шилдиратган пайт бўлади...

— Фирма, деб гапини давом эттирди агент,— амакингиз билан телефон орқали гаплашишда ёрдам бериши мумкин,— сиз оёққа туришингиз билан буни амалга оширса бўлади. Биласизми, шведлар бетараф, улар жуда бой, сизга ёрдам бериш унинг бурчи. Гўдакнинг овозини телефон орқали етказсангиз, унинг қалби эриб кетади... Энди яна бундай гап бор... Мен компла-

ния раҳбарлари билан келишдим, сизга страхование суммаси текширилишини кутиб ўтирмай, яқин кунларда дастлабки нафақа беришга қарор қилинди. Аммо бизга кафиллик бера оладиган икки одамнинг номи керак.

- Нима қила оладиган дедингиз?
- Кафил бўла оладиган — кечирасиз мени, хизмат бурчини бажаряпман, холос,—сизнинг соғдиллигингизга кафиллик бера оладиган икки кишининг номи керак... Мени тўғри тушунишингизни ўтиниб сўрайман...
- Бунга ким кафил бўла олади?
- Биронта дўстингиз ҳам йўқми?
- Кафил бўла оладиган дўстлар йўқ.
- Яхши, бўлмаса... Танишларингиз бордир? Эрнингизни билган танишлар бўлса бас...
- Биладиган, денг,— унинг гапини тўғрилаб қўйди Кэт.
- У тирикми?!
- Ҳа.
- Қаерда у? Бу ерга келдими?
- Кэт йўқ деб бошини қимирлатиб қўйди.
- Йўқ. У биронта госпиталда ётган бўлса керак.

У тирик: унинг тириклигига ишонаман...

- Мен қидириб кўрдим...
- Ҳамма госпиталларними?
- Ҳа.
- Ҳарбий госпиталларни ҳам текшириб кўрдингизми?
- Нега у ҳарбий госпиталга тушиши мумкин деб ўйлайсиз?
- У уруш инвалиди... Офицер... Уни ҳущсан аҳволда топишган ҳамда ҳарбий госпиталга юборган бўлишлари мумкин.

— Энди сиздан анча кўнглим тўқ.—деди страхование агенти кулиб,—сизнинг миянгиз жойида, аҳволингиз кун сайин яхшиланиб бормоқда. Тезроқ кўрпа-ястиқни ташлаб, тузалиб кетинг: ўғилчанинг сайд қилалигидан вақти келмоқда. Шу кунларда тоза ҳаво — энг яхши дори-дармон бўлиб қолди. Ҳозирча, марҳамат, менга Эрингизнинг танишларидан биронтасининг фамилиясини айтинг, мен эртага уларни кафил бўлишга кўндираман.

Бу киши янги-янги саволлар бериши билан икки

чаккаси ёрилгудек оғриётганини Кэт сезиб турди. Мияси худди бирор ичидан темир болға билан тақ-туқ қилиб ураётгандек оғрирди. Шунга қарамай, конкрет саволларга аниқ жавоб бермаганлиги учун энди бу саволни ҳам жавобсиз қолдирса, иши пачава бўлишини Кэт сезиб турарди. У ўз кўчасида кўпроқ вайрон бўлган уйларни эслай бошлади. Тўхта — истеъфодаги генерал Нушнинг радиоласини Эрвин тузатиб берган эди. Ҳа, шундай. У Рансдорфда, кўл бўйида турарди. Ушандан сўрасин.

— Жанобим, истеъфодаги генерал Франц Нуш билан гаплашиб кўринг. У Рансдорфда, кўл бўйида яшайди. У эримнинг яхши таниши. У бизга шафқат қилиб, ҳознр ҳам ёрдам беришини худодан сўраб қолардим...

— Франц Нуш,— деб қайтарди агент, қўлидаги дафтарчасига генерал номини ёзар экан.— Рансдорфда яшайди. Кўчасининг номи ёдингиздами?

— Едимда йўқ...

— Справка бюросида генералнинг адресини бермасликлари мумкин...

— У жуда кекса... Урушда қатнашганига ҳам апча вақт бўлгандирам... Саксондан ошган.

— Йўқ, йўқ... Унда склероз бормикан деб қўрқяпман... Агар менинг қўлимда бўлса ёши етмишдан ошган кишиларни мажбуран ишдан бўшатиб, қариялар учун маҳсус зоналарга жўнатардим. Бу дунёда ҳамма балоға чоллар сабабчи бўлиб чиқяпти...

— Ундей эмасdir, жанобим... Генерал жуда соғ кўнгилли киши...

— Яхши. Яна ким бор?

«Фрау Корнни айтсаммикан?— ўйларди Кэт.— Йўқ, хавфли. Уша хоним билан дам олишга бирга борган бўлсан ҳам, ёнимизда чамадон бор эди. Фотосуратга қараб, чамадонни таниб қолиши мумкин. У яхши кандидатура эди: эри СС майори бўлиб хизмат қиласарди...»

— Фрау Айхельбреннер билан боғланиб кўрсангиз. У киши Потсдамда туради. «Тегирмон томон» кўча, хусусий уйда яшайди.

— Раҳмат. Шуниси ҳам етар. Фрау Кин, мен бу кишиларнинг сизга кафил бўлишларига эриша оларман. Ҳа, айтгандек. Сизнинг хизматчинигиз топилган чамадонлар ичida иккитаси сизники эканлигини таниди. Эртага эрталаб у билан бирга келармиз ва врач иштироқи-

да ўша чамадонларғи очамиз: балқи зарур бўлмаган нарсаларни сотиншни буюарсанз. Мен уларни дарҳол алмаштириб, эркатой учун ички кийим олиб келардим.

«Тушунарли,— деди ўзинга-ўзи Кэт.— Бу одам худди шунинг учун келган. У шу бугуноқ дўстлар билан алоқа боғлашга уринишмни истаяпти».

— Катта раҳмат,— деди Кэт.— Яхшиликларингизни худо қайтарсанн. Яхшиликни худо ҳеч қачон эсдан чиқармайди...

— Сиз лютер мазҳабиданми?

— Йўқ, менинг оиласам ҳар вақт протестант черковига ибодат қилиб келганди.

— Мен эса лютер мазҳабиданман... Бунинг аҳамияти ҳам йўқ: ҳар бир киши дилида худони билиб юрса бас... Энди охирги гап...— агент Кэтга бир бет қозоз узатди.— Суданинг бир қисмини дарҳол беришларини сўраб ёзилган аризага қўйл қўйсангиз. Марҳамат, бу ерга Раҳмат. Тезроқ тузалинг, полвонни ўпиг қўйинг...

Ўша киши навбатчи врач кабинетига санитаркани чақириб, бундай деди:

— Агар бу аёл сиздан бирон жойга телефон қилишни илтимос қилса ёки хат берса, дарҳол менга қўнғироқ қилинг — уйгами, ишхонагами, бари бир. Истаган вақтингизда телефон қилинг,— деб яна қайтарди гапини.— Агар кўргани бирон киши келса, мана бу ерга хабар қилинг,— у телефон рақамини берди,— бу кишилар сиздан уч минутлик масофа нарида. Сиз келган кишини қандай қилиб бўлмасин чалғитиб туринг, ҳа, қандай қилиб бўлмасин.

Штирлиц ўз кабинетидан чиқар экан, коридорда Эрвиннинг чамадонини кўтариб кетаётгандарини кўриб қолди. У бу чамадонни мингта чамадон орасида бўлса ҳам bemalol танирди. Үнда передатчик сақланарди.

Штирлиц иши йўқ кишидек, хушчақчақлик билан гаплашиб чамадонни штурмбанфюер Рольф кабинетига олиб кириб кетган иккى киши орқасидан борди.

Табиийки, Кэтнинг бармоқ излари ва чамадон устидагина эмас, балки настройка жадвалида ва эбонитдан ишланган қора паушникларда ҳам қолганлигини лабораторияда аниқлаганларидан Штирлицинг хабари йўқ эди...

У юқоридаги иккى кишини терговчи Рольф кабинети

эшигигача кузатиб бориб, хозир кирайми ёки кейинроқми, деб хаёл сурис қолди. Ў жон-жаҳди билан ўйларди ва ўйини тамом қилмасданоқ, кўпроқ ҳис-туйғуга ишониб, кўрсатгич бармогини букиб эшикни тақиллатди ва жавоб кутмасданоқ Рольф ҳузурига кираверди.

— Нима бўлди, эвакуацияга тайёрланяпсанми? — сўради у кулимсираб. У бу ибора устида ўйлаб ўтирамади, ўзидан-ўзи миясига келиб қолди ва, афтидан, шу вазиятга тўгри келадиган бундан яхши саволни соатлаб ўиласа ҳам топиш қийин эди.

— Йўқ,— деб жавоб берди Рольф,— бу передатчик.

— Ишқивоз бўлиб передатчик йиғяпман дегин? Эгаси қани?

— Эгаси бир аёл. Хўжайнинг ўзи дунёдан ўтган бўлса керак. Унинг хотини эса янги туғилган чақалоқ билан госпиталда ётипти.

— Янги туғилган дейсанми?

— Ҳа, абллаҳнинг боши ҳам пачақланган.

— Бемор хотинни нима қилмоқчисан? Шу аҳволда сўроқ қилмассан, албатта.

— Менимча, худди шундай аҳволда сўроқ қилиш керак. Бир нарсани кутгандек ишни чўзаверишнинг нима кераги бор? Бунинг устига, бўлимдан бир аҳмоқ чамадонлар расмини унинг ўзинга кўрсатибди. Шу расмда сизнинг нарсаларинги ўйқми, деб сўрабди... Худога шукурки, у қочиб кета олмайди: чунки чақалоги бор. Болалар бўлинмасига эса ҳеч кимни қўймайдилар. Боласини ташлаб кетмас деб ўйлайман... Умуман олганда, ким билади дейсиз... Мен бугуннинг ўзида уни бу ерга олдириб келмоқчиман...

— Тўгри гап,— маъқуллади Штирлиц.— Пост қўйилганми? Алоқа боғлатши мумкинлигини кузатиш керак-ку...

— Ҳа, у ерга ўз санитаркамизни жойлаштиридик, қоровул ўрина ҳам бизнинг ходимимиз.

— Үндай бўлса, уни бу ерга олиб келишнинг нима ҳожати бор? Бутун иш чатоқ бўлиши мумкин. Балки у алоқа қидириб қолар?

— Ўзимни ҳам бошим қотиб турибди. Ўзига келиб, бор гапни билиб қолмаса эди, деб қўрқяпман. Русларни биласан-ку, уларни иссигига, ҳолдан кетиб турганида қўлга тушириш керак...

— Нега уни рус деб ўйлайсан?

— Ҳамма гап шундан бошланди-да. Туғаётганида русчалаб бақирибди.

— Қаерда ётибди?

— «Шарите»да. Уни бу ерга олиб келиш учун ўн минут етарли.

Штирлиц қаддини ростлади ва эшик томон йўл олар экан, бундай деди:

— Уни тезроқ бу ёққа келтири... Лекин бутун операцияни барбод этиши мумкин. Агар у алоқа қидира бошласа, антиқа иш бўлиши мумкин. Шериклари уни касалхонама-касалхона қидириб юришганимкин?

— Бундай тахмин устида ҳали биз бош қотирганимизча йўқ...

— Бўлмаса шу тахминни сизларга тақдим қилдим... Бу иш билан бугун шуғулланса ҳам кеч эмас. Саломат бўл, ишинг ўнгидан келсин...

— Эшик ёнинга етгач, Штирлиц орқасига қаради:— Қизиқ иш экан. Жуда қизиқ. Энг муҳими ҳаддан ташқари шошилмаслик. Маслаҳатим шуки, катта бошликларни хабардор қилмай тур, чунки тезлатишни талаб қиласидилар.

Штирлиц эшикни очди-ю, пешанснни қўли билан уриб, кулиб юборди:

— Ҳеч мия йўқ-да! Эсимни еб қўйганимни қара... Мен сендан уйқу дори сўрагани келган эдим-ку. Ҳа, худди шу дорини деб келгандим. Сенда Швециядан келтирилган ажойиб уйқу дори борлигини ҳамма билади...

Энг кейин айтилган гап ёдда қолади — бу нарсага Штирлиц худди математик исботга ишонгандек ишонарди. Суҳбатга киришиб кетиш муҳим нарса, суҳбатдан чиқиб кетиш санъати ундан ҳам муҳимроқ. Энди, ўйларди Штирлиц, бирон кимса ҳузурига ким ва нима учун келганини сўраса, у, Штирлиц келганди ва швед уйқу дорисидан сўраган эди, деб жавоб берishi тайин. Рольф бошқарманинг ярмини уйқу дори билан таъминлаб турарди, унинг амакнси фармацевт эди.

... Энди, Рольф ҳузуридан чиққач, Штирлиц жуда ҳам ғазабланганлигини кўрсатиши керак. У Шелленбергийнг хонасига чиқиб, бундай деди:

— Бригаденфюрер, бетобман деб (аслида ҳақиқатан бетобман) ўн кунга санаторийга рухсат олмасам бўлмайдиганга ўхшайди — бўлмаса ҳолдан кетаман...

Разведка шефига шу сўзларни айтаётгандага унинг

ранги кесак бўлиб кетди. Ҳозир Қэтнинг тақдирин ва, бинобарин, унинг тақдирин ҳам ҳал қилиниши керак. Аммо унинг ранг-рўйин шу сабабдан ўзгарди, деб ўйламанг. Бу ерда Қэтнинг қандай азобларга тушишини биларди: сўроқ бошланғандан кейин тўрт соат ўтиши билан янги туғилган чақалоқнинг миясига тўппончани тўғрилаб, агар ҳаммасини айтмасанг болангни отиб ташлаймиз, деб қўрқитадилар. Бу Мюллер отанинг эски қилиқлари, пўписалари эди: чунки улар шу пайтгача биронта боланинг миясидан отмаганлар. Улар раҳм-шафқат юзасидан болани отмасдилар, деб ўйламанг. Мюллernerning одамлари қўлидан бундан баттарроқ ишлар ҳам келарди. Иўқ, улар бола отиб ўлдирилганидан кейин онасининг мияси айниб, бутун операция чиппакка чиқиши мумкинлигини тушунадилар. Аммо уларнинг бундай пўписаси натижасиз қолмасди.

Агар Қэт унинг ҳақида галириб берса, бошига қандай азоблар тушиши мумкинлигини у жуда яхши англарди. Аммо унинг ранги шу сабабли ўзгариб кетди деб ўйламанг. Бунинг сабаби оддий: у дарғазаблик ролини ўйнади, унинг руҳи танасини ўзига шунчалик аниқ ва бутунлай бўйсундирган эдики, бундай ўйғунликка эришиш улуғ артистларгагина хос эди. Ҳақиқий разведкачи актёр ёки ёзувчининг ўзгинасиdir. Разведкачи ана шуларга хос қонунга: ўз ҳақиқатини яратиш қонунига биноан яшайди. Артист саҳнада ўхшатиб ўйнай олмаса, унинг баҳарасига ачиган помидор улоқтиришади, ёзувчи ҳақиқатни ёзмаса ва ёзгани мантиқ-қа мос келмаса танқидчиларнинг ҳажв ва нафрат тўла кулгисига учрайди. Лекин разведкачи шундай қилгудек бўлса ўлимга маҳкум этилади.

— Нима гап ўзи?— ҳайрон бўлиб сўради Шелленберг.— Сизга нима бўлди?

— Ҳайрон қолиб ўзингиздан кетиб ўтираманг, лекин биз ҳаммамиз Мюллernerning тузоғига тушибмиз. Кеча Фридрихштрасседа кетимга тушиб аҳмоқлик қилган бўлсалар, бугун ундан баттарини қилибдилар: афтидан, актив иш олиб борган рус радиостини топиб олибдилар. Мен саккиз ой давомида ана шу передатчикни излаб юрибман-у, аммо бу ишни мен қолиб, радио ишини унчалик яхши тушунмайдиган Рольфга топширибдилар!

Шелленберг дарҳол телефон трубкасини олмоқчи бўлди.

— Керак эмас,— деди Штирлиц.— Ҳожати йўқ. Разведка билан контрразведка ўртасида одат бўлиб қолган гап-сўзлар бошланиб кетади. Керак эмас. Яхшиси менинг ўша рус аёли олдига боришимга, уни ҳуэуримга олиб келиб, жилла бўлмаса биринчи сўроқни олиб боришимга рухсат этинг. Мен, мақтанчоқлик бўлса ҳам, сўроқни Рольфдан яхшироқ олиб бораман. Шундан кейин уни Рольфга топшираверсинлар — мен учун шуҳратпарастлик эмас, иш муҳимроқдир.

— Бораверинг,— деди Шелленберг,— мен ҳар эҳтимолга қарши рейхсфюерга қўнғироқ қиласман.

— Яхшиси, олдига киринг,— жавоб берди Штирлиц.— Менга бу ими-жимида ишлар унчалик ёқмай турибди-да.

— Бораверинг,— қайтарди Шелленберг,— ишингиизни бажаринг. Кейин анави руҳоний ҳақида гаплашамиз. Эрта-индин у бизга керак бўлиб қолади...

— Бирданига икки ишни бажара олмасман?

— Бажара оласиз. Разведкачи ё дарҳол таслим бўлади, ёки ҳеч вақт таслим бўлмайди. Фақат баъзан Мюллер каллакесарлари маҳсус чоралар кўрганларидагина уларнинг иродаси синиши мумкин. Дастлабки соатларда ҳаммасини аниқлаб оласиз. Агар ўша хоним лом-лим демаса, уни Мюллерга топшираверинг — қийналиб бош қотираверсинлар. Агар хоним гапира бошласа бу ютуқни ўз ҳисобимиизга ёзиб қўямин-у, баварияликни доғда қолдирамиз!

Шелленберг жаҳли чиқиб турган пайтларда энг ёмон кўрган кишиларидан бири — гестапо шефи Мюллernи ана шундай деб атарди.

Госпиталь қабулхонасида Штирлиц СС нишонини кўрсатиб, тўпла-тўғри Кэт ётган палатага кириб борди. Кириши билан Кэт унга тикилиб қолди, кўзларига ёш олиб, Штирлиц томон интилди, аммо у диктофон борлингидан чўчиб,— ҳаво кириб-чиқиб турадиган иккита тешик аппарат ўрнатиш учун жуда қулай жой эди,— Кэт оғзини очишга улгурмасданоқ бундай деди:

— Фрау Кин, отланинг. Сиз ютқаздингиз, разведкачи ютқазганда ҳам ўзини муносиб тутиши керак. Сиз ўз сўзингизда тураверишингизни биламан, аммо бундай қилиш ақлдан эмас. Қирқта шифровкангиз қўлимиизга

тушди. Ҳозир кийимингизни олиб келишади ва мен билан жўнайсиз. Агар биз билан ҳамкорлик қиласангиз ўзингиз ва болангизнинг омон қолишига кафил бўла оламан. Агар тиҳирлик қиласангиз ҳеч нарса ваъда қила олмайман.

Штириц санитарканинг Кэтнинг пальтоси, костюми ва туфлисини олиб келишини кутиб турди. Кэт унинг атайлаб шундай қилаётганини пайқаб:

— Балки, кийиниб олгунимча чиқиб турарсиэ? — деди.

— Йўқ, чиқа олмайман,— жавоб берди Штириц.— Мен тескари қараб, гапимни давом эттиравераман, сиз эса жавобни ўйлаб туринг.

— Мен сизга ҳеч қандай жавоб бера олмайман,— деди Кэт,— гапирадиган талим йўқ. Нима бўлганини тушунмаяпман, ҳали анча мазам йўқ. Менимча тушумовчилик тезда аниқланади... Ахир эрим — офицер, уруш инвалиди...

Кэт беҳад хурсанд эди. У ўзининг яқин одами билан учрашди, эндиги синовлар қанчалик мураккаб бўлмасин, энг даҳшатли нарса — ёлғизлик — ўтиб кетганингига ишончи комил эди.

— Фойдаси йўқ,— унинг гапини бўлди Штириц,— сизнинг передатчигингиз қўлимиизда, радиограммалар ҳам қўлимиизда, биз улар мазмунини ечдик, буларнинг ҳаммаси инкор қилиб бўлмайдиган исботдир. Сиз битта нарсага: биз билан ишлашга рози бўлсангиз бас. Маслаҳат, менинг таклифимга рози бўлинг,— деди Штириц ўғирилиб қарап экан, у гапимга яхшилаб тушуниб ол ва шунга қараб иш тут, деган маънода кўзлари билан ҳар хил имо-ишоралар қиларди,— биринчидан, оз бўлса ҳамки, нималарни билсангиз шуни айтиб берасиз, иккинчидан, менинг таклифларимни қабул қилиб, фурсатни қўлдан бой бермай, икки-уч кун ичидা биз учун ишлай бошлайсиз...

Штириц машинада гапирниш ярамаслигини биларди: Мюллер кетингизга тушган эмасман, машинани адаштиришибди, деб ишонтирмоқчи бўлганига қарамай, орқада уларни кузатиб юрган автомобиль бор. Унинг машинасига эса гапларни ёзиб оладиган аппарат ўрнатилган бўлиши мумкин. Шунинг учун асосий нарсалар ҳақида коридорда гаплашиш мумкин эди. Аммо асосий нарсани Кэт шу ерда тинглаб, тушуниб олиши мумкин

эди. Коридордан ўтиш учун икки минут кифоя эди, у палатага кўтарилаётганда қанча вақт кетишини ҳисоблаб олганди.

Санитарка болани олиб келиб:

— Бола тайёр,— деди.

Штирлиц шу сўзларни эшилгач, эти жимиirlab кетди: нораста гўдак ҳозир гестапога, турмага кетаётганиги учун эмас, балки аксинча, у аёлиинг, тирик одамнинг (эҳтимол у ҳам онадир), бепарволик билан: «Бола тайёр...» деган даҳшатли сўзларини эштиб шундай бўлди.

— Болани кўтаришга қийналасиз,— деди санитарка,— машинагача кўтариб чиқаман.

— Керак эмас,— жавоб берди Штирлиц,— боравенинг. Фрау Кин боласини ўзи кўтаради. Коридорга касаллар чиқмасин, шундан хабардор бўлиб туринг.

Санитарка чиқиб кетди, Штирлиц эса эшикни қия очиб, Кэтни олдинга ўтказди. У Кэтнинг қўлтиғидан ушлаб ёрдамлашди, аммо Кэтнинг қўли титраётганинн сезиб, болани кўтариб олди.

— Гапимга қулоқ сол, қизалоқ,— деб секин гапира бошлади Штирлиц оғзидағи сигаретани маҳкам тишлаб,— улар ҳаммасидан хабардор...

— Сигаретани ташла, боланинг кўэига тутун кирмасин,— илтимос қилди Кэт.

— Мумкин эмас,— деб жавоб берди у,— бир минутлик гап. Буниси ҳолва ҳали. Диққат билан тингла. Улар бизниклар учун информация бера бошлайдилар. Савдолашавер, бола ёнингда бўлишини, кафолот беришларини талаб қиласавер... Болага келганда ироданг букилган қилиб кўрсат ўзингни: улар бизнинг гапимизни ёзиб олишлари мумкин, шунинг учун кабинетимга борганда бу ролни боплаб ижро эт. Шифрни сен билмайсан, ҳали радиограммаларимиз мазмунини очолганиларича йўқ. Шифрни тайёрловчи Эрвин эди, сен эса фақат радиостан.- Қолганини менга қўйиб беравер. Эрвин резидент билан учрашгани Кантштрассе ва Рансдорф томонга борарди, кимлигини билмасдим, дейсан. Эрвин ҳузурига Ташқи ишлар министрлигидан бир жаноб келиб туарди, дейсан. Машинада сенга унинг расмини кўрсатаман. Ҳамма гап шу. Тушундингми?

Ташқи ишлар министрлигидан деган кишиси шарқий бошқарманинг маслаҳатчиси Хайнц Корнер бўлиб,

у бундан бир ҳафта олдин автомобиль фалокатига учраб ҳалок бўлган эди. Бу албатта сохта из, аммо гестапо бу из кетидан қувиб, ўн-ўн беш кун вақтини йўқотиши турган гап. Ҳозирги вазиятда эса ҳар бир кун ғанимат...

Орадан беш соат ўтгач, Рольф рус радиостининг «Шарине» касалхонасидан ғойиб бўлганлиги ҳақида Мюллерга хабар қилди. Мюллернинг ғазаби қўзиди. Яна икки соатдан кейин унга Шелленберг телефон қилиб бундай деди:

— Салом, дўстим... Штириц бир совға тайёрлайти: у бизнинг фойдамизга ишлашга рози бўлган рус радиостини олиб кетибди. Рейхсфюрернинг ўзи ана шу муваффақият билан табриклиди.

Шифр сири очилмаганлиги Штирицга маълум эди. Амалда бу сирни очиб бўлмас, чунки бу унинг шахсий шифри бўлиб, гестапода эса уни очадиган калит йўқ эди. Марказдан Штирицга юборилаётган радиограммаларнинг калити бошқача бўлиб буни радиостининг билиши шарт эмасди; уни фақат шифрни аниқловчи кишигина билиши шарт эди, аммо эндиликда у ҳам айттолмайди буни, чунки у уй вайроналари остида қолганди.

Штириц Шелленберг ҳузурида, унинг Мюллер билан телефон орқали қилаётган ҳазилига қулоқ солиб ўтирас экан, хаёлга ботиб: жанговар сафдошинг — Катенька Козлова, Қэт Қни, Инга, Энрикени бу ерга, турмага олиб келишга ҳаққинг бормиди, деб юз марталаб ўзига ўзи савол берарди. Тўғри, уни машинага ўтқазиб, ўз нишонини кўрсатиб Бабельсбергга олиб бориши, кейинроқ эса квартира топиб бериши ва янги ҳужжатлар билан таъминлаши ҳам мумкин эди. Унда Қэтнинг ҳаётини сақлаб қолиш эвазига Марказ томонидан планлаштирилган, юз минглаб рус солдатлари учун жуда муҳим бўлган, Европанинг келажагига у ёки бу дараҷада таъсир этиши мумкин бўлган операцияни барбод қилган бўлар эди. Қэт госпиталдан қочиб кетгандан кейин бутун гестапо оёққа туришини Штириц яхши тушунарди. Қочиш муваффақиятли чиққан тақдирда ҳам маҳфий полиция нишони, машинаси номери, ташқи кўриниши каби ҳамма далиллар уни фош қилиши аниқ

эканини ҳам тушунарди. Унинг ўзи ҳам яширинча ишлашга ўтишга мажбур бўларди, бу эса бутун нш барбод бўлди деган гап эди. Кэт учун гестапо фойдасига ишлашга розиллик бериб, гестапонинг яширин квартиralаридан бирида яшашдан кўра сиртдаи қарагандада энг ишончли бирон-бир яширин уйда яшаш хавфлироқ эди. Гестапонинг яширин уйларнда сотқинлик қилиб, ўзларининг эски хўжайинларига қарши ишлашга рози бўлган агентларга муносабат анча дуруст эди. Штирлиц таваккал иш қилаётганинги тушунарди. Фашистларнинг тақдирни ҳал бўлиб қолганлиги учун Мюллер жаллодлари камоқхонага тушганларни шафқатсиз ва ваҳшийлик билан йўқ қилиш йўлига ўтиб олишларини ҳам яхши тушунарди у. Шунинг учун ҳам у аввало Кэтга, мени Россия билан боғлайдиган ҳеч нарса қолмади, эрим ҳалок бўлди, энди ҳар қандай вазиятда бошлиқларим қўлига тушмаслигим зарур, деган шарт қўйиши кераклигини айтди. Бу Кэтни гестапо қўлига топширишлари мумкин бўлган тақдирда ишлатиладиган вариант эди. Агар Штирлинининг Кэтни доим ўз қўлида сақлаб тура олишига ишончи комил бўлганда, у бунчалик ташвишланиб, юз марталаб ўзига ўзи тўғри қилдимми ёки йўқми, деган саволни беравермасди. Кэт унинг қўлида бўлса, СС муҳофазаси остидаги яширин «радиоквартрага» жойлаштириб, пайти келганда уни ўғли билан қочириб юборарди-ю, уларни ҳеч ким топа олмасди. Ҳозир эса фронтдаги аҳвол фожиали бўлишига, мамлакат марказида қочқинлар тўлиб кетганлигига қарамай, гестапо аниқ ва равон ишлашни давом эттиради: бир киши иккинчи кишини чақиб юарди, иккинчиси эса чақимчиси устидан хабар етказиб турарди. Германиянинг махфий полицияси нимадан иборат эканлигидан бутунлай бехабар содда кишиларгина ана шу бўтана сувдек шароитда ҳеч қандай тўсиққа учрамай қутулиб кета оламан, деб ўйлаши мумкин эди.

Мюллер рус радиости биринчи марта сўроқ қилинган материаллар устида уч соат бош қотирди. У Штирлиц юборган ёзувлар билан СС штандартенфюрери фон Штирлиц кабинетидаги штепселга ўрнатилган магнитофон лентасига ёзиб олинган нусхани таққосларди.

Рус радиостининг жавобларида ўзгариш йўқ эди.

Штандартеинфюерернинг ёзилган саволлари билан рус радистига берган саволлари ўртасида анчагина фарқ бор эди.

— Штирлиц деганинг хўп устомон экап-да,— деди Мюллер Рольфга мурожаат қилиб,— радиостни қандай боплаб тайёрлаганини эшишиб кўринг.

Мюллер плёнкани қайтадан айлантириб, Штирлиц овози ёзилган жойдан қўйди:

— Москвада сизнинг қўлга тушганлигингиэни эшишлари биланоқ устингиздан ҳукм чиқаришлари турган гап эканлигини қайтариб ўтиришнинг ҳожати бўлмаса керак. Гестапо қўлига тушган одам ҳалок бўлмоғи лозим. Гестапо қўлидан ким омон чиқса — у киши хоин, фақат хоин бўлиши мумкин. Шундай эмасми? Бу — биринчиси. Озодликда қолган агентлар исмини сиздан суриштириб ўтирмайман — бу нарса унчалик зарур эмас: сизни излаб топмоқчи бўлиб, ўзлари сўёсиз қўлимга тушадилар. Бу иккинчиси. Тушунарли бўлса керак, инсон ва рейх офицери сифатида сизнинг аҳволингизга чин кўнгилдан ачинаман: агар биз фарзандингизни болалар уйига топширишга мажбур бўлсак, сизнинг она сифатида қанчалик изтироб чекишингиз мумкинлигини тушунаман. Бола онадан умр бўйи жудо бўлади. Мени тўғри тушунишингизни сўрайман, мен сизни қўрқитмоқчи эмасман, агар бу ишни қилмоқчи бўлмаганимда ҳам, ўзингизга маълумки, тепамизда бошлиқлар бор — болангизни кўтариб ўтирганингизни ўз кўзи билан кўрмаган кишиларга буйруқ бериш анча осонроқ. Демак, буйруқни бажармасдан иложим йўқ: мен солдатман ва менинг ватаним сизнинг мамлакатингиз билан уруш вазиятида. Ниҳоят, тўртинчиси. Ўз вақтида қўлимизга Олмаотада москвалик кино арбоблар суратга олган бир неча кинофильмларингизнинг нусхаси тушган эди. Ўша фильмларда немисларни аҳмоқ, ташкилотимизни эса жиннихона қилиб кўрсатганлар. Агар бу нарса тўғри бўлса, агар биз шунчалик аҳмоқ бўлсамиз, нега Кремль дарвозаси ва Волга остонаснга бориб қолган эдик...

... Суҳбатнинг шу жойига келганда Штирлиц Қэтга қараб кўзини қисиб қўйди (табиийки, Мюллер бунни сезмасди), ва Қэт унинг саволини тушуниб, жавоб берди:

— Ҳа, шундай, аммо Қизил Армия қисмлари ҳозир Берлин остонасида туриптилар.

— Тўғри. Бизнинг қўшинларимиз Кремль дарвозаси ёнида турганларида, сизлар Берлингача борамиз, деб ишонардинглар. Биз ҳам яқинда Кремлга қайтиб боришимизга ишонамиз. Майли, баҳслашиб ўтирумайлик. Гап очганимнинг сабаби бор — биздаги шифр топувчилар аҳмоқ одамлар эмас, улар шифрингиздаги кўп нарсаларни аниқладилар, сизнинг ишингизни — радиостлини ҳам бизнинг одамимиз бажариши мумкин...

Штирлиц яна Қэтга кўзини қисиб қўйди ва у жавоб қилди:

— Сизнинг радиостингиз менинг услубимни билмайди. Марказ эса менинг услубимни яхши билади.

— Тўғри айтасиз. Аммо биэда сиз юборган хабарлар плёнкага ёзиб олинган, шунга қараб ўз одамларимизни сизнинг услубингизга ўргатишимиш мумкин. У сизнинг ўрнингизда ишлайдиган бўлади. Шу билан узил-кесил фош қилинасиз. Ватанингизда сизни кечирмайдилар — буни ўзингиз яхши биласиз.

Штирлиц яна Қэтта қараб бошини қимирлатиб қўйди, аммо у ухлаётган боласини бағрига босиб, индамай ўтиради.

— Агар сиз ақллилик қилсангиз, мен раҳбарларингиз олдида гуноҳкор бўлмаслигингизни таъминлайман.

— Бундай бўлиши мумкин эмас,— деб жавоб берди Қэт, Штирлицнинг имо-ишорасини кутмай.

— Янгишяпсиз. Бўлиши мумкин. Сизнинг қамалганингиз биздаги биронта ҳужжатда қайд қилишмайди. Сиз менинг яхши дўстларим билан бир квартирада турасиз, у ерда қизчага ҳам яхши бўлади...

— Қиз эмас, ўғил...

— Кечирасиз... Кейинчалик ўз шерикларингизни кўришга мусассар бўлсангиз, эрим ҳалок бўлгандан кейин бир киши паролни айтиб мени топиб олди, дейсиз...

— Мен паролни билмайман...

— Биласиз,— қатъий гап қайтарди Штирлиц,— паролни биласиз, аммо уни айтишни сиздан сўрамайман, бундай романтиканинг ҳожати йўқ. Шундай қилиб, паролни айтган киши мени ана шу квартирага олиб келиб, телеграммалар бериб, Марказга юборишини буюрди, дейсиз. Бу сиз учун далил бўлади. Разведкачиларга бағишлиланган кино ва спектаклларда ўйлаб кўриш учун муҳлат берилади. Мен сизга муҳлат бера олмайман, розимисиз ёки йўқми, менга дарҳол айтинг.

Жимжитлик.

— Мюллер Рольфга қараб деди:

— Фақат бир ерда хато қилипти: боланинг ўғил ёки қизэллигида янгишилти, бошқаси жойида — жуда усталик билан сўроқ қилган.

— ...Ҳа, майли,— секин, ҳатто пиҷирлаб жавоб берди Кэт...

— Эшитмаяпман,— деди Штирлиц.

— Ҳа, майли, деяпман-ку,— қайтарди Кэт.— Ҳа! Ҳа!

— Энди бошқа гап,— деди Штирлиц.— Лекин қизишманг. Ахир бизга қарши ишлашга розилик берганда, ўзингизни нималар кутиши мумкинлигини билгансиз-ку.

— Аммо менинг битта шартим бор,— деди Кэт.

— Қулоғим сизда.

— Эрим ҳалок бўлиб, ўзим эса қўлга олинганимдан кейин ватаним билан ҳар қандай алоқам узилди. Агар келажакда ҳар қандай шароитда ҳам менинг собиқ раҳбарларим қўлига тушмаслигимга кафолот бера олсангиз сизнинг фойдангизга ишлайман...

Кэт раиги оқариб, стулдан йиқилаёди. Штирлиц ёнига чопиб бориб, боласини қўлидан олишга улгурди. У навбатчини чақириб деди:

— Маҳбусни турма госпиталига жойлаштиринг. Муносабатни жойига қўйишин, бундан хабардор бўлиб туринг... Асаби бузилган, ўтиб кетади...

Штирлиц Шелленбергга бундай деди:

— Радист хотинни қўлдан бермаслигимиз керак. Борди-ю бой бериб қўйисак ўтакетган бепарволик ва аҳмоқлик қилган бўламиз. Пастор билан иш бошлай деб турган пайтимида айниқса зарур у. Агар сиз рейхсфюрернинг бизни қўллаб-қувватлашинга эриша олсангиз жуда ажойиб иш бўларди.

— Ҳаракат қилиб қўраман,— деб жавоб берди Шелленберг.— Ниманн баҳона қиласми?

— Баҳона кўп,— деди Штирлиц елкасини қисиб.

— Португалия орқали инглизларга соxта инфомрация юбориб, ўзимиз учун фойдали инфомрацияни Москвага бериб турсак: миялари ачиб кетади,— деди хаёл суреб Шелленберг.— Қалай, сизга ёқадими?

— Анча қалтис иш... Аммо — қизиқ.

— Майли ўйлаб кўрамиз. Сизни муваффақият билан табриклайман, Штирлиц, Мюллнернинг адабини бериб қўйдик. Жуда ажойиб иш бўлди.

Штирлиц атом тадқиқотлари соҳасидаги ишлар ҳажмини аниқлашни ўзининг энг асосий вазифаси ҳисобласа ҳам, охиригача аниқлаши лозим бўлган масалалар худди шу соҳада ётганлигига ишонса ҳам, бу ишларнинг ҳаммаси — у қанчалик идрокли бўлмасин — бир кишининг қўлидан кела олмаслигига ақли етарди.

Шунинг учун Штирлиц алоқа йўқлигидан кўп ташвишга тушди. Душман томон кўпинча разведкачининг ана шундай ҳолатини ташаббусизлик, масъулиятдан қочиш, мустақил равишда фикр қила олмаслик, қатъий қарор қабул қилишдан қўрқиň ҳолати деб ўйлади. Аммо аслида бу нарса, бир томондан, разведкачининг ихтинос даражаси юксаклигини кўрсатса, иккинчи томондан, ғоявий иродаси букилмаслигидан далолат беради. Яширин иш кўрадиган чинакам разведкачи Марказдан кўрсатма бўлмаса вақт бекор кетниши ва бефойда, қалтис йўлга тушиб қолиши мумкинлигини тушунади, чунки разведкачи алоқа боғламай туриб, ўзи учун белгилаб олган вазифа ер куррасининг бошқа жойида, бошқа вақтда, бошқа одам томонидан аллақаҷон бажарилган бўлиши мумкин. Разведкачи чет элда яшаб, Марказ билан алоқа қилиб турмас экан, ўз ишининг қанчалик мұҳим ва самаралиги ҳақида тўла тасаввурга эга бўла олмайди.

Штирлиц чет элда ўтказган йиллари мобайнинда Марказдан олиб турадиган шифровкаларнинг ҳамманизик томонларини пайқаб оладиган бўлди.

Штирлнцнинг Борманга қилган ҳужумидан қандайдир иоаниқ сабабларга кўра натижা чиқмаганидан кейин Москва билан алоқа боғлаш зарур бўлиб қолди. У ёрдам кутарди: унга Борман билан бевосита боғлиқ бўлмаса ҳам, унинг амакиваччасими, тоғаваччасими, энг узоқ қариндошими, танишими, ким бўлмасин барини, сал бўлса-да, алоқаси бор бир-икки одамнинг исми, бир-икки кишининг адреси зарур эди...

«Кечиқтириш ўлим билан тенг,— ўйларди у,— Бернга Плейшнерни ўтказиб юбормагунимча паstorнинг бо-

ришига йўл қўя олмайман. Борман билан учрашиш йўлини топмагунимча Плейшнерни юборишдан ҳам фойда йўқ. Марказдан ҳачон радиист юборишларини кутсам, камида бир ой ўтади. Ҳозирги шароитда бир ой кутиш ярамайди — бу ишлар бир-икки кунда, нари борса бир-икки ҳафтада ҳал бўлади.

Штирлиц Борманинг учрашувга келмаганилиги сабини қидира бошлади. Биринчидан, хат унинг қўлига бориб тегмаган бўлиши мумкин. Хат Гиммлернинг одамлари қўлига тушган бўлиши жуда қийин. У хатни шахсан Борманга юборилаётган маҳфий корреспонденциялар орасида жўнатган эди, шунинг учун хатни ўғирлаш жуда қийин, чуники бутун почта рейхсфюрер секретариатининг маҳфий бўлими ходими томонидан текширилиб бўлингач, қўшиб юборганди. Шунга қарамай, Штирлиц хатнинг ўғирланган бўлишини ҳисобга олган эди. Иккинчидан, Штирлиц жўнатилган хатни анализ қилиб, бир неча муҳим хатоларга йўл қўйганини англади.¹ Унда яхши бир туғма хусусият бор эди — у ҳар вақт қилган ишини, суҳбатини, ёзган хатини дарҳол анализ қила бошларди ва йўл қўйган хатоларидан юз ўғирмай, «ўтиб кетар» деб ўтирмай, шу хатолар оқибатида рўй бериши мумкин бўлган вазиятдан чиқиб кетиш йўлини қидира бошларди. Жўнатилган хат унинг шахсан ўзи учун ҳеч қандай хавф туғдирмасди: хатни бомбардимон пайтида экспедициядаги машинкада босган эди. Афтидан, Борман даражасидаги кишилар учун хатда лаганбардорлик кўп-у, фактлар въ шу фактлардан келиб чиқадиган зарур таклифлар кам эди, деган хулосага келди Штирлиц. Тоталитар давлатда давлат тепасида турган арбобларининг ақл-идроқи шажаранинг пастки қисмларида турган кишиларнинг ақл-идроқидан доим фарқ қиласди. Амалда ҳеч ким назорати остида бўлмаган қарорларни қабул қилишдек катта масъулият Борман каби давлат арбобларини қўя остидаги кишилар билан зарур пайтлардагина суҳбатлашишга мажбур қиласди. Уларга айтилган фактлар хали номаълум ва давлат нуқтаси назаридан арзигудек бўлган тақдирдагина шундай суҳбатларга журъат этардилар. Аммо, иккинчи томондан, мулоҳазасини давом эттириди Штирлиц, Борманга Гиммлерни обрусиизлантира оладиган майда-чуйда материаллар ҳам зарур. Гиммлер билан Борман ўртасидаги бу кураш инмадан бош-

ланганлигини Штирлиц яхши биларди. Аммо нега бу кураш ҳозирги кунда тобора ашаддийлашаётганлигига жавоб бера олмасди. Ниҳоят, учинчидан, Борман бирон иш билан банд бўлиб учрашувга кела олмагандир, деб ўйлади Штирлиц. Борман икки ёки уч марта ана шундай учрашувга келиш ҳақидаги илтимосларга рози бўлган. Штирлиц буни Борманинг телефон орқали гаплашган гаплари ёзиб олинган мъълумотлардан аниқ биларди. Ҳолбуки, партия ва ҳарбий аппаратлардаги мансабдор кишилардан ҳар куни йигирма-ўтизи қабул этиш илтимоси билан Борманга мурожаат қилиб турарди.

«Бошдан охиригача соддадиллик қилибман,— деган ҳуросага келди Штирлиц.— Мен кўр-кўрони йўл тутибман. Қоида бўйича иш қилмабман. Ҳуллас, бемаъни иш бўлди. Буни тузатишнинг иложи борми? Аслини олганда — иложи бор, лекин амалда қандай бажарса бўларкин?»

Тревога сиренаси увиллай бошлади. Штирлиц соатига қаради: соат ўн эди. Бугун кун ботаётганда осмон қон каби қип-қизил эди. Демак, тун совуқ бўлади. «Атиргулларимни совуқ уриб кетадиган бўлди-да,— ўйларди Штирлиц, юқорига кўтарилар экан.— Кўчаларни эрта ўтқазибман, ахир совукнинг шунчалик чўзилиб кетишини ким билиди дейсиз».

Бомбалар яқин жойга тушмоқда.

«Таваккал,— деди ўзига ўзи Штирлиц,— бункерга боравераман. Осмондагилар менинг идорамни портлатиш пайида бўлсалар керак. Шундай пайтда кафангча жо бўлиш алам қиласди».

У кабинетидан чиқиб ҳеч зот йўқ коридордан бункерга олиб борадиган зинапоя томон юра бошлади. Беихтиёр алоқа пункти эшиги олдида бир оз тўхтаб қолди. Аввал у нега тўхтаганини тушунмади, кейин дарҳол пайқаб олди: эшикда калитни қолдириб кетибдилар.

Штирлиц қошини чимириб, шошилмай коридорга назар ташлади: ҳеч зоғ йўқ, ҳамма бункерга жўнаган. Эшикни елкаси билан итариб кўрди, лекин очилмади. Калитни бураб хонага кирди. Деразалар қалин пардалар билан ёпилган бўлса ҳам, чироқ ўчирилган эди. Штирлиц тимирскиланиб чироқни ёқди. Бошқа телефонлар орасида иккита оқ телефон дарҳол кўзга ташланиб турарди: бу телефонлар тўғридан-тўғри фюрер бункери

ва Борман, Геббельс ҳам Кейтель кабинетлари билан боғланган эди.

Штирлиц коридорга мўралади: у ерда ҳамон ҳеч ким йўқ эди. Яқин жойга бомбалар тушарди, деразалар зарба остида дирилларди. Эшикни ёпайми ёки ёпмайми деб бир дақиқа ўйланиб қолди.

Кейин у аппарат ёнинг бориб, 120054 рақамини терди.

— Борман,— трубкандан йўғон ва кучли овоз эшилди.

— Хатимни олдингиэми?— деб сўради Штирлиц, овозини ўзгартириб.

— Ким бу?

— Сиз мендан — содиқ партия аъзосидан шахсан хат олишингиз керак эди.

— Ҳа. Салом. Қаердан гапиряпсиз? Тушундим... Тушундим... Машинам номери...

— Биламан,— деб гапни бўлди Штирлиц.— Рулда ким бўлади.

— Бунинг аҳамияти борми?

— Ҳа. Шофёрларингиздан бири...

— Ҳабардорман,— гапни бўлди Борман.

Улар бир-бирларини дарҳол тушуниб олдилар: Борман унинг телефон орқали гапирган ҳамма гапларини тиңглашларидан Штирлицнинг ҳабардор эканлигини пайқаб олди, демак у билан гаплашаётган киши рейхнинг энг маҳфий сирларидан ҳабардор киши экан, деган ҳуносага келди. Штирлиц ўз навбатида тўмтоқ гаплари тагида нима маъно борлигини Борман тушуниб олганлигини пайқади ва демак иш жойидалигига ишонди.

— Учрашмоқчи бўлган жойимизда сизни кутиб турдилар. Эртага, сиз белгилаган вақтда.

— Ҳозир,— деди Штирлиц.— Илгари белгиланган вақтдан икки ярим соатни олиб ташланг ва ҳозиргига қўшинг.

— Ҳайль Гитлер!— деди Борман ва телефон трубкасини қўйди...

Штириц машина ёнидан ўтди. Машинанинг орқа ўринидигида Борман ўтиради. Ўзини ҳеч ким кузатмаётганини кўриб, Штириц яна қайтиб келди ва машина эшигини очиб, деди:

— Партайгеноссе Борман, ишонч билдирганингиз учун беҳад миннатдорман...

Борман Штирицига диққат билан қараб, қўлини қисиб қўйди.

— Кетдик,— деди у шофферга,— Ванзее томонга юринг.

Кейин у шоффер билан оралиқдаги ойнани бекитди.

— Сизни қаерда кўрганман?— деб сўради у, Штирицни диққат билан кузатиб.— Қани, ниқобингизни олинг-чи...

Штириц кўзойнагини олиб тиззасига қўйди, кейин шляпасини ҳам баланд кўтарди.

— Мен сизни аниқ қаердадир кўрганман,— яна қайтарди у.

— Тўғри,— деб жавоб берди Штириц,— менга крест тошираётганингизда сиз менга қараб, кўринишдан жосус эмас, балки математика профессорига ўхшар экансиз, деган эдингиз...

— Ҳозир эса профессор эмас, кўпроқ жосусга ўхшайсиз,— деб ҳазиллашибди Борман.— Ҳўш, нима гап, айтаверинг...

Бормани империя хавфсиалик бошқармаси бўлай боғлайдиган аппарат кечаси билан ишламади. Шунинг учун телефон гаплари ҳақидаги маълумотлар эрталаб Гиммлер столи устига қўйилганда, унинг аввал ғазаби қўзиди, кейин бир оз совиб, Мюллерни чақиртириди ҳамда унга ниҳоятда эҳтиёткорлик билан ҳукумат алоқа воситалари ўрнатилган маҳсус хонадан кечаси НСДАПнинг штаб-квартираси билан ким гаплашганлигини аниқлашни буюрди.

Кун бўйи Мюллер ҳеч қандай аниқ маълумот ололмади. Кечга яқин унинг столига Борманга қўнғироқ қылган кишининг телефон трубкасида қолдирган бармоқ изларининг нусхасини келтириб қўйдилар. У бир нарсадан ҳайратда қолди. Карточка шуни кўрсатдик, телефон трубкасидаги бармоқ излари бир неча кун олдин гестапога тушган рус радиисти передатчигидаги бармоқ изларининг ўзгинаси эди.

Борманинг бир вақтлар СС айгоқчиси бўлишдан бош тортган (унга Борманинг ўзи розилик берган эди) шофёри навбатчиликдан уйга қайтаётганда қамоқقا олинди. Уч соат давомида у ҳеч нима айтмай, Борман билан болганишин талаб қилаверди. Сўроқда қийноқ усулларини ишлата бошлаганларида у кечаси машинага қандайдир нотаниш киши ўтирганини айтиб берди. Лекин Борман билан нималар ҳақида гапиришганларини билмайди, чунки унинг ўтирган жойи ўқ ўтмас қалин ойна билан тўсилган эди. У машинага ўтирган киши қиёфасини оғзаки тасвирлаб берди. У, шляпасини қошигача бостириб кийганди, бурида йўғон гардишли қора кўзойнаги бор, мўйловлари оқарган киши эди, деди шофёр. Шофёрга икки юздан ортиқ фотосуратларни кўрсатдилар. Бу суратлар орасида Штирлицининг сурати ҳам бор эди. Аммо у суратда кўзойнаксиз ва мўйловсиз эди. Мўйловни тез ёпишириш ва керак бўлганда олиб ташлаш мумкин эди. Бундан ташқари сурат беш йил олдин олинган эди — маълумки беш йиллик уруш ҳаёти давомида одамнинг кўриниши албатта ўзгаради, баъзан таниб бўлмайдиган даражада ўзгаради.

Гиммлер Мюллердан текшириш ўтказаётганлиги ҳақидаги ахборотни олиб, унинг яширин равишда аппаратдаги ҳамма ходимларнинг бармоқ изларини олиш кераклиги юзасидан таклифини маъқуллади.

Мюллер, шунингдек, Борманинг шофёрини ўэ уйи олдида автомобиль фалокати уюштириб, йўқ қилишни ҳам таклиф этди. Гиммлер аввал зарур ҳисоблаган бу тадбирга розилик бермоқчи ҳам бўлди-ю, аммо ўзини тўхтатиб қолди. Гиммлер энди ҳеч кимга, жумладак Мюллера ҳам ишонмай қолган эди.

— Буни ўзингиз ўйлаб кўринг. Балки уни бутунлай қўйиб юбориш керакдир? — деди у, — Мюллериңг жавобини билиб турган бўлса ҳам, билмасликка олиб.

— Бундай қилиш мумкин эмас, у билан кўп иш олиб борилди.

Рейхсфюрер худди шу жавобни кутган эди.

— Бўлмаса билмадим,—деди афтини буришириб.— Шофёр софдил одам, софдил одамларни эса биз жазолай олмаймиз... Узингиз бирон нарса ўйлаб топинг...

Мюллер Гиммлер ҳузуридан газабланиб чиқди: рейхсфюрер Бормандан қўрқиб, айбни унга, Мюллера

қўймоқчи бўлгаплигини пайқади. Хўп, майли, унда мен ҳам ҳийла ишлатаман. Шофёр яшайверсин. Менга далилу гувоҳ бўлиши мумкин.

Гиммлер Отто Скорценини чақиртирди.

— Менга Борманинг архиви керак,— деди у.— Менга нима кераклигини тушуняпсизми, Скорцени?

— Тушуняпман.

— Бу дучени ўғирлашдан қийинроқ иш.

— Тўғри айтасиз.

— Аммо уни бажариш мумкинми?

— Билмадим.

— Скорцени, бундай жавоб мени қониқтирмайди. Борман шу кунларда архивни қаергадир жўнатишни мўлжалламоқда: уни қаерга жўнатади ва ким соқчилик қиласди — буни аниқлаш керак. Яширин равиша консультант тариқасида сизга Шелленберг ёрдам беради.

— Тушунарли, рейхсфюрер.

Фон Штирлиц пастор Шлагни чегарадан ўтказиш ҳақидаги ўз мулоҳазаларини Шелленбергга айтиб, тунги экспресс билан «стийнук тайёрлаш» мақсадида Швейцария чегарасига жўнади. У, Шелленберг каби, пасторни чегарадан ошкора ўтказиш кўнгилсиз гап-сўзлар чиқишига сабаб бўлади деб ҳисобларди. Бу операциядан гестапо хабардор эмасди. Агар устидан фош этувчи материаллар тўпланган ва қонунга хилоф равиша шахсан Шелленбергнинг буйруғи билан қамоқдан бўшатилган кишининг чегарадан ўтганлигидан гестапо хабардор бўлган чоғда ҳам унн сўзсиз Швейцарияга ўтказиб юборишли мумкин эди, аммо бошидан бошлаб уни назорат остига олишлари турган гап эди, бу эса плаштирилган «солдини олиш операцияси» вазифаларига тўғри келмасди. Шелленбергнинг мўлжалича Шлаг ўз ишини бажарнб бўлгандан сўнг «уни фош этиш»ни Штирлиц амалга ошириши лозим эди.

Ўтган кунлар давомида Штирлиц Шелленберг рухсати билан пастор учун фитиначи «помзодларни» қидириди: бундай кишилар ташқи ишлар министрлигидан ва Герингнинг люфтваффе штабидан бўлиши керак, деб ҳисобларди. У ана шу идораларда ишловчи, нацизм-

га жон-дили билан хизмат қилувчи ва гестапонинг чақимчилари бўлгани кишиларни кўз остига олиб қўйди. Буларнинг гестапога яширин хизмат кўрсатиб юрувчи кишилар эканлиги Шелленбергга жуда маъқул бўлди.

— Жуда яхши қилибсиз,— деди у,— келажакда керак бўлади.

Штирлиц саволомуз қараб қўйди унга.

— Шу маънодаки,— тушунтириди Шелленберг,— бу билан Фарбда кимки биздан ташқари сулҳ учун алоқа қидираётган бўлса, уларнинг ҳаммасини обрўсизлантирамиз. У ерда гестапо нима-ю, бизнинг идорамиз нима эканлигини яхши биладилар.

«Бу ҳақда ўйламаган эканман,— деди ичида Штирлиц.— Жуда уста одам-да, ўз ишини сув қилиб ичиб юборган, истиқболни яхши кўра билади. Йбрат учун раҳмат, Шелленберг. Аммо буни ҳам ўйлаб кўриш керак: Фарбда сулҳ тузишга тайёр турган кишилар топилиб қолгудек бўлса, улар Мюллэр эмас, шайтон билан ҳам апоқ-чапоқ бўлиб кетадилар».

Бу экспресс барча поездлардан урушдан аввалги қулагийликларини сақлаб қолгани билан ажralиб турарди — мўъжазгина купеларда сунъий эмас, ҳақиқий чарм тасмалар фичирларди, мис кулдонлар ва электр лампалар ялтиради, проводниклар аччиқ қаҳва ташиб турардилар — ана шу поездда амалда Скандинавия — Швейцария коридори бўйлаб фақат дипломатлар юришарди.

74-рақамли жой Штирлицники эди, кейинги вагондаги 56-рақамли жойни ранги-рўйи бир ҳолда, қандайдир бесўнақай фамилияли швециялик профессор эгаллаган эди. Агар ярадор бўлганидан кейин Италия фронтига қайтиб келаётган генерални ҳисобга олмаганда, Штирлиц билан шу профессор иккала ҳалқаро вагонни эгаллаган бирдан-бир йўловчилар эди. Генерал Штирлицнинг купесини очиб:

— Сиз немисмисиз? — деб сўради.

— Афсуски,— жавоб берди Штирлиц.

У раҳбарларнинг рухсати билан ҳазил гапларни гапиравериш ҳуқуқига эга эди. Ифво қилиш учун қалтис ҳазиллардан гапириш лозим. Агар сұхбатдошлардан бири чақадиган бўлса — раҳбарлар рухсати қутқариб қоларди. Агар чақимчилик қилмаса — бу киши билан

келажакда иш олнб бориш имконияти туғиларди. Бир вақтлар бу масала гестапода муҳокама қилинганды: ҳақоратли гапларга дарҳол зарба бериш керакми, деган савол туғилган эди. СД одамларнинг бир қисми бундай гаплар учун дарҳол адабини бериб қўйиш керак, чунки қўрқитиши энг яхши тозалаш воситасидир, деб ҳисоблардилар. Штириц ҳам тарафдор бўлган бошқа қисми эса иложи бор жойда одамларга иғволар ташлаб, уларнинг асл ниятини билиб олиш зарур, деб ҳисоблардилар.

— Нега афсуски деяпсиз? — қизиқди генерал.

— Чунки менга иккинчи марта қаҳва олиб келмадилар. Ростакам қаҳвани улар фжнабийлар паспорти бор кишиларга дарҳол келтирадилар.

— Шундай денг? Менга иккинчи марта олиб келиб беришиди-ку. Менда конъяк бор! Ичасизми?

— Раҳмат. Менда ҳам конъяк бор.

— Аммо сизда тузланган ёғ бўлмаса керак.

— Тузланган ёғ ҳам бор.

— Демак, таомимиз бир хил экан,— деди генерал, Штирицининг портфелдан олаётган нарсаларини кузатта туриб.— Унвонингиз қанақа?

— Мен дипломатман. Ташқи ишлар министрлиги учинчи бошқармасининг ходимиман.

— Демак, ҳамма сизларга лаънат ўқиётган эканда,— деди генерал ювинадиган кран ёнидаги креслога ўтирад экан.— Ҳаммасига сизлар айбордor.

— Нега эндн?

— Чунки ташқи сиёсатни сизлар белгилайсизлар, аҳволни икки фронт даражасигача олиб борган кишилар ҳам сизлар. Прозт!

— Прозит! Макленбургликмисиз дейман-а?

— Ҳа. Нимадан пайқадингиз?

— «Проят» деганингиздан. Шимолликларнинг ҳаммаси унли товушларни тежаб гапирадилар.

Генерал кулиб юборди.

— Бу галингиз тўғри,— деди у.— Менга қаранг, ке-ча сизни авиация министрлигига учратмаганимидим?

Штириц ҳушёр тортди: у кеча пастор Шлагни авиация министрлигига Геринг доирасига яқин кишилар билан алоқа «ўрнатиш» учун олиб борган эди. Агар бутун операция муваффақиятли чиққудек бўлса ва ке-

йинчалик Шелленбергнинг илтимоси билан «фитна» деталларини аниқлаш учун бу ишга гестапо аралаштирилган тақдирда, пастор авиация министрлигида ҳам, люфтваффеда ҳам, ташки ишлар министрлигида ҳам из қолдирмоғи лозим эди. Авиация министрлигида у ўз паспортини рўйхатдан ўтказиб, министрлик маслаҳатчиси Вальтер Шмидекропф ҳақида маълумот беришларини, ташки ишлар министрлигида эса Стокгольмда Фарб билан алоқа боғлашга биринчи бўлиб киришган доктор Кляйст номига хат қолдириди.

«Йўқ,— ўйларди Штирлиц, конъяк қуяр экан,— бу генерал мени кўрмаган бўлишин керак. Мен машинада ўтирганимда олдимдан ҳеч ким ўтмаган эди. Мюллер ортимдан генерални юбориши ҳам мумкин эмас — бу унинг иш усулига ўхшамайди, бунинг учун унда фантазия етишмайди».

— Йўқ, у ерга борганим йўқ,— деб жавоб қайтарди у.— Башарам жуда ғалати-да: ҳар ким мени яқинда аллақаерда кўргандек бўлаверади.

— Қиёғангиз умумий экан,— деди генерал,— кўп кишиларга ўхшайсиз.

— Бу яхшими ёки ёмонми?

— Жосус учун яхши бўлса керак, дипломат учун эса ёмон. Сизнинг соҳангизда эсда қоладиган қиёғалар керак.

— Ҳарбийларга-чи?

— Ҳарбийларга ҳозир кучли оёқ керак.

— Мия масаласи-чи?

— Миянинг нима кераги бор? Биз учун бошқалар ўйлајапти, биз фақат бажаришни биламиз, холос. Оёқ керак, ҳа оёқ зарур. Ўз вақтида қочиб қолиш учун.

— Нотаниш одам билан бундай гаплашишдан қўрқмайсизми?

— Менинг исми-шарифимни билмайсиз-ку...

— Буни аниқлаш осон, башарангиз жуда эсда қоладиган экан.

— Шундай денг? Менинг юзим одднй юзлардан деб юрадим. Бари бир, устимдан чақимчилик қилиб ёзиб боргунингизга қадар, иккинчи гувоҳ топилгунга қадар, анча вақт ўтади, унгача ҳаммамизнинг масаламиз ҳал бўлади. Айбланувчилар курсисига ўзимизниkilар эмас, бошқалар ўтқазиб қўядилар. Биринчи галда сизларни дипломатларни.

— Ўт қўйган, ўлдирган, қирғин қилган сизлар-ку, бизларни суд қилсингларми?

— Биз бўйруқни бажариб келдик. Ўт қўйганлар — СС одамлари. Биз жанг қилдик.

— Ҳеч қаерга ўт қўймай ва ҳеч кимни қурбон қилмай урушиш услугубини ўйлаб чиқардингларми дейман?

— Нима ҳам қилардингиз, уруш зарурат. Албатта бунчалик аҳмоқона зарурат эмас. Бу уруш юзаки уруш бўлди. У академияда ўқимай туриб, тахминан уруш қилавериш мумкин деб ўйлади. У, бизга нималар кераклигини фақат ўзим биламан, деб ўйлади. У улуф Германияни фақат ўзим севаман, қолганлар эса уни боши яғир большевик казакларга сотиб юборишдан бошқа нарсани ўламайдилар, деб ҳисоблади.

Штириц кулиб юборди:

— Боши яғир казаклар бўлмаган нарса-ку!

— Қизиллардан ҳамма нарсани кутиш мумкин. Америкаликлар ҳам улардан баттар. Мен бир йилдан бери улар билан уруш қилмоқдаман. Бу тентаклар ўзлари яратган техниканинг қурбони бўлиб кетадилар: улар урушни осмондан туриб бомба ташлаш билан ютиш мумкин деб ўйлайдилар. Прозт!

— Прозит...

О— Улар техника қудратини кучайтиравериб шу техника ичидаги ўзларини фарқ бўладилар. Шу техника уларни занг егандек еб ташлайди. Қўлимиздан ҳамма нарса келади деб манманлик томонига ўтиб оладилар. Қизиллар ваҳший, қашшоқ бўлганликлари учун шундай деб ўйласалар, америкаликлар бой бўлганликлари туфайли шундай деб ўйлайдилар. Ана шунинг учун уруш заруратдир... О

— Гапингизда мантиқ йўқ,— деди Штириц ўз фикрини билдириб,— тезисда нималардир етишмаяпти.

— Ҳаммаси жойида. Давлат ҳам одамга ўхшаган бир нарса. Унга бир жойда қотиб қолиш ёқмайди. Чегаралар унинг учун торлик қилиб қолади. У ҳаракат қилмоғи зарур — буниси турган гап. Ҳаракат деганингиз — урушдир. Аммо сиз, лаънати дипломатлар яна янглишасиз, биттангизни қолдирмай йўқ қилиб ташлайдилар.

— Биз бўйруқни бажардик. Биз ҳам сизларга ўхшаган солдатлармиз... Фюрер солдатларимиз.

— Муғамбирлик қилманг. Фюрер солдатлари

эмиш,—мазах қила бошлади генерал Штирлицни.— Генерал этигини ўғирлаб олган солдатларсиз...

— Генерал, сиз билан гаплашиш даҳшат-ку!..

— Ёлғон гапирманг. Менинг гапларимни ҳозир бутун Германия гапирмоқда... Қолаверса, бутун Германия шундай деб ўйламоқда.

— Гитлерюгенддаги болалар-чи? Улар рус танклари тагига ташланаётганда шундай деб ўйлайтиларми? Улар «Хайль Гитлер!» деб ўзларини қурбон қилмоқдалар...

— Фанатизм ҳеч вақт узил-кесил ғалабага олиб келмайди. Фанатизм кишини ҳолдан тойдиради. Кейин чалик ана шу фанатизм енгилгандарнинг миясига ва хулқ-авторига сингиб кетади. Фанатиклар дастлабки пайтлардагина ғолиб чиқишилари мумкин. Аммо ғалабани ҳеч вақт қўлда сақлаб қола олмайдилар, чунки ўзларини ўзлари чарчатиб қўядилар. Проэт!

— Прозит... Нега бўлмаса сиз ўз дивизиянгизни қўзғатмайсиз...

— Корпусни...

— Унда яна ҳам яхши. Нега бўлмаса корпусингиз билан бирга асир тушмаяпсиз?

— Оилам нима бўлади, штабдаги фанатиклар-чи? Иттифоқчилар лагерига тушишдан кўра, хомхаёл ғалабага ишониб, урушиш осонроқ деб ўйлайдиган қўрқоқлар-чи?..

— Сиз буйруқ қилишингиз мумкин...

— Улишга буйруқ бериш мумкин.. Омон қолиб, душманга таслим бўлинглар деган буйруқ берилмаган ҳеч вақт. Бундай буйруқни ёзишига ўргатмаганлар... Ер юзидаги биронта армияда ўргатмаганлар. ⚡

— Борди-ю, сизга ана шундай буйруқ беришса-чи?..

— Ким беради? Асаби бузук телба берадими? У ўз кетидан бизни ҳам гўрга тортияти: чунки ёлғиз ўлиш даҳшатли, ёппасига ўлиш ҳеч гап эмас, ҳазил-мазах билан ўлиш мумкин.

— Буйруқни Кейтель берса-чи?

— Унинг боши ўрнидан думба ўсиб чиққан. У ҳарбий эмас, котиб.

— Хўп, яхши... Италиядаги бош қўмондонингиз-чи?

— Кессельрингми? У ҳеч вақт бунга журъат қила олмайди.

— Нега?

— У Геринг штабида тарбия олган. Бирор доҳий қўл остида ишлаган одам ташаббускорликни албатта йўқотади. Устомонликни ўрганиши, яхши таҳлилчи бўдиши мумкин, аммо масалани мустақил ҳал қилиш қобилиятини йўқотади. У бундай қадам қўйиш олдидан, албатта тўнғиз ҳузурига бориб, маслаҳат сўраб келади.

— Кимнинг олдига дедингиз?

— Тўнғиз олдига,— яна қайтарди жаҳл билан генерал.— Геринг олдига.

— Герингнинг рухсатисиз Кессельрингни бунга кўнидириш мумкин эмаслигига ишонасизми?

— Ишонсам гапирмас эдим.

— Истиқболимизга ишонмайсизми?

— Истиқболга ишонаман... Яқинда ҳалок бўлиш истиқболимизга ишонаман... Ҳаммамиз ёппасига ҳалок бўлишимиз истиқболига... Бунинг қўрқинчли жойи йўқ. Ҳамманинг бараварига ҳалок бўлиши қўрқинчли эмас. Бу ҳалокат шунчалик даҳшатли бўладики, унинг хотираси бебаҳт немисларнинг кўпгина авлодларининг дилини доғлаб юради...

— Генерал шу гапларни айтди-ю, йиғлаб юборди. Унинг юзи қотиб қолганди, биронта жойи қимирамасди, фақат кўэидан ёш оқиб турарди. Генерал йиғласа ҳам, тетик овоз билан галини тамомлади:

— Мен болаларимга, Германиядаги ҳар қандай демократияга лаънатлар бўлсин, деб васият қнлдим. Мамлакатда ҳар қандай демократия фақат битта нарса: майдадўкондорлар диктатурасига олиб келиши мумкин. Эркинлик қанча кўп бўлса, биз шунчалик СС, маҳфий полиция, концлагерлар ва ёппаснга ваҳима бўлишини истаб қоламиз. Шуларга эришгач, ўзимизни хотиржам сезамиз. Ватан тақдирни ҳақида ўз нуқтани назарингни ёқлашингнинг ҳеч ҳожати йўқ, сендан ҳеч қандай масъулият талаб қилинмайди — сен учун буларни бажариб келаётган киши шарафига қўлингни тик кўтариб: «Хайль Гитлер!»— деб қичқирсанг бас, ҳамма нарса жой-жойига тушади-қўяди, ҳеч ташвиш тортмайсан...

Исми бесўнақай швециялик профессор ўз купесида тун бўйи нималарнидир ёзиб чиқди.

Штирлиц чегарадаги станцияда вагондан тушди. Ге-

непал унпнг олдидан ўтар экан, ерга қараб қўлини кўтариб:

— Хайль Гитлер! — деб бақирди.

— Хайль Гитлер, — деб жавоб берди Штирлиц. — Душманларнинг адабини беришингиизни истаб қоламан.

Генерал Штирлицга шубҳаланиб қаради: кечак уннинг купесига кириши олдидан анчагина кайфи бор эди чоги.

— Раҳмат, — яна баланд овоз билан деди у, — афтидан поезд проводники эшитсан деб атайин қаттиқ гапириди. — Душманни мажақлаб ташлаймиз.

— Асло шубҳа қилмайман, — деди Штирлиц ва астаси қадам ташлаб перрондан юра бошлади.

Иккала вагонда фақат чет злга, осоийиша ва тинчтина бетараф, озод Швейцарияга кетаётган швед профессори қолган эди, холос. Афтидан, Штирлицни ҳеч ким кутиб олмади шекилли, шунинг учун ҳам у чегара ва божхона текширувлари тугагунга қадар перронни айланниб юраверди. Кейин поезд аста қўзғалди, Штирлиц кўзлари билан дераза ойнасига ёпишиб олган швед профессорини узоқ кузатиб қолди...

Ана шу швейцарлик курашда ҳамкори бўлган немис антифашисти, қаҳрамон Гуго Плейшнернинг акаси профессор Плейшнер эди. У қилинган ишлар, Шелленбергнинг топшириғи, Борман билан алоқа боғланганлиги, Кэтнинг қўлга тушганлиги ҳақида Москвага хабар етказиш учун Бернга кетаётган эди. Ана шу хабарда Штирлиц алоқачи юборишни илтимос қилиб, қаерда ва қачон алоқачини кутиши мумкинлигини сўраган эди.

Поезд жўнаб кетгач, Штирлиц енгил нафас олиб, чегара хизмати маҳаллий бўлимига машина олгани жўнади. У машинада олисада жойлашган тоғ заставасига боришни мўлжаллаган эди; у ердан яқинда «яширин» рошида Швейцарияга пастор Шлаг ўтиши лозим эди.

«СС рейхсфюрери Генрих Гиммлерга.
Қатъян махфий. Шахсан ўз қўлларига тегсин.
Бир нусхада.
Рейхсфюрер!

Кечак тунда «Ҳақиқат» операциясини амалга оширишни бошлаб юбордим. Бундан аввал жой ландшафт

ти, тузилиши ва йўллар билан танишиб чиқдик. Рейхслайтер Борманнинг архивини ташийдиган шофферлар ҳақида, ёки мўлжал қилингган маршрут ҳақида аниқроқ маълумотлар олишга ҳаракат қилсак, соқчиларни шубҳалантириб қўямиз, деб ҳисобладим.

Ишни шовқин-суронсиз бажаришини мўлжал қилиб қўйған эдим, аммо кечаги тундаги воқеалар бу мўлжални амалга ошириш имкониятини бермади. Оддий кийим кийган менга қарашли одамлар юк машинасини кўндаланг қўйиб йўлни тўсганларидан кейин рейхслайтер архивини олиб кетаётган колонна тўхтаб ўтирумай, юк машинаси ва учта одамизга қарата ўқ үздилар. Партия архиви соқчиларининг биринчи машинаси одамларимизнинг ким эканлигини суришгирмай, ҳужжатларни текширмай, юк машинамизни итариб йўл ёнига ағдариб юборди. Йўл очилди. Биринчи машинадаги беш киши кейинги автомобилга ўтиб олди ва колонна яна йўлга тушди. Ҳар бир юк машинасида автомат билан қуролланган беш ёки олти нафар одам кетаётганлигига амин бўлдим. Кейин аниқ бўлишича, булар солдат ва офицерлар эмас экан. Булар архив кўчирилишидан бир кун аввал сафарбар этилган маҳаллий НСДАП ташкилотининг фаоллари экан. Борманнинг шахсан ўзи уларга, машиналарга йигирма метр яқинлашган кишига унвонидан қатъий назар ўқ үзаверинглар, деб бўйруқ берган.

Мен тактикани ўзегартириш кераклигини тушундим. Одамларимнинг бир қисмига ёнма-ён ўтадиган йўлдан шоссе билан темир йўл кесишган жойгача боришни буюрдим: у ерда навбатчи четлатилиб, унинг ўрнига машиналар яқинлашиши билан шлагбаумни туширадиган бизнинг ишончли одам эгаллади. Мен эсам бошқалар билан, архивни олиб кетаётган колоннани иккига бўлиб,—бунинг учун портлатувчи ўқ билан ўн учинчи машинани ёқиб юборишга тўғри келди—шу жойнинг ўзида қолдим. Афсуски, қурол ишлатишга мажбур бўлдик. Машиналардаги одамлар музокара қилиш таклиф этилганлигига қарамай, охирги ўқлари тугагунича қаршилик кўрсатишди. Дасталабки ўн икки юк машинаси бизнинг машиналаримиз билан бир вақтда кўча темир йўл билан кесишган жойга етиб келдилар. Аммо у ерда рейхслайтер машиналарини дарҳол ёз ҳимоясига олган армия 24-корпсунинг ўнта танки кутиб турган экан. Агар бирор

киши жангда ҳалок булса, фош этилишнинг олдини олиш мақсадида одамларимиз чекинишга мажбур бўлдилар. Биз қўлга туширган юк машиналари ёқиб ташланди, улардаги қоплар, рух яшиклар бронетранспортерларга ортилиб аэродромга жўнатилди. Бронетранспортёrlарни аэродромгача олиб келган шофёрлар зарбдор группамиз томонидан йўқ қилинди.

Хайль Гитлер!
Скорцени».

Даллес ҳузырида иш олиб борган Шелленберг агенти «хўжайини» олдига бир руҳоний келганини — унинг фамилиясини аниқлашнинг иложи бўлмаган — ва ана шу иккала ақлли кишилар ўртасида сұхбат бўлиб ўтганлигини хабар қилди. Агент сұхбатни деярлик тўлиқ ёзиб олишга муваффақ бўлган.

— Жаҳон,— деди Даллес трубкасига тамаки жойлар экан,— Гитлерга фақат Майданек ва Аушвиц печлари учунгина лаънат ўқиб қолмайди... Мантиққа тўғри келмаса ҳамки, немисларнинг Россияга бостириб киришин шу мамлакатнинг ниҳоят даражада тараққий этишига олиб келди. Совет тузумининг имконостлари гоят катта эканлигини очиб берди. Россия ўзининг бутун тарихи давомида, ҳатто ажойиб ва демократик реформалар даврида ҳам уруш давридагидек олға томон шунчалик катта қадам ташлаган эмас. Биз берган дастгоҳлар, стратегик материаллар, техника ҳужжатлари ёрдами билан улар Урал ва Сибирда катта қувватларни ўзлаштиридилар. Бизнинг техникамизни олиб ўзларининг кўхна техникаларидан воз кечдилар. Гитлер Россия билан Американи бир-бирларининг қучогига ташлади. Немислардан олинадиган ҳарбий товон ҳисобидан — Сталин Германиядан йигирма миллиард доллар олишиб мўлжалламоқда — гарбий районлардаги вайрон бўлган саноатини ҳам тиклаб, ўз саноат куч-қудратини икки баробар ошириб юборади.

— Менинг Ватикандаги дўстларим,— деди руҳоний,— уруш йиллари мобайнида руслар хатти-ҳаракатда ҳам, фикр қилишда ҳам эпчиликка ўрганиб олдилар, деб ҳисоблашмоқда.

— Биласизми,— деб жавоб берди Даллес, трубкаси ни тутатар экан,— ҳозир мен рус ёзувчилари — Пушкин,

Салтиков, Достоевскийларнинг асарлариши қайта ўқиб чиқмоқдаман... Уларниң тилини билмаганим учун ўзимни койимоқдаман — рус адабиёти, мениң ўн түққизинчи асрдаги адабиётни назарда тутмоқдаман, албатта, дүпёдаги ажойиботлардан бири. Ўн түққизинчи асрнинг иккинчи ярмида уларга ўз дилларидаги ҳамма нарсаларни изҳор этишга имкон берилган, ана шу даврни синчиклаб ўрганиш керак, чунки улар кўпроқ ўтган даврларни эмас, келажакни ўйлаб мулоҳаза юритганлар... Рус характери келажак лойиҳасини қуришга журъат этиш ўрнига кўпроқ ўтмишнинг идеал мисоллариға назар ташлашга мойил экан, деган хуоса чиқардим. Агар улар ҳамма нарсанинг давоси ер, ер ҳаммани бирлаштиради, деб Россиянинг аграр синфиға таянсалар оқибати нима бўлишини тасаввур қилиб турибман. Агар шу нарса юз берса, улар даврга зид келиб қоладиларки, бу зиддиятлардан қутулиш йўли топилмайди. Техника тараққиётининг дарражаси ерга идеологик ишонч билдирилишига қўймайди...

— Бу гапингиз қизиқарли,— деди руҳоний.— Аммо сиз вазиятни улар ўрнида туриб тасаввур этмай, четдан туриб тасаввур этяпсизми, деган шубҳам бор...

— Сиз мени ВКП(б)га аъзо бўлиб киришга даъват этапсиз шекилли?— кулиб сўради Даллес.— Улар мени қабул қилмайдилар.

Бу маълумотнинг дастлабки қисмидаги Даллес гаплари қалтис бўлгалиги учун Гиммлер уни фюрерга қўрсатишга журъат қила олмади. Аммо ўша куниёқ туркистонликлар, украинлар, Болтиқ бўйи халқларидан иборат миллий қисмларда ишларни кучайтириш тўғрисида буйруқ берди. У шу қисмлардаги энг истеъоддли ва маълумотли кишиларни кўз остига олиб қўйишики талаб қилди, чунки у айни чоғда ва асосан келажакда уларни СД органлариға жалб этиш иятида эди.

Эртасига Калътепбруннер Прага гестапоси шефиининг ўринбосари группенфюрер Крюгерга шифрли телеграмма юбориб, Прагани вайрон қилиш учун СС ва СД аппаратларидағи ходимларни ажратишдан ташқари коллаборационистлар орасидан шомзодлар ташлашни сўради.

Чегарадаги заставада Штирилиц барча масалаларни дарҳол ҳал қилиб олди: обер-лейтенант — тоғ посбони мулоҳазали, ажойиб йигит экан. Аввал Штирилиц унинг шунчалик одамшавандა бўлишига ҳайрон қолди, чунки чегарачилар кўпинча чаласавод муллалардек димоғдор бўладилар. Аммо бир оз ўйлаб Штирилиц бунинг сабабини ҳам тушуниб олди: бетараф Швейцария чегарасида қор босган ва ойдин кечали жойларда бомбалардан, вайронгарлик ва очарчилик хавфидан анча йироқда яшаганликлари сабабли зона қўмондони бўлган обер-лейтенант ҳам, бошқа маҳаллий бошлиқлар ҳам марказдан келган ҳар бир киши олдида хушомад қиласдилар. Шунинг учун ҳам ким, қандай ва нима мақсадда чегарадан ўтиши кераклиги ҳақида савол берилмади. Табиийки, бундай саволларга у жавоб қайтармасди ҳам, аммо шунга қарамай, чегарачиларининг хулқ-атвори, хушомадлари ва зир югуриб қолганилари чегарадан ўтиш унчалик қийин эмас экан, деган муҳим хуласа чиқариш имконини берди. Гарчи, у фақат биргина пасторни эмас, балки бир неча кишини ўтказмоқчи бўлса ҳам буни раҳбарларнинг руҳсатисиз ўзи осонгина амалга ошириши мумкинилигига ишонди.

Қани энди шу ернинг ўзидан туриб Шелленберг билан боғланниб, разведканинг содиқ ходимларидан бирнига пасторни шу ерга, заставага олиб боринг, деб буйруқ беришини сўраса. Аммо Берлинга қилинган ҳар бир қўнфироқни дарҳол Мюллер идораси тинглаб туришини биларди, шу сабабли бу ердан телефон қилиш Шелленбергнинг бутун операциясини хавф остига қўйиш билан тенг эди. Бир томондан олганда, бу нарса Штирилиц учун фойдали эди, чунки кўзга кўринган нацистлар қанчалик кўп муштлашсалар, унинг иши шунчалик енгиллашарди. Аммо, иккичи томондан, Шелленбергни ва унинг пастор зиммасига юклатилган миссиясини Борманга чақиб фўш этиш Штирилицнинг асл мақсадларидан бири эди. Борманга чаққанда ҳам исбот-далилларсиз эмас, балки фотосуратлар, магнитофон ленталари, адреслар, учрашув жойлари ва пасторнинг рапорти билан қўшиб топширмоқчи эди. Штирилиц Борманга салмоқли далилларни келтирган тақдирдагина қалбаки, сохта музокараларни эмас, балки Швейцарияда генерал Карл Вольф олиб борадиган ҳақиқий музокараларни ичидан портлатиш имкониятига эга бўла олади.

Пасторни чегаранинг қайси жойидан ўтказиш ҳақида келишиб олингач — у жойигнабаргли дараҳтлар ўрмони билан қопланган дара экан — Штириц чегарадан кўриниб турган Швейцария территориясидаги кичкинагина меҳмонхонанинг номини, меҳмонхона хўжайинининг исмини ва меҳмонхонага борилгач, шаҳардан таксини қанча вақт кутиш кераклигини яна бир марта сўраб олди; шунингдек, у текисликдаги энг яқин меҳмонхона қаердалигини ҳам суриштирди — мўлжал бўйича пастор саир қилиб юриб текисликдан тоғ томон йўл олганда дара ичидаги адашиб қолган одам бўлиши керак эди. Меҳмонхона хўжайини унинг илтимоси билан шаҳардан такси чақириши керак эди. Уша шаҳарчадан Берн ва Цюрихга автобуслар қатнарди. Бу шаҳарларда эса пасторнинг дўстлари бор эди. Пастор дўстларини огоҳлантириб ўтирумай, ўзи топиб олиши керак эди. У танишларига бўлган воқеаларни: озод этилишини Штириц уюштирганини, кейин ҳузурига извогарни юборганини, унинг ўзи чегара орқали қочириб юборганини айтиб бериши керак эди. Ана шу одам, дейиши керак эди пастор, Лозанна кўриниши тасвиirlанган открытика юборишимни кутмоқда. Шу открытка дастлабки келишувлар тугади, алоқа ўрнатилди, жиддий сухбатлар ўтказиш учун келавериш мумкин, деган маънони билдириши керак эди. Аввал Шелленберг Штирицининг бу режасига қарши чиққанди.

— Жуда оддий-ку,— деган эди у,— буни бажаришдан осон иш йўқ.

— У бошқача ишлай олмайди,— деб жавоб берган эди Штириц.— У ёлғончилик қиласман деса ҳам ҳақиқатни гапириб юбораверади. Бошқача йўл тутса чалкашиб кетади ва полиция қўлига тушиб қолади.

Чегарадан ўтиш деталларини аниқлаб олиб, Штириц сир очилса чегарачиларни қандай жазо кутиши мумкинлигидан огоҳлантириди; у яна бу операцияга боғлиқ ҳар қандай савол билан фақат шахсан СС рейхсфюрерига мурожаат этиш ва тегишли жавоб олиш мумкин эканлиги ҳақида ҳам огоҳлантириб қўйди. У Берлиндан жўнаш олдидан оберлейтенант номига: «Онамнинг юраги чатоқ. Агар мумкин бўлса дори-дармон юбор. Ганс» деган мазмунда телеграмма юборишини айтди. Шу телеграмма олинганидан кейин вокзалда шоғёрсиз, аммо қалити бор машина тайёр туриши лозим

эди. Шунингдек, Штирлиц операцияни амалга оширадиган ерда Швейцарияда ишланган чанғи (chanғи янги эмас, балки ишлатилган, Швейцарияда чиқариладиган 4-сонли мой билан мойланган бўлиши зарур эди), одатда Швейцария водийсида кийиладиган қўлқоп ва Беридага ишланган, кийилган ботинка тайёр, қилиб қўйилиши лозим эди.

Штирлиц ўз уйига, Бабельсбергга кечаси соат ўн бирда қайтди. У зшикни очди ва чироқни ёқмоқчи бўлиб деворга қўлини чўзиши билан таниш овоз эшитилди:

— Чироқни ёқманг.

«Холтоффнинг овози,— дарров пайқади Штирлиц.— У қандай келиб қолди бу ерга? Бирон муҳим воқеа юз берганга ўхшайди...»

Профессор Плейшнер Берндаги кичкинагина меҳмонхонага жойлашди, ванна қабул қилиб, кейин ресторангта тушди. Узоқ вақт менюни ўқиб ўтириди. У «қаймоқ» сўзини ўқигач, дарҳол нархига қаради, «қисқичбақа» сўзини ўқигач ҳам худди шундай қилди. У узоқ вақт силлиқ, кўкимтири қофоздаги ёзувлар мазмуни билан танишиб ўтириди, кейин эса ўзидан ўзи қаҳ-қаҳ урнуб кулди ва:

— Гитлер — абраҳ! — деб қўйди.

Ресторанда у бир ўзи эди, ошхонада идиш-товоқ овози эшитилар, тагига олган сут ва янги ёпилган нон ҳиди анқиб турарди.

Плейшнер овозини баландлатиб:

— Гитлер — тўнка! — деди.

Кимdir уни эшитиб қолди шекилли, юзлари қип-қизил ёш официант пайдо бўлди. У профессор ёнига илжайгаича пилдираб келди:

— Салом, месъе...

— Гитлер — итвачча! — деб бақириб юборди Плейшнер.— Итвачча! Абраҳ! Ҳайвон!

У жазаваси тутиб ўзини эплай олмасди. У дам кулар, дам йиғларди:

— Ҳайвонлар! Абраҳлар! — деб қайта-қайта хитоб қиларди.

Аввал официант профессорча кул ранг костюм кий-

ган жапоб ҳазиллашаётгак бўлса керак, деб кулиб турди, кейин унинг юзида кўз ёшини кўриб ошхонага югурдн, у ердан ошпаз бўйниши чўзиб қаради.

— Касалхонага қўнғироқ қиласми? — деб сўради официант.

— Жиши бўлдингми,— жавоб берди ошпаз,— ресторанимизга тез ёрдам машинаси кела кўрмасин! Бирон киши заҳарланибди деган гап тарқалади.

...Бир соатдан сўнг Плейшнер бу меҳмонхонадан кетди ва кўл ёқасидаги хусусий пансиондан жой олди. У сўнгги кўнгилсиз воқеадан кейин қалбаки швед паспорти билан меҳмонхонада қолиш аҳмоқлик бўлади, деб ҳисоблади.

Жазаваси тутганидан ўзи қўрқиб кетди. У кўчада бораркан дам-бадам орқасига қараб қўярди: назарида орқада машина тормози эшитилиб, улуғ фюрерни ҳақорат қилганлиги учун забардаст йигитлар икки қўлтифидан ушлаб подвалга олиб бориб ташлаётгандек, дўппослаётгандек бўлиб туюлаверди. Аммо кўча тип-тинч, ҳеч кимнинг у билан иши йўқ эди. Газета дўкони ёнида у инглиз ва француз тилидаги газеталардан сотиб олди: уларнинг биринчи бетларида Гитлер ва Геринг карикатуралари босилган эди. У секин кулиб қўйди ва яна жазаваси тутишидан қўрқиб:

— Э, худо даҳшатдан қутулганим ростмикин-а? — деб қўйди.

У Штирлиц берган адрес бўйича одам кам кўча бўйлаб махфий квартира қидириб кетди. Профессор орқасига бир иеча марта қараб қўйиб, бирданига вальс рақсига туша бошлади. (У кейинроқ Щвейцарияга келган биринчи куни қизиқ қилиқлар қилганлигини эслаб юрди). У ўзича қандайдир қадимги вальс куйини чалиб, завқ билан айланар, худди йигирманчи аср бошларидаги эстрада артистлари каби куй оҳангига берилиб туфлиси ерни депсиб-депсиб қўярди...

Эшникни тўладан келган дароз бир эркак очди.

— Отто,— деб паролни гапира бошлади у,— кеча кечқуруп сизнинг қўнғироқ қилишингизни кутган эмиш.

— Кираверинг,— деди эркак. Плейшнер кутилган: «Қизиқ, мен уйда эдим, рақамларни адаштирган бўлса керак», деган жавоб берилгандан кейингина квартирага кириши лозим эди-ю, аммо жавоб берилмаса ҳам қираверди.

Професор озодлик ҳавосини олиб караҳт бўлди, шу ерга келиб қўлга тушди: совет разведкачисининг махфий квартирасини фашистлар қўлга тўширган ва унда «мәҳмонлар»ни интизор бўлиб кутиб турган эдилар. Дастребаки меҳмои Штирлицнинг алоқачиси профессор Плейшнер бўлди.

— Хўш,— деди дароз эркак, ичкарига киришлари билан.— Аҳволи қалай?

— Маша,— деди Плейшнер оғзидан кичкинагина ампулани олиб.— Ҳамма гап шунда.

Бу нарса профессорни қутқариб қолди: немислар на паролни, на алоқага ким келиши мумкинлигини билмас эдилар. Шу сабабли алоқачи пароль жавобсиз ўйга кирмаса, қўлга тушириб, дори бериб ухлатилсан ва махфий равишда машинада Германияга жўнатилсан, агар алоқани давом эттиrsa, унинг кетидан кузатиб юриб асосий кишисини топишга ҳаракат қилинсан, деган қарорга келинган эди.

Дароз эркак қўшни хонага кириб кетди. У ерда ампулани очиб, ичидаги хитой коғозни кўздан кечира бошлади. Ичидаги ёзувлар беш рақамли эди. Ана шу беш рақамли шифр Берлиндаи шифрларни очиш марказида ҳам мавжуд эди: немислар билан ишлашга роzi бўлган рус радиост аёли шу шифр билан хабар етказиб турарди.

Дароз эркак шифровкани ўз ёрдамчисига бериб, деди:

— Дарҳол элчихонага етказ. Ўзимизни киларга айт, бу одамни шазоратга олишсиз. Мен ҳозир уни бирпас тутиб, гапга солиб тураман, у содда кўринади, упдан фақат фойдаланишаётган бўлишларни мумкин. Майли, гаплашиб кўрайчи...

12

Қэт боласини аллалаб хонада айланиб юарди. Штирлиц йўқлигида — худди у айтгандай — Қэтни унча катта бўлмаган, лекин кучли радиостанция ўрнатилган махфий квартирага олиб келишди. Қэт ухлаётган ўғлига тикиларкаш, ўйга ботди: «Ҳаётда ҳамма нарсани ўрганиш керак экан: қўймоқ пиширишдан тортиб то каталосга қараб китоб излашга қадар ҳамма нарсани, ай-

ниқса математикани ўрганиш керак экан, Аммо оналика
ка ўрганишнинг ҳожати йўқ экан. Аллалашни, болага
қуладайлик туғдиришни ўз-ўзидан билиб олар экап-
сан».

Уни қўриқлаб юрган ҳали ёшгина қиз фрейлейн Бар-
бара ўзини хушкўнгил ва ақлли қилиб кўрсатишга ти-
ришар, кечқурун овқат вақтида сұхбатлашишни яхши
кўради. Қўшни хонада яшаётган СС солдати Гельмут
уч кишига дастурхон ёэди ва улар гитлерюгенда тар-
бия топган Барбаранинг ўн тўқиз ёшга кирганлигини
нишонладилар. Ана шу тантанали зиёфат вақтида —
дастурхон картошка ва гуляш билан безатилди — Бар-
бара, агар Германия урушда ғолиб чиқса, хотин-қизлар
армия ва ишлаб чиқаришдан бўшаб, ўзларининг асл
ишлиари — катта немис оиласларини қуриш иши билан
банд бўлажакларини айтди.

— Хотин кишининг вазифаси бола туғиши ва боқиши-
дан иборат,— деди Барбара,— қолгани уларининг вази-
фаси эмас. Одам соғлом ва кучли бўлмоғи лозим. Ҳай-
воний институтдан тоза нарса йўқ. Мен буни очиқ ай-
тишдан қўрқмайман.

— Бу нима деганингиз? — хуш ёқмай сўради яқинда
ҳаттиқ контузияга учраб урушдан қайтиб келган Гель-
мут — Бу гал мен билан, эртага бошқа киши билан,
индинига яна бир бошқа киши билан бўлишим керак,
демоқчимисиз?

— Бундай қилиш ифлослик бўлади,— жавоб берди
Барбара, юзларини буриштириб.— Оила — муқаддас ва
бузилмас нарса. Аммо иккинчими, учинчими, тўртинчи-
ми — бари бир, ўз эрим билан, оила бошлиғи билан
истаганимча севги лаззатини татиб кўришим мумкин
эмасми? Уятчанликни йигиштириб қўйиш керак — бе-
маъни нарса у. Агар эрим билан бир-биримизни иста-
ғанимизча севсак, унда хиёнат деган нарса бўлмайди.
Хотин киши куч ва лаззат излаб бошқа эркакни қиди-
ради... Эки гапимга қўшилмайсизми? — деб сўради у,
Кэтга ўгирилиб.

- Қўшилмайман.
- Нега?
- Шунчаки, ўзим...
- Бу жавоб эмас.
- Жавоб.

— Яхши таассурот қолдиришга иктилиш ҳам аёл-

ларнинг қадимдан қолган макри. Шундай қылсам ҳур-
матли Гельмут унга қараганда мени ёқтирап деб ўйла-
япсиз шекилли?— деб кулиб гапирди Барбара.— У слав-
янлардан қўрқади, устига-устак мен ёшроқман...

— Мен хотинлардан нафратланаман,— деди Гель-
мут.

— Нега энди?— сўради Барбара Қэтга кўзини қи-
сиб.— Нега биздан нафратланасиз?

Хотинлар иблисдан баттарроқ. Иблис алдаб ўти-
майди, ёвуэлигини кўрсатади-қўяди. Хотинлар эса ёл-
ғон-яшиқ гаплар билан бош-кўзингни айлантирадилар-
да, кейин қўлга тушириб истаганларича ўйнатадилар.
Устига устак яқин дўстинг билан ётадилар... Айниқса
кучдан қола бошлаганингда.

Хотининг бирор билан юриб кетганми дейман!—
Барбара кулиб, чапак чалиб юборди.

Қэт унинг қўллари жуда чиройли эканлигига назар
солди: оппоқ, нозик, ёш болаларнидек чуқурчалари
бор, тирноқлари локсиз, тозаланган эди.

Эсесчи Барбарага хўмрайиб қараб қўйди-да, ҳеч ни-
ма демади: у шу қиз қўли остида ишловчи оддий сол-
дат, Барбаранинг унвони эсаunterшаффюер эди.

— Кечирасизлар,— деди Қэт ўрнидан турар экан,—
ўз хонамга чиқсан майлими?

— Нима бўлди?— сўради Барбара.— Бугун бомбар-
димон қилмаётирлар, ишни ҳали бошлаганингизча йўқ,
одатдагидан сал кўпроқ ўтирасак бўлади.

— Кичкина уйғониб кетмасмикин деб чўчияпман...
Қаттиқ гаплашяпмиз...

— Нега уйғонади дейсиз? Гельмут, болакай айвон-
да қанча ётди?

— Мен уни эрталаб бир соат, тушки овқатдан кейин
бир соат ўша ерга ётқизиб қўйдим. Кечқурун салқин
тушгач, хонада қолдирдим... Ҳозир уларни шамоллатиб
қўйиш жуда осон...

— Балки у билан бирга ётишга рухсат берарсиз?—
деб сўради Қэт.— У имлаб Гельмутни кўрсатиб:— Жа-
ноб ҳам қийналиб кетган бўлишлари мумкин, бола би-
лан уйқуга ҳам тўймасалар керак.

— Жуда мўминтой экан,— деди Гельмут,— ҳеч йи-
рамайди...

— Мумкин эмас,— деди Барбара.— Сиз боладан
алоҳида туришингиз лозим.

— Мен қочиб кетмайман-ку,— кулиб гапирмоқчи бўлди Қэт,— бу ерда қулфлар мустаҳкам.

— Бу ердан қочиб бўлмайди,— жавоб берди Барбара.— Биз икки киши миз, қулфлар ҳам ишончли. Ағуски, рухсат бера олмайман. қўмондонлик бўлруги шундай. Шефингиз билан гаплашиб кўринг...

— Шефим ким бўлди?

— Штандартенфюрер Штирлиц. У кўнгилчап одам, агар ишингииздан хурсанд бўлса, у бошлиқларнинг бўйруғини ўзgartириши мумкин. Бир киши пулга интилса, иккичиси — эркакларга, сизнинг яхши ишлашингиизга эса энг яхши кафил — болағиз. Шундай эмасми?

— Ҳа,— деб жавоб қайтарди Қэт.— Гапнингиз тўғри.

— Яна бирон нарса сўрамоқчимисиз?— Қизиқди Барбара, картошкани пичноқ билан кесар экан.

Қизининг худди дипломатик қабул маросимида овқатланадигандай пафис ҳаракат қилишига назар ташлади Қэт, у гўё қурт еган картошкани эмас, балки қандайдир мазали мева таъмини татиётгандай лаззатланниб овқатланарди:

— Агар сиз менинг ўрнимда бўлсангиз, болағизнинг ҳаётини сақлаб қолиш учун ишлашга рози бўлар-мидингиз?

Барбара дарҳол жавоб бера олмади. Картошка ейишини тугатиб, кумуш вилкани крахмалланган сочиқ устига қўйди, сўнгра кафти билан оғзини бекитиб, тишини кавлай бошлади.

— Нима десам экан.. Айтгандек, сиз шу вақтгача болага исм қўймадингиз-а...

— Мен унга Владимир деб от қўяман...

— Кимга атаб? Отангиз Владимир бўлганми? Ёки унинг отасими? Отасининг исми нима эди?

— Кимнинг?

— Эрингизнинг.

— Эрвин.

— Эрвинлигини биламан... Йўқ, мен унинг асл исмини, русча исмини сўрайпман...

— Мен унинг Эрвинлигини билардим.

— У сизга ҳатто ҳақиқий исмини ҳам айтмаганими? Никоҳ ўқиётгандада ҳам Эрвинмиди?

— Никоҳ ўқитганимиз йўқ...

— Мумкин эмас...

— Шу ерда қовушдик,— кулиб гапирди Қэт.— Эрвин

Билақ мени бирга юборишган эди. Менимча, дунёдаги хамма разведкачилар каби сизларнинг разведкачиларнингиз ҳам бир-бирларини лақаб билан атасалар керак. Менниг Кэт эмас, Катя эканлигимни Москвадаги шефимгина ва балки Эрвин билан боғлиқ бўлган шу ердаги кишилар, унинг раҳбарлари билган бўлса керак.

— Мана саволингизга жавоб... — деди Барбара бир оз жим қолгач, — Ленининг исми Владимир бўлган шекилли... Агар мен шундай аҳволга тушиб қолсам, ўғлимга Адольф деган исм берардим. Ўзимни қандай тутардим — билмадим... Аммо, сиздан бошқачароқ тутардим... Майли. Хонангизга кираверсангиз бўлар. Эртага сизни Рансдорфга олиб боришмоқчи: иш бошлаганимиздан кейин резидент тақдирингиздан хавотир бўлмаслиги учун Эрвин бўлган жойларга бориб туриш ўзингиздан чиқсан фикр, шекилли...

— Ҳа,— деди Кэт,— мендан чиқсан фикр. Агар одамларимиз озод юрганимни кўришса, уларни хотиржам қўилган бўламиз. Бизнинг шу ердаги резидентимизда иккинчи передатчик бўлиши мумкин. Агар менинг озод эмаслигимга ишонч ҳосил қилса; у Москвага хабар қилиши мумкин ва натижада бутун ишимиз чиппакка чиқади...

— Бу ердаги резидентингизда иккинчи передатчик йўқ,— деб жавоб берди Барбара.— Сизнинг ишингиз билан Штирлиц шуғулланакётганилиги учун худога шукур қилинг... Айтгандек, эртага эрталаб сизни шаҳарга Штирлиц олиб боради? Бу ҳақда сизга айтганимиди у?

— Мени шаҳарга ким олиб боришини билмайман,— жавоб берди Кэт.— Табиийки, терговчи бу ҳақда мен билан гаплашган эмас. Бу ишнинг мақсадга мувофиқ эканлигини ўзим айтдим, аммо уни ким бажарнишини менга айтганилари йўқ...

Аммо ярим кечада маҳфий квартирага Штирлиц эмас, балки иккى ёрдамчиси билан Рольф кириб келди. Унинг бир оз кайфи бўлиб, Кэтии уйғотгач, мулойим, ҳар гапида французча ибораларни ишлатиб сўзларди. Мюллер Штирлиц йўқ вақтида рус радисти билан ишлашига Кальтенбруннер рози бўлганинкай айтган эди унга.

— Шелленберг Штирлицни топшириқ билан жўнатганини айтди... Оқилона бир иш қўлсак деб ўйлайман: Рольф бу иш билан шуғулланиб қарама-қарши вази-

фани бажарса: маҳбуслар баджаҳл терговчидан кейин кўнгилчан терговчига кўпроқ меҳр қўядилар. Штириц эса кўнгилчан киши, шунга нима дейсиз?

Кальтенброннер ғалати қилиб кулиб қўйиб, Мюллера сигарета тутди.

Мюллер тамаки чекар экан, махсус алоқа кабинетидаги телефонда қолган бармоқ излари билан рус радиости чамадонидаги бармоқ излари бир-бирига тўғри келганини айтсанми ёки айтмайми, деб бир дақиқа ўйлаб қолди, аммо аччиқ «Каро» сигаретини тутата туриб, яхшиси бу ҳақда ҳам, барча ходимларнинг бармоқ изларини тўплабётгани ҳақида ҳам Кальтенброннерга айтмасликка қарор қилди. Гап шундаки, империя хавфсизлиги бошқармасида махсус хавфсизликни сақлаш унинг зиммасида, яъни у, Мюллер СД ва гестапо кадрлари учун жавобгар эди. Агар айтса, Кальтенброннер шошмаршарлик қиласди, ҳовлиқиб кетади ва агар ўз уясидаги душманни пайқамай юрган бўлса, албатта бутун айбии Мюллера тўнкайди. РХСА ходимларидаи бирининг Борман билан гаплашғанлиги Гиммлерга маълум бўлиб, Кальтенброннер қулогига етмаганлиги Мюллера қўл келди: бундай вазият унга икки куч ўртасида истаганича ҳийла ишлатиш имконини берарди. Шу сабабли у Кальтенброннернинг Штириц устидан шубҳалашганлигини Гиммлерга ҳам билдирамади; ўз навбатида Гиммлер хоинлик ва чақимчилик деб ҳисоблаган партия штаб-квартираси билан олиб борилган телефон суҳбати ҳақида Кальтенброннер бутунлай бехабар қолди.

— Штирицинг рус радиости билан қандай иш олиб бораётганини кузатиб бор, демоқчимисиз? — сўради Мюллер.

— Нега энди? — ҳайрон бўлди Кальтенброннер. — Кузатиб нима қиласиз? Менинчча, у худди ана шу радио соҳасида жуда уста одам.

«Нима бало, у ўзи айтган гапларни эсдан чиқариб қўйганими? — ҳайрон бўлди Мюллер. — Ёки у менинг тагимга сув қўймоқчими? Эслатиб ўтсанмикин? — Ёки керак эмасми? Лаънати идора, доим айёрлик қилиш керак бу ерда! Бегоналарни алдаш ўрнига, ўзимизни ўзимиз аҳмоқ қилиб юрамиз! Падарига лаънат ҳаммасини!»

— Рус пианисткаси билан ишлашда Рольфга алоҳида топшириқ берилсинми?

Радистни одатда «пианист», разведка группасининг раҳбарини «дирижёр» деб атардилар. Кейинги вақтларда, Берлинни қочқинлар тўлдирган, Шарқий Пруссия, Аахен, Париж ва Бухарестдан архивларни кўтариб келган ходимларни жойлаштириш тўс-тўполонида шу терминлар ўз-ўзидан эсдан чиқиб, маҳбусни кўпроқ касби бўйича эмас, балки миллати бўйича атайдиган бўлдилар.

Шунинг учун Қалътенбруннер маъюс овоз билан қайтарди:

— Пианист билан... йўқ, Рольф Штирлиц билан келишиб иш олиб борсин. Мақсадга эришиш усуллари ҳар хил бўлса ҳам, аммо мақсад бир бўлсин... Руслардан сирон дарак бўлмадими?

— Ҳозирча йўқ.

— Шифр ечувларнинг иши қалай?

— Улар тахминан ярим йўлда. Шифр жуда мураккаб экан.

— Пианист аёлни бир силкитиб кўринглар. Унинг резидент шифрини билмаслигига ишонмайман.

— Штирлиц у билан ўз услубида иш олиб боряпти.

— Ҳозир Штирлиц йўқ-ку, Рольф бир айлантириб кўрсин.

— Ўз услубини ишлатсинми?

Қалътенбруннер нимадир деб жавоб қилмоқчи бўлди-ю, аммо шу пайт фюрер бункерига боғлиқ бўлган телефон жиринглаб қолди: Гитлер Қалътенбруннерни кенгашга чақиради...

Қалътенбруннер Штирлиц ҳақидаги гапни ёддан чиқармаган эди. Аммо ўтган куни кечқурун Борман билан учрашганда улар партия архивини кўчириш масаласи бўйича анча суҳбат қилдилар. Шунда Борман гап орасида шундай деган эди:

— Одамларингиз ўз наебатида бу акциянинг бутунлай махфийлигини таъминласинлар. Биз ишонадиган энг содик: Мюллер, Шольц, Штирлиц каби кишиларни жалб этинг...

Қалътенбруннер «ўйин» шартларини биларди модомики Борман бирор одам ҳақида сўраб-сuriштирмай, балки уни ўзи тавсия қнлаётган бўлса, демак, бу одамини кўз остига олиб қўйган экан, бу — керакли киши экан.

— Айтгандай, одамларингиз шофёrimни топишди-



ми? — қизиқсаниб сўради Борман.— Уни топинглар, деб, кўрсатма бергандим. Айтинг, яхшилаб қидиришсин — қидириш учун эмас, топиш учун қидирсиллар.

Кальтенброннер шофёр ҳақида ҳеч нима билмаслигини, аммо буни дарҳол аниқлаб, хабар қилажагини айтди.

Машинада Гитлер хузурига кетаётган пайтдагини шофёр Кальтенброннернинг эсига тушди, чунки бункерда хойнаҳой биринчи бўлиб Бормани учратса керак...

— Уйготиб юборганим учун кечирасиз, мон пти,— деди Рольф, Кэт ётган каравотининг оёқ томонига ўтирад экан. Кэт тую жунидан тўқилган аммо икки жойи куйган жигар ранг адёлни бўйнигача ёниб олди.— Аҳволингиз қалай?

— Раҳмат.
— Болангиз қалай?
— Раҳмат.
— Озгинча ичасизми?
— Раҳмат, менга ҷумкни эмас...
— Озгинаси бўлаверади.
— Йўқ. Болага таъсир қиласди.
— Бъен... Дунёдаги оналарга оғарин! Совуқ емаяпсизми?

Жавобни кутиб ўтирмай, Рольф қўлини адёл остига тикиди.

Кэт оёғини йигишишириб, деди:
— Стол ёнига бориб ўтиришингизнинг сўрадим.
— Нега энди? Ёрдамчиларим меҳмонхонада ичиб ўтиришипти: улар фрейлейн Барбара гага вино олиб келишди... Бизга... ишлашга... халақит бермайдилар. Фрейлейн Барбара жуда ёқимтой, тўғри эмасми? La femme aime à être initiée, entre deux baisers aux mystères de L'histoire, de morale et de littérature.¹ Мен билан муомалалигини яхшироқ қилинг, кулиб гаплашинг, сиз эса хўмраясиз...

— Агар чиқиб турсангиз, мен кийиниб олардим, кеянн гаплашар эдик...

— Мен аёллар билан ечиниган пайтларида гапла-

¹ Аёллар икки марта ўтириш ўртасида тарих, вхлоқ ва адвонёт сирларини тинглашни истайдилар [Французча].

шишин яхши кўраман... Алоқа самимийроқ бўлади. Сиз рози эмасмисиз?

— Менинг аҳволимга тушунинг, яқиндагина эрим ҳалок бўлди... Ўзимга келиб олишимга имкон берпиг...

— Ҳали шундай деңг... Сиз ўзингизга келиб оласиз у, мен эса тасодифий бомбадан ерга кириб кетаман. Ким кўп яшамоқчи бўлса, ўша сабр қилаверсин.. Қанчалик ёшим ўтса, шунчалик муҳаббат — менинг аргеси de morale et de politique¹ эканлигинга шонч ҳосил қилмоқдаман. Мен куч ишлатишни жуда ёмон кўраман: келинг, маҳфий равишда сиз билан дўст бўлиб қўя қолайлик. Сиз жуда ёқимтойсиз, мен эса эрингиzinинг ўрниппи босишга ҳаракат қиласман...

Рольф адёлини тортиди.

— Иккаламиз ором топамиз,— дея Рольф камзули тугмаларини еча бошлади,— айниқса сиз ором топасиз; душман радисти эмас, балки СС офицерининг маъшукаси бўласиз.

— Ҳозир додлайман,— деди Кэт.— Яхиси, кетинг, илтимос қиласман...

— Додлаш аҳмоқлик бўлади. Мен билан ўчакнишиб қиласиз, ахир тақдирининг кўп жиҳатдан менга боелиқ... Хўш?

Кэт каравотдан иргиб туриб, эшнк ёнига чопиб борди ва эшикни муштлари билан уриб:

— Барбара!— деб бақирди.

Рольф дарҳол камзули тугмаларни тақиб, деди:

— Сиз асаби бузуқ аёл экансиз. Сиз разведкада эмас, балки ҳожатхонада ишлashingиз керак' экал. Жойингизга ётиб, кўрпани ёлинг! Тез бўлиш!

Хонага юзлари қип-қизил, кўзлари чақнаган Барбара кириб келди, уннинг орқасида қўлларида қадаҳ ушлаган ёш офицерлар турарди.

— Бизнинг гўзал фрау Кэт бола ухляяпими, деб ташвишланяптилар?— деди Рольф.

— Бола қотиб ухляяпти. Уннинг ўгай отаси Гельмут қаттиқ гапиряпсизлар, деб бизларни икки марта огоҳлантириб қўйди.

— Раҳмат сизга, Рольф жаноблари,— шу вазиятда Кэт энг яхши йул топди,— сиз жуда олижаноб экансиз.

— Сиз ҳам шундай экансиз,— деди уннинг гапини

¹ Ахлоқий ва сиёсий қарашлари [Французча].

дарҳол пайқаган Рольф, — vous, vous, conduisez comme un sage...¹

— Хайрли тун... Агар Москвангиз эфирга чиқмаса сизни бошқа безовта қилмаймиз. Борди-ю, шундай булиб қолса, унда кечирасиз, навбатчи сизни уйғотади.

— Тушундим.

— Нимагадир Москва анча вақт жавоб бермаяпти... Дұстларингиз сизни ёдларидаң чиқармаганмүккелдер?

— Ың-ә, ёдларидан чиқармаслар. Менинг құлға түшганимни билиб қолган бўлишлари мумкин...

— Йўқ, буни улар билишлари мумкин эмас. Штандартенфюрер Штирлицни ҳам, мени ҳам Кремль билан алоқаси бор деб шубҳа қилмасангиз керак, деб ўйлайман? — деб кулиб юборди Рольф.

Сизга нима бўлгани фақат бизгагина маълум: кеча сиз туғруқхонадан чиқиб, ўғлингиз билан эс-банга ўтириб номаълум томонга ғойиб бўлдингиз... Хайрли тун, яхши тушлар кўриб ётинг...

Гиммлернинг икки сутка давомида иш олиб борган ёрдамчилари Борманнынг құлға туширилган архивини дастлаб текшириб кўрганларида, СС рейхсфюрери излаган материалларни топа олмадилар. Партия ўз пулларини чет эл банкларига қандай ўтказаётганини кўрсатувчи биронта ҳам ҳужжат йўқ эди. Афтидан, бундай қоғозлар аллақачон жўнатилган ёки Борман сулҳ тузилиши билан биринчи кундаёқ керак бўладиган банк шифрларини ва молия агентлари исмини ўзининг ажойиб хотирасида сақлаб қолган, ёинки — энг ачинарлиси — бу ҳужжатлар Скорцени қуршовидан чиқиб, армия танлари ҳимояси остида кетган ўн учта машинада қолган.

Аммо Скорцени одамлари құлға туширган архивларда жуда қизиқарли ҳужжатлар бор эди. Хусусан, унда имзо қўйилмаган, лекин СД ичиде хоинлик борлигини исботловчи Штирлицнинг ахбороти ҳам бор эди.

Гиммлер шу қоғозни Шелленбергга кўрсатиб, текширув олиб боришни сўради. Шелленберг рейхсфюрернинг бу топширигини бажариш мумкин эмаслигини билиб турса ҳам, уни текширишга ваъда берди. Бироқ бу ҳужжатнинг мавжудлиги унда Борман архивида бундан

¹ Айлли иш қилдингиз (французча).

■ ҳам муҳим материаллар бўлса керак ва бу материаллар ходимларимни яна бир марта текширувдан ўтказишга, улар бир вақтда Борман фойдасига ҳам ишлаганларни ёки йўқми, агар ишлаган бўлсалар, қайси пайтда, қандай масалалар устида ва аниқ кимга қарши ишлаганликларини аниқлашга имкон беради, деган фикр пайдо бўлишига сабаб бўлди. Шелленберг ходимларининг бидадига икки хўжайнинг хизмат қилишидан қўрқмасди. Ходимларни Борман одамлари ватанпарварлик шиорлари билан ўз томонларига тортган бўлишлари керак. Уни энг азалий фикри — сулҳ йўлини қидириш фикри ҳақида Борманинг нималарни билганлиги қизиқтиради.

Шелленбергнинг бир неча ходими ана шу ишга жалб этилди.

У ҳар куни янгиликларни сўраб турар, лекин «ҳали қизиқарли нарса топилганича йўқ» деган жавобни эшитарди.

■ — Шефнинг кайфиятлари қалай? — деб сўради дароз киши. — Соғмилар?

— Ҳа, — деб табассум қилди Плейшнер. — Ҳаммаси жойида.

— Қаҳва ичасизми?

— Раҳмат. Жоним билан.

Эркак ўшхонага кириб кетди ва ўша ердан туриб сўради:

— Яхши жойлашиб олдингизми?

— Ҳа, дуруст.

— Томингиз ишончлими?

— Мен иккинчи қаватдаман, — деди Плейшнер, унинг гапига тушунмай.

Гестапочи қаҳва тегирмончасини тўхтатар экан, кулиб қўйди: ҳа, у ҳақ экан, унинг ёнига содда бир одами, ихтиёрий ёрдамчини юборишибди. «Том» деган сўз бутун дунё разведкачилари тилида «хавотирсиз жой» маъносида ишлатиларди.

«Аммо шошилишнинг ҳожати йўқ, — деди у ўзига ўзи, — чол қўлимда. У билан эҳтиёт бўлинса, бор гални айтиб беради...»

— Бундайи Германияда йўқ, — деди у, Плейшнерга қаҳва узатар экан. — Аблаҳлар халқقا ювинди ичиряп-

тилар, бу ерда эса чинакам Бразилия қаҳвасини сотадилар

— Мазаси ҳам ёддан чиққан экан,— деди Плейшнер, унинг гапини маъқуллаб.— Бундай қаҳва ичмажа-нимга ўн йилча бўлгандир.

— Греклар менга аччиқ қаҳвани сув билан ичиши үргатган эдилар, сиз хам шундай қилиб кўрасизми?

Шу вақт Плейшнер ҳамма нарсадаи хурсанд эди, у енгил юрадиган, енгил нафас оладиган бўлди, мияси ҳам равшанлашди. У кулиб деди:

— Мен ҳеч вақт қаҳвани сув билан ичмаганимай.

— Бу қизиқ нарса. Ҳарорат ва мазаси ҳар хиллиги алоҳида маза бағишлайди, юракка ҳам зарари камроқ.

— Ҳа,— деди Плейшнер, совуқ сувни ҳўплаб,— мазаси ростдан яхши бўлар экан.

— Менга нималарин айтиб юборди?

— Ҳеч нимани, факат шу ампулани берниб юборди.

— Қизиқ.

— Нега?

— Уни қачои кутиш кераклигини айтар, деб ўйлагай эдим.

— Бу ҳақда ҳеч нима демади.

— Айтгандек, сиздан сўрамабман, қорнингиз қалай, балки очдир?

— Йўқ, ташаккур, мен боплаб нонушта қилиб олдим.

— Пулдан қалайсиз?

— Дастлабки вақтда етади.

— Агар нул керак бўлиб қолса, олдимга келаверинг. Албатта кўп бера олмайман, аммо ўзингизни боқиш учун унча-мунча топилади... Айтгандек, назар солмадингизми, орқангизда дум йўқмиди?

— Дум деганингиз шимаси? Бирорининг кетга тушибими?

— Ҳа.

— Эътибор бермабман-а?

— Бекор қилибсиз. У сизни бу тўғрида огоҳлантиридадими?

— Огоҳлантириди-ю, аммо мен бир неча йилдан кейин, айниқса концлагердан кейин худди маст одамдай ўзимни эркин ҳис этдим. Эслатгашингиз учун раҳмат...

— Буни эсдан чиқарниш ярамайди. Бу ерда полиция айёр. Жуда айёр. Менда бошқа ишингиз йўқми?

- Йўқ. Бошқа ишим йўқ...
- Паспортингизни беринг.
- У, паспорт доим ёнингизда бўлсин, деган эди...
- У сизга энди менинг ихтиёrimга ўтишингизни айтмаганими?

— Йўқ.

— Ҳа, тўғри... Бу гаплар келтирган шифровкангида бўлса керак. Ишни қандай қилиб тўғри олиб бориш устида бош қотириб кўрамиз. Ҳозир сиз...

— Меҳмонхонага қайтаман, ётиб уйқуни ураман...

— Йўқ... Мен айтмоқчи бўлганим... Иш устида...

— Аввал уйқуга тўйиб олай.— деб жавоб берди Плейшнер.— Мен бир кун, икки кун, уч кун бўлса ҳам ухлаб олай, кейин иш борасида ўйлаб кўрарман. Ҳамма қўллэзмалари Берлинда қолдирганим... Дарвоқе, мен ҳамма асарларимни ёдан биламан десам бўлади...

Дароз Плейшнернинг швед паспортини олиб, эътибор бермаётгандай стол устига ташлади:

— Идиңга соат иккida паспортга келасиз, уни ўзи-миз Швеция элчихонасида рўйхатдан ўтиказамиш. Аниқ-роги — ҳаракат қиламиш: шведлар ҳаддан ошмоқдалар — борган сарп ҳаддан ошмоқдалар.

— Ким?— тушунмай сўради Плейшнер.

Гестапочи йўталиб қўйди, у ўз ролидан чиқиб кетган эди, энди айбини ёпиш учун сигарета чекди ва узоқ вақт тутишини чиқариб турди.

— Шведлар Германиядан ўтган ҳар бир кишини нацистлар агенти, деб ҳисоблайдилар. Сен қандай немиссан — Гитлерга қарши курашаётган ватанпарвармиссан ёки гестапо итимиссан — уларга бари бир. Шунинг учун жуда эҳтиёт бўлишга тўғри келмоқда.

— У элчихонага бориб рўйхатдан ўтиш кераклигини айтмаган эди...

— Бу гаплар ҳам шифровкада бўлса керак.

«Унинг хўжайини Берлинда экан,— ўйлади гестапочи,— буниси аниқ бўлди, чунки қўллэзмалари ўша ерда қолганлигини ўзи айтди... Демак, Берлинда яна биттасини қўлга туширас эканмиз.. Толени қаранг! Фақат шошмаслик — шошмаслик керак».

— Сизга ташаккур,— деди Плейшнер ўрнидан турар экан.— Ажойиб қаҳва экан, совуқ сув билан ичилса ундан ҳам ажойиб бўларкан.

— Сиз омон-эсон етиб келиб, жойлашганилигингиэ

ҳақида уни хабардор қилдингизми ёки мен хабар берайми?

— Сиз ўз ўртоқларингиз орқали бажарасизми буни?

«Коммунист экан,— деди ўзига ўзи гестапочи.— Буниси ҳам қойил бўлди».

— Ҳа, ўртоқлар орқали уни хабардор қиласман, сиз ҳам ўз навбатида хабар бериб қўйинг... Кечиктирмағ...

— Мен бугун унга хабар бермоқчи бўлдим-ку, аммо отkritkага ёпиштириладиган почта маркасини топа олмадим.

— Индин келгунингизгача мен ўша сотувда йўқ маркани топиб қўяман. Унда нима тасвирланган экан?

— Монблан тоғига чиқиш... Кўк рангли. Албатта, кўк рангли.

— Яхши. Открытка ўзингиздами?

— Йўқ. Меҳмонхонада.

— Яхши бўлмапти. Меҳмонхонада ҳеч нарсани қолдириш керак эмас. Сиз чет эллик кишисиз. Тинтуб қилишлари мумкин. Бунчалик бепарво бўлманг!

— Йўқ.— деди кулиб Плейшнер.— оддий бир отkritka, ўнтачасини Берлинда сотиб олган эдим. Тексти эса ёдимда, кўриб турибсизки, бепарволик қилганим йўқ.

Даҳлизда гестапочи Плейшнер қўлини сиқиб, деди:

— Зийрак бўлинг, ўртоқ, такрор айтаман, зийрак бўлинг. Бир нарсага эътибор беринг: бу ердаги тинчлик юзаки тинчлиkdir.

— У огоҳлантирган эди мени. Буни биламан.

— Ҳар эҳтимолга қарши адресингизни ташлаб кетинг.

— «Виржиния», «Виржиния» пансионати.

— У ерда америкаликлар турадими?

— Нега энди?— сўради Плейшнер.

— Номи инглизча экан... Улар одатда ўз номлари қўйилган меҳмонхоналарга тушадилар...

— Йўқ. Менимча у ерда чет элликлар йўқ.

— Буни текшириб кўрамиз. Агар мени ўз пансионатингизда кўриб қолсангиз, илтимос, ёнимга келманг, мен билан сўрашманг — бир-биримизни танимаймиз.

— Яхши.

— Яна бир гап... Агар бирор кутилмаган ҳодиса юз бериб қолгудек бўлса, менга қўнғироқ қилинг. Эслаб қола оласизми?— У олти рақамли номерни икки марта қайтарди.

— Ҳа,— деди Плейшнер,— хотирам яхши. Лотин тили хотирани жуда ҳам мустаҳкамлайди...

Плейшнер уйдан чиқиб, шошилмай кўчанинг қарши томонига ўтди. У чиққан уйнинг рўпарасида пўстин нимча кийган чол ўз зоомагазинининг ойнасини ёпмоқчи бўлиб турган эди. Ойна орқасида қафасларда қушлар сакрарди. Плейшнер ойна олдида қушларни томошга қилиб, анча туриб қолди.

— Бирон нарса харид қилмоқчимисиз?— сўради чол.

— Йўқ, қушларингизни томоша қиляман.

— Энг яхшилари ичкарида. Аксинча қиласман,— чол жуда гапдон чиқиб қолди.— Ҳамма ойнага энг яхши молларини қўяди, мен эсам қушларга мол-буом деб қарамайман. Қуш-қуш. Қушларнинг сайрашини эшитиш учун кўп ёзувчилар келиб туришади. Бир ёзувчи келиб, нима деди денг: «Янги китоб ёзиш азобидан олдин Орфей каби оромбахш музикани — қушлар сайроғини тинглайман. Шундай қиласам, ўз Эвридикасини топа оладиган қўшиғимни ижод қила олмайман...»

Плейшнер тўсатдан пайдо бўлган кўз ёшини арта бошлади ва ойна ёнидан нари кетар экан:

— Раҳмат сизга,— деди.

— Нима?— деганича қолаверди пўстин нимча кийган чол, лекин Плейшнер унга жавоб қайтармай, ўз пансионатига йўл олди — унда стол ёнига ўтириб олиб, ишлаш иштиёқи пайдо бўлганди...

— Нега энди чироқ ёқмай? Кимдан қўрқяпсиз?— сўради Штирлиц.

— Сиздан эмас,— деб жавоб берди Холтофф.

— Пайпаслаб юрар эканми՞з да...

— Мен уйингизга ўрганиб олдим. Жуда қулай ва тинч жой.

— Айнинса бомбардимон пайтида,— қулиб юборди Штирлиц.— Белим ўласи бўлиб оғрияпти, қаердадир шамоллатиб қўйибман. Ҳозир ваннахонадан аспириин олиб чиқай. Ўтнинг. Қўлингизни беринг—шу ерда кресло бор.

— Раҳмат. Топдим.

Штирлиц ваннахонага кириб, дори қутичасини очди.

— Қоронгида аспириин ўрнига сурги дори ичиб қўймай. Келинг, лардаларни туширамиз, улар жуда қалин, кейин каминга ўт ёқамиз: агар бизни расмга ола-

дилар деб қўрқсангиз, бурчакка ўтиб ўтириинг — у ерда ҳеч ким кўрмайди сизни.

— Мен пардаларпи туширмоқчи бўлдим-у, аммо бирон ҳийласи борми дейман, тушмади.

— Йўғ-э, ҳалқаси илиниб қолади. Ҳозир ўзим тушираман. Нима гап ўзи, дўстим? Кимдан қўрқяпсиз?

— Мюллердан.

— Ўз шефингиздан-а?

— Худди ўшандан.

— Икки кун йўғимда қапдай воқеа юз берди? Жаҳон остин-устин бўлдими? Худои таоло ерга тушиб келдиларми? Еш Кальтенброннер яхудийга уйландими?

— Деярли шунга ўҳшааш воқеалар,— деди Холтофф.

Штирлиц дераза пардаларини бекитиб, чироқ ёқмоқчи бўлди. Шиқ этган товушни эшишиб, Холтофф деди:

— Мен пробкаларни олиб қўйгандим. Уйингизда аппарат ўриатилган бўлиши мумкин.

— Ким ўрнатади?

— Биз.

— Сабаб?

— Ҳузурингизга худди шуни билгани келдим-да. Аспирик ичдингизми?

— Ҳа.

— Каминга ўт ёқиб, кейин ўтириинг, вақт кам, муҳокама қиласидиган масалалар кўп.

Штирлиц қуп-қуруқ ўтиинга гугурт чизиб юборди. Гуриллаб олов олиб кетди. Камиш ҳам ажойиб эди. Аввал гуриллаб ёнарди-да, қизиган сари овози ўчарди.

— Хўш?— деди Штирлиц камиш ёнидаги креслога, оловга яқинроқ ўтирас экан,— нима гаплар, дўстим?

— Менда ҳеч гап йўқ. Сиз нима қиласиз, шуни билмоқчи эдим?

— Принцип жиҳатданми?

— Принцип жиҳатдан ҳам...

— Принцип жиҳатдан бўлса, ванна қабул қилиб, укламоқчи эдим. Жуда совуқ қотдим ва чарчадим.

— Мен олдингизга дўст сифатида келдим.

— Бўлди энди.— Штирлишинг энсаси қотди.— Еш болалардек сир сақлайверманг. Ёки исмингиз Монте Кристоми? Ичасизми?

— Ҳа, ичаман.

Штирлиц конъяқ олиб келди, ўзига ва Холтоффга қўйди. Улар индамай ичиб олишди.

- Яхши конъяк экан.
- Яна қуяйми?
- Соз бўларди.

Улар яна ичишди, кейин Холтофф бармоқлари-ни шиқирлатиб, деди:

— Штирлиц, меп шу ҳафта давомида сизнинг ишин-гиз билан шуғулландим.

- Тушунмадим...

— Мюллер яширил равишда сизнинг физиклар ус-тида олиб борган ишингиизни текшириши буюрди.

— Холтофф, топишмоқларнинг кераги йўқ. Худо ҳа-қи, ҳеч нимани тушунмаётубман. Ёки қамоққа олинган физикнинг менга нима алоқаси борлигини батафсил ту-шунтириб беринг, ёки, нега яширин равишда менинг ишимни текшириб юрибсиз, нега Мюллер менга қарши далиллар қидирмоқда — шунинг маъносини айтиб бе-ринг...

— Мен буни тушунтириб бера олмайман. Узим бу-га тушуниб етганим йўқ ҳали. Сизнинг шубҳа остига олингандигингизни биламан, холос.

— Мен-а? — ҳайрон бўлди Штирлиц.— Бу аҳмоқ-лик-ку! Ёки шефларнинг тўполонда бошини йўқотиб қўйдиларми?

— Штирлиц, менга оғир бўлишни ўзингиз ўргатгак эдингиз.

— Ҳозирги гапигиздан кейин мен қандай хотиржам бўлай?! Ҳа, менинг асабим қизишиб кетди. Чунки бу пареа ғазабимни қўзғатиб юборди! Ҳозироқ Мюллер ҳу-зурига бораман...

— У ухлаб ётибди. Унинг ҳузурига боришга шошил-манг. Физиклар иши билан шуғулланниб кималарни топ-ганимни айтиб берай. Буларни ҳали Мюллерга айтганим йўқ, сизни кутдим...

Ақлини ростлаб олиш ва ўзини қайта текшириб кў-риш учун Штирлицга бир дақиқа вақт керак эди: бер-ган саволларида, қайтарган жавобларида, деталларга ҳаддан ташқари қизиқишида юзаки қараганда аҳами-ятсиз бўлган, аммо ўзини фош этувчи из қолдирмаган-микин?..

— Ҳозир,— деди у,— қўрққанимдан қорим оғриб қолди.

— Нима? — уни дарҳол тушунмади Холтофф.

— Айиқлар касалига дучор бўлибман,— деб қайтар-

ди Штирлиц ўрнидан турар экан,— нималигини биласизми?

У ҳожатхонага кириб, ичидан бекитиб олди, аммо Холтоффнинг оёқ учида юриб эшик ёнига келганлигини сезиб турди.

«Аҳмоқ,— деб ўйларди у,— шундай қиладими? Унинг адабини бериб қўйиш керак».

— Холтофф!— деб қаттиқ чақирди Штирлиц ва унинг оёқ учида кресло ёнига чопиб қайтиб борганини эшитиб турди.

— Ҳа...

— Хонанинг у ёғидан-бу ёғига ўтавермай, бирданига жавоб берсангиз бўлмайдими? Айтинг-чи, ким мени шубҳа остига олган — Мюллери менинг шефларимми?

— Бу ёқса чиқинг, кейин ҳамма варианtlарни муҳокама қилиб кўрамиз.

— Ҳозир чиқаман...

«У ўзини қандай тутар экан?— ўйларди Штирлиц.— Тўппа-тўғри келиб, мен билан гестапо шуғулланаётганини айтиш хавфли нарса — бунинг учун отиб ташлашлари мумкин. У ашаддий нацист-ку, унга нима бўлдийкин ўзи? Еки Мюллериңнинг топшириғи билан мени текшириб кўрмоқчими? Бундай бўлмаса керак. Бу ерда гестаподан бошқа ҳеч ким йўқ, улар бундай суҳбатдан кейин менинг қочиб қолишим маъқул эканини тушунишлари керак эди-ку. Ҳозир қирқ учинчи йил эмас, фронт ёнгинамизга келиб қолган. Еки у шахсан ўзи ташаббус кўрсатиб келганмикин? Хўш... Унда мақсади нимайкин? У жиддий иш қилишга журъят этадиган ақлли одам вмас. Аммо ғоятда айёр. Мен бунчалик содда муғомбирликни унча тушунолмайман. Аммо худди шундай содда муғомбирлик баъзан мантиқдан ҳам, росмана ақлдан ҳам устун чиқиб қолади. Шунинг учун ҳам ҳозир нотўғри йўл тутсам — омон қолмайман. Энг асосий операцияни барбод қиласман — уни менинг ўрнимга давом эттирадиган бошқа одам топилмайди...»

— Штирлиц, нима қиляпсиз?

— Сиртмоқ тайёрлайяпман. Ўзимни-ўзим осмоқчиман.

Штирлиц ваннахонадан чиқиб, креслога келиб ўтирида, ёниб тугаёзган ўтинни тита туриб, деди:

— Қани, энди очилаверинг.

— Гапим жуда жиддий.

— Бу дунёда жиддий бўлмаган нима ҳам бор дейсиз?

— Мен Шуман идорасидан учта экспертни чақиртирдим.

Шуман янги қурол бўйича вермахт маслаҳатчиси бўлиб, унинг қўл остидаги кишилар атомни парчалаш масаласи устида иш олиб бораётган эдилар.

— Рунгени қамоққа олганларингизда, мен ҳам ўша жойдан эксперталар чақиртирган эдим.

— Ҳа. Рунгени биз қамоққа олдик. Аммо негадир унинг иши билан разведкада бўла турниб сиз шуғулландигиз.

— Тушунмадим денг?

— Ҳа. Тушунмадим.

— Рунге Францияда ва Қўшма Штатларда ўқиган. Унинг ёзидан кўра, ўша ёқлардаги алоқалари муҳимроқ эканлиги тушунарлимасми? Масалалар истиқболини кўра билишда дадилликнинг етишмаслиги ҳаммамизга панд бермоқда. Биз фантазия қилишдан қўрқамиз. Белгилаб қўйилган йўлдан боришни биламиз, холос, ундан бир қадам ҳам четга чиқолмаймиз. Асосий хатомимиз ана шунда.

— Буниси тўғри,— қўшилди Холтофф.— Дадиллик йўқ деганингиз мутлақо тўғри... Аммо хусусий томонлари бўйича баҳслашишга тайёрман. Рунге ўта радиоактив моддалардан плутоний олиш тадқиқотларини давом эттиравериш керак деган эди ва илмий оппонентлари уни шу соҳада айблаган эдилар. Шундай қилиб, уни чаққан кишилар худди ўшалар, мен буни бўйинларига олишга мажбур этдим...

— Бунга шубҳаланган эмасман.

— Нега?

— Чунки Рунге қалбаки тадқиқот ўтказяптими ёки йўқми, агар у шундай қилаётган бўлса, бу кимга фойда — бизгами, ёки душмангами — ана шуларни аниqlаш муҳим эди.

— Сиз унинг таклифлари душманга фойдали экан, деган хуносага келган эдингизми?

— Ахир ишни ўзингиз ўқиб чиқибсиз-ку.

— Мана энди одамларимиз Лондондан. Рунге ҳақ экан, деб хабар қилмоқдалар! Америкаликлар ва инглизлар унинг йўлидан иш бошлаб юборганлар! У эса гестапода қамалиб ётган.

— Сизнинг гестапонгизда,— унинг гапини тұғрилаб қўйди Штирлиц.— Сизлар қамагансизлар, Холтофф. Биз эмас, сизлар. Унинг делосини биз эмас, сизлар: Мюллер ва Кальтенбрүннер тасдиклаганлар. Менинг ҳам, сизнинг ҳам, Шуманинг ҳам бувиси яхудий бўлмаган, Рунгенинг бувиси яхудий бўлган, устига-устак буни яшириб юрган...

— Э, унинг бувисигина эмас, буваси ҳам уч карра яхудий бўлавермайдими!— жаҳл билан деди Холтофф.— Бизга астойдил хизмат қилган экан, бувасининг ким бўлганининг нима аҳамияти бор! Сиз эса абраҳаларга ишонибсанэ!

— Абраҳалар дедингизми? Ҳаракатиниг кекса аъзоларни-я? Олий ирқли кишиларни-я! Шахсан фюрер ўзи тақдирлаган физикларни-я!

— Яхши, яхши... Бўпти. Ҳаммаси тұғри... Сиз ҳақлисиз. Қани, конъякдан қўйинг...

— Пробкани ташлаб юбордингизми?

— Пробка чап қўлингизда, Штирлиц.

— Мен электр пробкалари ҳақида гапирияпман.

— Йўқ, улар кўзгу олдидағи стол устида.

Холтофф конъякни бошини кўтариб турниб қулт этиб ичиб юборди.

— Кўп ичадиган бўлиб қолдим,— деди у.

— Ҳозир ким кам ичади дейсиз?

— Пули кам одам,— ҳазиллашди Холтофф.— Бечоралар...

— Буниси кулгили.

— Йўқ, буниси ачинарли,— эътираз билдириди Холтофф.— Гап унда эмас! Сиз нима деб ўйлайсиз, Штирлиц, текшириш натижаларини Кальтенбрүннерга айтсан нима киларкин?

— Аввал текшириш натижасини Мюллерга айтиш шарт. Рунгени қамашга буйруқ берган ўша.

— Сиз эса ана ўша Рунгенинг ишини текширгансиз.

— Ҳа, мен текширганман. Буниси аниқ — аммо бошлиқлар кўрсатмаси билан, буйруқни бажаргашман, холос.

— Агар сиз уни қўйинб юборганингизда бундан ярим йил олдин «интиқом қуроли»ни тайёрлаш масаласида бир ерда топтаб қолмай, аллақанча илгарилаб кетган бўлар эдик.

— Буни исбот қила оласизми?

- Аллақачон исбот қилдим.
- Ҳамма физиклар ҳам сизнинг гапинингизни маъқулладиларми?
- Кўпчилиги. Мен суҳбатга чақирганларнинг кўпчилиги. Энди сизни нима кутяпти?
- Ҳеч нима,— унинг гапини бўлди Штирлиц,— ҳа, ҳеч нима. Илмий тадқиқот натижаси амалда исботланади. Қани ўша исботлар?
- Мана, чўнтағимда.
- Ҳали шундай денг?
- Худди шундай. Мен Лоиддан бир неча хабар олдим. Энг яшти хабарлар. Сизни ўлимга маҳкум этадиган хабарлар.
- Мақсадингиз нима, Холтофф? Сиз нимагадир шаъма қиляпсиз, лекин нимагалнгига ақлим етмаяпти.
- Мен яна бир марта қайтаришм мумкин: ўз хоҳинингиз биланми ёки йўқми, бари бир, худди сиз «Интиқом қуроли»нинг яратилишига халақит бергансиз. Ўз хоҳинингиз биланми, ёки бенхтиёрми, бари бир, сиз, худди сиз юз физикни сўроқ қилиш ўрнига ўн кишини сўроқ қилиб,— улар эса Рунгенинг четлаштирилнишдан машифатдор эдилар,— Рунге заарарли ва истиқболи йўқ олим, деб қарор чиқарилүшига сабабчи бўлгансиз.
- Демак, сиз мени Кейтель ҳам, Геринг ҳам ишонциб келгай фюрерниң асл солдатларига ишонмасликка, атомни америкача ўрганиш йўлини тутган кишини ёқлашга даъват қилмоқчимисиз? Сиз мени шунга даъват этяпсизми? Сиз гестапо қамаган — гестапо эса сабабсиз қамамайди — Рунгега ишопиб, уни фош қилиб берган одамларга ишонма, демоқчимисиз?
- Мантиқан ҳаммаси гўғри, Штирлиц. Мен сизнинг ҳар вақт мантиқан тўғри йўл тутишинингизга ҳавасим келиб юрадди: сиз Рунгени қамашга буйруқ берган Мюллерни ва учинчп бўгин авлоди яҳудий бўлган кишини ёддаётган мени зарбага рўпара қилиб, ўзинингизни бизнинг суюкларимиз устига қурилган садоқат тимсоли ҳис қилмоқдасиз. Майли. Бу томоннин қойил қилдингиз, Штирлиц. Мен бунинг учун келганим йўқ. Сиз бир нарсанинг истиқболини кўра билган экансиз: Рунге концлагерда бўлса ҳам, алоҳида СС шаҳарчасида яшаб, на зарий физикка билан шуғулланмоқда. Штирлиц, ҳозир сизга асосийсини айтаман: мен аро йўлда қолдим... Агар мен Мюллера текшириш натижасини айтсан сизни фа-

қат мен эмас, балки яна бир неча киши текшираётган ва шубҳа остига олинган бўлишингизга қарамай, қўлингизда унга қарши қуролингиз бор эканини фаҳмлайди у. Гапингиз тўғри, Рунгени қамашга у буйруқ берган. Агар мен текшириш натижалари сизга қарши эканлигини айтсан, уни ҳам билвосита хавф остига қўйган бўламан. Менга Мюллэр ҳам, сиз ҳам зарба берасиз. У менинг далилларимни қайта-қайта текшир деб зарба бераверади, сиз эса... Сиз қандай қилиб менга зарба беришингизни айтиб бердингиз. Хўш, гестапо офицери сифатида мен нима қилишим керак? Қани, разведка офицерп сифатида бирон маслаҳат беринг-чи...

— «Э, бу томонга шаъма қилаётган экан-ку,— дарҳол пайқади Штирлиц.— Ифво қиласитими ёки йўқми? Агар ифво қилаётган бўлса, нима қилишни биламан. Борди-ю, «ўйинга» таклиф қилаётган бўлса-чи? Ҳозир улар фарқ бўлаётган кемадан худди каламушлардай қочиш йўлини излайтилар. Гестапо билан разведкани у бекорга ажратиб гапирмади чофи. Тушунарли, ҳаммаси равшан бўлди. Аммо жавоб беришга вақт бор. Ҳали вақт бор».— Фарқи нима,— елкасини қисиб деди Штирлиц,— гестапоми, разведками, бари бир эмасми? Орамизда баъзи келишмовчиликлар бўлишига қарамай, ҳаммамиз бир ишни бажаряпмиз-ку.

— Ҳа, бир ишни бажаряпмиз,— рози бўлиб деди Холтофф.

— Аммо дунёда биз — гестапо одамлари — жаллодлар ва муштумзўлар бўлиб ном чиқаздик. Сиз эса — сиёсий разведка одамлари — заргарлар, атиручиликларсиз. Сизлар ҳар қандай тузумга, ҳар қандай давлатга кераксиз, бизлар эса фақат рейхга керакмиз: рейх билан биргага юксаламиз ёки биргаликда ҳалок бўламиз...

— Мендан, нима қилай, деб маслаҳат сўрайпсизми хуллас?

— Ҳа.

— Сизнинг таклифингиз қандай?

— Аввал мен сизни тингламоқчиман.

— Пробкани бураб олганингиз ҳамда парданни туширишни илтимос қилганингиздан...

— Парданни туширишни ўзингиз айтдингиз.

— Шунақами? Мен сиз айтдингиз деб ўйлабман...

Майли, гап бунда эмас... Сиз ўйиндан чиқмоқчими-
сиз?

— Менинг ўрнимда сиз ҳам шундай қилар эдин-
гизми?

— Ҳозирча, Холтофф, сизнинг «ҳа» ёки «йўқ» деган
жавобингизни эшитмагунимча мен ҳам сизга жавоб бе-
ра олмайман.

— Агар мумкин бўлмаган нарсани тахмин қилиб,
«ҳа» деган жавобни берсам-чи?

— Агар мумкин бўлмаган нарсаларни тахмин қилар
эканмиз, унда бу ерга янгиш келибсиз. Сиз менга эмас,
астрологларга мурожаат қилинг.

— Чегарада бирор «туйнук» борми?

— Бор деб тахмин қилайлик.

— Борди-ю уч киши бўлиб бетараф томонга қочсак?

— Уч киши дейсизми?

— Ҳа, уч киши, Рунге, сиз ва мен. Биз жаҳон учун
улуг физикни қутқариб қоламиз. Бу ерда уни қутқарган
мен бўлсам, қочишни уюштирган сиз бўласиз. Қалай?
Маъқулми? Яна бир нарсани ҳисобга олинг, шубҳа ос-
тига мен эмас, сиз олингансиз. Мюллernerning шубҳасига
учраган кишининг тақдирни қандай бўлиши ўзингизга
маълум. Хўш? Жавоб кутяпман.

— Яна ичасизми конъякдан?

— Ичаман.

Штирлиц ўрнидан турди, шишани очди-да, шошил-
май Холтофф ёнига борди, у қадаҳини тутди. Шу онда
Штирлиц қулочкашлаб туриб Холтоффнинг бошига қир-
рали оғир шиша билан туширди. Шиша чил-чил бўлди.
Холтоффнинг юзи қон аралаш жигар ранг конъякка
беланди.

— «Тўғри қилдим,— мулоҳаза юрита бошлади
Штирлиц. «Хоръҳ» акселераторини босар экан.— Бошқа-
ча йўл тутишнинг иложи йўқ эди. «Фифти-фишли» ўйи-
нида ярим-юримта қилиб тикиб бўлмайди. Агар у ёним-
га чин кўнгилдан келган бўлса ҳам, бари бир тўғри иш
қилдим. Мақсадимизнинг ҳар хил бўлиши менга тўғри
йўлни кўрсатиб турди — хусусий жиҳатдан ютқазган
бўлсам-да, бошқа томондан каттароқ нарсага: Мюллerner-
ning тўла ишончига сазовор бўламан».

Унинг ёнида, эшикка суюниб Холтофф ётарди. У ав-
валгидек ҳушсиэ, қўли кишанланган эди.

Холтофф Мюллер ухлаяпти деркаш, янгишишган эди. Мюллер уйғоқ экан. Дешифровка марказида Беридаги гестапонинг яширип уйида бўлган воқеалар ҳақидаги хабарни олган эди. Рус радиостанциянг шифри билан Беридан келтирилган шифр бир хил эди. Шундай қилиб, тахмин қилди Мюллер, рус резиденти, радиостларим бомбардимон пайтида ҳалок бўлганлар ёки бирон-бир ҳодиса юз берган, деган қарорга келиб, янги алоқа қидира бошлабди. Бунда Мюллер рус передатчигидаги ҳамда Борман билан махсус алоқа телефонидаги бармоқ излари бир эканлиги фактини ҳали ишга солганича йўқ эди. Аммо бу фактларни ишга солмаса ҳам бари бир миясидан нари кетмас эди. Полицияда йигирма йил ишлаши давомида унда махсус бир хусусият пайдо бўлганди: у аввалига ўша ҳис-туйғу ва интуицияга қулоқ соларди, кейин эса уларни — кўпинча биринчисини — ўзини қизиқтирган факт ёки кишини таҳлил қилиш орқали қайта текшириб кўрарди. У камдан-кам янгишарди: нацистларниң намойишини тор-мор келтириб, Веймар республикасига хизмат қилган пайтларида ҳам, кейин нацистлар томонига ўтиб олиб, Веймар республикаси бошлиқларни концлагерларга ташлаган пайтларда ҳам ҳис-туйгуси уни алдамаганди. Штирлиц билан боғлиқ бўлган топшириқни Кальтенброннер ёндан чиқармаган бўлса керак, деб ўйларди у. У индамаятими, демак, юқори доираларда бирон воқеа юз берган бўлиши керак. Аммо нима воқеа ва қачон бўлганлигини, унинг сабаблари нима эканлигини Мюллер билмасди. Шунинг учун ҳам у Холтоффга Штирлишинг уйнга бориб, юқоридаги найрангбозликини ишлатишни топширганди: агар эртасига Штирлиц келиб Холтоффниң қилмишларини айтиб берса, унда ишни хотиржамлик билан пўлат сандикقا согиб кўйинши мумкин эли. Агар Штирлиц Холтоффниң таклифига рози бўлса, унда ишни кўтариб Кальтенброннер олдинга киравериши ва ўз жодимишиниң далилларига таяниб, ҳаммасини очиқласига айтиши мумкин бўларди. У пайтда бу иш тушуниб бўлмайдиган физиковий формулалар эмас, балки рад килиб бўлмайдиган ҳақиқатга, фактiga айланарди.

«Ҳўш...— ўлашни давом эттирди у.— Майли. Холтоффни кутайлик. У ёғини кейин кўрармиз. Эндиг рус

нианиночинин олиб кўрайлик. Бинобарин, унинг бош-
вийи Швейцариядаи алоқа қидира бошлаган экан, қиз-
га писбатан Штирличининг самимий сухбатини эмас, ўз
усулларимизни ишлатсак бўлаверади. Бу қиз ўз бөш-
лиқлари қўлида оддий бир қурол бўлниши мумкин эмас.
У ниманидир биллиши керак. У амалда биронта ҳам са-
волга жавоб бергани йўқ. Вақт эса эшқ. Берндан олинган
шифр калити ҳам унинг миясида бўлниши мумкин. Ре-
зидент унга шу ерда берган текст билан Бернга юбор-
ган шифрини бир-бирига таққослаб, кўп нарсани билиб
олишими мумкин. Ана унда ҳам Farbga қарши, ҳам
русларга қарши ўйин бошласак бўлади — бу ҳозирги
пайтда жуда муҳим нарса. Бу биз учун энг сўнгги им-
коният».

У мулоҳазаларини охирига етказолмади, эшик очи-
либ, Штирлиц кириб келди. У қонга белантан, қўли ор-
қасига қилиб кичкинагина кишан солинган Холтоффни
қўлтиқлаб олган эди.

Мюллер эшик олдида ҳайрон бўлиб туриб қолган ўз
ёрдамчиси Шольцга кўэн тушди ва:

— Штирлиц, ақлингиз жойидами ўзи? — деди.

— Жойида, — жавоб берди Штирлиц, Холтоффни
нафрат билан креслога ташлар экан. — Манави ё ақлдан
оғзан, ё хоинлик йўлига ўтган.

— Сув, — деди Холтофф аранг. — Сув беринг...

— Сув беринг, — деди Мюллер. — Нима гап ўзи, ту-
зукроқ тушунтирсангиэ-чи?

— Аввал бунинг ўзи тузукроқ қилиб тушунтириб
берсин, — деди Штирлиц. — Мен эса ҳаммасини тузукроқ
қилиб, батафсил ёзиб бераман...

У Холтоффга сув ичирди-да, стакани графин ёнига
қўйди.

— Боринг, хонаигизга бориб, нимани лозим топсан-
гиэ ўшани ёзиб келинг, — деди Мюллер. — Қачон ёзиб
бўласиз?

— Қисқача десангиз — ўн минутда. Батафсил десанг-
из — эртага.

— Нега эртага?

— Чунки бугун менинг зарур ишларим бор, уларни
тамомлашим шарт. Кейин, бу эртагача ўзига кела ол-
майди. Кетишга руҳсат этинг?

— Бораверинг. Марҳамат, — жавоб берди Мюллер.

Штирлиц чиқиб кетди. Мюллер Холтоффниг қўли-

даги кишанин ечди, хаёл сурганича қон қотиб қолган юзларини силаб қўйиб, стакан турган стол ёнига борди. Мюллер стаканни икки бармоғи билан авайлаб ушлаб, ёруққа тутди. Штирлиц бармоқларининг изи аниқ кўриниб турарди. У ҳали бармоқ излари олинмаган кишилар рўйхатидан эди. Штирлицдан шубҳаланишдан кўра кўпроқ ишни охиригача етказиш одатига амал қилган Мюллер Шольцни чақириб, бундай деди:

— Манави стакандаги бармоқ изларини кўчириб олсинлар. Агар ухлаган бўлсам — уйғотманг. Менимча, бунинг шошилинч жойи бўлмаса керак.

Штирлиц эса Мюллер номига ёзилган кичкинагина ахборотни Шольцга топшириб, пастор олдига шошилди: пасторни ҳозир, дарҳол, бугуннинг ўзида Швейцарияга жўнатиш керак эди. У ерда ҳамма нарса тайёр. Плейшнер ўйлаган ишларининг ҳаммасини бажо келтириши лозим. Пастор лакмус қофози хизматини ўтайди. У, ўз истаги ва иродасидан қатъи назар, Европани озод этатётган русларни маданиятга хавф соловчи ваҳший оснёликлар, деб ҳисоблаб юрган Фарбдаги кишилар билан Гиммлер ўртасидаги келишувни барбод қилиши керак эди...

Мюллерни бари бир уйғотиши. Уни Шольцнинг ўзи уйғотди. Стакандаги Штирлиц қолдирган бармоқ излари телефон трубкасида ва, ҳаммадан даҳшатлиси, рус радиопередатчигида қолдирилган бармоқ изларининг худди ўзгинаси экан...

*«Шахсан СС рейхсфюрери
Генрих ГИММЛЕРГА.*

Бир нусха босилган.

Қадрдон рейхсфюрерим!

*Мен Швейцариядан ўз ставкамга қайтиб келдим.
Мен ушбу хатимда барча воқеаларни тартиб билан —
соатма-соатига айтиб беришдан ташқари, энг яқин ке-
лаjakни объектив равишда анализ қилиб беришга*

уриниб кўраман. Чунончи, менинг Даллес билан олиб борган музокараларим туфайли шу яқин келажак анча яхшиланди.

Кечаки мен ва Дольман италиялик миллатчи-қўзғолончилар Парри ва Усмиянни олиб Швейцарияга жўнадик. Чегарадан яширин ўтиш операциясини Швейцария разведкасининг майори Вейбелнинг ёрдамчиларидан бирни амалга оширди. Чегарадан ўтиш ишларига синчилаб тайёргарлик курилди: биз уз вақтида Цюрихга кетадиган поездга улгурдик. У ерда Парри ва Усмияни шаҳар атрофидаги энг ҳашаматли госпиталь Гирсланденклиникка жойлаширилди. Кейинчалик менга маълум бўлишича, у ерга дарҳол Даллес етиб келган. Даллес билан Парри азалдан дўст эканлар: айтидан, американклар коммунистлардан иборат эмас, балки фақат сўнгги пайтда, бизнинг қўшинларимиз Италияга киришга мажбур бўлганларидан кейингина дучедан ажраби кетган монархистлар, ашаддий миллатчилардан иборат, партизанлик шуҳратини ўзига байроқ қилиб олган бўлғуси итальян кабинети составини тайёрламоқдалар.

Гюсман олдимиизга келиб бизни Даллес ҳузурига, унинг маҳфий уйига олиб борди. Даллес бизни кутиб турган экан. У ўзини жиддий тутди, лекин самимийлик кўрсатди. Биз бир-биримиз билан қўл бериб кўришдик ва музокара бошланди. Тўғри, Даллес дераза ёнида ёруққа тескари қараб, индамай ўтирди. Биринчи бўлиб Геверниц гап бошлади.

У мендан:

— Матильда Гедевильснинг илтимоси билан италиялик Романо Гуардинининг озод қилинишига сиз ёрдам берганмисиз? — деб сўради.

Мен аниқ жавоб бермадим, чунки бу фамилия ёдимда йўқ эди. Балки бу савол текширишининг бир туридир, деб ўйладим яна.

— У кўзга кўринган католик файласуфи,— гапини давом эттирди Геверниц,— фикр юритувчи ҳар бир европалик унинг номини қадрлайди.

Бизнинг буюк актёrimiz бўлган Шелленберг берган сабоқларни заслаб, маънодор кулиб қўйдим.

— Генерал,— деб сўради мендан Гюсман,— Германия урушни ютқазганлигига аминмисиз?

Бу кишилар мени изтиробли чиғирдан ўтказишлари-

ни тушунардим, бунинг мен учун ғоятда камсцтиш эканнини ҳам билардим. Бир вақтлар тузуммизга нисбатан оппозицияда турган бирон-бир смёсий арбобни ўз тарафимизга оғдириши учун ўзим ҳам шундай қилар эдим. Мен уларни шунчалик ўз тарафимизга оғдирипар эдимки, кейинчалик уларга маъмуриятда масъулияти лавозим бериш мумкин бўларди — шахсий обрўсими ерга уриб текшириш кейинчалик етарли даражада лоял бўлшишини таъминларди.

— Ҳа,— деб жавоб бердим мен.

— Мумкин бўлган музокараларни ўtkазиш заминида фақат бир нарса: сўзсиз таслим бўлиш шарти ётпши кераклиги тушунарли бўлса керак?

— Ҳа,— деб жавоб бердим мен, музокара темасига қараганда музокара ўtkазиш факти мұхимроқ эканлигигини тушунган ҳолда. Шу вазиятда СС генерали ва партия аъзоси сифатида мен қанчалик хор бўлмай, мақсадимиз музокараларга йўл очилишини талаб қиларди..

— Шунга қарамай,— деб давом эттиради Гюсман,— агар сиз рейхсфюрер Гиммлер номидан сўзламоқни булсангиз музокаралар шу ондаётк тўхтатилади: мистер Даллеснинг хайрлашишдан бошқа иложи қолмайди..

Мен Даллесга қарадим. Мен унинг юзини кўра олмасдим, зоро кўзимга шуъла тушиб турарди, илгаригидек жим ўтиrsa ҳам, лекин қоронғида маъқул деб башни қимирлатиб қўйганини сездим. Мен гап купроқ шакл масаласида кетаётганлигини пайқаб олдим, чунки улар СС олий генерали ким номидан гапира олиши мумкинлигини яхши тушунардилар. Улар шу саволни бериб ўзларини кулгили аҳволга тушириб қўйдилар. Мен ҳам, албатта, фақат мистер Даллес билан гаплашишим мумкин-у, лекин у яҳудийлар монополистик капиталининг вакили эканлигини билиб олсан, у билан ҳар қандай алоқани узаман, деб жавоб қайтариш имумкин эди. Улар менинг жавобимни кутаётганларини тушундим. Мен бундай жавоб қилдим:

— Ҳозир биз умумий стол — музокаралар столи атрофида йигила олган пайтимиэда курашни давом эттириши буюк герман халқи олдида ва Европадаги маданият пособони булган улуғ герман давлати олдида жиноят бўлади, деб ҳисоблайман. Мен бутун ташкилотимни, Италиядаги энг қудратли ташкилот булган СС ва полисијани урушини тамом қилини ниятида ҳамда комму-

нистик ҳукумат түзилмаслигининг олдини олиш мақсадида иттифоқчилар ихтиёрига беришга тайёрман.

— Сизнинг гапингизни,— деб сўради ниҳоят Даллес,— ихтиёрингиэдаги СС қўшиклари Кессельринг вермахтига қарши курашади, деб тушунса бўладими?

Бу одам ҳамма масалаларда жиддийликни исташини сездим. Бу эса истиқбол ҳақида реал гаплашиш гарови эди.

— Менинг фелъдмаршал Кессельринг билан батафсил ва далиллар билан гаплашшим учун сизларнинг кафолатингиз керак.

— Тушунарли,— деб менинг гапимни маъқуллади Даллес.

Мен яна давом эттирдим:

— Сиз бир нарсани тушунинг, Кессельринг бу ерда, қўл остида бир ярим миллион солдат мавжуд бўлгани Италияда таслим бўлиш ҳақида буйруқ бериши билан бошқа фронтларда ҳам — мен бу ўринда гарбий ҳамда Норвегия ва Даниядаги Скандинавия фронтларини назарда тутмоқдаман — таслим бўла бошлишади.

Биринчи сұхбатдаёқ қўйимдаги кўзнип қартани ташлашим кераклигини тушундим.

— Агар сизлар музокараларни давом эттиришга кафолот берсангиз, мен Италиянинг вайрон қилинишига ўйл қўймасликни ёз зижмамга оламан, чунки фюрер бўйруғи бўйича ҳамма ер вайрон қилиниши лозим. Биз барча расм галереялари ва қадимий ёдгорликларни ўйқ қилиш, хузлас инсоният тарихига тегисиши ҳамма нарсаларни ер билан яксон қилиш юзасидан буйруқ олдик. Шахсан ўзим хавф остида қолиш имумкинлигига қарамай, Уффици ва Патти галереясидаги расмларни ҳамда қирол Виктор-Эммануил тўплаган танга ва чақа пуллар коллекциясини сақлаб, яшириб қўйдим.

Шу гапдан кейин мен стол устига бекитиб қўйилган расмлар рўйхатини ташладим. Рўйхатда Гициан, Ботичелли, Эль Греколар номи бср эди. Америкаликлар бу рўйхатни ўқишига қизиқиб кетиб музокарани ҳам тўхтатиб турдилар.

— Доллар курси бўйича буларнинг баҳоси қанча бўлар экан? — деб сўрашиб мендан.

— Уларнинг баҳоси ўйқ,— деб жавоб бердим мен, лекин яна қўшиб қўйдим: — Юз миллиондан ортиқ бўлса керак...

Геверниц ўн минутча Уйғониш даври ва шу давринг Европа техникаси ва фалсафий тараққиётiga қандай таъсир этганилиги ҳақида гапирди. Кейин гапга Даллес қўшилди. У ортиқча гапларсиз, тўсатдан сұхбатни давом эттирди. У бундай деди:

— Сиз билан ишлашга тайёрман, генерал Вольф. Аммо сиз менга иттифоқчилар билан бошқа ҳеч қандай алоқа боғламасликка кафолат беришингиз керак. Бу — биринчи шарт. Бу музокараларимизнинг шартлари фақат шу ерда ҳозир бўлган кишиларгагина маълум бўлиши кераклигини тушунарсиз деган умиддаман.

— Үндай ҳолда биз сулҳ туза олмаймиз,— дедим мен,— чунки сиз президент эмассиз, мен эса канцлер эмасман.

Шу жавобдан кейин бир-биримиэга қараб кулиб қўйдик ва шундай қилиб, Сизни музокаралар ҳақида хабардор қилиш ҳамда янги кўрсатмалар беришингизни сўраш учун розилик олдим.

Мен бу хатни фельдмаршал Кессельрингнинг адъютанти орқали бериб юборяпман, у ўз шефини Берлингача самолётда кузатиб боради. Бу кишини мен агентимиз сифатидагина эмас, балки бизга содиқ ва мафкураси бир хил киши сифатида синчилаб текширувдан ўтказганман. Сиз уни эсласангиз керак, чунки фельдмаршал Кессельрингнинг рейхсмаршал Геринг билан алоқаси ҳақида бизни хабардор қилиб туриш мақсадида уни фельдмаршал ҳузурига юборганимизда, унинг номзодини ўзингиз тасдиқлаган эдингиз.

Башарти Сиз фельдмаршал Кессельрингни сұхбат учун ҳузурингизга таклиф қилсангиз мақсадга мувофиқ иш бўлар эди. Америкаликлар билан келгуси учрашуви-миз яқин кунларда бўлади.

Хайль Гитлер!

КАРЛ ВОЛЬФ».

Вольф ҳақиқатни ёзганди. Музокаралар худди шу йўсинда ёки деярли шу йўсинда ўтган эди. У фақат Италияга қайтаётган пайтда, поезд купесида Гюсман ва Веббелъ билан яккама-якка сұхбатлашганликлари ҳақида ҳеч нимани ёзмаган эди. Бу сұхбатда Германиянинг бўлажак кабинети муҳокама қилинганди. Кессельрингни канцлер қилиб, Чехия ва Моравиянинг собиқ ноиби

фоп Нейратни ташқи ишлар министрн, НСДАПнинг фахрий аъзоси Ямлар Шахтни молия министри, СС обергруппенфюрери Карл Вольфни эса ички ишлар министри қилиб тайинлашга келишилганди. Бу кабинетда Гиммлер учун бирон лавозим мўлжал қилинмаган эди.

13

Шу вақтда Штирлиц ўз «Хоръх»ини Швейцария чегараси томон ҳайдаб кетаётгай эди. Унинг ёнида ранги ўчгаи пастор индамай ўтиради. Штирлиц радиони Францияга тӯғрилаб қўйди — Париж ёш ашулачи қиз Эдит Пиафф концертини берарди. Унинг овози йўғон, кучли, қўшиқ сўзлари эса оддий ва содда эди.

— Ахлоқ бутунлай бузилди-қўйди,— деди пастор,— мен бу ашулачини ёмонлаётганим йўқ, қулоқ солган сарим Гендель ва Бахни эслабирман. Афтидан, илгари санъат аҳллари ўзларини маъсуллиятлироқ ҳис этган бўлсалар керак: улар дин билан ёнма-ён бориб ўз олдиларига юксак вазифалар қўярдилар... Улар қандайдир машъъал хизматини ўтардилар... Хўш, бу-чи? Бозорда шундай ашула айтиш мумкин...

— Бу ашулачи,— деди Штирлиц,— ном қолдиради ҳали.— Ишонаверинг менга — ўлганидан кейин ҳам эслаб юришади.

— Сиз кўнгилчанлик қиляпсиз.

— Парижни севганлигим туфайли шундай деяпман... Майли, пастор. Бу гапларни урушдан кейин давом эттирамиз. Ҳозир эса Бернга бориб нималар қилишингизни яна бир марта қайтаринг...

— Хотирам яхши. Инжил фақат софдилликкагина эмас, балки хотирани яхши сақлашга ҳам ўргатади..

— Шунга қарамай, илтимос, ҳаммасини бошдан-оёқ қайтаринг.

Пастор Штирлиц сўнгги уч соат давомида тайинланган вазифаларни гапира бошлади. Штирлиц пасторга қулоқ солар экан, хаёлга ботди: «Кэт улар қўлида қолди. Аммо мен Кэтни олиб кетсан, улар пасторни қидира бошлардилар — бу билан ҳам гестаподан кимдир шуғуллаияпти шекилли. Ана унда бутун операция чиппакка чиқиб, Гиммлерга Бернагилар билан келишиш

имконияти туғиларди... Кутимаган ҳодиса юз бериб, Қэт ўз боласини қутқариб қолиш мақсадида мен ҳақимда оғзидаи гуллаб қўйиши мумкин. Аммо бундай бўлмаслиги ҳам мумкин. Аммо шу фурсат ичидан пастор ўз ишини бошлаб юборади. Плейшиер эса менинг топшаригимни бажариши керак. Уларнинг биронталари ҳам бу операция билан иммаларни бошлаб юборганликларини билмайдилар. Пасторини Плейшиердан сигнал олган бизнинг кишиларимиз назорат остига оладилар. Ҳамма нарса жойида бўлади. Гиммлерга Берн билан боғланиш имкониятини берманиман... Энди бу иш амалга ошмайди. Мюллери менинг чегирадан ўтадиган жойим борлигидан хабарсиз, чегарачилар ҳам унинг одамларига ҳеч нима демайдилар, чунки мен рейхсфюрер кўрсатмасига биноап иш кўраётирман. Шундай қилиб, бугун пастор Швейцарияда бўлади. Эртага мен мўлжал қилган, тўғрироги билан мўлжаллаган ишни бошлаб юборади.

— Йўқ.— деди Штирлиц,— хаёлидан четлашиб.— Сиз учрашувларни меҳмонхонанинг зангори заліда эмас, балки пушти ранг заліда тайинлашингиз керак: кўрдингизми, хотира яхши бўлса ҳам, қайтариш зарар қилмайди.

— Менга қулоқ солмаяпсиз, деб ўйлагапдим.

«Агар пастор жўнагач, иш жойида бўлса, мен Қэтни ҳам қутқара оламан. Ана шундан кейин гардкам, деб сўнгги қартани ташлаш мумкин бўлади. Улар мени тобора кўпроқ исканжага олмоқдаларки, ҳатто Борман ҳам бунга ёрдам бера олмайди. Уларнинг ҳаммасининг пиятини билиб олиш қийин. Агар иш ниҳоясига етаётганига амни бўлсан, Қэт билан бирга чегаранинг шу еридан қочиб қоламан. Агар ишни давом эттириш мумкин бўлса — уларда ҳеч қандай далил ҳам йўқ ва бўлиши ҳам мумкин эмас — Шелленберг ҳимоясида, уни ўқ ишлатиб бўлса ҳамки, олиб кетишга тўғри келади. Шелленбергга ахборот бергани уйига борсаммикин ёки Хохенлихенгамин, чунки у доим Гиммлер атрофида бўлади. Кейин вақтни тўғри чамалаб маҳфий квартирага бориб қоровулларни йўқ қилиши, передатчикни бузиш ва Қэтни олиб кетиш керак. Асосийси — вақтни аниқ ҳисоблаш ва тезлик билан иш кўриш. Ана ундан сўнг қидираверсинлар. Қидиришга ҳам вақтлари оз қолди. Мен билан болаларча иғво ўйинини ўйнамоқчи бўлган Хол-

тоффнинг ёрилган бошни кўриб Мюллernerнинг ваҳимага тушганилиги шундан далолат бериб туритти. Холтофф, албатта, Мюллernerнинг топшириги билан иш тутган. Аммо у ўз ролини ўйнамаган бўлса, ушбу роли унинг асл фикрларини изҳор этмаган бўлса бунча усталик қила олмасди. Агар Штирлиц, у ва Рунге билан бирга кетишга розилик берса, у ўз ролини қандай давом эттириши номаълум эди. Балки бирга жўнарди. Бу эҳтимолдан холи эмасди, албатта. Астрономни тергов қилаётганида унинг менга назар ташлашлари ва гаплари ҳали-ҳали ёдимда... Мен жуда тўғри иш қилдим. Бирданига жўнаб кетганимга, бир томондан Шелленбергни, иккичи томондан Борманни қалқон қиласман. Ҳали кўп иш қилса бўлади. Энди асосийси Кэт бўлниб қолди. Эртага эрталаб уйимга эмас, тўғри унинг ёнига бораман. Иўқ, иўқ, мумкин эмас экан. Ҳеч вақт кўр-кўrona иш қилмаслик керак. Айниқса бизпинг ишимиизда бундай қилиш ярамайди. Бундай қилинса, бошқа нарсаларни эмас, балки ишни қурбон қилиш, қолаверса ҳаётни қурбон қилиш мумкин».

— Тўғри,— деди Штирлиц,— жуда тўғри эътибор берисиз: биринчи таксини ўтказиб, иккинчисига ўтириш лозим ва ҳеч вақт тасодифий машиналарга ўтириш керак эмас. Умуман мен айтган монастирдаги дўстларингиз сизни ўз паноҳларига оладилар деган умиддаман. Яна бир марта қайтариб айтмоқчиман: сиз билан ҳар хил воқеа юз берини мумкин. Ҳар хил воқеа. Агар сиз жуда эҳтиёт бўлмасангиз, бу ерга, Мюллдер подвалига қандай қилиб келиб қолганингизга ўзингиз ҳайрои бўлаверасиз. Агар шу нарса рўй бериб қолгудек бўлса, қуйидагини билиб қўйинг — агар алаҳлабми, қийноқ остидами менинг номимни айтсангиз — мени ҳам, мен билан синглишгиз ва жияиларингизни ҳам ўлимга маҳкум этган бўласиз. Кимки сизни олиб чиқиб кетишинга рухсат берган бўлса, қариндошларигиз ўшалар назорати остида. Агар менинг номимни айтсангиз қариндошларингизни ҳеч нима қутқариб қололмайди. Бу билан сизни қўрқицмоқчи эмасман, гапимга тўғри тушунинг: бу билиб қўйиш ва ҳамиша ёдда тутиш лозим бўлган ҳақиқатдир.

— Тушунарли.

— Жуда соз. Мени худди шу масалада иотўғри тушунишиңгизни истамас эдим...

Штирлиц вокзал майдонига юз метр қолганда ўз машинасини ташлаб кетди. Чегара заставасининг машинаси белгиланган жойда кутиб турган эди. Калити ҳам ўз жойида экан. Ойналарига ичидаги ўтирган одамлар кўришмасин деб атайлаб лой сачратилган эди. Тоғдаги тайинли жойда қорга чанғи тиқиб қўйилганди, ёнида ботинкаси ҳам туради.

— Кийининг,— деди Штирлиц.

— Ҳозир,— деди пастор пичирлаб,— қўлимни титроқ босди, бир оз ўзимга келиб ола!

-- Бемалол гапираверинг, бу ерда ҳеч ким йўқ.

Тўлишган ой шуъласида қор қоплаган водий кумушдек ярқиради, фақат ўртадаги дараларни қоп-қора соя босганди, лекин у ерда ҳам қор дам бадам куядори сингари ялт-ялт қилиб туради. Қарағай шохларидаги қор ўюмлари ҳамлага ҳозирланиб турган йиртқич ҳайвонларга ўхшарди. Узоқда электростанция движоги гупилларди: унинг шовқини шамол эсгандагина эшитиларди.

— Жўнайверинг,— деди Штирлиц.— Оқ йўл сизга, пастор.

— Худонинг ўзи ёрлақасин сизни,— деб жавоб берди пастор ва чанғида бир амаллаб Штирлиц кўрсатган томонга йўл олди. Шундай чегаранинг ўзида икки марта йиқилди. Пастор даранинг нариги томонига ўтиб, қоп-қора ўрмон ичидан икки марта овоз берганига қадар Штирлиц машина олдидаги кутиб турди. У жойдан меҳмонхонага жуда оз масофа қолган эди. Энди ҳамма нарса жойида. Энди охирги ишни бажариш — Кэтни қутқариш қолди.

Штирлиц ўз машинасига ўтириб йингирма километрча йўл босгандан кейин ухлаб қолаётганини сезди. У сатига қаради: оёғида юрганинга роса икки кеча-кундуз бўлибди.

«Ярим соат ухлаб олмасам,— деди у ўзига ўзи,— Берлинга ета олмайман».

У роса йингирма минут ухлаб олди, кейин машинадан тушиб, юзини қор билан ювди, япалоқ флягадан бир қултум конъяк ҳўплаб, машинага ўтириб, газни босди охиригача. «Хоръх»нинг кучли мотори равон ишларди. Спидометр жадвали «150 км»ни кўрсатарди. Иўлда ҳеч зор йўқ эди. Тонг отиб келмоқда. Штирлини уйқуни қочириш учун хушчақчақ француэ қўшиқларини хиргойи қиласарди.

Рольф Қэт яшаётган хонага соат саккизда, ҳали кун ёришмаган пайтда кириб келди.

— Хайль Гитлер!— деб сўрашди у билан Барбара, ўрнидан дик туриб.

— Иккаламизни холи қолдиринг,— деди Рольф.

Шу дамгача табассум қилиб турган Барбара дарҳол жиддийлашди ва ўз вазифасини тушунган ҳолда қўшни хонага чиқиб кетди. Барбара эшикни очаётганда Қэт ўғлининг овозини эшишиб қолди. У эндигина уйғониб, қорни очиб йиғларди. „

— Уғлимни эмизишга рухсат беринг,— деди Қэт,— бўлмаса бизни ишлатмайди.

— Кутиб туради бола.

— Мумкин эмас... Уз вақтида овқатлантириш керак.

— Яхши. Менинг саволимга жавоб берганингиздан кейингина уни эмизасиз...

Шу пайт эшикни тақиллатиб қолишиди...

— Бандмиз!— деб бақирди Рольф.

Эшик очилди: остоңада бола кўтарган Гельмут туарди.

— Эмизиш вақти бўлди,— деди у,— боланинг қорни очибди...

— Кутиб туради!— деб бақирди Рольф.— Эшикни ёлинг!

— Йўғ-э... лекин...— деб гап бошлаган эди Гельмут. Рольф ўрнидан дик туриб эшик ёнига борди ва ҳайратда қолган солдат бетига теккандай қилиб эшикни тақ этиб ёпди.

— Гап бундай... Мени бир нарса қизиқтиради. Резидент кимлигидан хабардор эканлигингиз аниқланди.

— Тушунтириш хатимда айтган эдим-ку, ахир...

— Унда нима деганингизни биламан. Мен уни ўқидим ҳам, магнитофондан эшиздим ҳам. Гапларингиз шу кунгача маъқул эди. Энди, ҳозирдан бошлаб мени қаноатлантирмайди.

— Бугун эрталаб нима воқеа рўй берди?

— Баъзи воқеалар рўй берди. Уларнинг рўй берисини кутиб турган эдик, ҳаммасини олдиндан билар эдик — фақат бизга исбот керак эди. Ана энди исбот ҳам қўлимиизда. Агар биэда исботлар, далиллар, фактлар бўлмаса ёки, ақалли, икки кишидан иборат гувоҳлар бўлмаса, биз бирор кишини қамай олмаймиз.

 Мепимча, бошидан бошлаб ҳамма гапни айтиб бергаанди шекилли...

— Ҳийла қилманг, ҳийла қилманг... Гап сиз ҳақингизда эмас! Гап ким ҳақида эканлигини ўзигиз яхши биласиз...

— Ким ҳақида эканлигини билмайман. Илтимос қиласан, болани эмизиб олай...

— Аввал менга қаерда ва қайси вақтда резидент билан учрашганлигингизни айтиб берасиз, кейин эмизасиз.

— Мени қамоққа олган жанобга резидентнинг исмини ҳам, адресини ҳам, ниҳоят, ўзини ҳам билмайман, деб айтган эдим-ку.

— Менга қаранг,— деди Рольф,— ўзингизни гўлликка солманг. Қартангизни очаверинг, тузни олтилик уради.

У жуда чарчаган эди, чунки Мюллернинг энг яқин ходимлари эрталаб соат учдан бери ухламай, сектор-сектор бўйича Штирлиц машинаси пайдо бўлишини кутаётган эдилар. Унинг уйи олдига, ана шу маҳфий радио квартира ёнига пистирма қўйилди, аммо Штирлицининг қораси ҳам кўринмасди. Мюллер Штирлиции қидиришаётганликларини Калътенбруннерга ва айниқса Шелленбергга айтишни ман этди. Мюллер бу ўйинни ўзи ўйнамоқчи бўлди: у ўйин жуда мураккаблигини ва оқибатда жуда катта муваффақият қозониш ёки қақшатгич зарбага учраш мумкинлигини тушунарди. У Швеция, Швейцария, Бразилия банкларида — қалбаки шахслар орқали — ҳатто АҚШда жойлаштирилган жуда катта маблағларнинг тўла хўжайнини Борман эканлигини биларди. Борман яхшиликни ёддан чиқармайди. Борман ёмонликни ҳам унтулмайди. У Гитлер билан боғлиқ бўлган ҳар бир ҳодисани, ҳатто дастрўмолчага бўлса ҳам, ёзиб боради. Аммо ўзига тегнили ҳеч нарсани ёзмайди, буларни у абадий эсда сақлаб қолади. Шунинг учун Борманга қўнгироқ қилгани ва у билан учрашган Штирлиц билан боғлиқ ўйинни гестапо шефи шахсан ўзи ўйнамоқчи бўлди; бу унинг ўйинни бўлиб, унда ҳеч қандай хатога йўл қўймаслиги шарт эди. Агар Штирлиц Борманга телефон қилмаганда ва у билан учрашмаганда бу ишнинг қизиги қолмасди. Штирлиц — Берндаги шифр — рус радиостидан иборат ҳалқа ёпилди. Бу ҳалқа асосида Бормандек забардаст замин ётарди. Демак, Мюллер ёки Борманни ағдариб, текширишлар учун уннинг энг қимматли қофозларига эга бўлиб олади (у бу ўринда

шундай бўлиши мумкинлигига ҳам ишонарди), ёки, агар ўйин шартлари йўл қўйса, рус радиостлари билан боғлиқ бўлган Штирицининг фитнасини очган киши сифатида Борман учун зарур одам бўлиб қолади. Бу иккни йўл ҳам ё сўнгги ғалаба, ё сўнгги мағлубиятга олиб келиши мумкин эди. Шу сабабли унинг ўзи, унинг энг яқин ходимлари қолқоп ва тузоқлар қўйиб, қатъий курашга ҳозирланиб тун бўйи ухламадилар.

— Мен ортиқ гаплашинни истамайман,— деди Кэт,— ўғлимни қорнини тўйғазишга рухсат бермагунингизча лом-мим демайман.

Она мантиқи жаллод мантиқига қарама-қаршидир. Агар Кэт боласи ҳақида индамагандан, унинг ўзи қийноқ азобини бошдан кечирар эди. Лекин унинг табиатан болага интилиши Рольфни илгари, бу ерга келаётган пайтида хаёлига ҳам келмаган қийноқ усулини ишлатишга уплади. У рус разведкачиларининг иродаси кучлилигини, улар кўпинча хониёнликдан ўлимни афзал кўришларини ва агар уларни «ҳамкорлик» қилишга кўришларидан ҳам, улар ўзларининг илгариги ишларини янада нозик ва ҳийлакорона усуллар билан олиб боришга уста эканликларини биларди.

Ҳозир эса Рольфнинг миясида қандайдир янги фикр найдо бўлди.

— Менга қаранг,— деди у,— вақтни бекорга ўтказмайлик. Сизнинг нималарни билишингиз ва нималарни айтмаётганлигинги мепга маълум. Биз яқинда сизни резидентингиз билан юзма-юз қиласмиш: қўлга тушишини сезиб, чет элга қочмоқчи бўлибди, аммо ниятини амалга ошира олмади. У ўзининг машинасига ишонибди,— Рольф Кэтнинг ўзи оппоқ оқариб кетганини кўриб турди,— унинг ажойиб машинаси бор, тўғрими? Лекин у янгилишибди, бизнинг машиналаримиз унинг машинасини қолишмайди, балки ундаи ҳам яхшироқдир. Бу жанжалда бизни сиз қизиқтираётганингиз йўқ. Бизни у қизиқтиради. Демак, унинг ҳақида ҳамма нарсаларни айтиб берасиз. Нимани билсангиз — ҳаммасини.

— Гапирадиган гапим йўқ.

Шу онда Рольф ўридан турив, дераза ёнига борди, уни очиб, совукдан эти увишиб жупжикди.

— Яна совуқ бошланди,— деди у.— Қачон баҳор келар экан-а? Уни кутавериб чарчадик.

У деразани ёпиб, Кэтнинг олдиға келди:

— Қани, қўлингизни узатинг.

Кэт қўлини узатди. Рольф эса кишан солиб, шик этиб қулфлаб қўйди.

— Оёғингизни ҳам узатинг,—деди Рольф.

— Нима қилмоқчисиз?— сўради Кэт.— Ниятиңгиз нима?

У оёққа ҳам кишан солиб, бақирди:

— Гельмут! Барбара!

Ҳеч ким жавоб бермади. У эшикни очиб бақирди:

— Барбара! Гельмут!

Рольфнинг баланд, узилиб-узилиб чиқадиган овозига ўрганган Гельмут ва Барбара хонага югуриб кирнди. Рольфнинг бундай бақираётганининг сабаби бор: Мюллэр, рус радиостини бугун, худди шу бугун ҳақиқатни айтишга мажбур этасан, деб топшириқ берган эди. Мюллэр Штирлиц қўлга тушгунга қадар асосий далилни чўнтағида сақлаб турмоқчи эди.

— Гўдакни олиб келинг,— деди Рольф.

Гельмут болани олиб келгани кетди, Рольф эса устида сунъий гул солинган кўзача турган кичкина столни дераза ёнига суриб қўйди. Кейин деразани очиб, бундай деди:

— Ташқаридаги совуқни бекорга эслатганим йўқ сизга. Болангизни ана шу стол устида қип-яланғоч қнилиб уч ёки беш минут тутиб турсак бас, ўлиши тургани гап. Е айтасиз, ё... Бу ёғи ўзингизга боғлиқ.

— Сиз бундай қилмайсиз!— бақирди Кэт ўтирган жойида безовталаниб.— Сиз бу ишни қилмайсиз! Мени ўлдиринг! Ўлдиринг! Бу ишни қиломайсиз!

— Буни бажариш, албатта, мен учун даҳшат!— жавоб берди Рольф.— Мен ҳам ҳайвон эмасман, одамман, мени ҳам онам туқсан! Аммо бутун рейх оналари номидан, бомбалар остида ўлаётган рейх болалари номидан бажараман бу ишни!

Кэт стулдан йиқилиб тушди, кейин думалаб-сургалиб бориб, Рольфнинг этигини ўпа бошлади:

— Юрак ўқми сизда! Нима қиляпсиз, ахир?! Бундай қилишингизга ишонмайман!

— Қани бола?!— деб бақирди Рольф.— Олиб келинг деяпман!

— Ахир онасиз-ку!— деди Барбара.— Ақлингизнин йиғиншириб олсангиз-чн...

Гельмут болани кўтариб келди. Рольф болани олиб стол устига қўйди ва йўргакни еча бошлади. Қэт даҳшатли, худди ҳайвондек ўкириб юборди.

— Хўш! — деб бақирди Рольф. — Сиз она эмас экансиз! Она эмассиз — қотилсиз! Қани бўл, гапир!

Болакай бўғилиб йиглардан, ўз нақтида эмизмаганларидан аччиқланиб, лабларини буриштириб-буриштириб йигларди...

«Монсенъер Кадичеллига, Ватикан.

Қадрдан дўстим!

Нацистлар қаршилик кўрсатиш кунларида катта матонат кўрсатган пана саройининг бутун жаҳонда инсоният учун зарур бўлган тинчликка эришиш йўлида қиласётган хатти-ҳаракатларини мен жуда яхши тушуман ва ниҳоятда қадрлайман...

Ўз ҳаётини гитлерчи ваҳшийларга қарши курашда қурбон қилган бебаҳт адмирал Канарис ва бошқа қаҳрамон генералларнинг вакили бўлган Мюллер билан Британия кабинетининг расмий вакиллари ўртасида алоқа боғлашни ўюнтиришни нега Ватикан марҳамат қилиб ўз зижмасига олганлигини ҳам тўғри тушунганди.

Фалсафа доктори Мюллер орқасида турган кишилар олий хислат эгалари эдики, бу нарса Сизга оқилона ва олижаноб тинчликни излаш йўлида Британия кабинетига таъсир кўрсатишингиз учун имкон берди. Аммо ўтган ийл ёзида бу ватанпарварлар ҳалок бўлганларидан кейин тинчлик излаш йўлида машъум танаффус бошланди.

Кўриб чиқши учун Сизнинг эътиборингизга генерал Карл Вольф томонидан ҳавола қилинган эҳтиёткорона таклифларга ноҳуши муносабат билдирганингизнинг сабаблари ҳам мен учун тушунарли. Сиз нацистлар окупациясини бошдан кечирдингиз, Сиз сулҳ қидираётган кишиига — генерал Вольфга бевосита бўйсунганд СС кишилари қонунга хилоф қандай ишлар қилганликларини ўз кўзингиз билан кўргансиз. Шунинг учун мен Сиз тутган йўлни фурсат пойлаш деб эмас, кўпроқ салбий муносабат билдириш усули деб баҳоладим: бир қўли

билан ёмонлик, иккинчи қўли билан яхшилик қилаётган одамларга шониб бўлмайди. Оллоҳнинг қули бўлган инсонга хос пала-партиш ва иккиланишини кечириб бўлса, сиёсатни белгиловчи кишилар, ҳокимиятни қўлида ушлаб турган армия ёки давлат арбобларида бу нарсани кечириб бўлмайди.

Аммо, Ватикандан рад жавобини олган генерал Вольф бу ерда, Бернда қимматли президент Рузвелтнинг вакили мистер Даллес билан учрашиб бу борада анча муваффақиятларга эришган. Бизга келиб турган маълумотлардан Вольф билан Даллеснинг музокарали-ри муваффақиятли давом этмоқда деган хулоса чиқариш мумкин.

Менинг вазиятимни тушунмоқ лозим: агар мен Даллес жанобларини Вольф билан бундан буён ҳам учрашмаслик лозимлиги ҳақида яна огоҳлантиурсам, америкалик дўстларимизда бизни бундай иш тутишга ундаётган сабаблар ҳақида нотўғри тасаввур пайдо бўлиши мүмкин, зотан давлат сиёсатини юргизувчи кишилар оллоҳ хизматкорлари сиёсатини ҳар вақт ҳам тушунавермайдилар.

Генерал Вольфнинг маккорлиги ва унинг буйруғи билан нацистлар ажойиб ўлкамис Италияда қандай зулм ўтказганликлари ҳақида Даллес жанобларига ҳикоя қилишдан фойда чиқмаса керак. Биринчидан, кўзи бор одам буни ўзи кўриши керак, иккинчидан, оллоҳ хизматида бўлган биздақа кишиларга ўз изтиробларимизни намойиш этиш яратмаса керак. Биз нимага қадам қўяётганимизни кўра била туриб танлаганимиз ўз ўйлимизни.

Бу ерга, Бернга пастор Шлаг келгунига қадар ахвол оғир ва чорасиз эди. Бу олижаноб одам ёдингиизда бўлса керак. У 1933 йилга қадар, Гитлер ҳокимият тенасига чиқиб олгандан кейин Германиядан ҳеч кимни чиқармаслик мақсадида бошланган полиция тўсиқларини мавжуд бўлмаган пайтларда Швейцария, Ватикан ва Буюк Британияда кўп марталаб бўлиб, тинчлик учун курашиб келган.

Пастор Шлаг — унинг сўзига қараганда — бу ерга яқин муддатда одилона сулҳ гузиш учун ҳандай реал имкониятлар борлигини ўрганиш учун келган. Унинг сўзича, бу ерга уни, Вольф ва Даллесдек икки қарамап-қарши кишиларнинг бўлажак сулҳ масаласи юзасидан

нүқтаи назарлари анча яқинлашиб қолганлигидан тошишга тушган кишилар юборишган эмиш.

Вольф билан Даллес ўртасидаги музокараларнинг янада давом этишига йўл қўймасликни ўз вазифаси деб ҳисоблайди, чунки Вольфнинг бу ерга тинчлик излагани эмас, балки Германиядаги ҳозирги бирдан-бир реал ҳокимиётни ўз қўлида ушлаб турган СС томонидан маълум ён беришлар ҳисобига нацистлар туэумини сақлаб қолиш учун замин тайёрлашга келганлигига ишончи комил эмиш унинг.

У шунингдек, ҳаётларини хавф остида қолдириб, ўзи-ни Германиядан чиқиб кетишига сабабчи бўлган кишилар билан иттифоқчилар вакиллари ўртасида алоқа ўрнатишини ҳам ўз вазифаси деб ҳисобламоқда. Пасторнинг сўзича, уни вакил қилиб юборган кишилар СС ва НСДАП билан алоқадор ҳамда келгусида ҳам боғлиқ бўлиши мумкин бўлган ҳамма нарсаларни йўқ қилиб ташлашни ўзларининг мұқаддас бурчлари деб ҳисобламоқда эканлар.

Пастор Шлаг билан янада очиқроқ сұхбат қилиши учун розилик бершишингизни сўрар эдим. Бинобарин, Бернда бўлаётган воқеалар билан уни батафсил таништирсан ҳам ёмон бўймас.

Бизнинг самимий эканлигимизни кўрсатувчи реал далилларни пастор Шлагга кўрсатмасам, самимий сұхбат бошлиши ва Германияда унинг сигналини кутаётган фикрдошлари ҳақида тўлиқ маълумот беришни кийин.

Унинг Германиядаги фикрдошлари биз истаган даражада катта одамлар бўймаса керак деб ўйлайман. Пастор Шлаг ҳеч вақт сиёсатчи бўлмаган, у ҳамма вақт ўз қавмининг соғдил руҳонийси бўлиб хизмат қилиб келган. Аммо келажакка назар ташлар эканман, ўз ҳаётини хавф остига қўйиб ва айни вақтда нацизм билан муросага бормай, чинакам тинчликни излаган соғдил ҳамда олижаноб одам оллоҳ хизматкори бўлмиси пастор, ҳа, оддий пастор эканлигидан ғоятда манфаатдор бўлишимиз мумкинлигини яққол кўриб турибман.

Худои-таоло хизматкори кўрсатган ана шундай юқсак гражданлик матонат намунаси Германиянинг азоғ чеккан ҳалқи ўз келажагини танлаётгандан немисларни бўльшевизмдан қутқариб қолишида бизга ёрдам беради деб ўйлайман. Гитлер туфайли Ватикандан четлатилган

Германия халқи бари бир католицизэм құчоғига киради, ҳамда пастор Шлаг — ёнки унинг равшан тимсоли — хизматчиларимизга бир вақтлар нацизэм зулмати ҳукм сурган жойларга нур олиб киришга ёрдам бергай.

Сиздан яқин келажакда жавоб кутаман.

НОРЕЛЛИ, кюре ..»

Даллес стратегия хизмати бошқармасининг бошлиғи Доновандан, Вольф билан музокараларга бундан буён яшнрин ном берилиб, «Кроссворд» операцияси деб аталсии, деган күрсатма олди. Музокараларни тезлатиш мақсадида икки генерал — Италиядаги иттифоқчилар құшини штаби бошлиғининг үринбосари британиялық генерал Эйри билан америкалик генерал Лемнитцер у ерга жұнатылдилар.

Оддий америкалик солдатлар формасини кийиб олған иккала генерални Неаполдан Швейцария чегарасиғача олиб келдилар. Бу ерда қалбаки ҳужжатлар билан чегарадан үтишлари керак эди; Даллес одамлари тайёрлаб берган режа бўйича, улар қариндошларини Европа бўйлаб қидириб юрган сайёхлар эди.

Генерал Лемнитцер Швейцария божхонасида Америка ҳақида ўзига берилган ҳамма саволларга жавоб берди. Бирор марта Штатларга бормаган инглиз генерали Эйри ўз жавобларида янгиша бошлади. Шундай қилиб, «Кроссворд» операцияси бошланишданоқ барбод бўлаёэди. Шу ерда ҳозир бўлган майор Вайбель чегарачилар ҳузурида ишләётган ўз ходимларига Эйри божхона ходимларининг саволларига қандай жавоб беришидан қатъи назар, ҳни олиб үтиш шарт эканлиги ҳақида кўрсатма берди.

Эйри титроқ босган қўллари билан пешанасидаги муздек терни артаётган пайтида унинг ёнига оддий кийимдаги Вайбель келиб, Бернга борадиган поездга иккита билет узатди. Бернда уларни машина кутиб турарди, у Вайбель билан икки генерални тинчгина бир кўчага, бегона одамлар шомига олишган яширин квартирага олиб борди. Бу ерда уларни Аллен Даллес кутиб турарди. Худди шу ерда улар икки кун давомида СС генерали Карл Вольф билан музокараларни давом этириш учун умумий программа ишлаб чиқдилар.

— Вақтимиз кам,— деди Даллес,— аммо қилинадиган ишлар оз эмас. Иттифоқчилар нуқтаи назари асосий масалаларда ҳам, майда-чўйда масалаларда ҳам аниқ ва асосланган бўлиши керак.

— Инглиз-америка иттифоқчилари денг,— деди генерал Эйри, аммо бу билан у савол бердими ёки Даллеснинг гапини маъқулладими, ноаниқ эди буниси.

— Инглиз-америка иттифоқчиларими ёки америка-инглиз иттифоқчиларими — булар иш мазмунига зарар етказмайдиган расмий термин, холос,— деб жавоб берди Даллес.

Шундай қилиб, бутун кураш мобайнида, «иттифоқчилар» деган тушунчадан биринчи марта «совет» сўзи тушириб қолдирилди. «Инглиз — совет — америка иттифоқчилари» ибора ўрнига Бернда «инглиз-америка иттифоқчилари» деган янги ибора пайдо бўлди...

Айсман Мюллер олдига кийимини ўзгартириб ўтирамай кириб келди. Унинг усти-боши ифлос: этиги лой, камзули жиққа ҳўл эди — у ёмғирда пастор Шлагнинг синглисини қидириб Нойштадтда роса изғиди. Делодаги адрес бўйича у топилмади. Айсман гестапонинг маҳаллий бўлимига мурожаат қилди, аммо у ерда ҳам Шлагнинг қон-қариндошлари ҳақида ҳеч нима билмасдилар.

Қўшнилар бир неча кун олдин тунда автомобиль овози эшитилганини айтдилар. Аммо бу машинада ким келган, қандай машина эди ва шундан сўнг фрау Анна билан болаларининг тақдирни нима бўлди — бундан ҳеч ким хабардор эмасди.

Пастор қандай ғойиб бўлган бўлса, синглиси ҳам шундай ғойиб бўлибди. Криминаль полиция одамлари Айсманнинг топшириғи билан икки кун давомида пасторни ё унинг синглисини топишга ҳаракат қилиб роса изладилар, бироқ уларнинг изларини ҳам тополмадилар ҳатто.

Мюллер Айсманни табассум билан кутиб олди. Оберштурмбанфюрернинг гапини эшитиб, у ҳеч нима демади. Кейин пўлат сандифидаи битта папкани чиқариб, ундан бир варақ қоғозни олди.

— Буни нима қиласми? — деб сўради у, Айсманга қоғозни узатар экан.

Бу қоғоз Айсманнинг штандартенфюрер Штирлицга

тўла ишонч билдиражаги ҳақида ёзиб берган рапорти эди.

Айсман узоқ вақт ишдамай турди, кейин чуқур нафас олиб, даҳшатли сўзларин айтди:

— Ҳаммамизга минг лаънат!

— Ана энди тўғри, гапирдингиз,— маъқуллади Мюллер ва қоғозни яна папкасига солиб қўйди.— Сиз учун катта сабоқ бўлсин бу, дўстим.

— Номингизга янги рапорт ёзайми?

— Нега? Керак эмас...

— Олдинги фикримдан қайтишни ўз бурчим деб ҳисоблайман.

— Фикрдан қайтиш яхшими?— сўради Мюллер.— Ўз фикридан қайтиш — обрўни тушириш билан баб-бара-вар.

— Бўлмаса нима қилиш керак?

— Олдинги рапортингизни ишга солмаслигимга ишонниб юришдан бошқа иложингиз йўқ. Фақат шу. Ишни давом эттираверинг, вассалом. Яқинда Прагага кетишингизни ҳам билиб қўйинг: у ердан балки пастор ва Смоленск ённда бомбалар остида бирга ётган дўстингиз ҳуэзурига қайтиб келарсиз. Энди кетаверинг. Хафа бўлманг. Бизнинг давримизда ҳеч кимга, ҳатто, баъзан ўзингга ҳам ишонниб бўлмаслигизни — бошқалар майли-ю, контразведкачи яхши билиши керак.

*«Империя хавфсизлиги
бошқармаси бошлиғи
СС обергруппенфюрери
Кальтенбруннерга.*

Прага.

Икки нусхада босилган.

Азизим обергруппенфюрер!

Ҳар бир шаҳарни, ҳар бир ўйни мустаҳкам қалъага айлантириш кераклиги тўғрисидаги фюрер буйргуни олганимдан кейин Вена ва Альп истеҳкоми билан бирга большевизмга қарши қатъий жанг марказига айланниши ва огар бўйердаги кураш нацижаси фожиали бўлса, ер билан яқсон, қилиб юборилиши лозим бўлгас. Прагадаги вазиятни, янгиздан урганиб чиқдим.

Сизнинг Прагани йўқ қилишга тайер бўлган киши-

ларни фақат орийлар орасидагина эмас, балки большебизмга қарши бир неча йиллик кураш давомида ўзларининг биз билан ҳамкорликда содиқликларини кўрсатган бошқа миллат вакилларидан ҳам танлаш ҳақидаги кўрсатмангизга биноан бир қатор номзодларни танладим. Бу ерда шу кишиларни номма-ном кўрсатишнинг ложати бўлмаса керак — бундай майдада-чуйда нарсалар Сизни ҳал қилишингиз зарур бўлган бошқа жуда муҳим ишлардан чалғитиши мумкин. Сизнинг секретариатингизга 421 киши рўйхатини юборяпман. Шу ходимларимиз орасида ҳар хил миллат вакиллари бор.

Бу ишга мен армия разведкасининг полковники Бергни жалб қилдим. У миллат душмани Канарис иши юзасидан ўтказилган текшириш муносабати билан шахсан Сизга таниш эканлигини мен Krakovda билган эдим. Берг ўз ишга Гришанчиков, деган русни жалб килганилиги учун ҳам бизга унинг реал ёрдами тегмокда. Штандартенфюрер Штирлиц Krakovda бўлган пайтида ана шу Гришанчиковга сартарош ва массажчи сифатида юксак баҳо берган эди. Амалда эса у анча қобилиятли контразведкачи эканлигини кўрсатиб, генерал Власов армиясида хизмат қилувчи руслар орасидан номзодлар танлашга ёрдам берди.

Славян маданиятининг энг иирик ўчоқларини йўқ қилиш юзасидан тайёргарлик ишларига жалб қилинадиган барча кишилар гестапонинг маҳсус текширувидан ўтишлари шарт бўлгани учун, мен Сиздан обергруппен-фюрер Мюллерга полковник Бергни ва, иложи бўлса рус Гришанчиковни қўшимча равишда текширишга кўрсатма беришингизни илтимос қилардим.

Сизнинг узил-кесил ғалабамизни тайёрлашга қаратилган ғоят катта ишларингиз билан мен адo этаётган вазифани тенглаштириб бўлмаслигини ҳисобга олган ҳолда, ишдаги ҳамма янгиликлардан баъзан Сизни хабардор қилиб туришга руҳсат этгайсиз.

Хайль Гитлер!
КРЮГЕР».

Кальтенброннер бу хатни ўқиб, устига қўйидагиларни ёзиб қўйди: «Мюллерга. Ҳеч қандай Бергни, айниқса Гришанчиковни билмайман. Текширув ўюстирининг ва

мени яна шунга ўхшаш майда-чуйдалар билан ишдан чалғитманг. Қальтенбруннер».

Мюллерга Берлиндаги резидентнинг шифрини Бернга олиб кирган алоқачи жуда зарур бўлиб қолди, чунки у яширин квартирадаги пистирмада русларни кутиб турган ўз одамларининг комбинацияларига барҳам бермоқчи бўлди. Резидент алоқачисини кузатиб юришнинг ҳожати қолмади, энди фақат далил, далил бўлганда ҳам қўлга тез тушадиган далил керак бўлиб қолди. Бутун тармоқни аниқлаш бўйича операцияни Шелленберг ўйлаб топган, керак бўлса ўзи янги комбинация уюштираверсин, бу унинг иши. Хабарларга қараганда у ерда пайдо бўлган алоқачи зиёли одам бўлиб, жуда соддамиш, бундай кишини тез «тилга киритиш» мумкин, бундақалар чидаш бера олмайди, у шифрни ким берганини дарҳол айтиб беради. Ана шундагина Мюллер инкор этиб бўлмайдиган далилни қўлга киритади-ю, ошиғи олчи бўлади.

Шундай қилиб, Бернга қўйидаги буйруқ жўнатилди: «Алоқачи билан ишлашни тўхтатинг. Уни ўғирлашни ташкил этиб, элчихона машинасининг юқдонида чегара орқали рейхга, шахсан обергруппенфюерер Мюллер ихтиёрига жўнатинг...»

Плейшнер белгиланган вақтда учрашувга кетаётганида илгаригидек кайфияти зўр эди. У ишга берилиб кетди, у ўз номеридан фақат тамадди қилгани чиқарди, яқин вақт ичida Гитлернинг умри тугайди деган умид билан хурсанд бўлиб юради: у энди ҳамма газеталарни сотиб олар, тарих билимдони, аналитик олим сифатида келажакни осонлик билан тасаввур қиласади. Германиядалигида у инглиз радиосини тинглашдан қўрқарди ва Геббелльснинг қулоқ-мияни ейдиган ёлғоняшиқ сафсалалари орасидан ҳақиқатни пайқаб олишга уринарди. Плейшнер бу санъатни батафсил ўрганиб олди. У «Фолькишер беобахтер» газетасидаги ахборот ва мақолаларни ўқиганда, дабдабали, голибона гапларга эътибор бермай, яъни пўст-пўчоқларни четга суруб қўйиб, хаёлан харитани қизил, юлдузли ва жигар раинг байроқчалар билан безаб борарди. Үнга харита, шаҳар-

ларнинг номи ва чизғич керак эдн, холос. Ана шу учта
шарса Плейшнерга ҳақиқатни билиб бориши имконини
берарди. У ўз уйнда, Берлинда қанчалик тўғри фикр
юритганилигига Швейцарияга келиб амин бўлди. У ҳар
доим фашизмнинг ғалаба қозониши маданиятни йўқ қи-
лади ва, оқибатда, миллатнинг айниб кетишига олиб ке-
лади деб ҳисобларди. Ер юзида яшаган одамларни қул-
ларга ва хўжайинларга бўла бошлашлари билан зода-
гонлар орасида инқироз бошланган эди. Рим фақат шу-
нинг учун ҳалокатга учрадики, у бутун дунёга ҳоким
бўлмоққа иштилди ва натижада ваҳший қабилалар зар-
баси остида ҳалок бўлди. Умуман олганда ҳам, деб
мулоҳаза қиларди Плейшнер, дунёга ҳоким бўлишга
қарор қилган ҳамма антик давлатлар куч-қудрат чўқ-
қисига чиққан пайтларида инқирозга учраганлар. Бу-
нинг сабаби шундаки, куч бор жойда, одатда ғурур пай-
до бўлади, ғурур эса шуҳратпарастликка олиб боради, 1
бошга қийинчилик тушган йилларда эса шуҳратпараст-
ликдан гўроқ ва заифроқ нарса бўлмайди. Греция ва
Рим, ундан аввал эса Миср ва Бобил ҳокимлари ғала-
балардан маст бўлиб, давлат — интилишлари ҳар хил
кишилар жамоасидан иборат эканлигини ёддан чиқарниб
қўйганлар. Мамлакатдан ташқарида ғалабаларга эри-
шиш қадимги ҳокимларни шунчалик ўзига жалб қилиб
олганки, улар ўз қуллари орасида норозилик пайдо бў-
лаётганини ҳам, совға тегмаган сарой аҳларининг
ҳасратларини ҳам, ажойиб келажак устида хаёл суриб
юрган мутафаккир ва файласуфларнинг мавжуд дунё-
дан норози бўлиб юрганиларини ҳам унугиб юборган-
лар. Маълум бир душман устидан ғалаба қозониб кек-
кайган император, фирмъавн, трибун, ҳукмдор ва кон-
суллар менинг зарбимга чет давлатлар чидаш бера
олмас экан, норозилик билдираётган ўз фуқароларимни
бостириш ҳеч гап эмас, деб ўйлаганлар. Бунда улар
бостириш учун асосий куч бўлиб хизмат қилувчи армия
сафида вақти келганда тинчтилишн лозим бўлган ки-
шиларнинг ака-укалари, болалари ёки оддий танишлари
хизмат қилажагини унугиб қўйганлар. Ҳокимлар ва
фуқаролар ўртасидаги ана шу зиддиятларда шундай
тараққиёт элементлари бор эдики, уларни Плейшнер ўзи
учун «цивилизация ҳамиртуруши» деб белгилаб қўйган
эди. Гитлернинг даҳшатли бир тажриба ўтказаётганини
у яхши тушунарди: рейхининг жаҳон устидан қозонажак

ғалабаси натижасида немис жамиятида ҳар бир немис қандай ўрин тутганидан қатъи назар, мөддий фаровонлик билан таъминланиши лозим эди. Гитлер ҳамма немисларни жаҳон ҳокимлари, ер юзидағи бошқа одамларни эса уларнинг фуқароларни қилмоқчи бўлди. Яъни у, жуда бўлмаганда, иложи бор муддат мобайнида «цивилизация хамиртуруши»нинг пайдо бўлишига йўл қўймоқчи эмасди. Гитлер ғалаба қозонган тақдирда ҳамма немислар ҳарбий миллат бўлиб қолардилар, Гитлер эса қолган ҳамма халқларни қуролсизлантиради, уларни давлат ташкилотидан маҳрум этарди. Ана шундан кейин забт этилган халқларнинг исён қўтаришга қаратилган ҳар қандай ҳаракатлари пучга чиқарди, чунки қуролланган немислар ташкилотига бас кела оладиган бошқа қуролли миллий ташкилот бўлмасди. Ҳоким миллат орасида «янгиланиш зиддиятлари» келиб чиққунча йиллар, ўнлаб йиллар ўтиши мумкин эди, устига-устак бундай ҳодиса бутунлай юз бермаслиги ҳам мумкин эди.

...Плейшиер соатига қаради: ҳали вақт бор. У кичкинагина қаҳвахона ёнида тўхтади, қаҳвахонанинг ёмғир томчилари билан қопланган ойнасидан морожини еб ўтирган болалар кўринарди. Уларни бу ерга ўқитувчиши олиб келган бўлса керак.

«Мен рейх мезони билан фикр қиладиган бўлиб қолибман,— деди ўзига-ўзи Плейшиер, болалар билан кулиб суҳбат қилиб ўтирган ёш эркакка кўзи тушгач.— Бизда ўқитувчилар фақат хотин-қизлар, чунки ҳарбий ҳизматга яроқли ҳамма эркаклар жанг қилмоқда. Умуман мактабда эркак киши ишлаши керак. Спартада қандай бўлган бўлса, шундай бўлниши керак. Аёл киши тарбиячи эмас, юпатувчи бўлиши мумкин. Болаларни келажакка эркак киши тайёрлаши лозим: бу нарса болалардаги ортиқча хомхаёлларни йўқ қиласди, чунки болаларнинг хомхаёли катталарнинг реал ҳаётига зид келса, боланинг ўзига жабр бўлади. Бутун дунё иккি қисмга бўлинган; йўқ, ғарб ва шарқقا эмас, ҳокимлар ва қулларга эмас, йўқ, катталар ва болаларга бўлинган. Аммо дунёга ҳеч ким ана шу умумий бўлинниш нуқтати назаридан назар ташламаган. Ана шу узилмас бўлиннишда буюк процесслар пишиб етилади, демак катталар йўл қўйган хатоларни болалар қайтармасликлари учун ана шу процессларга таъсири кўрсатиш-

ни ўрганиб олиш инсониятнинг урушдан кейинги ассоций вазифаси бўлиб қолса керак».

Плейшнер қаҳвахонага кирди ва бир улуш мева морожний сидан буюрди. Болалар ўқитувчисининг ҳазил гапларига қаҳ-қаҳ уриб кулиб ўтирадилар. У болалар билан худди тенгдошлардек гаплашарди, ўзи бола феълига мослашишга уринмай, аксинча, усталик ва одоб билан уларни ўз даражасига кўтарарди.

«Агар бу ерда Гитлер бўлганда, болалар лом-мим демай ўз ўқитувчисидан кўз узмай ўтирадилар, кўчада ҳам ёйилиб юрмай, саф тортиб борардилар ва бир-бирларини аҳмоқона «Хайль Гитлер!» дегап ҳайқириқ билан табриклардилар. Ўз ватанига мағлубият тилаш даҳшатли нарса, аммо шунга қарамай мен ўз ватанининг тезроқ енгилишини истардим...»

Плейшнер шошилмай морожний ер, жилмайганча болалар овозига қулоқ соларди. Ўқитувчи бундай деди:

— Ана шу ажойиб жойининг хўжайинига бизни иситиб бағрига олгани ва муздек морожний бергани учун миннатдорчилик билдирансан. Ўнга қўшиқ айтиб берамиزمи?

— Айтамиз! — деб жавоб беришди болалар.

— Овозга қўяман! Ким қарши!

— Мен, деди соchlари сап-сариқ, юзини сепкил босган, кўм-кўк катта-катта кўэли қизча.— Мен қаршиман.

— Нега энди?

Шу пайт қаҳвахона эшиги очилиб, плашидаги ёмғир томчиларини қоқиб яширин квартиранинг кўк кўз дароз хўжайини кириб келди. У билан бирга қорачадан келган, юз суяклари туртиб чиқиб турган бақувват яна бир киши кириб келди. Плейшнер ўрнидан дикка турмоқчи ҳам бўлди-ю, аммо дарознинг «сизни ўзим топиб оламан» дегани эсига тушиб, яна газетага тикилганича болаларнинг гапига қулоқ солди.

— Қани айт-чи, нега қархисан? — деб сўради ўқитувчи бояги қизчадан.— Ўз нуқтai назарингии ёқла энди. Балки сен ҳақдирсан, биз эса ноҳақдирмиз... Бизга ёрдам берчи...

— Ойим морожний егандан кейин қўшиқ айтиб бўлмайди, деган эдилар,— деди қизча,— томоқни шамоллатиб қўйинш мумкин.

— Ойингнинг гапи ҳам кўп жиҳатдан тўғри. Албатта, биз кўчада балаңд овоз билан қўшиқ айтсан ёки

бақи्रсак — томоқни шамоллатиш ҳеч гап эмас... Аммо бу ерда... Бу ерда томоққа ҳеч нима қилмаса керак дейман. Айтгандек, сен қўшиқ айтмаслигинг мумкин: сендан хафа бўлмаймиз.

Үқитувчи биринчи бўлиб шўх Тироль қўшиғини бошлаб берди. Қаҳвахона хўжайнин болалар олдига чиқиб, уларни олқишилади. Болалар ғовур-ғувур билан қаҳвахонадан чиқиб кетишиди. Плейшнер хаёл сурганча улар орқасидан кузатиб қолди.

«Бу қорачадан келган кишини қаерда кўрганман, -- бирдан эсига тушиб қолди.— Бундай қиёфалар қанчалик ўзгармасин, эсда қолади. Балки у билан бирга лагерда ётгандирман? Йўқ... лагерда кўрмаганман. Аммо юзи таниш. Жўда ҳам таниш».

Плейшнер қорачадан келган одамнинг юзига диққат билан тикилиб қолди шекилли, у буни сезиб, кулиб қўйди. Шу кулишидан Плейшнер уни эслаб олди, худли кинофильмнинг кадрини кўргандек бўлди. У ҳатто бу кишининг овозини ҳам эшитгандай бўлди: «Ҳамма вақт, ҳамма ерда фюрерга содиқ бўламан деган тилхат ёзиб берасан! Кейинчалик бошини сарак-сарак қилиб, айбдор — улар, мен — четда эдим, дея олмасин. Ҳозир ҳеч ким четда бўла олмайди! Концлагердан чиқиб келган немис ё содиқлик, ё ўлимдан бошқа нарсани билмаслиги керак». Бу воқеа урушнинг иккинчи йилида бўлиб ўтган эди: уни навбатдаги суҳбатдан ўtkазиш учун гестапога чақирилган эдилар — профессорни ҳар йили бир марта, одатда баҳор пайтида чақириб турардилар. Бу кичкина, қорачадан келган одам кабинетга бирпастга кирган эди, одатда сўроқни суҳбат тарзида ўtkазувчи форма кийган гестапочи билан ораларидаги суҳбатни тинглаб туриб, Плейшнернинг ёдида қолган ана шу сўзларни зарда ва заҳархандалик билан айтган эди. Ушанда Плейшнер укасининг олдига борган эди— Гуго бош врач бўлиб ишларди ва унинг бир йилдан кейин вафот этиши ҳеч кимнинг хаёлига ҳам келмаганди. «Уларнинг одатдаги усувлари,— деган эди Гуго,— сени ўзларига шерик қилиб олишмоқчи...»

Плейшнер қўллари титроқ босаётганини сезди. У нима қилишни билмасди: квартира хўжайнини — дарознинг ёнига бориб, уни секин чақириб олиб, огоҳлантириб қўйсамикин; ёки кўчага чиқиб, иккаласи бирга кетадиларми ёки йўқми — шуни кузатсамикин; ёки биринчи

бўлиб қаҳвахонадан чиқиб, квартирада қолган иккинчи кишини деразага эҳтиёт сигналини қўй, деб огоҳлантирсамикин—у ерга борганида қўшни хонадан бошқа одамнинг овозини эшигтан эди.

— Тўхта!— деди тўсатдан ўзига ўзи Плейшнер.— Аввал куни квартирага борганимда деразада нима бор эди? У ерда Штирлиц айтган гул турган эди-ку. Ёйўқмиди? Нега бўлмаса бу ўртоқ... Ўзи нима гап, алаҳлаяпманми? Тўхта! Аввало, ўзингни қўлга ол!»

Дароз Плейшнерга қарамай кичкинагина, қораҷадан келган киши билан чиқиб кетди. Плейшнер хўжайнинг охирги қофоз пулини узатди. Хўжайнинг майдаси йўқ экан, рўпарадаги магазинга югуриб бориб пулни майдалаб келди ва Плейшнерга узатди. Плейшнер қаҳвахонадан чиққанда кўчада ҳеч зот: квартира хўжайнини ҳам, кичкина одам ҳам йўқ эди.

«Балки у Штирлицга ўхшаганлардандир?— деб ўйларди Плейшнер.— Балки у ҳам Штирлицга ўхшаб нацистлар орасида ўз ролини бажараётгандир?»

Бу фикридан хотиржам тортди, гарчи қораҷадан келган кишини, унинг гапиргандаги совуқдан-совуқ ҳаракати ва қўққисдан заҳарханда тиржайишни эслаб қолган бўлса-да, Плейшнер кайфияти шунчаки панд бергаётганига ишонтиришга тиришарди ўзини.

У маҳфий квартира жойлашган уй олдига келди ва ойнага қараб дароз билан кичкина кишини кўрди. Иккаласи ойна олдида гаплашиб туришарди, иккаласининг ўртасида эса хавф белгиси — каттакон гул турарди. Рус разведкачиси изига тушганликларини сезиб хавф белгисини қўйишга улгурган эди, гестапочилар эса гулнинг нима маънода қўйилганлигини билмасдилар. Гестапочилар рус разведкачисининг кетига тушганликларидан руснинг ўзи хабарсиз деб ўйлаб, ҳамма нарсаларни илгаригидек қолдиравердилар, аввал куни квартирага Плейшнернинг тўппа-тўғри кириб келиши билан квартирада ҳамма нарса жойида эканлигига яна ишонч хосил қилдилар.

Дераза олдида турганлар Плейшнерни кўриб қолдилар, дароз эса унга қараб бошини қимирлатиб кулиб қўйди. Плейшнер дарознинг кулишини биринчи марта кўриши, у буни кўрди-ю, ҳамма нарсани дарҳол пайқади. У ҳам кулиб қўйиб, кўчанинг нариги томонига ўта бошлади: нариги томонда уларнинг қўзидан ғойиб

бўлиб, қочиб қоламан, деб ўйлади. Аммо орқасига пазар ташлаганида ундан юз метрча нарида витриналарни томоша қилиб иккита эркак киши келаётганини кўрди.

Плэйшнернинг оёғини титроқ босди.

«Бақириб, ёрдамга чақирсаммикин? Йўқ, улар олдинроқ етиб келадилар. Уларнинг нима қилишларини ҳам биламан. Қишини қандай қилиб ухлатиб қўйиш ёки жинши деб кўрсатиш осонлигини Штирлиц ҳикоя қилиб берган эди».

Одам энг хавфли вазиятга тушнб қолган дақиқаларда, у курашиб қобилиятини йўқотмаган бўлса, албатта, диққати ниҳоятда ўткирлашади, мияси ҳар қачонгига қараганда тез ишлай бошлайди.

Плэйшнернинг аввал кунни эшикдан кириши билан бир парча зангори осмонга кўзи тушганини эслади.

«У ердан ҳовлига чиқиб кетса бўлар,— дарҳол пай қади у,— эшикдан кираверай».

У тиззалари дағ-дағ қалтираб, рангсиз юзида қотиб қолган табассум билан ичкарига кирди. Эшик очиқ экан: юқоридагилар уни кутиб, пастга қўнғироқ қилнб. кўча эшикни очиб қўйган эканлар.

Плэйшнер ичкарига киргач эшикни ёпди ва ҳовлига олиб чиқадиган кичкинагина ойначаси бор эшик томон югуриб борди. У эшикни итарди, аммо очилмади. Кейин елкаси билан итарди — эшик бари бир очилмади.

Штирлиц РХСА биносига кириш олдиндан машинани четга чиқариб қўйди-да, анчадан бери мой кўрмаган, ёмғир ва тунги совуқдан шишган скамейкага ўтириди. Болалар асфальтда бомбадан қолган чуқурларни чак-қонлик билан четлаб ўтиб роликда учишарди. Штирлиц болалар юзини тер босганиligини кўрди, бу — очарчиник, дармонсизлик тери эди.

«Шу роликлар билан юракларини бутунлай ишдан чиқаришади-ю, бола фақирлар,— ўйларди у,— бечоралар нимани кўрди — кечалари бомбардимондан ваҳимага тушадилар, кундуз куни ўласи чарчаб ролик учадилар ва доим қоринлари оч: нонми, картошками ёки сосисками, қани энди нима бўлса ҳам тўйиб-тўйиб есалар. Катталар курашининг энг даҳшатли оқибати — болалар қалби ва танасининг шикастланишидир».

Штирлиц кўзини юмди ва шу онда кўз олдида Са-

шенькашшиг равашап қиёфаси пайдо бўлди. Севган аёлларнинг қиёфаси видолашган ва учрашган пайтларда айниқса эсда қолар экан. Неча йиллар ўтиб кетди, қанча-қанча одамлар ҳалок бўлди, давлатлар пайдо бўлди, сиёсат ўзгариб борди, эски дўстлар гойиб бўлиб, янги дўстлар пайдо бўлди, аммо Сашенъканинг қиёфаси — ранги ўчган, чўчинқираган чеҳраси доим у билан бирга — кўзини юмди дегунча кўз ўнгидага гавдаланди, видолашув пайтидагидек ўзгармай қолаверади.

«Аёлларда ҳис-туйғу эркаклардагига нисбатан кучлироқ бўлади. Уларда биз, эркаклардагидек фақат ақл ишлайвермайди, балки тушуниб бўлмайдиган қандайдир бошқа ҳис-туйғулар иштирок этади,— деб хаёл сурарди Штирлиц.— Мен ўшандада бир йилдан кейин кўришамиз деган эдим, у бўлса бошини қимирлатнб, худди кўрлардек кўзини юмиб олиб, менинг юзимни силарди».

— Сашенъка,— деди хўрсишиб Штирлиц,— дийдорингли кўярармикинман, Сашенъка...

«Унинг бир ўзи Сашка билан кўп қийналган бўлса керак... Бизда ана шунаقا шир-шир этиб юрадиган роликлар йўқ эди, велосипедни эса кўриб оғзимиз очилиб қоларди. Биз ош жиҳатдан бутун дулёдан ўзиб кетдик, ролик ва велосипед чиқаришда ҳам пайти келиб ўзиб кетсан керак... Шундай қилиб Сашканинг отаси, ролик ҳамда велосипед ўрнида фақат опаси Сашенъка ва китоблар бўлган, холос...»

Штирлиц шошилмай хаёл суриб ўтираверди, шу пайт у, бир томондаи, маза қилса, иккинчи томондан, ташвишланарди, чунки Сашенъка ва ўғли ҳақидаги хаёлга берилеш учун фақат бир неча минут мухлат қолган, кейин у бинога кириб бир қават пастда жойлашган Мюллер қабулхонасининг эшигини тақиллатиши керак эди, у ерда эса ўз ҳаётидаги энг азиз нарсалар ҳақида ортиқ хаёл сура олмайди. У ерда жангчига айланиши керак ва агар жангчи жанг олдидан фақат шу жангга тааллуқли бўлмаган бошқа нарсаларни унутмаса, енгилиши мумкин.

«Сабр қил, Катюша,—яна хаёлга ботди Штирлиц,— ўрнидан туар экан,—сен билан ҳали курашни давом эттирамиз, сени зулматдаи қутқараман, ҳаммаси яхши бўлади, кичкнитойни ҳам тарбиялаб вояга етказасан».

Штирлиц шошилмай, роликларда пойга қилаётган

рангпар, тер босган болаларга табассум қилиб, машинаси томон юриб борарди ва ўзини жангга тайёрлаб Кэт ҳақида ўйларди.

«Фақат ўзимни ўзим алдамай,— ўйларди Штирлиц, машинага ўтирап экан.— Кэтни қутқариб оламан деб қатъий ваъда қилмоқдаман. Муваффақиятга ишоннш лозим — акс ҳолда ютқазиш мумкин, аммо хомхаёлларга ҳам берилмаслик керак — бундай қилинса, калтак ейиш ҳеч гап эмас». ✓

У моторни юргизди ва одатдагича, машинасига мурожаат қилди:

— Қани, жўнадик, машинажон... Қани, кўчаларни яна бир айланиб чиқайлик, одамларга назар ташлайлик, баҳор ҳиди анқиётган тоза ҳаводан нафас олайлик, кейин Мюллер ҳузурига борамиз.

14

Штирлицнинг РХСА коридоридан ўз кабинетига кетаётганлигини Мюллера ҳабар қилганларида у дастлаб гангиг қолди. У Штирлицни бошқа жойда қўлга туширадилар деб ўйлаган эди. У сабабини билмаса ҳам, аммо муваффақиятни қўлга киритаётганлигини аниқ сезарди. Мюллер йўл қўйған хатосини ҳам биларди: у калтак еган Холтоффни кўриб ўзгариб кетганлигини эслади. Уларнинг мўлжаллари бир эканлигини Штирлиц албатта пайқаган. Шунинг учун ҳам Штирлиц қочиб қолади деб ҳисобларди. Аммо унинг империя хавфсизлиги бошқармасида пайдо бўлганлигини, шошилмай йўл-йўлакай танишлар билан сўрашиб коридордан келлаётганини эшитиб Мюллер ўзини йўқотиб қўйди ва муваффақият қозонишга ишончи анча камайди.

Штирлицнинг нияти оддий эди: рақибини ҳайратда қолдириш — ярим ғалабага эришиш деган гап. У Мюллер билан кураш жуда мураккаб бўлишини биларди — Холтофф унинг физиклар билан ўтказган операциясидаги энг нозик жойларни пайқаб қолган эди. Бироқ тайёргарлиги йўқлиги ва умуман билимни менсимаслиги Холтоффга айбнома тузишга имкон бермади, у исбот этиш йўли билан эмас, кўпроқ тахмин қилиш йўли билан топган ҳар бир пунктини эса рад этиш ёки икки хил талқин қилиш мумкин эди. Штирлиц физик Рунге ишига жуда усталик билан ёндашган эди. Гестапода

бошқа маҳбуслар билан қандай иш олиб борсалар физик билан ҳам шундай иш олиб боражакларини тушунарди: терговчининг физика назариётчиси, ўз foялари га берилиб кетган ва шунинг учун кундалик ҳаётда асабийлашган ва мантиқни йўқотган кишига тўғри калиг топа олиши амри маҳол эди. Шунинг учун Шелленберг билан сұхбатда уни эҳтиёткорлик билан Штатларнинг атом ҳужуми бошлаши мүмкнлиги темасига жалб қилганида, у, Штирлиц кутганидек, Германиянинг бу соҳада орқада қолаётганлигидан ҳасрат қилди ҳамда океан орқасидаги айёр золимлар «интиқом қуроли»ни яратиш масаласини тезроқ ҳал қилишга уринаётган рейхга халақит бериш мақсадида фитналар уюштираётган бўлсалар керак, деди. Шелленберг қамоқقا олинган Рунгенинг фамилиясини айтмаган бўлса ҳам, Штирлиц илм аҳли орасидаги ана шундай фитналарни фақат физикларнинг ёрдами билан фош қилиш мүмкнлигини тахмин қилиб, Мюллер аппаратидагилар эса фақат суюк синдиришгагина устадирлар, деган эди ўшанда. Шелленберг штандартенфюрернинг физикадаги янги оқимлар билан қай даражада таниш эканлиги билан қизиқди. Штирлиц одатдагича сиполик билан жавоб берди, аммо у ҳазиллашяптими ёки жиддий гапиряптими — буни пайқаб олиш қийин эди:

— Ҳаммадан кўпроқ мени физик химия ёрдамнда омманинг аҳмоқлашиши процессини тўхтатиш мүмкинмикан деган масала қизиқтиради... Тўғри сўзларни гапирадиган тентаклар жуда кўпайиб кетганлигидан ишлаш қийин бўлиб қолди...

— Сиз умрингизни концентрацион лагерда тугатасиз,— деди кулиб Шелленберг.— Чунончи, Мюллер сизни қамаб ўтирамайди, сиз кўп нарсалардан хабардорсиз: сизга ўхшаганларни автомобиль ҳалокатидан кейин дабдаба билан кўмадилар.

— Раҳмат,— жавоб берди Штирлиц.— Аммо мен аввал унинг қабрига гулдаста қўйиш ниятидаман.

— **Ф** Мюллер ўлмайдиган одам... Бу дунёда қидирув ташкилотлари йўқолмагандек, у ҳам ўлмайди, чунки одамларнинг асосий интилиши — изланишdir. Бу нарсани юксак мъянода амалга оширадиганлар янгиликни физикадан, бизларга ўхшаб ақлсиз туғилганлар эса контрразведка соҳасидан излайдилар.

— Мюллер бу сўзларингиз учун сизни кечирмайди...

— Нега энди кечириши керак? — елкасини қисиб қўйди Шелленберг. — Бу унинг сўзлари. Бу бавариялик тузукроқ илми бўлсами, ким билади дейсиз, ҳозир қаерда ўтиради: бизнинг бинодами ёки Бранденбург дарвозасига яқин уйлардан биридами?

— Сизни нега шунчалик ёмон кўради?

— Иккита сабаби бор, — деб жавоб берди Шелленберг. У ўйлаб-нетиб ўтирмай гапиради: демак, ўз вақтида бу ҳақда роса бош қотирган кўринади. — Биринчидан, мен унга қараганда икки марта ёшман..

— Сал кам икки марта, — унинг гапнин тўғрилаб қўйди Штирлиц.

— Бу ўринда «сал кам»нинг аҳамияти йўқ. Ҳатто аксинча, у мендан уч марта катталигини айтишни афзал кўйарди — чунки мен хотин киши эмасман, у эса товуқларни чорлаётган хўрөз эмас. Иккинчидан, ўз меҳнатим билан ион топай, деб дарсликни четга сурис қўйган ҳар бир киши коллеж ва университетни тугатгач, тайёр жойга келиб, уч йилда юқори лавозимга кўтарилиб кетган омадли кишини яхши кўра оладими? У эса бу ишга бутун умрини бағишлаган. Учинчи томонни ҳам бор... Бу фикр менинг миямга ҳозиргина келди: биласизми, ҳаётда қизиқ нарсалар бор: баъзи кишилар бирон ишни ўйлаб топадилар, бошқалар эса уларни бажарадилар. Шундай қилиб, ишларни жуда кам бажартганим учун Мюллэр мени кўролмайди. Мен кўпроқ ўйлаб топардим. У бўлса доим буни бажаарди: буйруқни, бирорин отишми, бирон акциями — бари бир, ҳам масини бажариб келди. Биласизми, бундай нарса кишининг иззат-нафсига тегади. Мен алоқани яхшилаш мақсадида унинг олдига бир неча марта бордим... Йўқ, натижка чиқмади, у бавариялик деҳқон хотиндек мени рейхсфюрерга, марҳум Гейдрихга, яна баъзи бошқа кишиларга рашик қиласиди...

— Тушундим, — кулди Штирлиц, — бошқалар кимлигини тушундим...

— Сиз дарҳол тушундингиз, — ўрнидан туар экан, Шелленберг ҳам кулиб юборди. — Майли, худо шоҳид. Ҳар ҳолда иккаламиз ҳам бир ишни бажармоқдамиз, ва демак, чидашни истамаган пайтларимизда ҳам баъзи нарсаларга чидашга тўғри келмоқда. Иккинчи томондан олгаида, гестаподек гўнг ташувчи карвонга ким бошлиқ бўлнишга розилик берарди дейсиз?

Шу сұхбатдан кейин ярим ой вақт ўтди: Штирилиң
көч вақт ҳодисаларин тезлаштиришга урии масди: ғабр-
тоқат ҳам тезликнинг гарови! Ҳамма парса — санъат,
разведка, мұҳабbat, сиёсатми, бари бир пропорциялар-
да белгиланади.

Штирилиң фюрернинг туғилған күни мұносабати билан
ўтказилған таңтанали кечада Рунге ишиңгә нисбатан
иккінчи марта «шаъма» қилди. Гитлернинг яутқидан
сүңг концерт бўлди, кейин ҳамма дастурхон ясатилган
кatta залга ўтди. Рейхсфюрер одатдагича зельтер
суви ичиб ўтири, қўл остидагилар эса конъяк ичдилар.
Ана ўшанды Штирилиң Шелленбергга бундан уч ой олдин
қамоққа олинган физик ишини Мюллернинг одамлари
эплай олмаётгандыктарини айтди. «Яхшими, ёмонни,
ҳар қалай мен физика-математика факультетини
тутатганман,— деди у,— буни мен эслагим келмайди,
чунки шу ихтисосни деб эркаклик қобилиятини бутун-
лай йўқотишинга сал қолди. Лекин шунга қарамай,
бу — факт. Кейин — унинг алоқаси кенг: у океан орти-
да ўқиган ва ишлаб келган. Шу иш билан биң шуғул-
ланганимиз фойдалироқ».

У Шелленбергга ана шу фикрни айтиб, кулгили ла-
тифаларни ҳикоя қила бошлади, Шелленберг ҳам кўп
кулди, кейин иккови дераза ёнинг бориб, бир группа
ходимлар билан Штирилиң ҳам иштирок қилған опера-
цияни мұҳокама қилдилар. Бу операция иттифоқчилар
ўртасида низо чиқариш мақсадида уюштирилған соxта
информация эди. Штирилиң ўша пайтдаёқ Шелленберг-
нинг ниҳоятда эҳтиёткорлик билан, кўзга ташланавер-
май, ҳар томонини ўйлаб, ғарбий иттифоқчиларни
Кремлдан ажратишга қаратилған мақсадни амалга
оширишга киришгандығига эътибор берган эди. Бунда
у асосий зарбаны, одатдагидек, Кремлга қарши қарат-
ган эди. Хусусан, Шелленберг Атлантика қўргонида
турған немис қисмларини инглиз автомат қуроллари
билан таъминлаши уюштириди. Бу қуроллар бетараф
мамлакатлар орқали сотиб олинган бўлиб, уларни ке-
ракли эҳтиёт чоралар кўрилмай Франция территорияси
орқали жўнатилди. Тўғри — буниси ҳам жуда усталик
билан бажарилди — коммунист-партизанлар немис өм-
борларидан бир неча инглиз автоматларини ўғирлаб
кетганларида кейин; кимки қурол-аслаҳа омборлари-
ни ёмон қўриқлаган бўлса, отишга ҳукм қилинажакли-

ги тўғрисида буйруқ чиқардилар. Шу буйруқ кўп нусхада тарқатилди, партизанлар ҳаракатини аниқлаш юрувчи Шелленберг агентлари партизан қийимидаги Торез коммунистларини ҳам ана шундай буйруқ билан «таъминлашга» муваффақ бўлдилар. Ана шу маҳфий маълумотлар асосида гарбий иттифоқчилар Франция ёки Голландияга қўшин туширмас эканлар, деган хулоса чиқариш мумкин эди: акс ҳолда ўз душманига ҳам қурол сотадиларми? Шелленберг Штирлицнинг ишини маъқуллади — у шу масаланинг ташкилий томонларини уюштирган эди, бу операциянинг Геббелльс ва Риббентроп идоралари билан келишиб амалга ошириш бўйича қизиқарли таклифларни ҳам тайёрлаган эди. Шелленберг кабинетидан чиқмай, Кремлда портлаш юз берини, Сталин, Черчилль ва Рузвельт коалициясининг барбод бўлишини кутди. Штирлиц тиним билмай ишларди, унинг таклифларини Шелленберг тўла маъқуллар эди. Бироқ кутилган натижа чиқмади. РХСАдагилар, нима бўлди экан, деб бош қотирдилар. Штирлиц бир неча тахминларни айтди. Ҳаммаси ҳам дадил ва қизиқарли тахминлар эди: Штирлиц операция бошлиши биланоқ Москвани огоҳлантириб, Лондон нацистларга ҳеч қандай қурол сотган эмас, бу ҳийла бошдан оёқ узоқни кўзлаб, усталик билан тузилган соxта информация эканлигини хабар қилган эди.

Фюрер туғилган куни кечасидаги суҳбатда Штирлиц атайлаб физик Рунге ишидан эътиборни чалғитиб, Кремлга нисбатан ишлатилган ҳийланинг муваффақиятсиз чиққанлигини муҳокама қилиш устида кўпроқ тўхтади. Шелленбергнинг ақлли раҳбар ва туғма разведкачи сифатида ҳар бир суҳбатда, ҳатто ўзининг боғбони билан гаплашганда, маълум бир деталларни ёддан чиқаришга йўл қўйса ҳам, аммо асосий ва муҳим моментларини ёддан чиқармаслигини Штирлиц яхши биларди, чунки инсоннинг дунёни тасаввур этиш системасида ҳар бир иxtisos ўз изини қолдиради. Штирлиц Шелленбергнинг тенг рақиб эканлигига, стратегия масалаларида эса ундан ўтиб кетиш жуда қийин, ҳатто мумкин эмаслигига тан берарди. Аммо уни кўпроқ кузатаркан қизиқ бир детални сезиб қолди: Шелленберг ўз ходимларининг қизиқарли таклифларини олдин сезмаган бўлиб, гапни бошқа томонга буриб юборарди. Аммо кунлар, ҳафталар ва ҳатто ойлар ўтгандан сўнг шу таклифга

уз нуқтани назарини қўшиб — бундан олдин юқорида маслаҳатлашнб олса керак — ана шу фикрни ўзиники, ўз таклифи, ўзни ўйлаб топган операция сифатида ўртага ташлар эди. Шунда ҳам у шунчаки айтилган таклифларни шу қадар усталик билан тайёрлар, темани рейх олдида турган бошқа ҳамма масалалар билан шу қадар аниқ боғлай олардики, ҳеч ким уни фикрни тўғридан тўғри қаердандир ўғирлаяпти, дея олмас эди.

Штирлицнинг мўлжали жуда тўғри чиқди: икки ҳафта ўтгач, разведка шефининг кабинетида бўлган оператив кенгашдан кейин барча ходимлар чиқиб кетаётганди, Шелленберг Штирлицдан бир оз вақтга қолишни сўради.

— Штирлиц,— деди Шелленберг,— жаҳон тарихида техника жиҳатдан устунлик масаласи, айниқса олимлар атом ядроси сирини очганларидан кейин, ҳал қилувчи масала бўлиб қолса керак. Менимча, Фарбда ҳам, Шарқда ҳам олимлар буни тушуниб олганлар, аммо сиёсатчилар унинг аҳамиятига ета олмаганлар. Биз ўн тўққиз асрлик тарих давомида сиёсагчилик ихтисосига қандай маъно бериб келингган бўлса, унинг шу маънони йўқотишга гувоҳ бўлишимизни кўрасиз. Келажакда сиёсатни фан бошқарадиган бўлади. Келажакнинг илғор мэрраларига чиқиб олган фан аҳлларининг асл мақсадларини, тадқиқот қилишга уларни ким илҳомлантираётганини кўриш,— бугунги вазифа эмас, тўғрироғи узоқ келажак вазифасидир. Шунинг учун қамалган физик билан иш олиб боришингига тўғри келади... Айтган-дек, мен унинг номини ёддан чиқарибман..

Штирлиц ўзи текширилаётганини фаҳмлади. Шелленберг ўзининг бу гапи қаердан келиб чиқди, шу фикрни бир вақт унга ким берганлигини Штирлиц пайқадими ёки йўқми— шуни аниқлаб олмоқчи эди. Штирлиц ўз бармоқларига тикилганча, индамай тураверди. У маълум вақт индамай турди, кейин эса тушунмаётган қиёфада бригаденфюрерга қараб қўйди. Шундай қилиб, Рунге иши Штирлиц қўлига тушди. Шундай қилиб, немисларни 1944 йилдаёқ атом бомбасини яратишга яқинлашишдек реал имкониятдан маҳрум этди. Буннинг учун Рунге нуқтани назари ғолиб чиқса бас эди. Бинобарин, Рунге билан ўтказилган талайгина кунлар мобайнида у атом бомбага эга бўлиш Германиянинг пешанасига ёзилмаган эканлигига амин бўлди: Гитлер Сталинград

жангидан сўнг олимлар уч ойдан кейин, узоги билан олти ойдан кейин реал натижаларни ваъда қилмасалар мудофаа соҳасидаги илмий ишларга маблағ ажратмаслигини айтган эди. Ҳарбий аслаҳалар бошқармаси, кайзер Вилгельм институтида, медицина институтида, шунингдек алоқа министрлигидағи лабораторияларда ишловчи ядрочи физиклар ўртасидаги жанжаллар Гиммлер қулогига бориб етгандаш кейин, у атом қуроли масаласи билан қизиқиб, «Ҳарбий-илмий тадқиқотлар бирлашган фондни»ни ташкил қилди, бироқ рейхдаги илмий ишлар учун жавобгар бўлган Геринг Гиммлер ташкил этган илмий ташкилотни ўэига беришни талаб қилди. Иzzат-нафсни қондириш учун кураш борарди. Шундай қилиб, гениал немис физиклари раҳбарларнинг ёътиборидан четда қолдилар, бунинг устига Германиянинг Шпеер ва Шахтдан ташқарни бирон фюрери, олий маълумотга эга эмас эди... Ана шу гапларнинг ҳаммасини Штирлиц Москвага етказди ва устига-устак, Рунге тарафдорлари ва рақиблари ўртасидаги жанжаллининг янада авж олишига ўз ҳиссасини қўшди: душманга қанчалик зарар етказилаётган бўлса бизга шунчалик фонда эди.

Энди шу курашнинг навбатдаги босқичида у яна ғалаба қозониши: бу ишда ўзининг ҳақ эканлигини исбот этиши лозим эди. У ўз позициясини ўйлаб қўйди. Унинг позицияси ишҳоятда кучли. У Мюллерни енгиши керак ва енгади ҳам.

...У ўз кабинетига кирмади. Мюллернинг қабулхонасига кириб, унинг ёрдамчиси Шольцга деди:

— Дўстим, шефингиз мени кечирсинглар: соат тўққизда қайтишни ваъда қилган эдим, тўққиз-у ўи икки минутда келдим... Қандай кўрсатмалар бўлади? У киши мени ҳозир қабул қиладиларми ёки ярим соат ухлаб олайми?

— Ҳозир билиб чиқаман,— деб жавоб берди Шольц ва ичкарига кириб кетди. У иккӣ минутча тұтилиб қолди.— Бу сизнинг иктиёригизда экан,— деди у қайтиб чиққач.— Шеф ҳозир дессангиз ҳозир қабул қиладилар, бўлмаса кечқурунга кўчириш ҳам мумкини.

«Иш яна мураккаблашибди-ку,— тушунди Штирлиц.— У менинг қаерга боришмни билмоқчи. Чўзиб ўтиришининг ҳожати йўқ: бари бир бу иш бир соат, узо-

ти билан икки соат ичнда ҳал бўлади. Шуман институту-
тидан эксперталар чақирилганда ҳам бундан кўп вақт
кетмайди».

— Сиз нима маслаҳат берсангиз, шунн қиласман,—
деди Штирлиц.— Кечқурин раҳбарлар олдига кетиб
қолади деб қўрқяпмац, унда эртагача кутишга тўғри
келади. Тўғрими?

— Тўғри,— деб маъқуллари Шольц.

— Бўлмаса, ҳозир кирганим маъқул экан-да?

Шольц эшикни очиб:

— Марҳамат, штандартенфюрер,— деди.

Мюллер кабинети қол-қоронги: группенфюрер кич-
кина столча ёнида Би-Би-Си радиосини эшишиб ўтирган
эди. «Лорд Хау-хау»нинг немисларга қарши қаратилган
эшиттириши берилаётган эди. Мюллернинг тиззасида
қоғозлар солинган папка ётарди, дам у, дам бу ҳуж-
жатни диққат билан кўздан кечириб, радио овози па-
сайганда уни бураб турарди. Мюллер кўринишдан чар-
чаган, қора костюми ёқасининг тугмаси ечилиган, худди
дарани булат қоплагандек кабинетни қават-қават та-
маки тутуни қоплаган эди.

— Салом,— деди Мюллер.— Очигини айтсам, мен
сизни бунчалик эрта келишингизни кутмаган эдим.

— Кеч қолганим учун калтак ейман, деб қўрқиб ке-
лаётган эдим.

— Ҳаммангиз, кекса Мюллер калтаклайди, деб қўр-
қиб юрасизлар... Бирон кишини калтаклаганманни ўзи?
Мен хушкўнгил, кекса одамман. Миш-минш гапларга
ишимонманг... Сизнинг келишган шефингиз менга қара-
гanda минг марта баджаҳл. Фақат у университетда ўқи-
гanda табассум қилишни ва французыча гаплашишини
ўрганиб олган. Мен эса олмани либоқ билан кесиб
еийиш керакми ёки менинг уйимдагилар сингари бутун-
лигича тишлаб еийиш керакми — шу дамгача билмай-
ман буни.

У ўрнидан туриб, ёқасининг тугмасини солди-да:

— Юринг,— деди.

Штирлицнинг ҳайрон бўлганини кўриб, кулди у:

— Сизга бир нарса тайёрлаб қўйдим.

Улар кабинетдан чиқиши, Мюллер Шольцга муро-
жгаат қилиб:

— Биз тезда қайтсак керак...— деди.

— Мен машина чақирганим йўқ-ку...

— Ҳеч қаерга бормаймиз.

Мюллэр салмоқлаб, тик зиналардан подвалга тушиди. У ерда йирик жиноятчилар учун бир неча маҳсус камера бор эди. Подвалга кириш жойида учта эсесчи турарди. Учаласи ҳам забардаст кишилар бўлиб, уларнинг шу гавдасига белларидаги кичкинагина браунинг кулгили кўринарди. Шундай девларга браунинг нима кераги бор экан? Улар бир мушт билан отни қулатишлари мумкин.

Мюллэр ўзининг орқа чўнтағидан валтер чиқариб, посбонларга узатди.

Штирлиц мен ҳам шундай қиласми деб Мюллера қаради. Мюллэр бош иргаб қўйди. Штирлиц ўзининг парабеллумини узатди, посбон уни орқа чўнтағига солиб қўйди. Мюллэр посбонлар турган жойдаги столча устидан олма олиб, деди:

— Курүқ бормайлик. Иккаламиз ҳам эркин муҳаббат тарафдори бўлсамиз ҳам — ҳеч қандай мажбуриятсиз,— собиқ дўстлар олдига совға-салом билан бориши керак.

Штирлиц ўзини кулишга мажбур этди: Мюллernerning нега бундай деганини у дарҳол тушунди. Бир вақт унинг одамлари жанубий американлик дипломатни сотиб олмоқчи бўлдилар: унга бир неча фотосурат кўрсатдилар — уларда дипломатнинг Мюллэр одамлари рўпара қилган сариқ кокилли қиз билан ётгани тасвирланган эди. «Ё шу фотосуратларни хотинингизга юборамиз, ё бизга ёрдам беринг»— дейишганди ўшанда. Дипломат расмларни анча вақт томоша қилиб туриб: «Шу хоним билан яна бир марта ётишининг иложи йўқми! Хотиним билан иккаламиз порнографияни жуда яхши кўрамиз», деб жавоб берган. Бу воқеа Гиммлер немис разведкачиларининг оилавий ҳаётига алоҳида эътибор бериш ҳақида буйруқ чиқаргандан кўп вақт ўтмай юз берган эди. Мюллэр ўшанда норози бўлиб: «Ҳеч қандай мажбуриятсиз эркин муҳаббатга йўл қўйиб бериш керак, ўшанда кишилар ҳар қандай аҳмоқона вазиятда қўлга тушавермайдилар», деган эди. Перулик дипломат билан бўлган шу воқеани Штирлицга ҳикоя қилиб берганларида, у ҳуштак чалиб қўйиб, бундай деган эди:

— Менимча, перулик дипломат сизларни боллапт: у хотинидан ўларча қўрқсан, албатта, аммо парво қилмагандек бўлиб артистлик қилипти, сизлар эса унга

ишионибсизлар. Сен хотинингдан қўрқмасмидинг? Албат-
шаша, қўрқардинг! Аммо мени қўлга тушира олмайсан —
мен қўрқсам, фақат ўзимдан қўрқаман, чунки ҳеч ким
олдида мажбурият олган эмасман. Энг ёмони шундаки,
турмага совға олиб келадиган одамим йўқ.

Мюллэр 7-камера олдида тўхтади. У узоқ вақт кич-
кина тешикчадан ичкарига қараб турди, кейин пособон-
га эшикни очишни буюрди. Мюллэр биринчи бўлиб ка-
мерага кирди. Унинг кетидан Штирлиц ҳам кирди.
Посбон эшик олдида қолди. Камерада ҳеч ким йўқ.

— Гапирасанми?! — деб бақирди Рольф. — Мўъжиза
фақат кинодагина бўлади, фақат кинодагина учгача
санайдилар! Мен учгача санаб ўтирумайман. Мен дер-
зани очаман-у, боланг ўралган адёлни ечиб оламан.
Тушунарлимис? Сен ўз халқинг олдида бурчингни ба-
жараётган бўлсанг, мен ҳам ўз халқим олдидаги бур-
чимни бажармоқдаман!

Кэт бирданига ўзини енгил сезиб учиб кетаётгандек
бўлди, қулоқлари шанғиллаб ҳушдан кетди.

Рольф стол бурчагига ўтиаркан:

— Гельмут, болани ол... — деди.

Солдат болани олиб, чиқиб кетмоқчи эди, аммо
Рольф уни тўхтатди:

— Кетмай тур. У ҳозир ҳушига келади, давом этти-
рамиз... Барбара, марҳамат, сув олиб келинг. Унга ҳам,
менга ҳам. Агар юрак дориси бўлса стаканга томизиб
келинг.

— Унга неча томчи бериш керак?

— Унга эмас, менга.

— Хўп бўлади, неча томчи?

— Мен қаердан билай?! Үнтами..., Үттизтами...

У Кэт олдида тизза чўкиб, икки бетига шапатилади.

— Бу нарса хотинларда узоқ вақт давом этарми-
кин? — сўради Рольф Гельмутдан.

— Онангизда қанча давом этган?

— Шундай дегин... Онангизда дейсанми?.. Аглаҳлар
ўзлари топ-тоза бўлиб юрадилар, менга эса ана шундай
ифлос ишни топширадилар... Гугурт беринг...

— Мен чекмайман.

— Барбара! — қичқирди Рольф. — Гугурт олиб ке-
линг! Қани, қараб кўринг, ўзига келдимикин? Киприкла-
ри қимирлаяпти...

— Мен бу ишда ҳеч балони тушунмайман.

— Барбара? — қичқирди Рольф.— Намунча судрала-сиз?

Қиз икки стаканда сув олиб кнрди. Рольф сал кў-кимтири стакандаги сувни ичди. Ичиб бетини буриштириди:

— Тфу, бемаза нарса экан...

Сигарет тутатиб, у яна Қэт ёнига чўккалади ва қо-воқларини кўтариб қўйди. Қэтнинг кўз қорачиги унга тик қараб турарди.

— Ўлиб қолмаганимкин? — сўради у.— Барбара, сиз қараб кўринг...

Барбара Қэтнинг бошини ўз томонига бурди.

— Йўқ, нафас оляпти.

— Ўзингиз бир нима қилинг. Вақт оз... У ерда на-тижасини кутиб туришибди...

Барбара авайлаб, уқалётгандек, оғритмай Қэтнинг юзини шапатилай бошлади. Стакандаги сувдан ҳўплаб юзига пуркади. Қэт чуқур нафас олди, юз мушаклари қиммирлаб-қимирлаб қўйди.

Бола илгаригидек чинқириб йиғлар эди.

— Бир бало қилинглар. Қулоқ-миямни ели-ку! — де-ди Рольф.

— Қорни оч...

— Нега тўтиқушдек бир гапни қайтараверасиз? Фа-қат ўзим кўнгилчанман, деб ўйламант! — деб бақириб берди Барбара.

— Бошқа хонага чиқай деб ижозат сўрагандим-ку, ахир...

Телефон жиринглади. Рольф трубкани кўтариб, деди:

— Рольф эшигади. Ким? Эшигаман.

Бола жон-жаҳди билан йиғларди,— овози жуда ўт-кир эди. Йиғидан юзлари кўкариб, қовоқлари шишиб, лабларининг атрофи оқариб кетган эди.

— Олиб кетинг! — қўли билан ишора қилди Рольф. Гельмут болани бошқа хонага олиб чиқиб кетди. Аммо боланинг овози қўшни хонадан ҳам эшигилаверди.— Ҳа,— деб жавоб бера бошлади Рольф.— Йўқ, ҳозирча йўқ... Осон деб ўйлайсизми? Шундай денг? Бўлмаса ўринп алмаштирайлик. Уни қачон сўроқ қила бошладилар? Индамаяптими? Э, дўстона сухбат қилишяпти— денг... Манави дугонаси билан ҳам гаплашиб кўриши-син — мен хурсанд бўлардим...

Гельмут болани олиб чиқиб кетгач, Қэт ҳушига келди: у ҳушдан кетган пайтда ҳам шу ерда, даҳшатли хонада ўғли бўлмаса ҳам, худди ёнида ётгандек ҳис этди. Бола қаердадир йиғларди, хона ичи иссиқ, демак у ойнани ҳали очмаган экан. Нималарни гапиряпти? Кимни сўроқ қилишяпти, ким индамаяптикин? «У» индамаяпти, «улар» дўстлардек сұхбат қилишяпти. Нима бўлди, Штирлиц қўлга тушганмикин? Агар ҳозир энди талаб қилаётган гапларини айтиб берса, уни уриб маъниндек қиладилар ва Қэт уни сотган бўлади. Йўқ, бундай қилиб бўлмайди. Аммо бошқа ҳолатга ҳам йўл қўйиб бўлмайди: гўдакнинг очиқ ойна ёнидаги стол устида қипқизил тирноқсиз қўлчалари ва қийшиқ оёқчаларини очиб қип-яланғоч ётишига ҳам йўл қўйиб бўлмайди — совуқ ҳаво ғуриллаб киради, гўдак эса ўзини қутқара олмайди, бақириб йиғлашдан бошқа иложи йўқ унинг — бўғилиб қолгунга қадар йиғлайверади...

«Шу азобни кўргандан ўлганим яхши эди,— боласига раҳми келиб ўйларди Қэт.— Ҳамма қутуларди. Үғилчам ҳам, Юстас ҳам, мен ҳам. Ўлим энг ажойиб, энг гўзал қутулиш йўли бўлар эди... Юрак ҳам шунчалик кучли бўладими? Ерилиб кетмайсанми! Еки бутунлай тўхтаб қолмайсанми! Шу қадар азоб берасаними...»

Рольф трубканни қўйиб, деди:

— Менимча у ўзига келди.

Барбара яна тиз чўкиб, икки бармоғи билан Қэтнинг кўзини очди, унинг киприклари қимирларди.

— Ҳа,— деди Барбара,— ўзига келинти.

— Сув беринг унга.

Қэт ҳамон ўзини ҳушсизликка солиб ётавермоқчи бўлди, лекин унинг юзи ёлғоннинг билдириб қўйди: қўшини хонада бола йиғлаётгани учун онапинг юзига беихтиёр жон кираверди.

— Бўлди, бас,— деди Рольф.— Ҳушдан кетганлинингиз рост эди, энди муғомбирликни, хотинлар қилиғини ташланг. Ҳеч нима чиқмайди бундан. Сиз эркаклар ишига аралашдингизми, энди майнавозлик қилманг. Барбара ўтқизиб қўйнинг. Туринг! Қўзингизни очинг!

Қэт ўрнидан қимирламади, кўзини ҳам очмади.

«Ўзимга келмаганим яхши эди,— ўйларди у.— Бир бошимга шунчалик азоб тушса-я!»

— Майли,— деди Рольф.— Уни қўйинг, Барбара. Қўриб турибман, ҳамма гапни эшигиб ётиби. Ҳозир

мен Гельмутни чақириб, ойнани очиб юборсам, кўзини очади-ю, аммо унда кеч бўлади.

Кэт чидай олмай, йиғлаб юборди.

— Хўш?— сўради Рольф.— Ақлингизни йигиб олдингизми?

Унинг ўзи Кэтни ўрнидан кўтариб, ўтқазиб қўйди.

— Гапирасизми?

— Ўйлаб кўришим керак...

— Ўйлаб ўтиришга вақт йўқ.

— Нима дейишни билмайман... Елғон гапиришимни истайсизми?

— Елғон гапиришингизни истамайман. Ҳақиқатни гапиришингизни истайман.

— Билганимни айтдим.

— Мен сизга ёрдамлашаман,— деди Рольф.— Уэингизни сотқин деб ҳисобламаганингиз учун сизга ёрдам бераман. У чўнтағидан Штирлицининг фотосуратини олиб, Кэтга кўрсатди, аммо Барбара расмни кўрмаслиги учун уни бир томондан тўсиб турди.

— Энди тушунарлами? Гапирмасликдан нима фойда? Гапирасизми?

Кэт ҳамон лом-мим демасди.

— Гапирасанми, йўқми?!— тўсатдан бор овози билан қичқирди Рольф.— Гапирмайсанми?! Гельмут!

Болани кўтариб Гельмут кириб келди, Кэт ўзини болага ташлади, лекин Рольф болани Гельмутнинг қўлидан тортиб олиб, ойнани очиб юборди ва боланинг устнадаги адёлни юлқиб олди. Кэт ўзини Рольфга ташлади, аммо оёғидаги кишанлари халақит бериб йиқилиб тушди, ерга йиқилганда ҳам думалаб Рольфга ташланди. Кэт даҳшатли овоз билан қичқирарди. Рольф ҳам нималарнидир бақириб гапираварди — шу он устма-уст икки ўқ овози янгради.

— Мантиқан тўғри,— деди Мюллер, Штирлицининг гапларини тинглаб бўлиб.— Сизнинг физик Рунгега нисбатан тутгани йўлингиз мустаҳкам, Бу соҳада мени ўзингизга иттифоқчи деб ҳисоблайверинг.

— Швеция дипломатининг қора «Хоръхи» кетидан қўйган думингиз ҳам шу иш билан боғлиқмиди?

— Думни ҳам сезганмидингиз? Хавфни яхши пай-кар экансиз.

— Менинг ўрнимда ҳар қандай аҳмоқ ҳам кетидан

илашган думни сезар эди. Уз уйида қандай хавф бўлиши мумкин? Мен чегарадан ташқарида эмасман-ку...

— Бошингиз оғримаяптими?

— Ташвишданми? — кулиб сўради Штирлиц.

— Қон босимидан,— жавоб берди Мюллэр ва чап қўли билан орқа миясини уқалай бошлади.

«У соатга қараб олиши керак эди. У ниманидир кутиб турибди,— пайқаб олди Штирлиц.— Унинг қўлида қандайдир далил бўлмаса, бу спектаклни уюштиргмаган бўларди. Ким бўлиши мумкин? Пасторми? Плейшиерми? Кэтми?»

— Йогларнинг нафас олиш гимнастикасини қилиб кўришни маслаҳат берардим.

— Унга ишонмайман... Лекин, қандай қилишни бир кўрсатинг-чи. Менга кўрсатишган эди, аммо нафи тегишига ишонмадим.

— Чап қўлингизни орқа мияга қўйинг. Йўқ, ундаи эмас, фақат бармоқларни қўйинг. Унг қўлингизни бош устига кўндаланг қўйинг. Ана шундай. Энди иккала қўл билан уқалайверинг. Фақат кўзингизни юминг.

— Мен кўзимни юмай-да, сиз эса Холтоффникт бошига туширгандек менинг ҳам бошимга туширинг-а.

— Агар сиз ватанимга хонилек қилишни таклиф этсангиз — шундай қилишим мумкин... Обергруппен-фюрер, сиз сездирмай соатга ҳараб қўйдингиз... соатингиз етти минут орқада қолган. Сиз билан бу ерда бир соатдан кўпроқ ўтиридик. Мен очиқ гапни яхши кўраман. Айниқса ўзимизнинг одамларимиз бўлса.

Мюллэр кулиб юборди:

— Менинг аппаратимда ишламаганингиздан доим афсусланардим. Сизни аллақачон ўринбосар қилиб олардим.

— Мен розилик бермасдим.

— Нимага розилик бермасдингиз?

— Сизнинг ўринбосарингиз бўлишга.

— Нега?

— Сиз рашк қилаверасиз. Жуда севадиган, содиқ хотиндек рашк қиласиз. Бу — рашкнинг энг даҳшатли формаси... Энг азоб берувчи формаси.

— Умуман мени тўғри тушунгансиз. Тўғри, бу даҳшатли рашкни бошқача қилиб, масалан, ўртоқлар устидан ғамхўрлик деб аташ ҳам мумкин — аммо, бу принцип масаласи эмас, технология масаласидир.

Мюллер яна соатига қаради: бу гал соатга қаратанини яширмади. «Аммо жуда уста мутахассис,— деди ўэниг ўзи Мюллер.— У ҳамма нарсани сўз орқали эмас, ҳаракат ва кайфиятдан билиб олар экан. Бало экансан. Агар у бизга қарши ишлаган бўлса, унинг рэйхга келтирган заарини ўлчаш менинг қўлимдай келмасди ёв. Ана шундай битта артист бизнинг минглаб бечора солдатларимизга арзийди...»

— Майли,— деди Мюллер.— Очик гаплашамиз. Ҳозир, дўстим, бир минут...

У ўрнидан туриб, оғир эшикни очди. Огирилгига қарамай, эшик осонгина очилди. У эринчоқлик билан тирноғини тозалаб турган посбондан сўради:

— Шольцга телефон қилинг, янгилик бормикин?

Мюллер иккى-уч соат давомида Рольф рус қизини гапиртира олади деб мўлжал қилган эди. Уни бу ерга олиб келадилар, бир-бировлари билан юзлаштирамиз. Бўлса бўлди, бўлмаса йўқ. Агар тўғри чиқса, фактни текшириш — контрразведкачининг бурчидир. Штирлицни қандай сўроқ қилишни ҳам ўйлаб қўйган эди Мюллер: Рольф рус қизини гапиртиргандан кейин, Мюллер ўз кўзирларини ўртага ташлайди, Штирлицнинг ўзини қандай тутишини кузатиб туради, кейин эса пианистка билан юзлаштиради.

— Ҳозир,— орқасига, камерага қараб деди Мюллер.— Мен битта хабарни кутяпман...

Штирлиц елкасини қисиб:

— Нимага энди бу ерга олиб келиш керак эди менни, кабинетингизда гаплашсак бўлмасмиди? — деди.

— Бу ер тинчроқ. Агар ҳамма нарса мен истагандек тугаса, биргалашиб кабинетга чиқамиз, ҳамма иккализ менинг идорамда қандайдир иш билан банд бўлганимиздан хабардор бўлади, холос.

— Менинг шефим бундан хабардорми?

— Кимнинг рашикидан қўрқасиз, меникиданми ёки унивидан?

— Сизнингча қандай?

— Таваккал иш қилишингиз менга ёқади.

— Бошқа иложим йўқ. Кейин мен доим аниқликни яхши кўраман.

— Аниқлик — мавҳумот шаклларидан бири. Сиз ўта айёрсиз, биламан.

Посбон кириб, деди:

— У ёқдан ҳеч ким жавоб бермаётган эмиш.

Мюллер ҳайрон бўлиб, лабларини буриштириди ва ўзини юпатди: «Телефон қилмай бу ерга жўнаган бўлса керак. Каналим банд бўлган бўлса, вақтни тежай деб жўнайверган. Жуда яхши. Демак, ўн-ўн беш минутдап кейни Рольф уни бу ерга етказиб келади».

— Майли,— қайтарди Мюллер.— Инжилда айтилгандек: тош гериш ва яна уларни отиш вақти келди.

— Сизга мактабда илоҳиётдан яхши таълим беришмапти,— деди Штирлиц.— Екклезиаст пайгамбарниң китобларида бундай дейилган: ҳар томонга тош отиш ва уларни териш вақти келди: қучоқ очиш ва қучоқдан қочиш вақти етди.

Мюллер сўради:

— Сиз инжилни қўл остингида бўлган пастор Шлаг билан биргалашиб ўрганганмисиз дейман-а?

— Мен инжилни тез-тез ўқиб турадим. Душманни ёнгиш учун унинг мафкурасини билмоқ зарур, шундай эмасми? Буни жанг пайтида ўрганиш эса — мағлубиятга тенг.

«Пасторни чет элда қўлга туширдилармикин? Бўлинши мумкин. Йўқ, станциядан келаётганимда йўлда биронта машинани учратмадим.

Аммо улар мендан олдинроқ йўлга чиқсан ва застравда кутиб турган бўлишлари мумкин. Ҳозир эса — вақти тўғри келади — Берлинга яқинлашиб қолгандирлар. Хўш, мен хўжайним билан юзма-юз учрашишина талаб қиласман. Ҳужум қиласвериш керак. Асло мудофаага ўтмаслик лозим. Борди-ю Мюллер мендан, агент Клаус қаерда, деб сўраб қолса-чи? Уйда стол тортмаснда хат ётган бўлиши керак. Жуда аниқ далнл, аммо воқеалар келиб-келиб пасторга туташшини ким билганди дейсиз? Клаус билан бўлган воқеани ҳали исбот этишлари керак. Вақт эса менинг фойдамга ишлайяпти».

Мюллер Штирлицнинг кўзларига тикилганча кўкрак чўнтағидан шошилмай кўк конвертни олди.

«Нима бўлса бўлсан — мен ишимни бажариб қўйдим,— мулоҳазасини давом эттириди Штирлиц.— Аҳмоқ, шошилмай, имиллаб ҳаракат қилиниши билан мени карат қилиб қўйиб, ўзини қаерга қўйишни билмай ти-пирчилаб қолади, деб ўйлайяпти. Ўйласанг ўйлайвер. Йимиллаши менга фойда қайтанга, ўйлаб олиш учун йигирма секундча вақт қолянти ихтиёrimda. Пастор

гапириб қўйиши мумкин, лекин бунинг хавотирли жойи йўқ. Муҳими — Плейшнер одамларимизни Кэтнинг қўлга тушганлиги ва Вольфнинг музокара бошлаганлиги ёки бошламоқчи эканлиги ҳақида огоҳлантириб қўйди. Агар мен қўлга тушсан, бизникилар ишни давом эттиришлари керак, энди қайси томонга эътибор бериш лозимлигини биладилар. Менинг шифримни Мюллер топа одмайди — ўзим ва бошлиғимдан бошқа ҳеч ким билмайди уни. Мендан эса ҳеч нарсани билиб олслмайдилар — бунга имоним комил».

— Мана, деди Мюллер чўнтағидан учта бармоқ излари тасвирланган расмни олиб,— буни қаранг, жуда қизиқ. Бу бармоқ излари,— дея Штирлицнинг олдига биринчи расмни суриб қўйди,— бечора, тентак, лақма Холтоффга сиз сув ичирган стакандагиси. Манависни,— Мюллер қарта орасидан кузирни олиб ташлаёт-гандек, иккинчи расмни ташлади,— биз... қаердан то-пишимиз мумкин? А?

— Менинг бармоқ изларимни Голландиядан, Мадридда, Токиодан, Анқарадан топиш мумкин,— деди Штирлиц.

— Яна қаердан?

— Эслашим мумкин, аммо бунга камида ўн беш соатча вақт кетади. У ҳолда тушки овқатгагина эмас, кечки овқатга ҳам кечикамиз...

— Майли, мен оч ўтиришга ҳам тайёрман. Айтган-дек, йогларингиз очликни дардга энг яхши даво деб ҳисоблар эканлар ва уларнинг башорат қилишларича бора-бора сўзакни сульфидин билан эмас, балки бир ҳафталик очлик билан даволайдиган бўлармишлар... Ҳўш, эсладингзиеми?

— Гапимизнинг тайини бўлмаяпти. Агар мен қамалган бўлсам, буни росмана айтаверинг — унда сизнинг саволларингизга маҳбус сифатида жавоб бераман. Акс ҳолда эса — саволларингизга жавоб бермайман.

— Жавоб бермайман,— Штирлицнинг сўзини қайтардн Мюллер.

— Жавоб бермайман.

У соатига қаради: агар ҳозир Рольф кириб келгапда у передатчикдан гап бошларди, лекин Рольф кечикяпти, шунинг учун Мюллер бундай деди:

— Илтимос, ҳаммага кириш ман этилгап махсус алоқаҳонадан телефон орқали гаплашганингиздан ке-

йин нима қилганингизни — иложи бўлса минутма-минут — аниқ айтиб берсангиз.

«Учинчи расмни ҳали кўрсатгани йўқ,— ўйларди Штирлиц.— Демак, унда яна бирон нарса бор. Демак, кейин яна ҳаддан ошиб кетмаслиги учун ҳозирнинг ўзида зарба бериш зарур».

— Мен маҳсус алоқа хонасига кирган эканман, унда алоқачиларни бепарволик ва қўрқоқликлари учун судга бериш керак. Чунки улар калитни эшикда қолдирив, бомбапанага қуён бўлғанлар — мен портайгеноссе Борман билан учрашдим. У билан икки соатдан кўпроқ бирга бўлдим. У билан нималар ҳақида гаплашинглар, деб сўрасангиз, табиийки, мен жавоб бермайман.

— Жавоб бермаслигингиз мумкни эди, агар...

— «Агарингизни» қўйинг...

— Ҳаддан ошманг, Штирлиц, ҳаддан ошманг... Ҳар ҳолда унвоним ҳам, ёшим ҳам сиздан каттароқ...

«Сўз ўйинига таклиф этяпти,—дарҳол пайқади Штирлиц.— У қамоққа олинганимни англатмоқчи бўлиб шундай жавоб қилди. Агар шундай бўлса — уларнинг қўлида далил йўқ, аммо уни кутмоқдалар — мендан ҳам кутмоқдалар буни. Демак, ҳали қутулиб кетиш имкониятим бор экан».

— Кечирасиз, группенфюрер.

— Бу бошқа гап. Хўш, Борман билан, партайгеноссе Борман билан нима ҳақда суҳбат қилдинглар?

— Саволингизга партайгеноссе Борман ҳозир бўлган тақдирдагина жавоб беришим мумкин — мени тўғри тушунишингизни истардим.

— Агар Бормансиз жавоб бераверганингизда, балки учинчи саволга жавоб беришингизнинг ҳожати қолмас эди...

Мюллэр яна бир марта соатига қараб қўйди — Рольф ҳозир бу ерга тушиб келиши керак; Мюллэр, вақтни жуда яхши ҳисобга оламан деб ўйлаб юради.

— Учинчи саволингиз рейх ва фюрер манфаатига энд бўлмай, фақат ўзимтагина даҳлдор бўлса жавоб беришга тайёрман.

— Савол шахсан сизга тегишли. Бу бармоқларни одамларим рус радиостанцияни чамадонидан топишган, Штирлиц... Бу саволга жавоб беришингиз қийин бўлса керак.

— Нега энди? Бу саволга жавоб бериш қнийни эмас: радиостлининг чамадонини мен Рольфнинг кабинетидан кўздан кечирган эдим — уни чақиринг, айтиб беради.

— У буни аллақачон айтган.

— Бўлмаса гап нимада ўзи?

— Гап шундаки, бармоқларингизнинг изи чамадон ҳали бизга келмасдан олдин, гестапонинг район бўлимида кўчириб олнинган эди.

— Хато қилишмаганимкин?

— Хато қилишлари мумкин эмас.

— Тасодиф-чи?

— Мумкин. Бироқ исбот этилган тасодиф бўлиши керак. Нега Берлиндаги уйларда сақланаётган йигирма миллион чамадондан худди рус пианисткаси ўз ашқолдашқолларини сақлаган чамадонда сизнинг бармоқ изларингиз қолар экан? Шуни тушунтириб бернингчи?

— Ҳа... ҳа... Буни тушунтириш қийин, ёки деярли мумкин эмас. Сизнинг ўрнингизда бўлсам мен ҳам биронта баҳонага ишонмас эдим. Сизнинг гапингизни тушундим, группенфюрер, тушундим...

— Мен сиздан исботловчи жавоб олишни кутардим. Штирлиц, ростини айтсан, сизни жуда ҳурмат қиласман.

— Ишонаман...

— Ҳозир Рольф бу ерга рус пианисткасини олиб келади, аминманки, у бизга ноаниқ нарсани — рапия сақланган чамадонда сиз қаҷон «из қолдирганингиз»ни толишга ёрдам беради.

— Рус радиостими? — елкасини қисиб қўйди Штирлиц. — Мен госпиталдан олиб кетган аёлними? Менла қўриш хотираси эўр. Агар уни мен илгари кўрган бўлсан, қиёфаси эснимда қоларди. Йўқ, у бизга ёрдам бера олмайди...

— У сизга ёрдам беради, — эътиroz билдириди Мюллер. — Кейин яна мана бу нарса ҳам... — у яна кўкрак чўнтағидан ниманидир олди, — ёрдам беради...

Шундан сўнг у Штирлицга унинг Плейшнердан Беринга бериб юборган шифровкасини кўрсатди.

«Буниси энди тузоққа тушиш, — тушунди Штирлиц, — энди қўлга тушнубман. Бизнекилар ҳам ҳеч нима билмайдилар, мен эса қип-қизил аҳмоқ бўлиб чиқдим. Плейшнер — ё қўрқоқ, ё ландавур, ёки сотқин экан».

«Берлин, Шаҳзода Альбрехитрассе.
Прагага.

Қадрдан Крюгер!

СС обергруппенфюрери Кальтенбруннернинг топшириғи билан менинг ходимларим полковник Берг ҳақида қўйидагиларни аниқладилар. Унинг империя хавфсизлиги бошқармасининг бошлиғига шахсан таниш эканлиги түғрисида Сизга нотўғри маълумот берилдила. Генерал Ноидут илтимосига биноан биз Берг шиши билан шуғулланган эдик, аммо Канарис билан алоқаси борлиги юзасидан унга айб қўйиш учун етарли далиллар топа олмадик. Аммо Сиз унга шундай масъулиятли ишни топширибсизки, бунинг учун ҳеч қандай асос ўйқ эди. Энди у ишни бошлаб юборган экан, оператив манфаатни кўзлаб уни бу ишдан четлатиш мақсадга мувофиқ бўлмас, деб ўйлайман. Аксинча, унга мураккаб, лекин майдароқ ишларни (албатта, ҳал қилувчи ишларни ёмас) топшириб, Берг орқасидан жиiddий назорат ўрнатишни Сиздан сўрардим. Сизга маълумки, Канарис Флосенбург концлагерида ётипи, шу сабабли, унинг хоилик фаолиятига доир оз бўлса ҳам ҳақиқатни топиш биз учун жуда муҳим. Шунинг учун Берг қораловчининг гувоҳи ёки ҳатто ҳимоячининг гувоҳи сифатида сўзга чиқа олса, ишончим комилки, раҳбарлар Сиздан жуда миннатдор бўларди. Очигини айтай, Krakov операцияси барбод бўлган ва шаҳар рус бандалари қўлига бут-бутунлигича бериб қўйилганидан кейин Берг билан шу масала юзасидан иш олиб борсангиз, шубҳасиз. Сизнинг катта мувваффақият қозонганингиз ва ўзингизни бутунлай оқлаганингиз бўлади... Аминманки, Прага гестапоси бошлигининг ёрдамчиси вазифаси Сизнинг тажрибангиэга ҳам, Сиздаги имкониятларга ҳам мўносиб эмас.

СС штандартенфюрери Штирлиц томонидан уста массажчи сифатида жуда юксак баҳоланган контрразведка ходими Гришанчиков жанобларига келганда, у билан менинг одамларим шуғулланади. Мени тўғри түшуннишингиизни сўрайман: бу — Сизга ишончсизлик билдириш деган гап эмас.

Бу ердаги, Берлиндаги вазият шундай қарорга кечишига мажбур этмоқда. Сиз ушбу хатни ҳузурингизга олиб борадиган ходимимга қўлдан келган ёрдамни бе-

расиз, деб ишонаман. Сиз уни танийсиз. Айсман, фюрерга нуҳоятда содиқ одам, чинакам контрразведкачи, кўп нарсаларни биладиган зиёли, жонон йигит.

*Қўлингизни қисиб қолувчи
дўстингиз МЮЛЛЕР».*

Плейшнер яна эшикни итарди, аммо у ёпиқ эди, кичкини ойначадан эса — осмонни шу ойначадан кўрган эди — чиқиб кетишнинг иложи йўқ эди.

«Кейин бу кино эмас-ку ахир, — ҳорғинлик билан, ўз ишини худди четдан кузатиб турган кишидек ўйлаб қолди у, — кўзойнак таққан кекса одам ойнадан чиқиб кетаман деб қисилиб, оёғи осилиб қолса... Осилиб қолган оёғимдан тортиб олаверадилар». У бир поғона тепага кўтарилиди, уч метр баландликда жойлашган деразача кичкинагина тинч кўчага қараган эди, кўчада эса бояги шляяпали икки киши шошилмай кетаётиди. Улар энди витриналарни томоша қилишни бас қилишган, ўзларини танимасликка олаётганлари йўқ эди. У яна бир поғона кўтарилиди: ҳовлига қараган деразага фанер қоқиб қўйилган — афтидан ойнаси синган ёки ремонт қилмоқчиidlар — зинапоя жуда эскиргап, бўёклари кўчиб кетган эди.

«Ҳаммасидан ҳам даҳшатлиси ечинтириб, оғзингни текширадиган пайтлари — ўшанда ўзингни бир ҳашаротдек ҳис қиласан. Римда одамни ўлдириб қўяқолардидилар — соғдил антик давр, ажойиб давр!.. Булар эса кишини дорга осиш олдидан оёқ ости қилсалар!.. Қийноққа чида буролмайман, албатта. Ўшанда, биринчи марта яширадиган гапим йўқ эди, бари бир чидаш бера олмадим, нимани истасалар шуни айтиб бердим, ипмани талаб қилсалар шуни ёзиб бердим. Унда мени ёшроқ эдим. Ҳозир ҳам мени қийноққа солсалар, чидай олмай хониллик қилишим, укам хотирасига хониллик қилишим турган гап. Укам хотирасини ҳақорат қилгандан кўра ўлганим, хонилксиз ўлиб кетганим яхшироқ».

У эшик ёнида тўхтади. Эшикдаги тахтачада «Ҳукуқ-шунослик доктори Франси Ульм» деб ёзиб қўйилган эди.

«Ҳозир шу Ульм эшигидаги қўнғироқни босаман, — деб эслаб қолди Плейшпер.— Юрагимнинг мазаси қочиб қолди, дейман унга. Бармоқларим муздек бўлиб кетди, башарам ҳам докадек оппоқ бўлса керак. Доктор

чақирсин. Майли, улар мени одамлар кўзи олдида ота қолсинлар — бирон нарса дейишга ултураман-ку ҳар қалай».

Плейшнер қўнгироқ тугмасини босди. У эшик орқасидай узоқ дириллаган овозни эшилди.

«Доктор қаерда турасиз деб сўраб қолса-чи? — ўйларди у. — Нима бўлти? Қолаверса шу ердаги полиция қўлига тушаман. Гитлернинг умри тугаб қолди, шундан кейин ким ва қаердан эканлигимни айтиб беришим мумкин.

У қўнгироқ тугмасини яна бир марта босди, аммо ҳеч ким жавоб бермади.

«Бу Ульм тушмагур ҳозир қаҳвахонада, морожний еб ўтиргандир. Қулупнайми, касир-кусур вафлий морожнийни еётган бўлса керак,— яна хаёл сурди Плейшнер. — Яна газета ҳам ўқиётгандир, мен билан неча пуллик иши бор унинг».

У бошқа эшик ёнига бориб, қўнгироқ тугмасини босди. Бу ердаги қўнгироқ жиринглади ва ичкаридан боланинг чийилдоқ овози эшитилди:

— Ким?

Плейшнер негадир тиззасига чўкиб, пицирлаб сўради:

— Болам, оч эшикни...

— Ким бу? — яна сўради бола.

— Барака толкур, эшикни оч,— овозини сал баландлатиб деди Плейшнер, аммо унга овози бутун ўйдан эшитилаётгандек бўлиб туюлди.

— Сиз кимсиз? Ойим, Микки Маус бир йилдан кейин келади, деган эдилар.

— Мен Микки Маус эмасман, унинг укасиман... Ундан совбалар олиб келдим...

— Нима олиб келдинг?

— Эшикни оч, — деб шивирлади Плейшнер, ўрнидан туриб, — мен сенга мурватли мотоцикл олиб келдим...

— Акам мотоцикл ўйнайди... Мен қўғирчоқ ўйнайман... Мен қиз боламан...

— Қўғирчоқ ҳам бор. Қатта қўғирчоқ, гапиради, кўзлари очилиб ёпилади.

— Сочи оқми?

— Оқ.

— Унақаси ўзимдаям бор... Менга сочи қораси керак...

— Сочи қораси ҳам бор, — деди Плейшнер. — Тәроқ очақол.

У пастдаги эшик ёлилганини эшитди: бояги икки киши кириб келди шекилли. Қадам товушлари эшитилди, кейин қизчанинг овози эшитилди:

— Ойнм устимдан қулфлаб кетганлар, ҳозир келнб қоладилар...

Қизча гапини давом эттираверди, аммо Плейшнер қулоқ солмай юқорига югуриб кетди. У яширин квартира рўпарасидаги эшикнинг қўнғироғини босмоқчи бўлиб, юқорига яна бир пофона югуриб чиқди. Аммо яширин квартира эшиги очилиб, остоңада сарнқ сочли йигит пайдо бўлди.

— Номерни адаштирибсиз, ўртоқ. Бу ерда фақат биз ва сиз ҳозиргина қўнғироқ қилгаш хонадагиларгини турдимэ, бошқалар ҳар қаёққа жўнаб кетишган. Шундай қилиб, ўзингизни хавфсиз жойдаман, деб ҳисоблайверинг, — деди у.

«Қўлёзмам меҳмонхонадаги стол устида қолиб кетди. Қоқ ярмисида тўхтатган эдим, жуда илҳом келган эди-да. Агар мен бу ерларга келмаганимда, Берлинда ёзиб ўтирган бўлар эдим, ҳозир бу даҳшатлар тугагандан кейин эса ҳамма қўлёзмаларимни тўплаб китоб қилиб чиқарар эдим. Энди қўлёзмаларим кимларнинг қўлига тушади. Бунинг устига дастхатимни ҳеч ким тушунмайди ҳам».

У деразанин очди-ю, ўзини пастга ташлади. У одамлар эшитсин деб қичқирмоқчи ҳам бўлди, аммо қичқира олмади; чунки ўша ондаёқ юраги ёрилиб бўлган эди.

15

Мюллер шундоққина эшик ёнида ўтиради. У ерда ҷўзнилиб ётган Рольф билан Барбарани кетма-кет расмга олаётган фотограф ва эксперглар ишини кузатиб тuriш учун шу жойга ўтирган эди.

— Ҳеч нима йўқ, — деди оператив группа аъзоларидан бири, — ҳеч қандай из қолмаган.

Мюллер Рольф ўлдирилган жойга энг яхши иёқуварлари — йигирманчи йилларда биргаликда бандитларни ҳам, Гитлернинг национал-социалистларини ҳам, Тельманнинг коммунистларини ҳам қўлга тушириб юрган кекса ходимларни олиб келганди. Камдан-кам ҳол-

лардагина улардан фойдаланаради. Мюллер уларни гер-
дайиб кетишмасин, деб гестапога ўтказмасди: бу ердаги
ҳар бир терговчи эксперталар, агентлар, диктофонлар ёр-
дамига суюнарди. Мюллер эса Чапекнинг ихлосманди
эди — бу ёзувчининг асарларидағи изқуварлар фақат ўз
мияси ва ўз тажрибасига суюниб иш кўрардилар.

«Рұхоний киши ҳеч вақт ўз динини ислоҳ қила ол-
майди, — деган эди бир вақт Мюллер. — Ислоҳотчилар
доим четдан келади. Шу сабабли бўлажак ислоҳотчи-
лар мени ағдариб ташламасликлари учун кексаларни
резервда сақлаб юраман. Улар, уларнинг тажрибаси
вақти-вақти билан менинг ўзимга баъзи ишларни қайта-
дан ташкил қилишга ёрдам бериб турибди».

— Ҳеч нима йўқми? — қайтариб сўради Мюллер. —
Ҳеч нима-я. Бирорта илинтирадиган нарса йўқми?

— Ҳеч вақо, — жавоб берди соchlарни оппоқ, ранги
зальфарон чол. Мюллер унинг исмини эсдан чиқарган,
аммо у билан 1926 йилдан бери «сан-санлашиб» кел-
ган. — Сен Мюнхенда очган қотилликка ўхшайди.

— Эгонштрасседами?

— Ҳа. Тўққизинчи уй эди шекилли...

— Саккизинчи. Қотил кўчанинг уй номерлари жуфт
томонида ўлдирган эди.

— Хотиранг жуда зўр-да.

— Сеники-чи, пасайиб қолдими?

— Йод ичяпман.

— Мен бўлсам арақ ичяпман.

— Сен генералсан. Арақ иссанг бўлади. Биз арақ-
қа пулни қаердан оламиз?

— Пора ол, — деб кулиб юборди Мюллер.

— Кейин қўл-оёқ қайирувчиларинг қўлига тушай-
ми? Ундан кўра тинчгина йод ичиб юрганим маъқул.

— Ичавер, — рози бўлди Мюллер. — Ичавер. Очиғи-
ни айтсан, мен жон-жон деб арақни йодга алмаштирас
эдим.

— Ишинг кўпми?

Мюллер жавоб берди:

— Ҳозирча кўп. Яқинда иш қолмайди. Хўш, нима
қилдик? Шундай қилиб, ҳеч нима йўқми?

— Одамларинг манавиларни гумдон қилган ўқлар-
ни лабораторияда текшириб чиқишин.

— Текширишга текширадилар, — деди Мюллер. —
Албатта текширадилар, бундан хотиржам бўл..,

Яна бир чол кириб келди-да, Мюллернинг ёнига стул қўйиб ўтири.

«Чол тушмагур, — ўйларди Мюллер, — унга тикилиб қарап экан, — сочини бўяр экан. Ҳа, ростдан ҳам сочи бўялган».

— Хўш, — сўради Мюллер. — Гюнтер, нима топдинг?

— Унча-мунча нарса топдим.

— Менга қара, сочинигни нима билан бўяйсан?

— Хина билан. Сочим оқ ҳам, қора ҳам эмас, лойқа ранг, Ильзе бўлса вафот этди. Ёшлар эса ёш солдатларга ишқивоз, кекса изқуварларга йўл бўлсин.

— Солдатлар фронтда-ку?

— Инвалидлар-чи? Улар ўйин-кулги қилиб юришибди...

— Ахир уларнинг оёғи йўқ-ку?

— Бу ишда оёқнинг ҳожати йўқ, — кулиб юборди Гюнтер. — Қулоқ сол, қаршидаги уйда яшовчи кампир бундан бир соат олдин солдат билан бир аёлни кўрган. Аёлнинг қўлида боласи бор экан. Улар шошилиб кетаётган эканлар.

— Солдатнинг кийими қанақа экан?

— Қанақа бўларди? Форма-да...

— Иштонда чиқмайди-ку ахир, буни ўзим ҳам билан! Формаси қора эканми?

— Э-э... Албатта қора бўлади-да, кўк формадагиларга посбонликни топширмайсизлар-ку!..

— Қанақа машинага ўтиришибди?

— Автобусга ўтиришибди.

Мюллер ҳайрон қолиб, ўрнидан туриб кетди:

— Нега автобусга?!

— Шундай. Үн еттинчи автобусга.

— Қайси томонга кетишибди?

— Бу ёққа, — қўли билан кўрсатди Гюнтер, — гарбга.

Мюллер ўрнидан сапчиб туриб, телефон трубкасини олди-ю, шошганча номерни териб, буюрди:

— Шольц! Дарҳол бажаринг! Үн еттинчи автобус йўлига наряд қўйилсин — бу биринчиси! Пианистка ва соқчи. Нима? Исмини қаердан билан! Исмини аниқланг! Иккинчиси — у ҳақдаги маълумотларни топинг: ким, қаердан экан, қариндошлари қаерда эканлигини аниқланг. Кимлар билан учрашган, кимлар билан алоқа қўлган, дарҳол ўшаларнинг рўйхатини юборинг менга. Агар у Штирлиц борадиган жойларда бирон марта бўл-

ган бўлса ҳам дарров ҳабар қилинг менга! Нима? Фронтдами, исловатхонадами, денгиз соҳилидами бари бир — қаердалигининг аҳамияти йўқ!

Мюллер илгаригидек эшик ёнидаги стулда ўтиради. Гестапонинг ҳамма эксперталари ва фотограф жўнаб кетди. У иккала чол билан қолди, улар эски вақтларни эслаб хўп отамлашиши. Мюллер уларни тинглар экан, баъзан кўзига ёш оларди: чоллар ёшлих пайтларини, ҳамма нарса жўн ва кундай равшан, дўстларнинг кетига тушиб юрмайдиган, дори-дармонсиз ухланадиган, қирчиллама пайтларини эсладилар.

— Алло, — деди Мюллер, яна номерни териб, — Штирлицининг уйига листирма қўйгани наряд юборинг... Қанча вақт? Қанча керак бўлса, шунча ўтиришади... Штирлиц ярим соатдан кейин келади, деб жавоб беришин. Ким десинлар? Шофёriman, десинлар...

«Мен ютқаздим, — мулоҳаза қила бошлади Мюллери: — эски оғайнилари билан тўйиб суҳбат қилгандан сўнг хотиржам тортиб, — лекин ихтиёrimda ҳали Берни турибди. Албатта, у ерда иш анча мураккаброқ бўлади. У ерда полиция ва чегарачилар бегона. Аммо асоснӣ кўзири, менимча, қўлдан бой берилди. Улар югуриб автобусга тушганлар, бу ҳол операция олдиндан тайёрлашмаганини кўрсатиб турибди. Башарти олдиндан пухта операция тайёрланган бўлса, улар бир амаллаб машина топардилар. Йўқ, операция ўtkazilgанини хаёлга ҳам келтирмаслик керак. Руслар, албатта, ўз одамларини қутқариш пайдан бўладилар, аммо битта пианисткани қутқариш учун бир неча кишини ўлимга юбормаслар-ов. Аммо қўлида боласи борлиги туфайли оғзидан гуллаб қўяди, деб қўрқкан бўлишлари ҳам мумкин. Ана шу сабабдан ҳам шунчалик қалтис йўл тутгандирлар балки. Йўқ, бўлиши мумкин эмас. Ҳеч қандай қалтис режа асосида иш кўрмаганлар... Фирт аҳмоқлик-ку бу!»

У яна телефон трубкасини олди.

— Мюллermан. Эс-бан ва у-бан йўлларидағи полицияни бола кўтарган аёл ҳақида огоҳлантириб қўйинг. Унинг кўрининишини тасвирлаб беринг. Кейин, уни ўғри ва қотил, деб тушунтиринг, дарҳол ушласинлар. Мабодо янглишиб бошқаларни ушласалар ҳам майли — авф этаман уларни. Фақат мен кутганимни қўлдан бой бермасалар бўлгани...

Штирлиц яна соатнга қаради: Мюллер уч соатдан бери йўқ эди.

«Қизчани гапиртира олмаганлар,— тушунди Штирлиц.— Ёки уни Плейшнер билан юзма-юз қилдилармикин? Бунинг қўрқинчли жойи йўқ — улар бир-бирларини ташимайдилар. Мюллер нималарнидир боғлай ололмаяпти. Бирор гап бўлганга ўхшайди, менинг ихтнёrimда эса ортиқча муддат бор, ундан фойдаланиб қолишим шарт».

У мумкин бўлгап ҳамма хулосаларни бир-бир элакдан ўтказаркан, шошилмай камеранинг у бурчагидан-бу бурчагига юради. Чамадон билан bogлиқ бўлган ҳамма нарсани бир-бир эслади. Ҳа, тўғри, Эрвин ўрмонда сирғаниб кетиб, сал бўлмаса йиқилаётган пайтда чамадонни ушлаб қолган эди. Бу воқеа бомбардимондан олдин, кечаси бўлган эди. Ҳа, бир мартағина қўлига олганди унп.

«Бир минут! — деб ўзини ўзи тўхтатди Штирлиц. — Бомбардимондан олдин бўлганлиги тўғри... Бомбардимондан кейин ҳам мен у ерда машинам билан турган эдим... У ерда машиналар кўп эди... Ут ўчирувчилар ишлаётгани учун йўл тўсилган эди. Мен у ерга нега боргандим? Шунинг учунки, Кудамштрассега борадиган йўл берк бўлганлиги учун мен ўша жойдан ўтмоқчи бўлдим. Ўша куни эрталаб бомбалар тушган жойни ўраб олган полициячиларни чақириришни талаб қиласман. Демак, полиция мени қайтарганини учун у ерга бориб қолдим. Делода бомбардимондан кейин сақланиб қолган чамадонларининг расми бор. Мен полициячи билан гаплашган эдим, башараси ҳам ёдимда, у эса кўрсатган жетонимни эслаб қолган бўлса керак... Мен чамадонларни кўтаришга ёрдамлашдим, — қани, йўқ деб кўрсип-чи. Йўқ дея олмайди, юзма-юз қилишларини талаб қиласман. Йиғлаб турган аёлга болалар каравотини кўчанинг нариги бетига ўтқазиб берганини ҳам айтаман; аёл ҳам буни тасдиқлади, бундай нарса ёдда қолади».

Штирлиц эшикни ура бошлади, эшик очилиб кетди: у ёпиқ эмасди, аммо оstonада иккни пособон туради. Учинчиси Штирлиц камераси олдидан бир одамни олиб ўтди. Одамнинг башарасида соғ жой қолмаган эди. Аммо Штирлиц бир қарашда Борманинг шахсий шофёринни таџиб олди. У гестапо агенти бўлмаган ва Штирлиц партия идорасининг шефи билан гаплашганда машинани шу шофёр ҳайдаб борган эди.

Штирлиц ўзини тетик сеза бошлади. Вақтни бой бер-

● маслик керак.

— Дўстим, группенфюрер Мюллерга дарҳол телефон қўлинг. Эсига тушибди, денгъ Ҳаммасини эслабди, денгъ Тезлик билан бу ерга тушишини сўранг!

«Плейшнерни ҳали олиб келганлари йўқ! Биринчиси. Кэт билан иш битмади. Бу иккинчиси. Чиқиб кетиш учун фақат вақтдан ютиш керак. Вақт ва Борман. Агар сусткашлик қилсан, у ютиб чиқади».

— Хўп бўлади, — деди посбон, — ҳозир айтаман, штандартенфюрер...

Эмизикли болалар етимхонасидаги оппоқ ялтироқ бўёқ билан бўялган туйнук олдида ёндирилмаган сигаретани тишлаб олған баланд бўйли солдат турарди. Дамбадам соатига қарашидан шошилаётганга ўхшарди. Туйнукча очилга, у ичкарига ҳадиксираб назар ташлаб қўйиб, сўради:

— Кечирасиз, битта илтимосим бор...

— Ҳозир илтимосингизни бажара олмаймиз, — жавоб

● берди сочига катта оқ тўғнағич қадаб олган аёл. — Ҳозир овқат пайти, ҳамма баанд...

— Мен фронтдан ярим кунга келган эдим. Мен жўнаб кетишм керак.

— Афсус, жаноблари, лекин ҳозир болалар...

— Балки маъмуриятдан бирор киши олдимга чиқар...

— Маъмуриятдан ҳеч ким йўқ. Улар ё фронтда, ё болалар олдида. Яна бир карра кечирасиз,— деб туйнукчани аёл таққа ёниб қўйди.

— Болалар қачон овқатланиб бўлади?

Аёл туйнукчани очмай жавоб берди:

— Ярим соатдан кейин. Ярим соатдан кейин келсангиз, марҳамат, ёрдам беришимиз мумкин...

Солдат етимхонадан чиқиб, кўчани кесиб ўтди ва вайрон бўлган уйнинг подвалига тушди. У ерда Кэт синиқ яшиклар устида боласини эмизиб ўтиради.

— Нима гап? — деб сўради у.

— Иш чатоқ,— жавоб берди Гельмут.— Ярим соат кутиш керак.

— Кутиб турамиз,— унн юпатди Кэт.— Кутамиз... Энди ҳеч нарса бўлмайди. Қаерда эканимизни қаёқдан билишарди.

— Умуман олганда тұғри, аммо шақардан тезроқ чиқиб кетишимиз керак, бүлмаса топиб оладилар. Уларнинг қандай излашларини яхши биламан. Балки сиз кетаверарсиз? Агар иш битса, мен сизга етиб оламан. Майлами? Келишиб олайлик — қаерда кутай сизни...

— Ық, — деди Қэт бош чайқаб, — керак әмас. Мен кутиб тураман... Бу шақарда бари бир борадиган жойим ыўқ...

Шольц Мюллер радиоквартирасига телефон қилиб, бундай деди:

— Штирлиц ҳаммасини әслаганлигини сизга айтишин сұраган әди.

— Шундайми? — жонланиб деди Мюллер ва шерикларига секинроқ кулинглар деб ишора қилди. — Қачон?

— Ҳозиргина.

— Яхши. Келяпти денг. Яңгилик ыўқми?

— Айтарлы янгилік ыўқ.

— Ҳалиги соқчи ҳақида ҳеч нима тұпламадингизми?

— Бор-у, арзимайдиган...

— Нима экан? — сұради Мюллер бенхтиәр — шунчаки тартибни сақлаш учун, айни пайтда ёнидаги стулдан палътосини оларкан.

— Хотини, болалары ва қариндошлари ҳақида.

— Шулар арзимайдиганми? — Мюллernerнинг жаҳли чиқиб кетди. — Мұхым нарсалар-ку. Бундай ишда жуда мұхым нарса, дұстим Шольц. Ҳозир етиб бораман, кейин ана шу арзимас маълумотларни текшириб күрамиз... Хотини олдига одам юбордингизми?

— Хотин иккى ой олдин уни ташлаб кетган экан.

— Нима? Нима!?

— Ү контузиядан кейин госпиталда ётганида, хотини кетиб қолибди. Бир савдогар билан Мюнхенга жұнабди.

— Болалари-чи?

— Ҳозир, — деди Шольц, делони варақлар экан, — болалары қаерда әканлигини ҳозир қараб күраман.... Мана, топдим... Топдим...

— Қамроқ гапиринг, Шольц. Қамроқ гапириб, күпроқ иш қилинг.

— Тұрт ойлик битта боласи бор экан. Уни хотини етимхонаға топширган.

«Рус аёлининг эмизикли боласи бор! — дархол әслади Мюллер. — Үнга эмизадиган аәл керак бўлган! Рольф болани ўртага қўйиб ҳаддидан ошган бўлса керак!».

— Етимхонанинг номи нима?

— Номи йўқ. Етимхона Панковда экан. Шиллерштрассе, 7. Энди... онаси ҳақида...

Мюллэр онаси ҳақидаги гапларни тинглаб ўтирма-ди. У шартта трубкани қўйди, шу заҳотиёқ хотиржамли-ги тугади, пальтосини кийиб, деди:

— Йигитлар, ҳозир эўр отишма бўлиши мумкин, «бульдог»ларингизни тайёрлаб қўйинглар. Панковдаги етимхонани ким билади?

— Шиллерштрассе, саккизиинчи уйми? — деб сўради оқ сочли чол.

— Сен яна янглишдинг, — деб жавоб берди Мюллэр квартирадан чиқар экан. — Сен доим жуфт ва тоқ рақамларни адаштириб юрасан. Еттинчи уй.

— Оддий кўча, — деди оқ сочли чол, — бошқаларидан фарқ қилмайди. У ерда операцияни жуда чиройли ўtkазиш мумкин: жуда тинч жой, ҳеч ким халақит бермайди. Рақамларни адаштиришим рост. Болалигимдан шунаقا. Синфда жуфт ва тоқ сонларни ўтаётганларида мен касал эдим.

У кулиб юборди, бошқалар ҳам кулишди. Шу кетишида улар кийикни ўраб олган овчиларга ўхшашарди.

Йўқ. Гельмут Кольдернинг Штирлицга ҳеч қандай алоқаси йўқ эди. Улар учрашган ҳам эмаслар. У қирқинчи йилдан бери жанг қилиб келди. У ўз ватани, онаси, уч укаси ва синглиси учун жанг қиляпман деб ўйларди. У ерга ишлов беришни билмай катта-катта жойларни эгаллаб олган насли паст славянларга қарши: океан ортидаги плутократияга сотилган инглиз ва французларга қарши, одамлар баҳтсизлигидан фойдаланиб чайқовчилик билан оддий халқни эзаётган яҳудийларга қарши Германиянинг келажаги учун курашा�ётганига ишонарди. Немис миллатига баҳт келтиришдек оғир юкни ўз зиммасига олган фюрернинг шуҳратя асрлар давомида сўнмайди деб ҳисбларди.

Қирқ биринчи йил кузгача Гельмут шу фикрда эди. Шу йили улар қўшиқлар айтиб жаҳонни кеза бошладилар, ғалаба кайфияти уни ва СС танк қисмida хизмат қилувчи ўртоқларини кайф-сафо қилиб юрувчи чапани йигитларга айлантирган эди. Аммо Москва ёнидаги жангдан кейин, партизанлар билан жанглар бошлангандা ва кафилга олингайларни отиш ҳақида буйруқ олингаяда.

у ўзини бир оз йўқотиб қўйди. У деҳқон боласи эди, шунинг учун ота-онаси ҳамма нарсадан ҳам ҳурмат қиласарди. Онаси уни, укаларини ва синглисини тарбиялаб всяга етказган эди. Отаси вафот этгандан кейин онаси аzonдан кечгача ишларди, то бемор бўлиб ётиб қолгунига қадар ўғлига ўқишни ташлашга рухсат бермаган эди.

Унинг взводнга биринчи марта Смоленск ёнида кафилга олинган қирқ кишини отишни буюрганларидан кейин (у ерда ўшелонни издан чиқариб юборган эдилар), Гельмут ича бошлади: унинг рӯпарасида болали хотинлар ва чоллар туради. Хотинлар болаларини бағриларига босиб, уларнинг кўзларини бекитар ва тезроқ ўлдиришни сўрадилар...

Кейин у Россиядаги оналар ҳам худди Германиядаги оналарга ўхшаб охириги картошкани болаларига бериб, уларнинг ейишларини кўзларида ёш билан кузатишларини кўрди.

Ана шундан кейин Гельмут ўзинга кела олмади. Факат угина ичкиликка берилмади. Кўпчилик ўртоқлари ҳам ароқни индамай ичишарди, кулгили латифалар эшитилмай қолди, ҳеч ким аккордеонни қўлига олмай қўйди. Кейин улар яна жангларга шўнғиб кетдилар, шиддатли жанглар аввалги даҳшатни миядан чиқариб юборди.

У уйнга вақтинча келганда қўшни аёл қизи била уларникига меҳмонга келди. Қизнинг исми Луиза эди. У ёқимли, келишган ва озода қиз эди. Гельмут уни тушнида кўриб чиқадиган бўлди. Гельмут уни кинога таклиғтар ва эрталабгача сайр қилиб юришарди. У қиздан ўн ёш катта эди, шунинг учун уни эркалаб юргиси келарди. Луизадан яхши хотин ва она чиқишини орзу қиласарди. Гельмут уйда, кийин иладиган қозиқлар тагила талайгине болалар чориги ётишини ният қиласарди: у болани яхши кўрарди. Болалар баҳти учун, келажак учун жанг қиласан-ку, уларни яхши кўрмай бўладими?

Кейинги отпускада у Луизага уйланди. У фронтга кетгандан кейин Луиза иккى ой соғиниб юрди. Ҳомиладор бўлиб қолганини сезгандан кейин у зерика бошлади, юрагига ваҳима тушиб қолди. Шундан кейин у шаҳарга жўнаб кетди ва биринчи кечадаёқ — меҳмонхонада жой йўқ эди, Гельмутнинг танишлари турадиган уй эса бомбардимонга учраган экан — люфтваффе офицери билан бирга ётди.

Бола тугилгач, уни етимхонага берди. Бу вақтда Гельмут оғир контузиядан кейин госпиталда ётарди. У уйга қайтди, уйдагилар Луизанинг бошқа одам билан ке-тиб қолганини айтишди. У рус аёлларини эслади: бир куни унинг оғайниси беш банка консерва эназига ўттиз яшар ўқитувчи аёл билан бир кеча ётган эди — ўша хотининг қизасин бўлиб, унга овқат топиб бера олмаган — эртасига у ўзини ўзи оснб қўйибди; консервалар ва отасининг расми билан болани қўшинига топшириб кетиди. Ваҳший славянка эмас, балки гитлерюгендининг аъзоси, чинакам орий аёл Луиза бўлса энг пасткаш фохишадек қизасини етимхонага ташлаб кетибди.

У ҳафтада бир марта етимхонага борарди ва баъзи баъзида унга қизасини бирпастини сайр қилдиришга рухсат берардилар. У қизини ўйнатар, унга қўшиқлар айтиб берарди ва тобора болага меҳри ошиб, кўрмаса туролмайдиган бўлиб қолди. У рус радиист аёлнинг ўз боласини аллалаётганини кўриб, ўзидан ўзи сўради: «Ахир нималар қилиб қўйдик! Қанчалик золим эканмиз-а! Улар ҳам бизга ўхшаган одамлар экан-ку, биз каби ўз болаларини севиб, болалари учун жонларини беришга тайёр эканлар-ку!».

Рольфнинг гўдакка нисбатан қилаётган қиллигини кўриб, унинг ақли эмас, туйғуси ғазабга келди. Икки ҳафталик болани ўлдирмоқчи бўлгап Рольфнинг ҳамда бу ишга бепарво қараб турган Барбаранинг қилмишларини кузатар экан, кўзига хониллик тимсолнга айлангаш Луиза кўриниб кетди.

Гельмут етимхонага қайтиб келиб — орадан ярим соат ўтди, у ердагилар ярим соатдан кейин келинг деган эдилар — ялтироқ оқ бўёқ билан бўялган туйнукча олдида кутиб тураркан рус гўдагининг қип-қизил танасини Рольф қўдида кўрганида пайдо бўлган даҳшатли, бегона, лекин уннинг табиий ҳис-туйғусига айланган ҳолат аста-секин тарқай бошлаган эди. Юрагининг аллақаеридир узиллиб кетгандай бўлди, баъзан баданини тобора кўпроқ титроқ босарди, танасининг контузия еган чап томони музлай бошлади ва айни пайтда совуқни сезмасди.

— Салом, — деди у туйнукдан қараган аёлга. — Үрсула Қальдер... Қизим... Рухсат беришгани...

— Ҳа, биламан. Лекин ҳозир қизча ухлаши керак...

— Мен жўнаб кетяпман. Фронтга жўнаб кетяпман.

Бир оз айлантироқчиман, қўлимда ухлар... Йўргагини ўзгартириш зарур бўлиб қолса дарров олиб келаман.

— Доктор рухсат бермас, деб қўрқаман...

— Мен фронтга кетаётиман, — қайтарди Гельмут, — боламни кўришдан маҳрум қилмассиз.

— Яхши... Тушунарли... Ҳаракат қиласман. Бир оз кутинг, бирпас.

У бирпас эмас, ўн минут кутди, унинг бутун вужуди титрарди, тиши-тишига тегмасди.

Ниҳоят тўйнукча очилиб, унга оппоқ конверт узатишиди. Қизнинг юзи оппоқ мато билан бекитиб қўйилган эди.

— Кўчага чиқмоқчимисиз?

— Нима? — унинг гапига тушунмай сўради Гельмут.

Унинг қулоғига гап кирмасди, бирорвинг гапи эшиги берк қўшни хонадан эшитилаётган бўлиб туюларди. Контузиядан кейин ҳаддан ташқари ҳаяжонланса, ана шундай ҳолатга тушарди. Кўчаларда бир неча марта ҳушдан кетиб қолган ҳоллар ҳам бўлган, бомбардимон вақтида вайрон қилинган госпиталлар ва етимхоналарни кўрганида у ҳушдан кетарди.

— Агар қизча билан сайр қилмоқчи бўлсангиз, сизга еравача берамиш.

— Нега?

— Қўлда кўтармаслик учун.

— Йўқ, раҳмат, қўлда кўтарсам роҳат қиласман.

— Яхиси боғимизга киринг — у ер тинч ва бомбардимон бошланса бомбапанага кириб олишингиз мумкин.

— Яхши. Мен хабар олайчи, автобус келмаганмикан, кейин уйга кираман...

— Қайси уйга?

— Боғга... Кечирасиз, боғга...

— Тобингиз жойидами, ўзи?

— Ҳа? Нимайди?

— Рангингиз оппоқ оқарган...

— Йўқ, йўқ, — деди Гельмут ва кўчага чиқиб кетди.

У кўчага чиқши билан орқасида машина тормозининг чийиллашини эшилди. Ҳарбий шофёр Гельмутдан икки қадам нарида тўхтаган машинаси эшигидан қараб, бақириди:

— Кўрмисан! Машинани кўрмайсанми?

Гельмут қизини бағрига босиб, нималардир деди ва

подвал томон йўргалаб кетди. Қэт эшик олдида уни кутиб турарди. Бола яшик устида ётарди. У ётган жойида қимиirlаб ухлаб ётарди.

— Ҳозир, — деди Гельмут қизини Қэтга узатар экан, — олиб туринг, мен бекатга бориб тураман. Муюлишдан чиқиб келаётган автобус кўриниб туради у ердан. Кўриниши билан бу ёққа чопаман.

Қэтнинг қизчани авайлаб олаётганини кўриб, Гельмут кўзига яна ўш келди.

— Яхшиси бирга борақолайлик, — деди Қэт, — келинг, бирга борамиз!

— Қўяверинг, мен дарҳол қайтаман, — деб жавоб берди у, эшик олдидан. — Үларнинг қўлида суратингиз бўлиши мумкин, мен эсам контузиягача бутунлай бошқача эдим. Кутиб туринг, ҳозир қайтаман.

У автобус бекати томон югуриб кетди. Қўчада ҳеч зот йўқ эди.

«Етимхонани кўчириб кетсалар, мен қизимдан маҳрум бўламан. Кейин уни қаердан топиб бўлади? Бомба тагида ҳалок бўлишга тўғри келса — бирга ҳалок бўлган яхши. Бу аёл уни эмизиши мумкин — ахир, эгизакларни ҳам бир аёл эмизади-ку... Бу ишим учун худо илгариги гуноҳларимни кечирар. Ақалли Смоленск ёнидаги ўша даҳшатли гуноҳимни.

Ёмғир томчилай бошлади. Муздек ёмғир ёғарди, лекин, деди ўзига-ўзи Гельмут, баҳор ёмғиридан кейин кун исий бошлайди.

«Етимхонадаги сашитаркалар автобусга ўтираётганини мизни кўрмасалар бўлгани. Ҳайвонот боғигача етиб олсан, у ердан поездда жўнаймиз. Ёки қочоқлар орасига кириб оламиз. Улар ичida ғойиб бўлиш осонроқ. Мюнхенга етиб олгунимизча у қизчани эмизиб туради. Кейин онам ёрдам берар. У ердан энага топиш мумкин бўлар. Йўқ бундай қилиб бўлмайди, мени қидиришади-ку ахир... Демак, ошамникига боришим мумкин эмас. Аҳамияти йўқ. Шу шаҳардан ғойиб бўлиш керак. Далалар бошланиши билан ёки ўрмонга киришимиз билан ҳамма нарса ўзгаради. Шимолга, деңгиз томонга бориш ҳам мумкин. Ханснинг олдига: фронтдаги ўртоғимнинг олдига кетганини ким билиб ўтирибди».

Гельмут қалпоғини қулоғига туширди. Титроғи босилди. Танасининг чап томонига аста-секин иссиқ югурга бошлади.

«Ёмғир ёққани яхши бўлди, — ўйларди у. — ҳар қалай, атрофингда қандайдир ҳаракат бор... Бирон нарсани кутиб турганингда ҳамма ёқни сукунат босса, кини чидай олмайди. Ёмғир ёки қор ёғиб турса киши ўзини унчалик ёлғиз сезмайди».

Ҳамон ёмғир қуярди, лекин бирданига булутлар тарқаб, баланд-баландларда кўм-кўк осмон парчаси ва қуёшнинг бир чети кўринди.

«Ана баҳор ҳам етиб келди, — ўйлади Гельмут. — Энди майсалар ҳам чиқа бошлайди...».

Муюлншда олди текис автобус кўринди. Гельмут подвал томон чопмоқчи бўлиб турган эди, бирданига автобус орқасидан иккита қора даҳшатли машиналар чиқиб, кўча қоидасини бузиб етпмхона томон келаверди. Гельмутнинг яна оёғи бўшашиб кетди, чап қўли музлай бошлади — булар гестапо машинаси эди. У аввал қочмоқчи бўлди, лекин қочиб кетаётган одамни кўриб шубҳаланадилар, кейин эса рус аёли билан қизини қўлга тушириб, олиб кетадилар; энг яххиси шу ерда қимирламай туриш, ўтиб кетганларидан кейин, подвалга бориб ҳовлима-ҳовли ғойиб бўлиш кераклигини фаҳмлади. «Қизимни ҳозир олиб кетганимни айтадилар ва улар дарҳол тесаврак-атрофни қидира бошлайдилар. Подвалдан рус аёлни дарҳол топиб оладилар. У менинг қизим эканлигини айтмас. Яширин квартирада ҳам ҳеч нима айтмади-ку».

Қизининг тақдири кейин нима бўлишини яхши тасаввур қила олмас эди. Агар шу ерда ҳушидан кетиб қолса, уни шу аҳволда қўлга туширадилар. Кейин қизини ечинтириб совуқ кираётган дераза олдида ушлаб турадилар, баҳор эса энди бошланяпти ва ҳаво ҳали-вери исиб кетмайди... Лекин ҳозир бошқача қилса, рус аёли отишмани эшитиб, нима бўлганини дарҳол пайқаб олади. Нонкўрлик қилмас. Бўлиши мумкин эмас...».

Гельмут асфальт йўлга отилиб чиқиб, биринчи машинанинг ён ойнасига бир неча марта ўқ узди. У автоматдан сурункасига узилган ўқ овозини эшитиб, ҳаётидаги охирги оғриқни сезгунга қадар хаёлидан ўтган нарса: «Унга қизимнинг исмини айтмадим-ку...» деган фикр бўлди ва шу ўй бўлан жон берди.

— Йўқ, жанобим,— деди бундан олдин Гельмутнинг қизечасини чиқариб берган аёл,— ўн минутча бўлди, холос...

— Бўлмаса қизча қаерда? — қовогини солиб сўради сочли изқувар, сочини бўяган ўртоғининг жасадига қарамасликка ҳаракат қилиб. У эшик ёнида, ерда ётарди; унинг жуда қарилиги яққол кўзга ташланади: у сочини сўнгги марта бўяганидан бери анча вақт ўтган бўлса кераккى, сочининг таги кул ранг, учлари эса жигар ранг эди.

— Менимча улар машинада кетдилар, — деди яна бир аёл, — шундоқ ёлгинасига бир машина келиб тўхтаганди.

— Қизчанинг ўзи машинага ўтириб кетдими?

— Йўғ-э, — жиддий жавоб берди аёл, — унинг ўзи машинага ўтира олмайди, ҳали чақалоқ-ку...

Мюллер бундай деди:

— Ҳамма ерни яхшилаб текширинглар, мен қайтишим керак. Иккинчи машина ҳам ҳозир келиб қолади, у йўлга чиқибди... Қиз қандай қилиб машинага чиқиб қолиши мумкин? — сўради у, эшик олдида орқасига ўгирилиб. — Қанақа машина экан?

— Катта машина.

— Юқ машинасими?

— Йўқ, енгил машина. Яшил ранг...

— Номерни эслаб қолмагандирсиз, албатта.

— Эътибор бермабман.

— Тушуниб бўлмайдиган вазият, — деди Мюллер, эшикни очиб. — Атрофдаги уйларни текширинг... Тушуниб бўлмайдиган вазият...

— Атрофдаги ҳамма уйлар вайрон.

— Вайронларни ҳам текширинг, — деди у, — умуман олганда, бу иш шунчалик аҳмоқона ва ғўрларча бажарилганики, нима қилишингни билмайсан. Мутахассис бўлмага! кишнининг мавтиқнин тушуннинги ўзин экан.

— Балки у ўтакетган айёр мутахассисди? — деди оқ сочли чол сигарета тутатар экан.

— Айёр мутахассис етимхоната бормасди, — жавоб берди Мюллер ва хонадан чиқиб кетди: яқинда Шольцга телефон қилиб, Бернаги яширини квартира фош этилгани, Швейцария полицияси томонидан қўлга тушнирлгани, чунки шифрни олиб борган рус алоқачиси ўзни ўлдиргани ҳақидаги хабарни эшитган эди.

● Пастор Шлаг, маслаҳат қилиб олганлариdek, Штирилицга Лозанна манзараси тасвириланган открытка жўн

натиб, истиқомат қилаётган жойига қайтиб келди: у Мұқаддас Лаврентий ибодатхонасида яшарди. У ерга ге-
тапоннинг қўли етиб бормайди, деган эди Штирлиц пас-
тор қўниши мумкин бўлган жойларни бирин-кетин эслаганида. У яшаётган хона баланд, шифти гумбазсимон эди. Ана шу оппоқ гумбазсимон шифтигина унинг ибодатхонада яшашидан дарак берарди, холос. Жиҳоэлар юмшоқ, қип-қизил духоба билан қопланган эди.

Шлагга бу хона бирон сабаб билан меҳмонхонада яшашни истамаган чет эллик меҳмонлар учун мўлжалланганини айтдилар. Бу чет эллик меҳмонлар, дейниши пасторга ҳамсуҳбатлари, европаликларни бир-бирларини қириб юборишларидан қутқариш учун сулҳга эришиш мақсадларини кўзлаб келган одамлар.

Шлаг ойна олдига ўтириб олиб, узоқ вақт Шаҳарни томоша қилди: бу ерда чироқпанаалар йўқ, магазин пештоқлари ва кинотеатрларда ранго-ранг чироқлар ёниб турарди. У айниқса одамларни томоша қилишдан чарчамасди. У талай йиллардан бери бунчалик кўп ёшларни учратмаганди. Шунинг учун ҳам кейинги пайтларда Германияда дунё кексайиб қолгандай бўлиб туюларди.

Кимдир эшикни тақиилладти.

- Ҳа, кираверинг.
- Қаҳва ичасизми? — сўради хизматчи чол.
- Ташаккур, ичмайман.
- Агар қаҳва, чой ёки сув ичгингиз келиб қолса, менга қўнфироқ қилишнингиз мумкин.
- Раҳмат.
- Бўлмаса, менга рухсат. Хайрли тун, пастор.
- Хайрли тун. Ҳа айтгандек, сиздан бир нарсани сўрамоқчи эдим. Сизда люминал ёки бром йўқми? Ҳеч уйқу йўқ...
- Сўраб кўрай. Ҳозир қайтаман.

Пастор йингирманчи йиллардан бери яхши билган Германиянинг собиқ канцлери Брюнинг билан олиб борган бугунги суҳбатидан кейин, бирон дори ичмасам уйқум келмас, деб ўйлади. У бугунги таассуротларни ёзиш учун дарҳол қўлига қалам олиши мумкин эди. Таассурот шунчалик кутилмаган ва даҳшатли эдикни, пастор аввал ўзига келиб олиши, Брюнингдан эшилган гапларга қайтадан баҳо бериши ва шундан кейингина уни қоғозга тушириши керак эди.

«Суҳбат бошланишида, — деб шошилмай, ҳар бир

Ўзда тўхталиб, ёза бошлади пастор, — экс-канцлер Брюнинг умумий танишларимиз тақдири билан қизиқди, на аввал, на кейин биронта шарт қўймай менга қочишга ёрдам берган кишининг жасоратига қойил қолди: тўрмада ва концентрацион лагерда учратган маҳбусларни суриштириди. Гапни бизни қизиқтирган мавзуга бурганимда, Брюнинг бундай деди: «Иўқ одам доим ноҳақ бўла-веради. Оқ уй ёки Вайтхолл мен билан қизиқмай қўйдилар, чунки улар кучга эга реал сиёсатчилардир, мен бўл-сам — реал таъсир кучи қолмаган собиқ сиёсатчиман. Бизнинг тилимиз ҳар хил ва уларга мен, сўзсиз, юзаки мулоҳаза юритувчи киши бўлиб кўринаман: ҳокимиятдан маҳрум бўлган сиёсатчикдек ўз ихтисосини тез йўқотадиган одам бўлмайди». Шундай бўлса, ҳозир Германияда, Гиммлер оппозициянинг энг яхши вакилларини йўқ қилиб юборган пайтда, кимни жиддий сиёсатчи, деб ҳисоблаш мумкин деган саволимга Брюнинг: «Гиммлер», деб жавоб берди. Мен, сизнинг гапнингизда қадрингизга етмаганликлари, чарчашлик, ишончсизлик ва ватандан жудолик кайфиятларининг таъсири бор, деб унинг айт-галларини рад эта бошлаганимда, Брюнинг бир ҳужжат билан танишишни таклиф этди. Бунинг устига ўша ҳужжатдан бальзи жойларини кўчириб олишга рухсат ҳам берди. Аввал ҳужжат мазмуни мени ҳайратда қолдирди, кейин эса бу ҳужжат нацистлар тайёрлаган сохта ҳужжатмасмикан, деган шубҳамни ишонмасам, шубҳангизни бажону дил маъқуллардим, деди. Мен музокараларда қатнашаётган немис вакилларининг қанчалик эътиборли шахслар эканлиги билан қизиқцанимда, Брюнинг бунга аниқ жавоб берилса, бари бир маълум даражада сохта бўлади, чунки Гитлер диктатураси шароитида фақат фюрернинг ўзи, ёки Гитлерин ағдариб, бутун ҳокимиятни ўз қўлига олишга журъат этадиган энг яқин ёрдамчиларидан бири қарор қабул қилинши мумкин, деди. Бундай кишилар қаторига Брюнинг биринчи галда рейхсмаршал Герингни ёки Борманни киритмоқда. У Гиммлернинг биринчи ўринга кўтарилишининг реаллигига ишонмайди. «Фарбдаги маълум доиралар унинг тарафдори, аммо, кенг жамоатчилик фикри демократларининг национал-социализм даҳшатларининг тимсоли бўлган Гиммлер билан бир стол атрофига ўтиришига рози бўлмайди. Ҳозирги Германияда энг кучли шахс Гиммлер бўлса ҳам, у билан музо-

кара олиб боришининг реаллигига ишониш қнин». Итти-фоқчиларнинг Германия билан сулҳ тузишга реал йўл излаш ниятларни қай даражада жиддий экан, деб сўрадим. Брюнинг бундай музокаралар — қаерда ва ким билан олиб борилаётганини менга айта олмас экан — кульминация нуқтасига етди, ёки етмоқда, деди. Мен ундан маълумотлар қанчалик аниқ эканлигини сураганинда, Брюнинг, эмиграцияда яшовчи сиёсатчи чириқдан ўтказилган мишиш гаплардан фойдаланади, деди. Менинг Германияда колган дўстларим қон тўкишига чек қўйиб, инсониятга зарур тиҷҷилик ва осойишталик бериш учун иттифоқчилар билан жиддий музокаралар олиб боришига қандай имкониятлар борлигини аниқлашни топширдилар, деганинда, Брюнинг бу дўстларимнинг кимлиги билан қизиқди. У ўз саволига аниқ жавоб олмагач, менинг бундан кейинги сулҳ йўлнадаги изланишларимда нуқтани назарларнииг турлича бўлишига ҳозирлик кўришим учун америкалик ҳамда немис ўргасидаги сұхбат ёзуви билан яна бир марта танишиб чиқиншиц тақлиф этди. Қуйинда шу сұхбатининг кўчирилган нусхасини иловга қиламан...».

Эрталаб Шелленбергга Борман архиви билан иш олиб бораётган группадан телефон қилдилар.

— Бир-иккита нарса топилди, — дейишди унга, — бригаденфю rer, агар бу ерга келсангиз биз сизга бир неча ҳужжат тайёрлаб берамиз.

— Ҳозир бораман, — қисқагина жавоб қилди Шелленберг.

Кела солиб, у ечинимасданоқ стол ённага борнб, бир неча варақ қофозни қўлига олди.

Қофозларга кўз югуртириди, ҳайрон бўлганидан қошлиари чимирилиб кетди, кейин шошилмай ечиниб, пальтосини ёнида турган стул суюнчинига ташлади, чап оғини қайпирб шу стулнинг ўзига ўтирди. Ҳужжатлар чиндан ҳам қизиқарли эди. Биринчии ҳужжатда бундай дейилган эди:

«Х куни келиши билан Кальтенброннер, Поль, Шелленберг, Мюллер четлатилиши лозим». Мюллernerнинг фамилияси устидан қизил қалам билан ўчириб қўйилгагэ эди, буни Шелленберг кичкинагина силлиқ қофозчага каттакон савол аломати билан белгилаб қўйди — у за-

рур нарсаларин ёзиб юриш учун чўнтағида ва идораси-
даги столи устида шундай сиљлиқ қофозчаларни сақлар-
ди. «Шуни назарда тутиши керакки, — дейилган эди имзо
қўйилмаган ва адреси йўқ ҳужжатда, — гестапо ва СД-
нинг юқорида номлари кўрсатиб ўтилган раҳбарларни
чётлатиш ўзига хос чалғитиш акцияси бўлади. Оператив
нуқтани назардан ҳам, стратегик интилиш нуқтани наза-
ридан ҳам манфаатдор кишиларнинг хаёли аниқ бир ма-
сала учун жавобгар бўлган ва четлатилган раҳбарлар-
ни излаш билан банд бўлади».

Шундан сўнг ҳужжатда 176 кишидан иборат рўйхат
келтириларди.

«Шу рўйхатдаги гестапо ва СД офицерлари — у ёки
бу даражада — асосий далиллар билан эмас, балки ик-
кинчи даражали деталлар билан рейх ташки сиёсатининг
туб масалаларини очиб беришлари мумкин. Уларнинг
ҳар бири — бу нарса ўзларига номаълум — ягона нақи-
нинг бир қисмидир. Нақшнинг шу қисмлари алоҳида
олинганда арзимас нарса бўлса, ҳаммаси тўплангандай
бебаҳодир. Демак, бу кишилар национал-социализм қу-
рилиши тажрибаси орқали национал-социализм идеалла-
ни обрўсизлантиришдан манфаатдор бўлган рейх душ-
манларига хизмат қилишлари мумкин. Шу нуқтани назар-
дан юқорида санаб ўтилган ҳар бир офицернинг опера-
цияси бир жойга тўпланса, рейх учун муваффақиятли
бўлмаган мунозара ҳосил бўлади. Афсуски, бу офицер-
ларнинг ҳаммаси НСДАПга 1927 йилдан тортиб 1935
йилгача аъзо бўлиб кирган ҳаракат ветеранлари бўлган-
ликлари сабабли, бу ўринда партия кўрсатмалари билан
СС практикасини аниқ ажратиб олиш мумкин эмас. Ни-
нобарни, шу кишиларни ҳам четлатишга тўла ҳуқуқ бор
ва бу иш мақсадга мувофиқ ишди».

«Тушунарли, — деди ўзига ўзи Шелленберг. — Биз-
нинг партиявий раҳбаримиз сўз ўйини ишлатмоқдалар.
Биз буни «йўқотиш» деб атасак, у киши «четлатиш» леб
ишлатяптилар. Демак, Мюллерни сақлаб қолиб, мени
«четлатиш» керак экан. Аслини олганда худди шуни
кутган эдим, бошқа нарсага умид қилиш кулгилли
бўларди. Кальтенброннерни рўйхатда қолдирганлари
қизиқ бўлибди. Лекин буни ҳам тушуниш мумкин: Мюл-
лер доим кўзга ташланмай ишлаган, уни фақат мута-
хассисларгина билади, Кальтенброннер эса товусдек ўзи-
ни кўз-кўз қилаверади, уни энди бутун жаҳон тапиyllи.

Уни шуҳратпастлик нобуд қилади — мен доим шу фикрда эдим. Мен эса рейхга зарурман деб ўйлаб юғанлигим учун нобуд бўлсам керак. Узимиздаги ва чет элдаги сирларни очиб бериш йўли билан унга ҳам зарур бўлишим мумкин эди. Давлатимизнинг ўзига-ўзи зиндият туғдирадиган жойи ана шунда — сен қанчалик унга хизмат қилишга ҳаракат қилсанг, шунчалик хавф остига тушасан. Бинобарин, мен қатори кишилар шахсий сирга айланган давлат сирларини ўзи билан гўрга олиб кетишга ҳаққи йўқ. Ҳаёт билан табиий ўлим ўртасида маълум муддат бўлса керак, ана шунда мен бирон кишига ана шу сирларни ҳикоя қилиб бераман. Мендек одамларни худди Гейдрихга ўхшатиб тез ва дарҳол нариги дунёга жўнатиш керак...».

У «четлатиш» рўйхатига киритилган кишилар фамилиясини диққат билан ўқиб чиқди. Унда ўзининг кўпгина ходимларининг номини ҳам топди. 142 рақам рўпарасида СС щтандартенфюрери Штирлицнинг номи турар эди.

Мюллернинг рўйхатдан ўчирилганлигин, Штирлицнинг эса рўйхатда қолдирилганлиги партия архиви жўнатилаётганда қанчалик шошилинч ва бетартиб тадбирлар кўрилганлигидан далолат берарди. Рўйхатга ўзгаришлар киритиш ҳақидаги кўрсатмани Борман архив кўчирилишидан икки кун олдин юборган эди, бироқ шошилинч шароитда Штирлицнинг фамилиясини ўчиришни унутган бўлсалар керак, ё, балки энг машҳур кишилар фамилияси келтирилган биринчи бетини кўриш билан чеклангандирлар. Штирлицни шу нарса қутқариб қолганди — кейинчалик Борман одамларининг «четлатишидан» эмас, балки Шелленберг одамларининг «йўқ» қилишидан қутқариб қолганди: Шелленберг қўл остидагилар бундай вазифани яхшироқ ва чақонроқ бажарадилар, чунки уларнинг ихтисоси шуни талаб этарди...

— Бирон ҳодиса бўлдими? — сўради Штирлиц, Мюллер подвалга тушиши билан.— Мен нимагадир хавотирланиб ўтиредим...

— Яхши қилгансиз, — маъқуллади Мюллер. — Мен ҳам хавотирда эдим.

— Ёдимга тушди, — деди Штирлиц.

— Нима ёдингизга тушди?

— Рус аёли чамадонида менинг бармоқ изларим
Чандай пайдо бўлиб қолганлиги ёдимга тушди.. Айт-
гандек, унинг ўзи қани? Мен билан учраштирасиз... юз-
ма-юз қиласиз, деб ўйлаган эдим.

— У касалхонада. Бир оздан кейин олиб келишади.

— Унга нима қилипти?

— Ҳеч нима... Уни гапиртираман деб Рольф болани
ўртага қўйишда ҳаддидан ошибди.

«Ёлғон гапиряпти,— фаҳмлади Штирлиц.— Агар Кэт
бирон нарса деган бўлса, мени бу ерга келтириб қама-
масди. У ҳақиқат атрофида айланниб юрибди, лекин гапи
ёлғон».

— Майли, ҳали вақт бор...

— Нега «ҳали»? Умуман вақт кўп.

— Ҳа, ҳали вақт кўп,— қайтарди Штирлиц.— Агар
сизни чамадон воқеаси дарҳақиқат қизиқтираётган бўл-
са, уни эсладим. Эслагунимча яна бир неча сочим оқар-
ди, аммо ишончим комилки, ҳақиқат тантана қиласди.

— Ишончимиз бир-бирига мувофиқ келганидан хур-
сандман. Қани, айтинг ўша фактларни.

— Бунинг учун сиз ўша пайтда Байоретерштассени
Куршаб олган ҳамма полпциячиларни чақиртишишингиз
керак — мен у ерда тўхтаб қолган эдим, СД нишонини
кўрсатгандан кейин ҳам ўтиб кетишимга рухсат берма-
ган эдилар. Шундан сўнг мен Қепенникштассе орқали
айланма йўл билан кетмоқчи бўлдим. У ерда ҳам мени
тўхтатдилар ва тирабанд бўлиб турган машиналар орасиң-
га кириб қолдим. Нима гап эканлигини билиш учун ма-
шинадан тушиб, олдинга ўтдим, аммо полициячилар —
бири ёш, аммо бемор кўриннарди, сил бўлиши мумкин,
иккинчисининг башарасини эслай олмайман, башараси
куядан қоп-қора эди — телефон ёнига ўтиб, Шелленберг-
га қўнғироқ қилишга рухсат бермадилар. Мен нишонни
кўрсатиб, телефон ёнига ўтдим. У ерда бир аёл бола-
лари билан турган экан, мен вайрон бўлган жойдан бо-
лалар арабачасини чиқариб бердим. Кейин эса яна бир
неча чамадонни ўтдан нарироқча олиб бориб қўйдим.
Бомбардимондан кейин топилган чамадонлар эсингизда-
дир. Улар делода бор. Бу биринчиси. Ўша чамадон қа-
ердан топилганлигини пианистка яшаган адрес билан
чаққосланг. Бу иккинчиси. Ўша жойни ўраб олган поли-
циячиларни чақиртиринг — бечораларга чамадонларини
олиб чиқишида ёрдам берганини кўрганликларини ай-

тишсин. Агар мен келтирган далиллардан биронтаси ёлғон чиқса — қўлимга битта ўқ билан ўқланган тўпкончапи тутқазинг: менинг қутулишим учун бошқа йўл ва айбиз эканлпгимни кўрсатувчи бошқа далил-исбот қолмайди.

— Ҳмм, — кўлди Мюллер. — Хўш, нима қипти? Текширсак, текшириб кўрамиз-да. Гапингиизда мантиқ бор. Аввал бизнинг немисларимизни тинглайлик, кейин сизнинг рус аёлингизга қулоқ соламиз.

— Рус аёлимизни депг? — деди Штирлиц ҳам кулиб, — ёки мени чиндан ҳам рус агенти деб ҳисоблайсизми?

— Қўйинг, қўйинг, — деди Мюллер, — гапдан илмитирмангда бунақа...

У Шарлотенбургда, Шлосштрасседаги полиция фурерлари мактабининг бошлиги СС оберштурмбанфюрери доктор Хельвингга телефон қилиш учун чиқиб кетди. Штирлиц эса вазиятни таҳлил қилишни давом эттириди: «Агар улар Кэтни гапиришга мажбур этган тақдирларида ҳам — Мюллер ўғлини тилга олди: гўдакни қўйнаган бўлсалар, онаси чидай олмаган бўлиши мумкин, лекин иш ўйлаганиларидай чиқмаган — уни госпиталга олиб бормай, шу ерга келтирадилар... Аммо Кэт мени танийман деган бўлса ҳам қўлида ҳеч қандай факт йўқ: машинамни кўрган эмас, иссимин билмайди, менинг СС да ишлашнинни биламан деса деяверсин — кабинетимда бўлган-ку, ахир. Менинг қаерда туришимни билади. Аммо уни ўзим айтган бўлишни мумкин. У адресимни билади-ю, лекин бирон марта ҳам бўлган эмас у ерда. Демак, мен Борман билан боғлиқ бўлган кўзирини ишлатишни керак экан. Агар Плейшнер уларнинг қўлида бўлса — бунда ҳам кутиб ўтирмасдилар—бундай ҳолларда пайсалга солиш аҳмоқлик, ташаббусни қўлдан бой беришдир.

— Сизга овқат беришдими? — сўради Мюллер, қайтиб келгач. — Балки тамадди қилиб олармиз?

— Яхши, — кўнди Штирлиц.

— Юкоридан бирон нима олиб келишларини айтдим.

— Раҳмат. Одамларни чакирилдингизми?

— Чакирилдим.

— Кўринишдан мазангиз йўқ...

— Э, — деди Мюллер қўлни силтаб. — Тирик юрганимни айтмайсизми? «Ҳали» деб нимани назарда тува-

ётган эдингиз боя? Очнини айтаверинг, ичингизда сақ-
лаб ўтирасизми...

— Юзма-юз қилганингиздан кейин, — деб жавоб бер-
ди Штирлиц. — Ҳозир ҳожати йўқ. Агар менинг ҳақ
эканлигим тасдиқланмаса «ҳали»нинг ҳожати қолмайди.

Эшик очилиб, соқчи устига крахмалланган оқ сочиқ
ёпилган патнисни олиб кирди. Патнисда ликопчада яхна
гўшт, нон, сариёф ва кўк идишчаларда иккита тухум бор
эди.

— Ана шундай турмада, унинг устидаги подвалда
бир-икки кун мириқиб ухлашга ҳам рози бўлар эдим.
Бомбардимонлар ҳам эшитилмас экан.

— Ухлашга улгурасиз, шошилманг...

— Раҳмат... — Штирлиц кулиб юборди.

— Нима деяпсиз? — кулди Мюллер. — Жиддий гап...
Ўзингизни дадил тутишингиз менга маъқул. Бу ерда бир
неча одамларим билан суҳбат қилганимда шалпайиб қо-
лишганди. Ичасизми?

— Йўқ. Раҳмат.

— Умуман ичмайсиэми?

— Мен севган конъякни ҳам яхши билиб олган бўл-
сангиж керак, деб чўччиман.

— Ўзингизни Черчилль билан тенг қилманг. Фақат
Черчиллнинг рус конъягини яхши кўришини биламай,
холос. Майли бўлмаса... Ичмайсиэми, таъбингиз, мен ич-
моқчиман. Ростдан ҳам мазам йўқроқ.

Ўқ овозини эшитгач, Кэт даҳшатли ҳодиса юз бер-
ганини дарҳол фаҳмлади. У эшик ёнига бориб, кўчага
қаради, у ерда иккита қора машина ва йўлка ўртасида
букилиб ётнб, жон бераётган Гельмутни кўрди. У орқа-
синга чопиб келди. Ўғли яшик устида безовталаниб ётар-
ди. Қўлидаги қизча эса ширин уйқуда эди. Кэт қизчани
ўғли ёнига қўйди. У шошилинч ҳаракат қилар, қўллари
титраркан: «Қўй, секинроқ! Нега энди «секинроқ» экан,
қиңқирганим йўқ-ку, ахир», дея хаёлидан ўтказди.

У қоронғида ходалар ва тошларга қоқилиб, қўлини
олдига узаттанча кетаверди. Бир вактлар у ўғил болалар
билан ана шундай қилиб уруш-уруш ўйнашарди. У анча
Фюорак қиз бўлиб, ўғил болалар доим ўз ўйинларига
чақиришарди. Аввал у санитарка эди, кейин уни доим
қизиллар командири бўлиб юрадиган олтинчи подъезд-

да турадиган Талька Тутер севиб қолиб, ҳамшира даражасига кўтарди, кейин эса Катяни учинчи ранг ҳарбий врачи деб аташни буюрди. Уларнинг штаби Спасо-Наливковская кўчасидаги уйнинг подвалида жойлашган эди. Бир кун подвалда чироқ ўчиб қолди. Подвал эса катта бўлиб, адашиш ҳеч гап эмасди. Штаб бошлиғи Игорь қўрқанидан йиглаб юборди. Талька уни аълочи бўлгани учунгина отрядга олган эди. «Бизларни анархистлар деб атамасликлари учун бўлмагандан битта яхши ўқийдиган ўқувчи керак, — деган эди ўшандаган Талька. — Кейин унга штаб бошлиғи лавозимини бердим — урушда уннинг ҳеч қандай аҳамияти йўқ. Подвалда буйруқларимни ёзиб ўтиради. Штабларнинг оқларда аҳамияти бор, қизилларда эса фақат бир киши — комиссар аҳамиятли». Игорь йиглаб юборгандаги, подвал жимжит бўлиб қолди, Катя Талька ҳам ўзини йўқотиб қўйганлигини сезди. У индамай, бурнини тортиб ўтиради. Игорь бўлса раҳмларини келтириб баттар авжига чиқа бошлади. Уннинг кетидан штаб ходимларидан яна кимдир йиғлай бошлади. «Учир овозларингни! — бақириб берди Талька, — ҳозир олиб чиқаман ҳаммаларингни. Жойжойингда ўтириш келаман!» У ўн минут ўтгач, чироқ ёниши билан келди. Уннинг ҳамма ери чанг, бурни чақа эди. «Чироқни ўчирамиз, — деди у, — келажакда ростакам уруш бўлиб қолса, подвалдан чироқсиз чиқнишни ўрганиб олишимиз керак». «Ростакам уруш бўлиб қолса, — деди штаб бошлиғи Игорь, — биз подвалларда эмас, ер устида урушамиз». «Сенга ҳам гап борми? Сен вазифандан бўшатилдинг, — жавоб берди Талька. — Урушда кўз ёши қилиш халқа хонилек қилишдири! Тушундингми? Сен қўрқоқсан!» Эски стол устига чиқиб, лампочкани бураб ўчиришди. Талька уларни қоронги подвалдан олиб чиқди, ана шунда Катя уни биринчи марта ўпига қўйган эди.

«У бизларни пайпаслаб девор тагидан юриб олиб чиқкан эди, — эслади Катя. — Унинг кўлида гугурт бор эди шекилли. Йўқ, гугурт ҳам йўқ эди. Унда гугурт нима қилсин? Еши тўққизда эди, ҳали чекмасди».

Қэт орқасига қаради: болалар ётган яшин кўринмасди. Ҳамма ёқ қоронги эди. У шу ерда адашиб қолиб, болалар ётган яшинни топа олмасликдан қўрқди. Ўғлининг йўргаги ҳўл бўлиб кетган бўлса керак, у йиглаб қизчани ҳам ўйғотиб юбориши, уларнинг овозини эса кўчадаги-

лар эшишиб қолиши мумкин. У ночорлнкдан хўрлиги келар, ўзини кераксиз одамдек сезарди. У деворни пайпаслаганча орқасига қайтди. Шошилганидан қандайдир қувурга қоқилиб мувозанатичи йўқотиб қўйди. Қўлини олдинга узатганча йиқилиб тушди. Зарбадан кўзлари чақнаб, бошига нимадир зарб билан урилганидан ҳушдан кетди...

... Кэт ўзига келгач, қанча вақт — бир дақиқами ёки бир соатми — ётганини билмади. Қўзини очаркан, қандайдир шовиллаган овозни эшилди. Унинг чап қулоги ғадир-будур темир устида ётарди, ҳалиги товуш шу темир тагидан эшилларди. Кэт бундай шовиллаган овозни у бир вақтлар тоғдаги дарада юрганида эшилган эди. Зарба таъсири остида бошим гувиллаб ётипти шекилли, деб ўйлади, аммо бошини темир устидан кўтарса ҳалиги овоз тўхтади. Кэт темир тагида канализация борлигини фаҳмлади. У темирни қўли билан ушлаб туриб, бунга иқорор бўлди. Берлин остидаги канализация ва водопровод йўллари жуда катталигини у Эрвиндан эшилган эди. Кэт темир қопқоқни кўтармоқчи бўлди, аммо эплай олмади. Қейин у қандайдир занглаған темирча топиб, у билан люк қопқоғини кўтарди ва четга суриб қўйди. Энди чуқурдан сувнинг шовиллагани аниқ эшитилиб, бутун подвалга ёйилди.

... Ӯша пайтда улар Гера Сметанкин, Миншания Великовский ва унинг ўзи тоғда кўм-кўк дара бўйлаб «Олисерда, денгиз ортида олтин ўлка бор» қўшиғини айтиб кетардилар...

Дарада ҳаво иссиқ, ҳамма ердан қарағай ва арча ҳиди анқирдн. Теварак-атроф игнабаргли кўм-кўк дарахтлар билан қопланган. Йирик шағал йўлдан тепаликка кўтарилиш анча мушкул эди. Ҳаво иссиқ, сув ичкиларп келарди. Ҳамон сув учрамаслигидан ҳайрон бўлишарди. Шу дарадан қор босган Красная Поляна деган жойга ўтишлари керак эди. Шу ерда дарёча бўлиши керак, лекин ундан ҳамон дарак йўқ эди. Қарағайлар учини шитирлатиб шамол эсарди, аммо шамол овози сукунатни бузмай, уни янада чуқурлаштиради. Борган сари оёқ остидаги кулранг, баъзи жойларда эса оппоқ тус олган шағал бирданига қорая бошлиди ва ўн минут ўтмасдан шағал орасидан шилдираб оқаётган ариқчани кўрдилар, олисадан эса шовиллаган овоз эшитилди. Сал кейинроқ улар айқириб оқаётган оқим бўйлаб кетавердилар, сув-

дан эсган муздек шамол оёқларини жунжиктириди. Кейни улар қор босган майдончага кўтарилдилар, ҳамма ёқния яна сукунат босди — чунки қор эриб, унинг остидаи чиқаётган оқим пастда қолган эди. Улар қор устидан яна баландроқ кўтарилдилар ва ҳеч зот йўқ, шу баландликда уларда қандайдир нотаниш юксак тантана, кўтарин-книлк руҳи пайдо бўлди...

Оқ сочли полициячи қўлидаги чирогини ёқиб, унинг шуъласини подвалдан айлантириб чиқди.

— Менга қара, ҳалиги эзэсчини битта пистолет билан ўлдиришганми ёки икки киши отганми? — деб сўради у ёнидаги одамлардан.

Кимдир жавоб берди.

— Мен лабораторияга телефон қилдим. Натижаси ҳали тайёр эмас экан.

— Гестапода ҳамма нарса бир минутда бажарилади дейишади-ку? Маҳмаданалар. Қани ана у ерга қараб кўринглар — кўзим яхши кўрмайди: изми ёки йўқми?

— Чанг кам... Ёз пайти бўлганида...

— Қани энди воқеа ёз пайтида бўлган бўлса, агар ихтиёризизда доберман-пинчер ити, кейин ССдан яширинаётган ўша хотиннинг қўлқопи бўлса-ю, ит дарҳол изга тушса... Қани, мана бу чекилган папиросни текшириб кўринг?

— Эски. Тошдек қотиб қолган.

— Сиз ушлаб кўринг, ҳа, ушлаб кўринг, кўринишига ишонманг: бизнинг ишимизда ҳамма нарсани қўл билан ушлаб кўриш керак... Худога шукур, Гюнтер ёлғиз эди, агар унинг ўрнида бўлганимда Мариямга муздек ўлихонада ётганимни қандай бориб айтардинглар?

Учинчи полициячи келди. У подвалдан яна чиқиб кетадиган жой бор-йўқлигини текшириб кўрди.

— Хўш? — сўради оқ сочли чол.

— У ерда иккита чиқадиган жой бор-ку, аммо тўсилган.

— Нима билан?

— Фишт билан.

— Чанг кўпми?

— Йўқ. У ерда ҳам майдада тош сочилиб ётибди. Чанг деган нарса йўқ.

— Демак, ҳеч қандай из йўқми?

— Майдада тош устида из қоладими?

— Қани юринглар, ҳар эҳтимолга қарши яна бир

марта кўздан кечирайлик. Аблаҳлар жуда айёр бўлади.

Улар бирга юра бошлашди, йўл-йўлакай бир-бирлари билан секин сұхбатлашиб, чироқ билан подвалнинг гишт ва ходалар ётган бурчакларини ёритиб яна бир карра текшириб ўтардилар.

Оқ сочли ёнидан сигаретичи олиб:

— Ҳозир, мен тутатиб олай,— деди.

Шу пайтда у темир қопқоқ устида турарди.

Қэт қопқоқ устида полициячилар депсинаётганини эшитиб турарди. Уларнинг ғўнғир-ғўнғир овозларини ҳам эшитарди-ю, лекин оёғи остида, чуқурликдаги сувнинг шилдирашидан сўзларини англаёлмасди. У оёқларини иккита темир зинага қўйиб, болаларни қўлида кўтариб тураркан, яна болалар билан бирга пастдаги ифлос сувга йиқилиб тушмай деб жони ҳалак эди. Тепадаги овозларни эшитгач эса, у: «Агар қопқоқни очишса, ўзимни пастга ташлайман. Болаларга ҳам, менга ҳам шуниси яхшироқ бўлади», деган қарорга келди. Үғли үжирғана бошлаганини сезди, ҳадемай йирлаб юбориши тайин. Нима қилсин, аллалаб ҳам бўлмайди, мувозанат йўқолиб ағдарилиб кетиши ҳеч гап эмас.

— Лаънати гугурт,— деди оқ сочли,— нам тортиб қолибди.

— Менда зажигалка бор.

— Раҳмат... Меникининг тоши тугаёзибди, ғилдиракча тагида кичкинагина бўлакчаси қолибди, ҳеч ололмаяман — кўз ожизлик қиласпти.

— Устага кўрсатиш керак.

— Қидиравериб сарсон бўлдим,— жавоб берди оқ сочли, зажигалкани эгасига қайтараётуб.— Бутун Берлинда биронта устахона қолмабди-я! Ҳамма усталар фронтда.

— Менга берсангиз тузатиб бераман.

— Раҳмат, дўстим, ҳожатни чиқарган бўласиз.

— Нарироқни ҳам кўрамизми?

— Албатта. Кейин виждон азоблашмаслиги учун охиригача текшириб кўриш керак.

Шундан сўнг улар олға қараб юрдилар.

Бола йиглаб юборди. Аввал у секин йиглай бошлади, бироқ Кэтнинг назарида чинқираётгандек ва уни ҳамма эшинаётгандек туюлди. У эҳтиётлик билан боласинни юзига энгашиб, пичирлаб алла айта бошлади. Аммо бола борган сари қаттиқроқ йиглай бошлади.

— Йиглама, дўмбогим, — шивирлаб илтимос қилди Кэт, — бир оз йигламай тур...

«Қорни очди шекилли,— пайқади у.— То эмизмагунимча тинчимайди. Қандай эмиэдим-а энди?»

Яхшики, қизча ҳамон уйқуда эди. Пастда, қоронғида сув шовилларди.

«Юқоридагилар ахир кетишлари керак-ку? — ўйларди у. — Э, худо, ўзинг мададкор бўл...».

16

Мюллер, Шолъи ва Штирлиц Холтоффнинг бўм-бўш кабинетида девор ёнига қатор қўйилган стулларда ўтирадилар. Оберштурмбанфюрер Айсман эшикни очиб, форма кийган полициячини олиб келди.

— Хайль Гитлер!— қичқирди у, генерал формасидаги Мюллерга қўзи тушиб.

Мюллер ҳеч қандай жавоб бермади ва кулиб юбормаслик учун ўзини чалғитди: Штирлиц устидан олдиндан шубҳа түғдирмаслик учун юзма-юз қилиб тергов экспериментига ҳозир гестапонинг бошқа ходимларини таклиф қилиш мумкин эмас эди. Шунинг учун юзлаштириш операциясини у шу иш билан таниш бўлган юқоридаги уч кишига топширган эди.

— Сиз шу уч кишидан биронтасини танимайсизми? — сўради Айсман полициячилардан.

— Йўқ, — деб жавоб берди полициячи, Мюллер камзулидаги орденлар белгисига ва Рицарлик бутига ҳадик-сираб қўз қирини ташлаб қўяркан.

— Сиз булардан бирортасини ҳеч вақт учратганмисиз?

— Менимча, учратмаганман.

— Балки бомбардимон пайтида, вайрон бўлган уйларни қўршаб турилганда, бир ров бўлса-да, учратгандирсиз?

— Форма кийган одамлар кўп келишарди, — деб жавоб берди полициячи, — форма кийган кўп кишилар вай-

роналарни кўргани келиб туришарди. Аниқ бирон киши
— димда қолган эмас, албатта...

— Майли, раҳмат, — деди Айсман, — навбатдагиси-
ни чақиринг.

Полициячи чиқиб кетгандан сўнг, Штирлиц буидай
деди:

— Улар бу тарэда фақат рейхсфюерернигина танишла-
ри мумкин. Устингиздаги форма уларни гангитиб қўйяпти.

— Гангитмайди, қўяверинг, — жавоб берди Мюллер.
— Ё яланғоч бўлиб ўтиришим керакми?

— Унда, жилла бўлмаса аниқ жойни айтиб сўранг, —
илтимос қилди Штирлиц. — Бўлмаса эслашлари қийин —
улар кўчаларда ўн соатлаб туришади, шундай бўлгач,
ҳамма одамлар ҳам кўзларига бир хил бўлиб кўриниш
турган гап.

— Майли, — деди Мюллер, — уларга ёрдам берақо-
линг... — Бу гувоҳ эсингиздами ўзи?

— Йўқ, бунисини кўрмаганман. Кўрган одамим
эсимда қолади.

Иккинчи полициячи ҳам ҳеч кимни танимади. Кўри-
нишидан сил касалига дучор бўлган касалманд, ёшгина
шуцман еттинчи бўлиб кирди.

«Агар Мюллер мени букишдан манфаатдор бўлса ёки
қўлида бевосита ҳам Кэтдан, ҳам Плейшнердан олин-
ган далиллари бўлганида, мен билан бунақанги пачаки-
лашиб ўтираси эди. У аросатда қолган. У изланмоқда.
Унинг аниқ режаси йўқ — бу ҳам менинг толеим, менинг
фойдам».

— Сиз шу кишилардан биронтасини кўрганимидин-
гиз? — сўради Айсман.

— Йўқ, менимча йўқ...

— Сиз Қепенникштрасседа қуршовда турганмиди-
нгиз?

— Ҳа, ҳа, — хурсанд бўлиб эслади шуцман, мана бу
жаноб ўз нишонини кўрсатган эди, мен уни ёнғин бўлган
жойга ўтказиб юборгандим.

— У ўтказинг деб илтимос қилдими?

— Йўқ... Шунчаки ўз нишонини кўрсатди, холос, у
машинада эди, мен эсам ҳеч кимни қўймаётган эдим... У
ўтиб кетди... Мумкин эмасми? — бирданга қўрқиб сў-
ради шуцман. — Агар унинг ҳақи бўлмаса... СД ва гес-
тапо одамлари ҳамма ерда ўтказилсин, деган буйруқ
бор-ку, ахир.

— Үнинг ҳақи бор эди, — деди Мюллер, ўтирган жоидан кўтарилар экан, — у душман эмас, қўрқманг... Ҳаммамиз бирга ишлаймиз... Ү ёнгин жойидан ҳомиладор хотинни қидирдими?

— Йўқ... Ҳомиладор хотинни қечаси олиб кетган эдилар, у бўлса эрталаб кетаётган эди.

— У ўша бечора хотиннинг буюмларини қидирдими?.. Сиз унга ёрдам бердингизми?

— Йўқ, — жавоб берди шуцман, пешанасини тириштириб, — у ерда қандайдир аёлнинг каравотчасини четга олиб чиқиб қўйди... Болалар каравотчасини... Йўқ, мен ёрдам бермадим, ёнида тургандим...

— У чамадонлар олдида турганмиди?

— Қимни сўраяпсиз? Аёлними, каравотними?

— Аёлни сўраяпман.

— Буниси ёдимда йўқ. У ерда қандайдир чамадонлар ётган эди шекилли, лекин аниқ ёдимда йўқ. Лекин каравотча эсимда, чунки у бузилиб кетганди, бу жаноб уни жой-жойига улаб, кўчанинг нариги бетидаги йўлкага олиб бориб қўйди.

— Нега? — сўради Мюллер.

— У ер хавфсизроқ эди, ўт ўчирувчилар ҳам биз до-монда туришарди. Ўт ўчирувчилар қўлларидаги шланглари билан каравотчани ишдан чиқаришлари мумкин эди. Унда болакай нимада ётарди, аёл эса кейин каравотчани бомбапанага қўйиб, боласини ухлатди — буни ўз кўзим билан кўрдим...

— Раҳмат, — деди Мюллер, — бизга катта ёрдам бердингиз. Сиз бўшсиз.

Шуцман чиқиб кетгач, Мюллер:

— Қолганларини ҳам жўнатиб юборинг, — деди Айсманга.

— Яна битта кексароги бўлиши керак, — деди Штирлиц, — у ҳам исбот қилиб беради.

— Бас, етар, — деди Мюллер афтини буриштириб. — Шунинг ўзи етарли.

— Биринчи занжирда турганларни чақирилса бўлмасмикан, улар менга йўл кўрсатишган эди.

— Буни ҳам аниқладик, — деди Мюллер. — Шольци, буни аниқ исбот этишдими?

— Ҳа, обергруппенфюрер. Уша куни нарядлар таъинлаган ва кўча ҳаракати билан алоқа боғлаган Хельвиг берган гувоҳлик шу ерда.

— Раҳмат, — деди Мюллер, — ҳаммангиэ бўшсиз.

Шольц билан Айсман эшик томон юрдилар, Штириц ҳам уларга эргашди.

— Штириц, мен сизни яна бир минут ушлаб қоламан, — деб Мюллер уни тўхтатди.

У Айсман ва Шольц чиқиб кетгунича кутиб турди, кейин тамаки тутатиб, стол ёнинга ўтди. Кейин стол че-тига ўтириб олиб — гестапонинг ҳамма ходимлари унинг бу одатини билib олган эдилар — сўради:

— Майли, майда-чуйда далиллар тўғри келяпти, мен эса буларга ишонаман. Энди битта саволимга жавоб берсангиэ, қадрли Штириц: пастор Шлаг қаерда?

Штириц ўзини ҳайрон қолган қилиб кўрсатди. Кейин шартта Мюллер томон ўгирилиб, деди:

— Ана шундан бошлаш керак эди!

— Нимадан бошлаш кераклигини ўзим яхши биламан, Штириц. Сизнинг анча ҳаяжонланганлигингиз тушинарли, аммо одобни ёддан чиқарманг...

— Обергруппенфюрер, сиз билан очиқ гаплашишга рухсат беринг!

— Рухсат берайми? Менга ким рухсат беради?

— Обергруппенфюрер, Борманинг телефон орқали гапирган гаплари Шелленберг кўриб чиққандан кейинги на рейхсфюрер столи устига тушишини биламан. Сизнинг рейхсфюрер буйруқларини бажаришга мажбур эканлигингизни ҳам тушунаман. Гарчи бу буйруқлар ўзингизнинг дўстингиз ва меннинг шефим томонидан ҳийла қилиб чиқарилган бўлса ҳам уларни бажаришга мажбурсиз. Борманинг шофёри юқоридан берилган буйруқ-қа биноан гестапо томонидан қамоқقا олинганлигига аминман. Шу кишини қаманг, деб сизга буйруқ беришганига ишончим комил.

Мюллер эринчиқлик билан Штирицинг қўзига қарди, бутун асаб торлари таранг тортилганини сезди — у ҳамма нарсани кутса ҳам, буни кутмаган эди.

— Нега сиз шундай деб ҳисоблайсиз... — деб гап бошлади у, аммо Штириц яна унинг сўзини бўлди.

— Обергруппенфюрер, сизга мени партайгеноссе Борман билан учраштирмаслик мақсадида ҳар қандай йўл билан, ҳар қандай кишилар орқали, ҳар қандай вазиятда обрўсизлантириш топширилган. Шу кунги ишни нимадан бошлаб нима билан тугатганингизни кузатиб турдим — сизда, одатдагидек, ҳамма нарса бор эдн, фақат

бир нарса — илҳом етишмади, чунки менинг Борман билан учрашувимга чек қўйишдан ким манфаатдор эканлигини тушуниб турибсиз. Борман билан нега учрашмоқчи бўлганлигимни қайтиб келгач айтиб бера оламан. Ҳозир эса вақтим йўқ: соат бешда мени Борман кутади. Мени гумдон қилишдан манфаатдор бўлмасангиж керак.

— Борман билан қаерда учрашасиз?

— Табиатшунослик музейи ёнида.

— Рулда ким ўтиради? Иккинчи шофёрми?

— Йўқ. Уни гестапо орқали Шелленберг сотиб олганлиги бизга маълум.

— «Биз» деганингиз ким бўлди?

— Биз деганим — Германия ва фюрер ватанпарварлари.

— Сиз учрашувга менинг машинамда борасиз, — деди Мюллер, — бу сизнинг хавфсизлигингиз учун зарур.

✓ — Раҳмат.

— Портфелга диктофон солиб олиб, Борман билан бўлган ҳамма гапни ёзасиз, шофёр тақдирни ҳақида ҳам сўзлашиб оласиз. Сиз ҳақсиз: уни қамашга ва учинчи даражали сўроқ қилишга мени мажбур этдилар. Кейин шу ерга қайтиб келасиз ва нималар ҳақида гаплашганингизни биргалашиб тинглаймиз. Машина сизни ўша ерда, музей олдида кутиб туради.

— Бундай қилиб бўлмас,— жавоб берди Штирлиц юз бериши мумкин бўлган турли эҳтимолларни шитоб билан хаёлан чамалаб кўраркан.— Мен ўрмонда яшайман. Мана менинг калитим. Ўша ерга боринг. Борман ўтган гал мени машинада уйимга элтиб қўйган эди: агар шофёр буни айтиб берганида, етти соат давомида мени қийнамаган бўлардингиз.

— Эҳтимол, мен буйруқни бажаришга мажбур бўлиб, қийналишингизни бундан етти соат олдин тугатармидим, — деди Мюллер.

— Агар шу нарса юз берганда, группенфюрер, сиз шу бинонинг ўзида кўпгина душманлар билан юзма-юз тўқнашардингиз, сизнинг ютиб чиқишингизга ҳам ишончим комил эмасди.

Эшик ёнига борганда Штирлиц сўради.

— Айтгандек, мен мўлжал қилиб қўйган комбинацияда рус аёли жуда керак. Нега сиз уни олдириб келмадингиз? Берндан олинган шифр юзасидан қуруқ май-иавозчиликнинг нима кераги бор эди?

- Буларнинг ҳаммаси сиз ўйлаганча аҳмоқона гап әмас. Бу ҳақда Бабельсбергда учрашганимизда, сизни-кида, Борман билан суҳбатдан кейин фикрлашиб оламиз.
- Хайль Гитлер! — деди Штирлиц.
- Қўйсангиз-чи, — тўнғиллади Мюллер, — бусиз ҳам қулоғим битган...
- Тушунмадим... — жудди қандайдир тўсиққа учрагандек тўхтади Штирлиц, қўлини қоп-қора эшикнинг вазмин мис тутқичидан олмай туриб.
- Қўйинг. Ҳамма нарсани яхши тушунасиз. Фюернинг бирор нарсани ҳал қилишга қурби етмай қолди, энди Германия манфаатларини Адольф Гитлер шахсига аралаштирумаслик керак.
- Нима деяётганингизни...
- Ҳа, ҳа, ҳа! Нима деяётганимни билиб турибман! Бу ерда ёзиб оладиган аппарат йўқ, агар бу галимни бирор кишига айтмоқчи бўлсангиз, ҳеч ким ишонмайди — бирорга айтишга журъат ҳам қила олмайсиз. Аммо сиз ўзингиз билиб қўйинг (менга таклиф этаётганингиздан кўра нозикроқ ўйинни чамаламаган бўлсангиз, албатта): Гитлер Германияни ҳалокатга олиб келди. Бу мавжуд аҳволдан қутулиш йўлини кўрмаялман. Тушундингизми? Кўрмаялман. Утирангиз-чи, ўтиринг. Ҳали йигирма минут вақт бор. Йўлингизга беш, кўпि билан етти минут керак. Сиз Борманда қутулиш плани бор, деб ўйлайсизми? Рейхсфюернинг режасидан маъқулроғи-я? Буни ўйлаб кўринг... Гиммлернинг чет элдаги одамларининг ҳаммаси хавф остида, у ўз агентларидан ишталаб қилиб, уларга ғамхўрлик қилмасди. Ҳолбуки, Германия — Америка, Германия — Англия, Германия — Бразилия институтларидан биронта киши ҳам қамалгани йўқ. Гиммлер бу дунёда яшириниб юра олмайди. Борман эса яшириниб юра олади. Шунин ўйлаб кўринг. Үнга бир нарсани тушунитиринг: — буни қандай қилиб одоблироқ қилинб айтишини ўзингиз ўйлаб кўринг — яқинда ҳамма нарса ҳалокат билан тугагач, мутахассисларсиз иш кўра олмайди. Гиммлернинг чет эл банкларидаги омонатларининг кўпчилиги иттифоқчилар қўлига тушиши турган гап. Борманинг эса банклардаги омонатлари юз марта кўпроқ бўлиб, уларнинг қаерда эканлигини ҳеч ким билмайди. Ҳозир, сиз, Штирлиц, үнга душманларини ағдаришга ёрдам берар экансиз, келажакда

ўзингиз учун ҳам кафолот талаб қилинг. Гиммлернинг олтини — пуч нарса, ўйинчоқ. У Борман олтинининг ниқоби, холос. Гиммлернинг олтини назоратдан холи эканлигини ва энг яқин, тактика мақсадларигагина хизмат қилиши мумкинлигини Гитлер яхши биларди. Партия олтини, Бормай олтини эса пачоқ агентлар ва министрларнинг қайта-қайта сотиладиган шофферлари (бу шофферлар ўз министрларига ўйнаш қидириб топардилар ва кейинчалик қилмишлари Шелленбергнинг расмларинда ўз аксини топарди) учун эмас, балки маълум вақт ўтиши билан дунёда национал-социализмдан бўлак йўл йўқ эканлигини тушунган ва минглаб ҳисобланган энёлилар учун мўлжалланган. Партияниң олтини келажак томон ташланган кўприк, ҳозир бир ойлнк, бир яшар, уч яшар бўлган болаларимизга қаратилган мурожаатдир. Ҳозирги ўн яшар болаларга керак бўлмаймиз биз: биз ҳам, бизнинг гояларимиз ҳам керак эмас, улар оч-ялангоч ва бомбалар остида қолганликлари учун бизни кечирмайдилар. Ҳозир ақлн ҳеч нимага етмайдиганлар эса биэларни афсонавий қаҳрамонлардек тилга олиб юрадиган бўладилар, афсонанинг ўзини эса тўқинй билиш керак, яъни бизнинг сўзларимизни одамзоддининг йигирма йилдан кейинги ҳаётига мос оҳангга sola оладиган эртакчларни етиштиromoқ зарур. Бирон жойда «салом» сўзи ўрнига бирор кимса шарафиға «хайль» сўзини шилата бошлашса — ўша ерда бизни кутиб туришган бўлади, ўша ерда биз қайта туғилиб, буюк йўлни яна бошлими! 1965 йилга бориб неча ёшга кирган бўласиз? Етмишларга яқинлашиб қоларсиз? Сиз баҳтли одамсиз, сиз омон-эсон яшаб, ҳали ўзингизни кўрсата оласиз: етмиш ёш — сиёsatчинининг гуллаган пайти. Мен эса саксон ёшни уриб қоламан... Шунинг учун келажак ўн йилгacha мени қизиқтиради ва агар мендан қўрқиб эмас, балки аксинча, менга таяниб иш кўрмоқчи бўлсангиз, бир нарсанни эсдан чиқарманг: Мюллэр, яъни гестапо — кексаниб, чарчаб қолган бир одам. У бу курсида ўтириб пул жамғаргани йўқ. У ўзининг сўнгги йилларини зилол сувли ҳовузи бор кичкинагина фермада ўтказиш ниятида, шунинг учун мен ҳозир ташаббускорлик кўрсатиним мумкин... Яна — буни, албатта, Борманга айтиш керак эмас, аммо ўзингиз эслаб қолинг: Берлиндан тропик минтақадаги кичкина фермага бориш учун шошилиш ярамайди. Фюрернинг кўпгина лайчалари бу ердан яқинда

қоча бошлаб, қўлга тушадилар... Берлинда рус тўпларининг гулдуроси эшитилаётган, солдатлар эса ҳар бир уй учун жанг қилаётган пайтда, эшикни тақ этиб ёпмай, хотиржамлик билан жўнаб кетиш мумкин. Фақат Борманга ва фюрерга маълум бўлган партия олтини сирини олиб кетиш лозим. Фюрер нариги дунёга кетганидан кейин, Борман учун зарур одам бўлиб қолмоқ керак, унда у йигирманчи асрнинг Монте-Кристоси. бўлиб қолади. Шундай қилиб, ҳозир, Штирлиц, фурсат пойлаш кураши кетяпти, бунинг тагида эса биргина сабаб, биргина моҳият... оддий ва гўзал одамийлик моҳияти ётарди... Энди кетаверинг... Диктофонни машина олдида Шольц топширади... Хўш? Нима дейсиз? Агар сиз Гитлернинг ғалаба қозонишига аминман десангиз, ишонмайман. Жавоб қайтарманг, керак эмас. Машинада кетаётганда айтган гапларим устида ўйлаб кўринг. Сизни ҳеч қандай ҳийла-найранг ишлатмай ўз тарафимга тортиб олганим ҳақида ҳам ўзингизга ҳисоб бериб қўйинг. Шелленберг ҳақида бугун бўш вақтда гаплашамиз. Аммо Борманга менинг бевосита ёрдамимиз Швейцарияда ҳеч нарсанн эплай ололмаслигингизни айтишингиз керак.

— У чоғда, — секин жавоб берди Штирлиц, — унга сиз керак бўласиз, мен ортиқчалик қилиб қоламан...

— Борман сизсиз ёлғиз ўзим ҳеч нима қила олмаслигимни тушунади. Сизнинг шефингиз идорасида менга қараishi одамлар унчалик кўп эмас...

Штирлиц кетгач, Мюллер бир ўзи Холтофф кабинетида узоқ ўтириб қолди. У бошини эгиб, буқчайиб, қўлларини осилтириб жим ўтиради. Кейин танасини зўрга кўтариб ўз хонасига чиқиб кетди. Шольцининг ёнидан ўта туриб сўради:

— Хўш, нима гап?

— Бутун теварак-атрофни тит-пит қилиб чиқдик, аёлни топиб бўлмади...

— Штирлиц уйнда қолганлардан қандай хабар бор?

— Ҳеч ким телефон қилмабди, ҳеч ким келмабди ҳам...

— Ўтираверишсин. Борман машинаси Бабельсбергга йўл олиши билан дарҳол хабар қилинг, чиқиб кетишсини у ердан. Хоналарда тамаки чекишмасин, гиламларга кул түширишмасин. Ҳамма станцияларга қўлида эмнисинкли боласи бор барча ёш аёллар ушлансан, деб хабар қилинг. Беистисно, ҳаммаси. Қўлида бола кўтарган аёлни

кўрдиларми, полицияга олиб келаверсинглар. Фотосуратлари борми жойларда?

— Ҳа, тарқатдик.

Мюллэр бош иргиб қўйиб, ўз кабинетига кирди, пўлат сандиқни очиб, бир шиша деҳқонча Бавария арафини олди-да, оғзидан икки қултум ичди.

Кэт оёғи увушаётганлигини сезди. Қиэча ҳам уйғониб кетди, энди болалар бир-бирларига жўр бўлиб йиғлардилар. У тепадаги, подвалдагиларнинг овози эши-тилмай қолганини сезди, ана шу темир қопқоқ устига йиқилиб тушгандагина сувнинг шовиллаган овози эши-тилганини эслади. Аммо қўрққанидан ҳамон қопқоқни очмасди. У боши билан қопқоқни қандай кўтариши кераклиги, аввал болаларни тош устига қўйиб, тепага чиқиш олдидан бир оз дам олажагини илидан-игнасиғача ўйлаб олди. У дақиқа сайнин юқорига чиқиш муддатини ортга сураверди. У олтмишгача санаб бўлгач, янгишмадимми, деб яна бошқатдан санай бошларди. Университетда биринчи курсда ўқиб юрган пайтларида «Воқеа бўлиб ўтган жойни текшириш» ҳақида маҳсус семинар бўлган эди. Петровкадан келган терговчилар амалий курсни қандай олиб борганлари ҳар қандай майдага аломатларга ҳам эътибор бериш кераклигини уқтирганликлари ҳали-ҳали унинг ёнда. Ана шунинг учун бўлса керак у қопқоқни ёпиш олдидан, аввал англамай, ғоятда сеэгирлик ишлатиб, ўнг қўли билан болаларни бағрига босиб, чап қўли билан тош-қўмларни сепиб қўйганди.

«Қанча вақт ўтдийкни? — ўйларди Кэт. — Бир соатми? Йўқ, кўпроқ бўлса керак. Еки камроқмикин? Ҳеч мия ишламаяпти. Яхшиси қопқоқни очавераман, агар улар шу ерда бўлсалар ёки биронтасини ташлаб кетган бўлсалар, пастга қадам ташлайман, вассалом».

У худди фотосуратда кўриб тургандек, Рольфнинг бўйнидан оқсан қон ҳалқоб бўлиб ётган хона кўз олдинга келди. Рольфнинг бармоқлари худди паркетни кўчирмоқчи бўлгандек полни тирнардн. Секин ҳаракат қилаётган бармоқлар олдида қоп-қора тўппонча киии ётарди... Уша вақтда у қора қин ҳақида эмас, дераза ёнпда, стол устидаги ўғли ҳақида ўйларди.

«Айтгандай, тўппончанинг нима кераги бор? Агар пастга қадам ташласам — ҳамма нарса ҳал бўлади-қўя-

ди,— деб хаёл сурарди Кэт.— Тўппончанинг кераги йўқ».

У боши билан қопқоқни кўтарди, аммо у очилмади. Кэт оғини тираб, қопқоқни боши билан қаттиқроқ кўтарди.

«Улар устида туришган эди,— дарҳол тушунди у,— шунинг учун очиш қийин бўляпти. Ҳечқиси йўқ. Занглаган эсқи темирда, уни бошим билан қимирлатиб, кейин очаман, агар шунда ҳам очилмаса, болаларни ўнг қўлимга олиб, чап қўлимга бир оз дам бериб, кейин кўтараман. Албатта очаман. Ҳозирнинг ўзида қизчани ўнг қўлимга ола қолай. Тушириб юбормайман, албатта тушириб юбормайман, тушириб юборишга ҳеч ҳаққим йўқ. Ҳар эҳтимолга қарши адёлни тишлаб олай. Ҳар эҳтимолга қарши. Чап қўлим дам олсин».

У йиғлаётган қизчани эҳтиёткорлик билан ўнг кўраги устига суриб қўйди, чап қўлини кўтармоқчи бўлган эди, аммо кўтара олмади; шишиб кетган қўли унга қулоқ солмасди.

«Майли,— деди ўзига ўзи Кэт.— Буни қўрқадиган жойи йўқ. Ҳозир қўлни игналар санчигандек бўлади-да, кейин қизиб ўзига келади. Ўнг қўлим болаларни ушлаб тура олади. Болалар енгил. Фақат қизча тинчроқ ётса бўлгани. Қиэча ўғлимдан каттароқ. Ҳам каттароқ, ҳам оғирроқ...»

Кэт кафтини очиб-ёпиб бармоқларини машқ қилди-ра бошлади. У боғ қўшнилари бўлмиш чолни эслади. Бўйи баланд, озгин, мовий кўзлари чақнаб турган ўша чол улар ўтирган айвонга келиб, нон ва мой тамадди қилаётганларидан куларди. «Фақат ақлинни йўқотганлар ейиши мумкин бу нарсаларни,— дер эди у,— колбаса — заҳар! Пишлоқ ҳам заҳар! Булар организмларнинг зарарли ҳосили! Нонми? Нон замазканинг ўзи! Қайнатилган гўшт ейиш керак! Қалампир, карам, шолғом ейиш керак! Ана шундагина ҳаётингиз агадий бўлади! Мен миллион йил яшашим мумкин! Мени фирибгар деб ўйласангиз керак! Йўқ, ундей эмас, мен фақат консерватив медикларимизга қараганда дадилроқ фикр қиласман! Касал дегап нарса йўқ! Ошқозон яраси ёки силни даволаш кулгили нарса! Ҳужайраларни даволаш керак! Агадий ёшликтининг пойдевори — парҳез, тўғри нафас олиш ва психотерапиядири! Агар сиз тирик нарсанинг асосини ташкил қилган хужайрани тўғри озиқ-

лантириб турсангиз, унга тўғри кислород бериб турсангиз, уни машқقا ўргатсангиз, шу ҳужайра ва сизнинг моҳиятингизни ташкил этган бошқа миллиард-миллиард ҳужайралар билан суҳбат қилиб турсангиз, уларни ўз иттифоқчингизга айлантирган бўласиз. Ҳар бир киши тасодиф ва вазиятлар гирдобида яшовчи заиф инсон эмас, балки қуёш остида шу давргача яшаб келган давлатлардан энг онглиси бўлмиш миллион-миллион ҳужайралар давлатининг доҳийисидир! Юлдузлар оламларнинг, галактикаларнинг доҳийисидир! Ким эканлигингизни тушуниб олинг ниҳоят! Ҳозирингизни очиб, ўзингизнинг ким эканлигингизга назар ташланг. Ўзингизни ҳурмат қилишни ўрганинг ва ҳеч нарсадан қўрқманг. Агар инсоннинг инсонийлик бурчини тушуниб олсангиз, бу дунёдаги ҳамма даҳшатлар хомхаёл ва кулгили нарсалардир!»

Кэт ўз бармоқлари билан суҳбатлашмоқчи бўлди-ю, аммо болалар борган сари кўпроқ йиғи солавердилар ва энди ҳужайралар армияси билан суҳбат қилишга вақти қолмаганлигини тушунди. У ҳали ҳам бўйсунмаган чап қўлини кўтариб, караҳт бармоқлари билан қопқоқни қимиirlата бошлади. Қопқоқ хиёл қимиirlади. У боши билан ҳам ёрдам қилиб кўрди, қопқоқ жойидач сиљиди. Подвалда одам борлиги ёки йўқлигини суроштирумай, Кэт болаларни тепага қўйди, кейин ўзи чиқди юқорига, у ҳолдан тойған, ҳеч нимани суроштирумай, ҳеч қаёқка қарамай, болалар ёнига чўзилганича ётиб қолди: сўнгги воқеалар инсон қурби етмас дараҷада куч сарфлашга мажбур этганди уни...

— Улим ҳаётдан фақат икки фактор: ҳажм ва ҳаракат билан фарқ қиласди. Тирик жон гўрдан каттароқ ёплиқ бинода яшайди, холос. У уй-жой, оила, ақлдан озганлар клиникаси, исловатхона, парламент деб аталган ана шу бинони вақти-вақти бллан ташлаб кетиш имкониятига эга, холос. Ёкни, аксинча, кириб туриши мумкин. Бутун фарқ шунда,— деди пасторининг баланд бўйли, озғиндан келган, кўриннишдан жуда кекса, аммо ўзини ўш кўрсатишга интилган италиялик суҳбатдоши.— Мен қўрс бўлиб кўриннишдан қўрқмайман. Мен сиздан қўрслик аломати бўлмиш тўғри гапни айтаверишини сўрайман! Тўғри гап— қўрсликнинг энг юксак,

одилона ва мақсадга мувофиқ кўринишидир. Ёки, аксинча айтганда, ҳис-туйғуларга ишониб, гапирган гапимнинг шакли устида бош қотириб ўтирумайман.

— Бу гапларингизни эшитиш мен учун оғир,— деди пастор,— чунки шу пайтда, Германияда, ҳар минутда оч-яланғоч аёллар жон бермоқда, бомбалар остида болалар ҳалок бўлмоқда. Даҳшатли уруш пайтида эмас, тинчлик пайтларда ана шундай хуласалар қилишни кечириш мумкин... Аммо ҳозирги кунда бу шафқатсизликдир.

— Бу масалада ҳам сиз билан келиша олмайман, чунки гинч даврнинг ҳар бир кунида уруш чиқиши мумкин ва аксинча, урушнинг даҳшатли соатлари тинчлик кунлари яқинлашаётганлигидан далолат беради. Биз сирли параболада яшамоқдамиз. Тарих заминида тушуниб бўлмайдиган геометрик шакллар ётади, мени ҳатто алдаш ихтисоси бўлган дипломатия ҳам ўзининг нозик математик тузилиши билан қизиқтиради. Албатта, унга маълум бир масофадан қаралса, ана шундай туюлади.

— Сиз билан иш юзасидан чинакам сухбат қилиш қийин экан,— деди пастор,—турли туман масалалар устида баҳслашувга вақтим йўқ. Менга ўз ёрдамини ая-масликни ваъда қилган жаноблар Германиядаги миллион-миллион одамлар тақдирини ҳал қила оладиган кишилар билан боғлаб қўйишингиз мумкинлигини айтган әдилар. Агар ниҳоятда қннматли тинчлик даврини бир кунга бўлса ҳам яқинлаштира олсак — кейинчалик бизнини кўп гуноҳларимизни кечириб юборадилар.

— Марҳамат. Мен сизнинг ҳамма саволларингизга жавоб беришга тайёрман.

— Ҳаммасига жавоб беришнинг ҳожати йўқ. Агар ҳамма саволларга жавоб беришга рози бўлсангиз, сизга ишончим йўқолади.

— Ақлли гап.

— Мен дипломат эмасман, топшириқ билаи келдим бу ерга...

— Ҳа, ҳа, тушунарли. Сиз ҳақингизда мени бирмунча хабардор қилган әдилар. Биринчи савол: кимларнинг вакилисиз?

— Кечирасиз, аввал мен сизнинг жавобингизни тинглашим керак: сиз ўзингиз кимсиз? Мен Гитлер қўл остида қолган одамлар ҳақида гапираман. Улар ва улар-

нинг қавм-қариндошларининг ҳаёти хавф остида. Сиз учун эса ҳеч қандай хавф йўқ — бетараф мамлакатда сиз.

— Бетараф мамлакатда гестапо агентлари иш кўрмайдилар, деб ўйлайсизми? Аммо бу хусусий бир нарса — суҳбатимизга ҳеч қандай алоқаси йўқ. Мен американлик эмасман, инглиз ҳам эмасман.

— Мен буни сизнинг инглизча гапиришингиздан пайқаб олдим, италиялик бўлсангиз керак?

— Ҳа, италиялик бўлиб туғилганман. Лекин мен Қўшма Штатларнинг гражданиман, шунинг учун мен билан очиқ гаплашаверишингиз мумкин. Бизнинг учрашишимизга ёрдам берган кишиларга ишонсангиз керак, албатта.

Пастор Брюнинг уни таништирган суҳбатни эслади. Шунинг учун у бундай деди:

— Ватанимдаги дўстларим барча немис армияларининг тезроқ таслим бўлиши ва ҳамма СС қисмларининг тугатилиши миллион-миллион кишилар ҳаётини сақлаб қолади, деган фикрдалар ва мен уларнинг шу нуқтаи назарини тўла қувватлайман. Шунингдек, дўстларим иттифоқчиларнинг қайси бир вакили билан алоқа боғлашимиз мумкинлигини ҳам билиш ниятидалар.

— Сиз рейхнинг барча армиялари — ғарбда ҳам, шарқда ҳам, жануб ва шимолда ҳам бир вақтда таслим бўлишини назарда тутяпсизми?

— Сиз бошқа йўлни таклиф этмоқчимисиз?

— Бизнинг суҳбатимиз жуда ғалати ўтятти: аслини олганда, музокаралар олиб боришдан биринчи галда биз эмас, немислар манфаатдор, шунинг учун шартларни биз таклиф қилишимиз керак. Тўғри эмасми? Менинг дўстларим сизлар билан конкрет гаплашишлари учун, ота-боболаримиз ўргатиб келганларидек, музокараларни ким билан, қачон, қай даражада, кимнинг ёрдами билан олиб боришни билишимиз керак. Акс ҳолда биз сизни ашаддий гестапо агенти, ёки қўлида етарли кафолати бўлмаган киши, ёки бизни сохта хабарларга ишонтириш мақсадида интилаётган объект, деб ҳисоблашимиз мумкин.

— Мен сиёсатчи эмасман. Эҳтимол, сиз ҳақдирсиз... Аммо менинг самимийлигимга ишонишингизни сўрайман. Мени бу ерга юборган группа орқасида кимлар турганлигини аниқ билмайман, лекин мен билган ани

шу группанинг вакиши етарли даражада эътиборли киши.

— Бу мушук-сичқон ўйинидек гап. Сиёсатда ҳамма нарсани олдиндан аниқлаб олиш керак. Газеталардан сиёсий янгиликларни ўқиб юрувчи одамларгагина сиёсатчилар асосий мақсадларини яшириб, бир-бирини алдаётган, ҳийла-найранглар ишлатиб, бир-бирларига ёлғон гапираётгандек бўлиб туюлади. Сиёсатчилар савдолашадилар, чунки улар учун ҳеч қандай сир йўқ. Улар нимани ва қанчага савдо қилишни мўлжаллаб юрадилар. Агар улар савдо-сотиқда нўноқлик қилсалар — агар тоталитар давлат вакили бўлсалар — ўз шериклари томонидан ағдариладилар, ёки улар парламентли демократия мамлакатларининг вакиллари бўлсалар — навбатдаги сайловларда мағлубиятга учрайдилар. Мен дўстларингизга қўйидагиларни топширишни маслаҳат берардим: улар кимларнинг вакили, уларнинг программаси, биринчи галда мафкуравий программаси, ва бизнинг ёрдамиyизга таянгудек бўлсалар, Германияда амалга ошироқчи бўлган режалари нималардан иборат эканлигини билмагуниyимизча, улар билан сўзлаша олмаймиз.

— Мафкуравий программа аниқ: нацизмга қарши программа.

Бу мафкуравий программанинг фақат биринчи боскичи бўла олади. Дўстларингиз келгуси Германияни қандай тасаввур қилмоқдалар? Қандай йўлдан боради? Немисларга қандай шиорлар тақдим қиласизлар? Агар сиз дўстларингизнинг фикрини айти олмасангиз, ўзингизнинг бунга қандай қарашингизни билсак яхши бўларди.

— Менинг қарашларим субъектив бўлиши мумкин,— деб жавоб қилди пастор.— Ҳар ҳолда, агар сизлар меңнинг дўстларим коммунистик йўлни назарда тутмоқдалар, деб ўйласангиз, янгишган бўласиз. Аммо ҳозир Германияда мавжуд бўлган герман халқини бостириш аппаратини у ёки бу шаклда сақлаб қолиш мумкин, деган фикр ҳам мен учун даҳшатлиdir.

— Қарши савол: агар Гитлер кетса, герман халқини тартиб доирасида ким ушлаб туради? Черков аҳлими? Концентрацион лагерларда ётгандарми? Ёки гитлеризм билан алоқани узишга қарор қилган мавжуд полиция қисмларининг командирларими?

— Германияда полиция кучлари СС рейхсфюорери Гиммлерга бўйсунади...

— Бундан хабардорман...

— Демак, гап, сиз айтгандек, ҳалқни анархиядан сақлаб қолиш, уни тартиб доирасида ушлаб тура оладиган имкониятга эга СС ҳокимиятини сақлаб қолиш устида бормоқда.

— Бундай таклифни ким киритялти? Менимча, бу масала ҳали ҳеч қаерда муҳокама қилинмаган,— деб жавоб берди италиялик ва пасторга бутун сұхбат давомида биринчи марта кулмай, жиддий қараб қўйди.

Пастор қўрқиб кетди— ортиқча гапириб қўйганлигини сезди: бу қурмагур италиялик ҳозир унга ёпишиб олиб, Брюнинг унга кўрсатган америкаликлар билан СС ўртасидаги музокаралар стенограммаси юзасидаң нималарни билишни сўрай бошлади. Пастор ёлғон гапира олмаслигини биларди: ёлғон гапирса, юзидан билдириб қўяди.

Даллес бюросининг ходимларидан бири бўлган италиялик эса ўз ҳузурига қайтгач, сұхбат ҳақида ҳисобот ёзиш олдидан узоқ вақт мулоҳаза юритиб ўтири.

«Е у Германияда ҳеч кимниң вакили бўлмаган, ҳеп нарсага арзимайдиган одам,— деб ўйларди италиялик,— ёки жуда ўткир разведкачи. У савдолашишниң уддасидаң чиқмади, аммо ҳеч нарсани айтмади ҳам. Аслини олганда, мен уларниң ниятини билишга интилганимдан кўра, бизларниң нимани исташимизни кўпроқ билар экан у. Аммо унинг сўнгги сўзларидан маълум бўлдик, Вольф билан музокаралар ҳақида пималардир уларга маълум бўлиб қолган».

Кэтниң метротага тушиш учун пули йўқ эди. Аммо печкаси бор бирор иссиқ жойга бориб, болаларни эмизиш ва йўргаклаш зарур эди. Агар бундай қилмаса, болаларниң ҳалок бўлиши ҳеч гап эмас, совуқда юрганларига анча вақт бўлди.

— Шу аҳволга тушгандан кўра эрталабниң ўзида ҳалок бўлганимиз яхшироқ эди,— деб илгаригидек ўзига кела олмай хаёл қила бошлади Кэт.— Ёки қопқоқ остидалигида шундай қилиш мумкин эди.

Унда хавф сезгиси йўқола бошлади: у подвалдан чиқиб, теварак-атрофга назар ташламай, автобус бека-

тига қараб юрди. У қаерга боришини ҳам, қаердан пул олишни ҳам, болаларни бир дақиқа қаерга қўйишни ҳам билмасди. У кондукторга пули йўқлиги, пули бомбадимонда вайрон бўлган уйида қолганлигини айтди. Кондуктор бир оз вайсаб олгач, қочқинлар пунктига мурожаат қилишини маслаҳат берди. Кэт дераза ёнига ўтириб, ҳолдан кетаётганлигини сезди. Бу ер унчалик совуқ эмас, шунинг учун уни уйқу босарди. «Ухламайман,— деди у ўзиға ўзи.— Ухлашга ҳаққим йўқ».

Аммо дарҳол ухлаб қолди.

Кэт уйғотмоқчи бўлиб елкасига қоқаётганликларини ва силкитаётганликларини сезиб турди, аммо кўзини оча олмасди, у танаси исиганини, роҳат-ҳаловат қилганлигини сезди, болаларнинг йигиси эса узоқдан эшитиларди.

У тушида қандайдир ажойиб, рангли манзарани кўрди: у тушида бу нарсаларнинг дидсиз ва ўта таъсирчанлигидан куларди — мана, у ўғли билан кўм-кўк қалин гилам устидан бир уйга кириб кетишяпти: ўғли қўғирчоқ кўтариб олган, ўзи юриб кетяпти. Уларни қизил либос кийиб олган Эрвин, онаси, миллион йил яшашни ваъда қилган боғ қўшниси кутиб олишяпти...

— Майне даме! — кимдир уни қаттиқ туртганди, чаккаси муздек ойнага тегди. — Майне даме!

Кэт кўзини очди. Қоп-қоронғи автобусда унинг ёнида кондуктор билан полициячи турарди.

— Нима? — дея пичирлади Кэт, болаларни бағрига босиб. — Нима?

— Ҳаво ҳужуми, — худди ўшандай шивирлаб жавоб берди кондуктор. — Юринг...

— Қаерга?

— Бомбапанага, — деди полициячи. — Келинг, ёрдамлашиб юборайлик.

— Йўқ, — деди Кэт, болаларни бағрига босиб. — Узим кўтараман.

Кондуктор елкасини қисиб қўйди, аммо бошқа ҳеч нима демади. Полициячи уни қўлидан ушлаб, бомбапанага бошлаб кетди. У ер иссиқ ва қоронғи эди. Қаердандир болаларнинг йиғлаган овози эшитиларди. Кэт бурчакка ўтди — иккита ўғил бола ўрнидан туриб унга жой беришди.

— Раҳмат.

У болаларни ёнига ётқизиб қўйди ва гитлерюгенд

аъзоси бўлган қизчага мурожаат қилди, қизча у ерда навбатчилик қиласди:

— Ўйим вайрон бўлди, менда ҳатто йўргак ҳам йўқ. ёрдам беринг! Нима қилишимни ҳам билмайман...

Қизча бошини қимирлатиб, ёш болали аёллар ўтирган жойга борди; у ер энг хавфсиз жой бўлса керак. Кўп ўтмай у қайтиб келди.

— Марҳамат,— деди қизча,— бу ерда тўртта йўргак, ҳозирча етиб турса керак. Эрталаб «Муҳтожларга ёрдам» ташкилотининг энг яқин бўлимига мурожаат қилишни маслаҳат бераман — фақат сиз яшаган жойдаги полиция комиссариатининг справкаси ва аусвай-сингиз керак бўлади.

— Ҳа, албатта, раҳмат сизга,— деб жавоб берди Қэт, болаларни йўргаклар экан.— Бу ерда сув йўқмикин? Сув ва печка бўлса, ўзимдаги йўргакларни ювардим, шунда саккизтаси эртага етарли бўларди...

— Совуқ сув бор, совун ҳам беришса керак. Кейин олдимга келсангиз, ўзим ташкил қилиб бераман.

— Катта раҳмат сизга.

— Хизмат кўсатиш — менинг бурчим.

Болалар қорни тўйиб уйқуга кетгач, Қэт ҳам деворга суюниб жилла бўлмаса ярим соат ухлаб олмоқчи бўлди. «Ҳозир ҳеч нарсага ақлим етмайди,— деди у ўзига ўзи,— иситмам чиқяпти, қопқоқ остида шамоллаб қолган бўлсам керак... Болалар шамолламаган бўлишлари керак, ҳар ҳолда адёлга ўралган эди, ҳозир ҳам оёқлари иссиқ. Бир оз ухлаб олиб, кейин жима қилишни ўйлаб кўраман».

Яна бетайин тушлар кўра бошлади: кўк, оқ, қизил ва қора шуълалар кетма-кет ўзгариб кўзни чарчатарди. У ранглар ўйинини дикқат билан кузатиб турди. «Балки қовоқ остида кўзим айланәтгандир,— дарҳол пайқади Қэт,— мактабда полковник Суздалъцев бу нарса кўзга ташланади деган эди». У кўрқиб ўрнидан туриб кетди. Атрофдагилар мудраб ўтиришарди: бомбардимон гулдурослари ва зенит тўпларининг тариллаши, худди қулоққа пахта тиқиб олгандек, узоқдан эшитирарди.

«Штирициннинг олдига боришим керак»,— деди Қэт ўзига-ўзи ва энди хотиржам, аниқ фикр юритаётгандигидан ҳайрон бўлиб. «Йўқ,— деган овоз эшитилди унинг

қалбидан,— унинг олдига бориш ярамайди. Сўроқ кинлаётгандага уни ҳам тилга олган эдилар-ку». «Хўш, бўлмаса қаерга борай? Үзим гестапога борганим яхши эмасми. Агар уни қидириб топмасам, Берлинда юрганимдан нима фойда? «Сен уни ҳам, ўзингни ҳам қўлга туширасан. Уни ҳам, ўзингни ҳам ҳалок қиласан».

Кэт яна кўзини юмди, ярим соат ухлади. Кўзини очгач, ўзини енгилроқ сезди. Пешанасини ушлаб кўрса, иссиқ. «Ҳа, шамоллабман. Иссиғим бор. Шунинг учун бемаъни тушлар кўрдим. Буниси қўрқинчли эмас. Шамоллашдан ҳеч ким ўлмайди».

Штириц ҳақида ўйлаётганини ёдидан чиқарган бўлса ҳам, аммо унинг кўз олдида 42 75 41 рақами худди пардага ёэилгандек намоён бўлди.

— Йигитча,— ёнида мудраб ўтирган болани туртиб деди у,— яқин орада телефон йўқми?

— Нима?!— деди йигитча, қўрққанидан сакраб турриб.

— Хотиржам бўлинг,— деб уни тинчлантириди Кэт.— Мен телефон борми, деб сўраяпман?

Гитлерюгенд аъзоси бўлган қизча шовқинни эшишиб, Кэтнинг ёнига келиб, сўради:

— Сизга бирор ёрдам керакми?

— Йўқ, йўқ,— жавоб берди Кэт.— Йўқ, ташаккур, ҳамма нарса жойида.

Шу вақт бомбардимон тугаганилигини билдириб сирена увиллай бошлади.

— У қаерда телефон борлигини сўраган эди,— деди йигитча.

— Метро станциясида,— деди қизча. Бу ерга яқин — бурчакда. Танишингиз ёки қариндошингизга телефон қилмоқчимисиз?

— Ҳа.

— Бориб телефон қила қолинг, болаларингизга мен қараб турман.

— Лекин менда автоматга ташлаш учун йигирма пфенинг ҳам йўқ...

— Менда бор. Мана, марҳамат.

— Раҳмат... Олис эмасми?

— Икки минутлик йўл.

— Агар болалар йигтай бошласалар...

— Мен уларни кўтариб овутаман,— деди қизча кулиб,— хавотирланманг.

Кэт бомбапанадан юрганича чиқиб кетди. Метро яқингина ерда экан. Телефон-автомат ёнидаги ҳалқоб сув бетидаги муз парда ялтиарди. Тўлишиб, товланиб турган ой кўкимгир шуъла таратди.

— Телефонлар ишламайди,— деди шуман.— Портлаш тўлқинида бузилган.

— Яна қаерда телефон бор?

— Кўшни станцияда... Телефон қилингиз жуда зарурми?

— Жуда ҳам зарур.

— Юринг, бўлмасам.

Шуман билан Кэт бўм-бўш метро станциясига тушдилар, кейин полициячи хонасига кириб, чироқни ёқди ва стол устида турган телефон аппаратини имлаб кўрсатди.

— Фақат тезроқ телефон қилинг,— деди.

Кэт стол атрофидан айланниб ўтиб, аёллар учун мўлжалланган баланд креслога ўтирди ва 42 75 41 рақамларини терди. Бу Штирицнинг телефони эди. У узун ва қисқа сигналларга қулоқ солар экан, ойна остида бир қанча телефон номерлари ёнида турган ўзи-нинг катта расмини дарҳол пайқамади. Шуман панирос чекиб, унинг орқасида турарди.

Камин олдидаги Штириц яхши кўрадиган креслода ўтирган Мюллэр сўради:

— Шоффёр ҳақидаги гап қани?

— Сифмади. Мен Борманга: «Бир минут сабр қилсангиз, мен плёнкани бошқатдан ўраб олай» деёлмасдим-ку, ахир. Мен унга, сиз, айнаи сиз унинг шоффери ҳаётини сақлаб қолиш учун бор кучингизни ишлатишингизни аниқлашга муваффақ бўлдим, дедим.

— У нима деди?

— У, подвалларда қийноқса лучор қилинган шоффёр ўз иродасини йўқотган бўлса керак, шунинг учун ҳам энди унга ишониб бўлмайди деди. Бу масала уни унчалик қизиқтирамади. Шундай қилиб, бу масалада ҳам кўнглингиз тўқ бўлсин, обергруппенфюрер. Ҳар ҳолда, шофферни ўз ҳузурингизда ушлаб туринг, уни яхшироқ боқсинлар. Кейин нима бўлишини кўрармиз.

— Шоффёр билан бошқа қизиқишмайди, деб ўйлайсизми?

— Ким?

— Борман.

— Нима маъно чиқади? Шофёр — ишлов берилган материал. Ҳар эҳтимолга қарши мен уни сақлаб турардим. Рус пинансткаси қаерда? У ҳозир бизга катта иш бериши мумкин эди. Унинг ишлари қалай? Госпиталдан олиб келишдими?

— У бизга қандай иш бериши мумкин? Радио ҳийла-найрангларнида айтганимизни қиллади, аммо...

— Буниси тӯғри,— маъқуллади Штирлиц.— Буниси шубҳасиз. Аммо уни қандайдир йўл билан Швейцариядаги Вольф билан боғласак, қандай бўлар экан?

— Хомхаёл.

— Балки. Баъзан фантазияга берилшиб кетамай.

— Қейин, умуман олганда...

— Нима экан?

— Йўқ,— ўзини тўхтатиб қолди Мюллер,— мен сизнинг таклифингизни таҳлил қилмоқдаман. Мен уни бошқа жойга кўчирдим, у билан Рольф иш олиб бораверсин, у ҳозир сизга унчалик зарур эмас.

— Рольф ҳадидан ошириб юборибдими?

— Ҳа... бир оз...

— Шунинг учун уни кимдир ўлдирибдими?— секин деди Штирлиц. Борман билан учрашувга кетаётганида, гестапо коридорида бу янгилик қулоғига чалинган эди.

— Бу менинг ишим, Штирлиц. Келишиб олайлик мендан нимани билишингиз керак бўлса — шунингина биласиз. Мен эшик тешнигидан мўраловчиларни ёмон кўраман.

— Қайси томондан мўраловчиларни ёмон кўрасиз?— сўради жаҳл билан Штирлиц.— Қадимги поляк томошасини кўрсатаётганде менинг қўғирчоқ сифатида ўйнатишларини истамайман...

— Ҳамишами?— кулиб сўради Мюллер.

— Деярлик ҳамиша.

— Майли. Бу ҳақда ҳам гаплашармиз. Ҳозир ҳалиги қисмни яна бир марта тинглайлик...

Мюллер Борман сўзини бўлиб, «тўхтатиш» тугмасини босди-да:

— Йигирма метрча орқага қайтаринг,— деди.

— Марҳамат. Мен қаҳва дамлайми?

— Майли дамланг.

— Конъякка қалайсиз?

— Ҳеч ёқтирумайман. Рост бир куни Қальтенбруннер

жузурнда ишган эдим, чакки эмас экан. Умуман мен ароқ ичаман. Конъякда ишқор бор, томирга таъсири қилади. Ароқ, чинакам дәққон ароғи эса киши танасини иситади.

— Сиз текстни ёёаб олмоқчимисиз?

— Керак эмас. Эсда қолади. Аммо қизиқ жойлари бор...

«Борман. Вольф Гиммлернинг вакили эканлигини Даллес биладими?»

Штирлиц. Меннимча, сезса керак.

Борман. Бу ўринда, «меннимча» дейиш жавоб эмас. Агар у Вольфга Гиммлернинг вакили сифатида қараштаганлигини аниқ билсан, ана шундагина коалициянинг яқин келажакда барбод бўлиши мумкинилиги ҳақида гапириш мумкин эди. Агар улар рейхсфюрер билан иш кўришга рози бўлсалар, уларнинг ёзилган суҳбатини ўз қулоғим билан эшитишим керак. Агар шу суҳбат Геббелъс қўлга тушиб қолиб, радиода фойдаланилса, Кремль, Лондон ва Оқ уйда содир бўларажак ҳодисалар ривожи қандай бўлнишини билмадим-ов.

Штирлиц. Бу ерда, Берлинда-чи?

Борман. Бу ўз-ўзидан маълум. Мени ҳозир бу нарса ҳаяжонга солмаётир. Тўғрироғи, мени ҳаяжонга солаётган нарса фақат шугина эмас. Сиз ўша плёнкани топа оласизми?

Штирлиц. Аввал Вольфнинг ўзи Гиммлер номидан иш кўраётганлигига иқрор бўлсин.^{нам}

Борман. Нега сиз унинг Даллесга шундай дейнши мумкинилигига ишонмаяпсиз?

Штирлиц. Билмадим. Мен буни фараз қиляпман. Душманларимиз пропагандаси рейхсфюрерни ҳаддан ошнб ёмонлашмоқда, уни ўтакетган золим қилиб кўрсатмоқда... Улар, аввало, Вольф кимнинг вакили эканлиги масаласини четлаб ўтишга ҳаракат қиласидилар. Уларни қизиқтирадиган нарса шу одамнинг ҳарбий жиҳатдан қанчалик аҳамиятли эканлиги бўлади.

Борман. Мен Вольф кимнинг вакили эканлигини уларга ўз оғзи билан айтишни истардим. Худди Вольфнинг ўзи айтишини... Еки — жилла курса — сизнинг айтишингизни истардим...

Штирлиц. Қай маънода?

Борман. Маъносими? Маъноси катта. Штирлиц... Жуда катта, менга ишонаверинг...

Штирлиц. Операцияни амалга ошириш учун менинг дастлабки мақсадини тушуниб олишим керак.

Агар мен бутун бир группа билан бирга ишлаётган бўлсам ва ҳар бир киши бошлиққа ўзининг топганини олиб келаверса, унда бу бой материаллар асосида манзара аниқ намоён бўларди. У чоғда менинг асосий вазифани билишимнинг ҳожати бўлмасди: мен фақат ўз соҳам бўйича вазифамни бажариб тураверадим. Афусски, биз бундай имкониятга эга эмасмиз...

Борман. Айтинг-чи, агар Сталин фарбий иттилоқчиларнинг худди СС раҳбари Гиммлер билан, таслим бўлишга тайёр бир группа генераллар билан эмас, бутунлай инқирозга учраб, иродасини йўқотган абраҳ Риббентроп билан эмас, балки Германияни большевизмга қарши пўлат қўргонга айлантира оладиган киши билан музокара олиб бораётганликларини билиб қолгудек бўлса, хурсанд бўлармикан...

Штирлиц. Менимча, Сталин бундан хабар топгач, хурсанд бўлмаса керак...

Борман. Сталинга бу ҳақда мен хабар берсан ишонмайди. Бу ҳақда национал-социализмнинг душмани, масалан, сизнинг пасторингиз хабар қилса, ёки бошқа бир киши хабар етказса, ишонармикан?

Штирлиц. Номзодларни Мюллер билан маслаҳатлашиш керак, деб ўйлайман. У бунга мос одамни топа билади ва қочишини уюштиради.

Борман. Мюллер дам-бадам менга яхшилик қилиб туради.

Штирлиц. Унинг аҳволи жуда мураккаб эканлигидан хабардорман: у менга ўхшаб таваккал иш қила олмайди, кўэга дарҳол ташланиб қолади. Кейин, у бевосита Гиммлерга бўйсунади. Агар ишнинг шунчалик мураккаблигини тушунсангиз, бу вазифани ундан бошқа ҳеч қандай одам бажаролмаслигига ишонч ҳосил қиласиз деб ўйлайман, лекин сизнинг мақсадингизга ишончи комил бўлган чоғдагина.

Борман. Ҳа, ҳа... Бу ҳақда кейин гаплашамиз. Бу битта деталь. Асосийси: сизнинг вазифангиз — музокараларни бузишдан эмас, балки музокараларга ёрдам беришдан иборат. Сизнинг вазифангиз — Берндаги фитначиларнинг Гиммлер билан алоқасини яширишдан эмас, балки шу алоқани аниқлашдан иборат. Шу даражада аниқлаш керакки, у билан фюрер олдида Гимм-

лерни, Сталин олдида Даллесни, Гиммлер олдида Вольфни обрўснэлантириш мумкин бўлсин.

Штирлиц. Агар амалнй ёрдам керак бўлса, мен ким билан алоқа боғлашим мумкин.

Борман. Шелленбергнинг ҳамма буйруқларини баъжараверинг — муваффақият гарови шунда. Элчихонани ҳам бехабар қолдирманг, аке ҳолда уларни ранжитиб ҳўйиш мумкин: партия бўйича маслаҳатчи сиз ҳақингизда хабардор бўлади...

Штирлиц. Тушунарли. Аммо, Шелленбергга қарши ёрдам керак бўлиб қолиши мумкин. Бундай ёрдамни фақат бир киши — Мюллнер кўрсатиши мумкин. Мен унга қай даражада таянишим мумкин?

Борман. Мен ҳаддан ташқари содиқ кишиларга ишонавермайман. Мен индамас кишиларни яхши кўраман...

Шу пайтда телефон жиринглади. Мюллнернинг чўчиб тушганини Штирлиц кўриб турди.

- Кечирасиз, обергруппенфюрер,—деди,—балки бу...
- Марҳамат, майли...

Штирлиц трубкани олди:

- Штирлиц эшитади...

У трубкадан бирданига Кэтнинг овозини эшитди:

- Бу менман,— деди у.— Мен...
- Яхши! — деб жавоб берди Штирлиц.— Ҳозир бораман, партайгеноссе. Сизни қаерда кутай?

- Бу мен,— қайтарди Кэт.

— Қандай бориш қулайроқ? — деди Штирлиц, яна унга ёрдамга келиб, айни пайтда, Борман телефон қиляпти, дегандек Мюллера диктофонни имлаб қўйди.

- Мен метродаман... Полициядаман...

- Нима?

- Мен телефон қилгани шу ерга келдим...

- Қаерга?

У Кэт айтган адресни эшитиб, яна «хўп бўлади, партайгеноссе», деб трубкани қўйди. Ўйлаб ўтиришга вақт йўқ эди. Агар унинг телефондаги гапларини тинглашни давом эттираётган бўлсалар, маълумотларни Мюллнер фақат эрталабга яқин олади. Кейин нима қилиш бир гап бўлар. Асосийси — Кэтни олиб кетиш керак. У ҳозир ҳам кўп нарсани билади. Қандай ҳаракат қилишни кейин ўйласа ҳам бўлаверади. Ҳозирги асосий вазифа — Кэтни олиб чиқиб кетиш.

Кэт эҳтиёткорлик билан трубканн қўйди ва стол устидаги ойна тагида турган расмими бекитиб қўйган береткасини қўлига олди. Шуцман илгаригидек унга қарамас эди. У юрагини ҳовучлаб, ҳозир орқамдан чақириб қолади, деган хавотирда эшик томон юрди. Аммо гестапо одамлари, полицияни, аввало, йигирма бең ёшлар чамасидаги ёш аёлни, иккинчидан, қўлида боласи бор аёлни ушлаш кераклигидан огоҳлантирга ҳизилар: шуцман олдига эса ёши қирқларга борган, сочи оқ аёл кирган эди, қўлида боласи йўқ, аммо кўзин расмдагига ўхшарди, ўхласа ўхшабди-да, дунёда бир-бирига ўхашаш кўзлар кам дейсизми?

— Балки мени кутиб турарсиз обергруппенфюрер?

— Кутиб турарсизмиш, Шольц номаълум жойда уч соат йўқ бўлиб кетганимни чаққани Гиммлернинг ҳузурига югурмайдими? Нега телефон қилибди? Унинг телефон қилиши кераклигини менга айтмаган эдин-ғиз-ку?..

— Эшилдинги-ку — дарҳол етиб кел деяпти...

— Суҳбат қилиб бўлнишингиз билан менинг олдим-га келинг. Қабинетда тунаб қоламан.

— Шольц хўжайинга сизни сотиб юради, деб ўйлай-сиэмни?

— Бошлиган бўлса керак, деб шубҳаланяпман. У аҳмоқ, мен доим ҳар бир гапга лаббай деб турадиган аҳмоқ секретарлар билан ишлаб келдим. Аммо бундайлари ғалаба кунларида маъқул бўлар эканлар, ҳалокат ёқасига келганда ўзларини қутқариб қолишга интилиб, дам у томонга, дам бу томонга оғаверарканлар... Аҳмоқ, мени қаҳрамонларча ҳалок бўлмоқчи деб ўйлаб юрибди... Рейхсфюерерни кўрмайсизми, у ҳам ўзига яраша: излаётганлигини шунчалик яшириб юрибдикি, ҳатто Шольцнинг ҳам ақли етиб турибди бунга... Келганингизда Шольц бўлмайди: бир ашаддий ватанпарвар болакай навбатчилик қиласди, шеърлар ҳам ёзиб туради болакай...

Ярим соат ўтгач, Штирлиц Кэтни машинага ўтқазди. Яна ярим соатча у кетига ҳеч ким тушмаганлигини текшириб ва Кэтнинг шу куни нималарни бўшдан ке-

чирганлигиги тинглаб шаҳарни кезиб юрди. Кэт йиғлаб ҳикоя қиласди. Штириц уни тинглар экан, қизнинг азобдан қутулиши Мюллернинг маккорона ҳийла-ларидан биримикин ёки ҳар бир разведкачига маълум бўлган ҳаётда бир марта учрайдиган тасодифмикин, деган саволни ечиншга интилди.

У шаҳарни анча айланди, кейин Берлин атрофини ўраган айланга йўлга тушиб олди. Машина ичи иссиқ эди. Кэт унинг ёнида ўтиради, болалар эса тиззасида ухлаб ётишарди. Штириц ўз мулоҳазасини давом эттиради: «Агар мен телефон орқали Борман билан эмас, аёл киши билан гаплашганимни Мюллер билиб қолса, бутун шаш пачава бўлади. Гиммлернинг Берндаги найрангларини барбод қила олмайман».

Штириц йўл четидаги кўрсатгич ёнида тўхтади: Рубинерканалгача уч километр қолганди. Бу ердан Потсдам орқали Бабельсбергга бориш мумкин.

«Йўқ,— деган қарорга келди Штириц.— Ошхойнадаги идиш-товоқнинг жойи ўзгариб қолганидан кўриниб турибдики, кундузи уйимда Мюллернинг одамлари ўтиришган. Ким билади, балки — мени «муҳофаза қилиш» учун — улар Мюллер кўрсатмаси билан яна қайтиб боришар. Айниқса бояги телефонлардан кейин».

— Қизалоқ,— леди у машинани таққа тўхтатиб,— орқага ўт.

— Нима бўлди?

— Ҳеч нима бўлгани йўқ. Жоним, ҳаммаси жойида. Энди ишимиз беш. Энди сен билан биз ғолиб чиқдик. Ёки йўқми? Пардан бекитиб ухлайвер. Печкани ўчирмайман. Устингдан қулфлаб қўяман, сени ҳеч ким бе佐вта қилмайди.

— Қаерга борамиз?

— Яқин жойга,— жавоб берди Штириц.— Узоқ эмас. Тинчгина ухлайвер. Ўйқуга тўйиб олишинг керак — эртага ташвиш ва ҳаяжонлар кўп бўлади.

— Қандай ҳаяжонлар? — сўради Кэт, машинанинг ўринидигига ўтиб ўтирас экан.

— Яхши гаплар,— жавоб берди Штириц ва: «У билан анча қийналсан керак. Асаби анча бузилибди, бу унинг айби эмас, албатта», деган мулоҳазаларни кўнглидан ўтказди.

У Вальтер Шелленбергнинг боғидан уч ҳовли бејнида тўхтатди машинасини.

«Ишқилиб, уйда бўлсин-да,— деб қайта-қайта так-
рорларди Штирилиц,— ишқилиб, Гиммлернинг Ноуэц
ёки Гебхарднинг Хохенихендаги уйига кетган бўлма-
син, ишқилиб уйда бўлсин-да».

Шелленберг уйда экан.

— Бригаденфюрер,— деб гап бошлади Штирилиц,
устки кийимини ечмай. У Шелленбергнинг қаршисидаги
стул четига ўтириди. Шелленберг устида иссиқ халат,
яланг оёғига чориқ илиб олган эди. Штирилиц Шеллен-
бергнинг тўлиғи атрофидаги териси оппоқ ва нозикли-
гига кўзи тушди.— Мюллер Швейцариядаги Вольф миқ-
сиясидан сал-пал хабардорга ўҳшайди.

— Бе, қўйсангиз-чи,— деди Шелленберг,— бундай
булиши мумкин эмас...

— Бўлмаса мен қаердан билдим?

Шелленберг халатига ўраниб олди, дарҳол ўзини
ўнглаб сўради:

— Ҳа, айтгандек, қаердан билдингиз?

— Мюллер мени ўзига ёлламоқчи бўлганида билиб
олдим.

— Нега энди Мюллер шахсан сизни ёлламоқчи бўл-
дийкин?

— Унинг одамлари пастор сирини очган бўлсалар
керак: бу бизнинг фойдамиз, мен дарҳол Бернга жўна-
шим керак. Мен пастор ишини бошқаришим керак, сиз
эса мен у ёқдан юборадиган ишорадан кейин Вольфдан
воз кечишингиз керак.

Штирилиц доимо масаланинг асл мөдиятини топиб
гапиради. Шелленберг ҳам уни дарҳол тушуниб
оларди.

— Дарҳол Бернга жўнанг...

— Ҳужжатлар-чи?. Еки яширин жойдан ўтаве-
райми?

— Йўқ, бу телбалик бўлади. Сизни швейцариялик
контрразведкачилар дарҳол қўлга туширишлари мум-
кин, жанг охирида улар американкларга лаганбардор-
лик қиласидилар... Йўқ, идорамизга бориб, ишончли ҳуж-
жатлар олинг. Мен телефон қиласман.

— Керак эмас. Яхшиси, ёзиб беринг.

— Ручкангиз борми?

— Үз ручкангизда ёзиб берсангиз яхшироқ бўлади.

Шелленберг юзларини кафти билан ишқалаб, зўра-
ки кулиб, деди:

— Ҳали уйқум тарқагани йўқ, сезилиб турғандир бу.

... Штирлиц жўнаб кетгаč, Шелленберг ўша заҳотиёқ машина чақириб:

— Доктор Гебрахт санаторийсига жўнадик,— деди шоғёрға.

Гиммлеринг штаб-квартираси ўша ерда эди.

Штирлиц эса ўзп ва хотиш фрау Ингрид фон Кирштайн номига иккита пастпортни чўнтағига солиб машинасини чегара томон ҳайдаб борарди.

Германия чегарасидаги шлагбаум орқада қолгаč, у Қэтга қараб деди:

— Ана, қизалогим, ҳаммаси орқада қолди деявер.

Бу ерда, Швейцарияда осмон ёп-ёруғ ва баланд эди. Орқада, бир неча метр нарироқда қолган жойнинг осмони ҳам белоён, худди шу ердагидек тонг шуълала-рида чўмилган, кўздан ғойиб бўлаётган сарғиш ой гардиши кўриниб туради, худди шу ердагидек кўкимтири-сарғиши осмонда зарғалдоқлар сайради, у ҳам шу ердагидек каби гўзал туюларди—аммо у осмон Германия осмони эди. У осмонда ҳар бир дақиқада иттифоқчиларнинг ярқираган самолётлари пайдо бўлиши, ҳар бир дақиқада шу самолётлардан бомбалар ажралиши ва ер юзига ўлим келтираётган бомбалар дастлабки қуёш нури остида ярқираб худди устингизга тушаётгандек туюлиши, кейин эса, кўздан ғойиб бўлиб, баҳорги йўллар балчиғини кўтариб ташлаши мумкин эди, чунки ўзи билан ўлим олиб келган самолётлар берган тезлик туфайли бомбалар ҳали тирик, аммо бечора, ожиз инсон кўэн ўнгидан дарҳол ғойиб бўларди...

Штирлиц машинасини Берн томон ҳайдарди. Қичкинагина шаҳарчадан ўтаётгандан у светофор олдида тўхтади: кўчадан бутерброд тамадди қилиб болалар ўтарди. Қэт йиглаб юборди.

— Нима бўлди?— деб сўради Штирлиц.

— Ҳеч нима,— жавоб берди у.— мен тиичликка етишдим-у, у ҳеч қаҷон етиша олмайди...

— Қўй, қайғурма, кичкинтой касофатлардан қутулади-ку, қизча ҳам,— деди Штирлиц...

У Қэтни эркаламоқчи, юпатмоқчи бўлди, аммо кўнглидаги ҳис-туйғуларни сўз билан ифодалай олмади.

Жуда қизиқ. У баъзан ичида неча марталаб иозик ва чиройли гапларни топиб Сашенъкасини эркалатиб юрарди... Айтилмаган, лекин қайта-қайта кўнгилда қайтарилган сўзлар шеърга айланниб кетишни ёки ҳеч рўёбга чиқмай қалбда оғир юк бўлиб қолиши лозим.

Келажакни ўйлаш керак,— деди Штирлиц ўринсиз иборани ишлатганлигини дарҳол фаҳмлаб.

Утмишисиз келажак ҳам бўлмайди,— деб жавоб берди Кэт, кўз ёшини артар экан,— кечир менни... Йиғлаётган аёлни овутиш қанчалик қийинлигини биламан...

Штирлиц пастор Шлаг билан учрашиб, ундан Даллес билан генерал Вольф ўртасидаги музокаралар юзасидан материал олгач, Кэтга ҳаммаси ортда қолди, деб қаттиқ янглишганлигига иқрор бўлди. Ҳали ҳеч нима тугамабди, ортда қолмабди. Аксинча, бутун иш энди бошланиши керак экан...

«Юстас — Марказга.

Даллес — Вольф сұхбатлари материалларини юборар эканман, қуидаги фикрларни илова қилишини зарур деб ҳисоблайман:

1. Менимча, Даллес СС билан алоқа қилаётганлиги ҳақида ўз ҳукуматини тўяла хабардор қилмаёттир. Афтидан, у ўз ҳукуматини Гитлерга «қарши кишилар» билан алоқа боғлаётирман, деб ишонтирган бўлса керак. Вольф эса бундай кишилар қаторига кирмайди.

2. Рузвелт, гитлерчиларга қарши иттифоқнинг бोшиқа иштирокчиларининг мақсади каби Американинг мақсади ҳам Германияни сўзсиз таслим бўлишига мажбуур этишадир, деб бир неча марта баён қилган. Бироқ Даллес келишиши ўғлини излаб, гитлерчиларнинг маълум институтларини сақлаб қолиш мумкинлиги ҳақида гапирган.

3. Ҳар қандай иттифоқ ўзаро ўюшган мамлакатларнинг бир-бирларига нисбатан ҳалол ва самимий муносабатда бўлишини кўзда тутади. Даллес ана шу хилдаги сұхбатлар олиб бориб немислар ниятини билиб олмоқчи бўлса керак, деган фикр устида ҳам мулоҳаза қилиб, уни ради этишга мажбуур бўлдим, чунки бу сұхбатлардан Даллес қанчалик ютқазаётган бўлса, немислар шунчалик ютиб чиқишлари мумкинлиги ҳар бир разведкачига аёндир.

4. Разведкачи Даллес немисларни иғвога илинтириши ниятида шундай қилаётган булиши мумкин, деган фикрни ҳам текшириб кўрдим. Аммо Швейцария матбуотида уни президентнинг шахсий вакили деб атамоқдалар. Рузвельтнинг шахсий вакили иғвогарлик ишларини ўюштириши билан шуғулланиши мумкинми, ахир?

Хулоға: ё гарбдаги маълум доиралар иккюзламачилик қила бошлидилар, ёки Даллес гитлерчиларга қарши иттифоқ атзоларидан бири бўлган АҚШнинг манбаатларини сотиш олдида турибди.

Тавсия: Швейцариядаги музокаралардан хабаримиз бор эканидан иттифоқчиларни хабардор қилмоқ зарур. Яқин кунларда ўрнатилган алоқа орқали Вольф ва Даллес ўртасида бўлган сұхбатларнинг бутун мазмунни билан таништирувчи материалларни жўнатишни мўлжал қилиб қўйдим. Бинобарин, мен бу сұхбатларни дипломатик доиралар тушунчасидаги сұхбатлар деб ҳисобламайман. Мен уларни сепарат музокаралар деб атардим. Мен бу уринда ҳар хил тавсиялар бермаслик қоидасини шунинг учун буздимки, вазият ниҳоят даражада қалтис ва гитлерчиларга қарши иттифоқни ҳар хил иғволардан ва оқибат натижада икки томонлама иғволардан қутқариши учун зарур чоралар кўрилмоғи лозим.

ЮСТАС».

Штирлиц профессор тўхтаган «Виржиния» пансионатига борди: профессор бу пансионатга тушганини хатда — «Виржиния» тамакиси жуда қойил экан» деган сўзлар билан билдирган эди. Улар профессор тушган жойи номини айтмоқчи бўлса, албатта тамакига алоқадор гапларни қўшиб ёзиши ҳақида олдиндан келишиб олишган эди. Масалан, у Гранд-отелда тўхтайдиган бўлса, у бундай деб ёзиши керак эди: «Мен сиз сўраган нарсани ҳатто Гранд-отелдан ҳам топа олмадим: бу ерда тамакилар четдан келтирилган-у, «чилим» боли йўқ экан».

Штирлиц «Виржиния»ни осонлик билан топди. Аммо меҳмонхона бўм-бўш эди: ҳамма тоққа жўнаб кетган экан. Чангиде учиш мавсуми тугаш олдида, шу кунларда киши бадани офтобда жуда яхши қораяди ва анча вақт сақланиб туради. Шунинг учун кимдаки имконияти бўлса, тоққа қараб йўл оларди: у ерда ҳамон қорбор эди.

— Мен швециялик профессорга,— кечирасиз, номи ёдимда йўқ,— бир неча китоб топширсам бўладими?— деб сўради у меҳмонхона навбатчисидан.

— Швециялик профессор ҳаммамизга узоқ умр тилаб кетдилар. Узларни деразадан ташлаб қазо қилдилар.

— Қачон?

— Утган куни, эрталаб. Кетаётганида жуда хушчақчақ эди, аммо қайтиб келмади.

— Худо раҳмат қилсан... Менинг олим бир дўстим унга китоб бериб юборган эди... Профессордаги китобларни эса олиб кетишни илтимос қилган эди...

— Полицияга телефон қилиб кўринг... Унинг ҳамма нарсаларини ўша ерга олиб кетишиди. Агар улар орасида сизнинг китобларингиз борлигини исбот қила олсангиз, қайтариб беришади.

— Раҳмат,— деди Штирлиц,— шундай қиласман.

У яширин квартира жойлашган кўчадан ўтди. Деразада огоҳлантирувчи гул турарди. Штирлиц нима бўлганини дарҳол пайқади. «Мен уни қўрқоқлик қилган деб юрибман,— деди ўзига ўзи.— Бечора Плейшнер, софдил ва довюрак одам экансан... Мени кечир, дўстим».

У жуссаси кичкина ва мўмин профессорнинг ўзини деразадан ташлаётганини кўз олдига келтирди. Германиядан омон-эсон қутилиб келиб, энди озодликка эришган жойида, ўз жонини қурбон қилишга аҳд қилган экан, умрининг сўнгги дақиқаларида қанчалик даҳшатларни бошдан кечирганин?.. Уни албатта гестапо қувлаган бўлиши керак. Балки ундан ҳеч қандай маълумот ололмаганликларидан кейин, ўзини-ўзи ўлдиришга мажбур этган бўлишлари ҳам мумкин...

— Марказга,— деди Штирлиц такси шофёрига,— марказдаги бирон жойга олиб боринг. Бир неча кунга машина ижарага олиш иложи бор жойга олиб борсангиз, ундан ҳам яхшироқ бўлади...

Кэт меҳмонхона номерида болалар билан уйқуга кетгач, Штирлиц икки дона кучли кофеин таблеткасини ичиб — шу кунлари у деярли ухламаган эди — пастор Шлаг билан иккинчи марта учрашишга кетди.

Борганидан кейин пастор ундан сўради:

Эрталаб яқинларим ҳақида гап очишга ботина олмадим. Энди гапирмасам бўлмайди: синглимнинг тақдири нима бўлди?

— Унинг дастхати ёдингиздами?

— Албатта.

У пасторга конверт узатди. Шлаг қисқагина хатни ўқиб чиқди: «Қадрдан акажон! Биэга кўрсатган ғамхўрлигингиз учун раҳмат. Ҳозир биз тоғда яшаяпмиз ва бомбардимон ваҳимасидан қутулдик. Биз бир деҳқон ҳонадонида турибмиз, болалар сигирларни боқишида ёрдам беришяпти; қорнимиз тўқ, бехавотир яшаяпмиз. Бошингизга тушган бахтсизликлар тезроқ тугасин деб худодан сўраб қоламан. Синглингиз Анна».

— Қандай бахтсизлик ҳақида ёзган?— деб сўради пастор — Синглингиз шима демоқчи?

— Сизни қамоқдасиз дейишга тўғри келди... Мен синглингиз олдига Штирлиц сифатида эмас, қавмишгиз сифатида борган эдим. Мана уларнинг адреси — уруш тугагач, топиб оласиз. Мана уларнинг фотосуратлари — буни кўрсангиз батамом ишонасиз.

Штирлиц пасторга кичкинагина фотосуратни узатди: у тоғда бир неча кадр сурат олганди, аммо ҳаво булуғ бўлганлиги туфайли расмлар хирадроқ чиққанди. Пастор узоқ вақт суратларни томоша қилиб турди, сўнгра сўради:

— Умуман мен сизга фотосуратларсиз ҳам ишонкардим... Нега бунчалик озиб кетдингиз?

— Худо билади... Бир оз чарчадим... Хўш? Яна қандай янгиликлар бор?

— Янгиликлар бор-у, уларга баҳо бериш қўлимдан келмайди. Ё бутун дунёга ишончни йўқотиш керак, ёки сурбет бўлиб олиш керак. Америкаликлар СС билан музокараларни бошлаб юбордилар. Улар Гиммлерга ишонгандага ўхшайдилар.

— Маълумотлар борми?

— Нима дедингиз?

— Қўлингизда бу ҳақда қандай маълумотлар бор? Уларни кимдан олдингиз? Қўлингида қандай ҳужжатлар бор? Агар ҳужжатларсиз, фақат миш-миш гапларга ишонган бўлсангиз, биз усталик билан тўқилган сохта гаплар қурбони бўлиб қолишимиз мумкин.

— Минг афсуски шундай,— деб жавоб берди пастор,— америкаликларнинг Гиммлер одамлари билан музокаралар олиб бормаётганига ишонишни иетардим. Мен сизга эрталаб берган ҳужжатларни ўқиган бўлсангиз керак... Мана яна биттаси...— Пастор Штирлицга чирой-

ли, думалоқ ҳарфлар билан, сал чап томонга ёнбошлада:
тиб ёзилган бир неча варақ юпқа қофозни узатди.

«Вольф. Салом, жаноблар.

Овозлар. Саломат бўлинг.

Даллес. Ҳамкасларим мен билан бирга шу ерга музокарапарни бошқариш учун келдилар.

Вольф. Музокарапаримиз шунчалик эътиборли вакиллар иштирокида ўтишидан жуда хурсандман.

Геверниц. «Эътиборли вакил» сўзини инглизчага таржима қилиш мураккаб иш...

Вольф- (кулиб). Бу учрашувда жаноби Геверниц таржимон вазифасини ўтаётганлагини аниқлашга мусасар бўлдим...

Даллес. Шуни айтиш керакки, ССнинг олий мансабдаги вакили мухолифлар билан музокарапар бошлаб ҳеч қандай шахсий талаб қўймаётганлиги менда ва менинг дўстларимда яхши таассурот қолдирди.

Вольф. Менинг шахсий талабларим — немисларни тинчликка мусасар этишдир.

Нотаниш овоз. Яшанг. Чинакам солдатнинг жавоби бўлди!

Даллес. Утган давр ичида сизларда нима янгиликлар бўлди?

Вольф. Кессельринг фюрер ставкасига чақирилди. Бу энг кўнгилсиз чигилик.

Даллес. Сизнинг тахминингиз...

Вольф. Фюрер ставкасига фавқулодда чақирилганда яхши оқибатни кутиш қийин.

Даллес. Бизнинг маълумотларимизга қараганда, Кессельрингни Берлинга гарбий фронт қўмондони сифатида янги вазифасига тайинлаш учун чақириланлар.

Вольф. Мен бундан хабардор эдим, аммо бу нарса ҳали амалда тасдиқланганича йўқ.

Даллес/ Тасдиқланади. Яқин кунларда.

Вольф. Унда менга Кессельрингнинг ўрнига тайинланадиган одамни ҳам айтиб берарсиз?

Даллес. Ҳа, унинг ворисини айтиб беришим мумкин. Генерал-полковник Виттинхоф.

Вольф. У одамни танийман.

Даллес. Унинг ҳақида фикрингиз қандай?

Вольф. Ишчан ҳарбий хизматчи.

Даллес. Менимча вермахт генералларининг кўпчилигига шундай характеристика бериш мумкин.

Вольф. Ҳатто Бек ва Роммельга ҳам-а?

Даллес. Улар Германиянинг ҳақиқий ватанпарварлари эдилар.

Вольф. Ҳар қолда, генерал Виттинхоф билан бевосита ва ишончли алоқада бўлган эмасман.

Даллес. Кессельринг-чи?

Вольф. Герингнинг люфтваффедаги ўринбосари сифатида фельдмаршал Виттинхоф лавозимидағи ҳамма ҳарбий бошлиқлар билан бевосита алоқада бўлган.

Даллес. Кессельринг ёнига бориб, уни ғарбий фронтда таслим бўлишга рози қилсангиз, деган бизнинг таклифимизга нима дейсиз? Албатта, Италияда ҳам бир вақтнинг ўзида таслим бўлиш учун Виттинхоф розилигини олгандан кейингина бу иш бажарилиши лозим.

Вольф. Бу foятда қалтис қадам.

Даллес. Ҳаммамиз ҳам қалтис қадам қўймоқдамиз-ку?

Нотаниш овоз. Ҳар қолда, сизнинг ғарбий фронтда Кессельринг билан учрашишингиз бир нарсани аниқлашга: у ерда, Ғарбда Кессельринг таслим бўлишга розими, иўқми, шуни аниқлаш имконини берарди...

Вольф. У Италияда бунга рози бўлган экан, Страсбургда ҳам ўз фикридан қайтмас, деб ўйлайман.

Даллес. Сиз қачон ғарбий фронтга бориб, у билан учраша оласиз?

Вольф. Мени Берлинга Кальтенброннер чақирган эди, аммо сиз билан учрашишга келишганлигим сабабли мен боришни кейинга сурдим...

Даллес. Демак, Италияга қайтишингиз билан Берлинга учиб кетишингиз мумкин экан-да?

Вольф. Ҳа. Умуман мумкин. Аммо...

Даллес. Мен сизни тушундим. Ҳақиқатан ҳам сизнинг бизлардан кўпроқ қалтис қадам қўяётганингизга ишондим. Лекин бу вазиятда шундан бошқа илож қолмайди.

Нотаниш овоз. Илож бор.

Геверниц. Сиз — музокаралар ташаббускорисиз ва албатта, Берлинда сизни маълум даражада қўллаб-қувватлайдиган одамлар бўлса керак. Шу туфайли Кессельринг ҳузурига боришингиз учун имкон ҳам, баҳона ҳам топа оларсиз.

Даллес. Агар сизни аввало Германиянинг тақдигч. қизиқтирав экан, айни вақтда унинг тақдири — маълум даражада — сизнинг қўлингизда.

Вольф. Албатта, шу туфайли ўз бурчимга бефарқ қарай олмайман.

Даллес. Фарбий фронтга, Кессельринг ҳузурига борасиз, деб ҳисобласак бўладими?

Вольф. Ҳа, бўлади.

Даллес. Кессельрингни таслим бўлишга кўндира ола-ман, деб ўйлайсизми?

Вольф. Ишончим комил.

Даллес. Бинобарин, генерал Виттинхоф ҳам ундан ўрнак олармикан?

Вольф. Мен Италияга қайтай-чи.

Геверниц. Агар Виттинхоф иккilonадиган бўлса, сиз бу ердаги воқеаларга ўз таъсирингизни ўтказа оласизми?

Вольф. Албатта. Табиийки, агар зарурат туғилса, сизлар шу ерда ёки Италияда генерал Виттинхоф билан учрашишингиз лозим бўлади.

Даллес. Агар шундай учрашувни сиз мақсадга мувофиқ деб ҳисоблассангиз, биз Виттинхоф билан алоқа ўрнатишга тайёрмиз. Кессельринг ҳузуридан қачон қайтишингиз мумкин?

Вольф. Агар ҳамма иш жойида бўлса, бир ҳафтадан сўнг қайтаман ҳамда сизлар билан Виттинхофга ғарбда рейх қўшинларининг таслим бўлиш муддатини аниқлаб келаман. Худди шу муддатда Италиядаги бизнинг группамиз ҳам таслим бўлади.

Геверниц. Сиздаги концлагерларда қанча маҳбуслар газоб чекмоқда?

Вольф. Рейхнинг Италиядаги концлагерларида бир неча минг киши бор.

Даллес. Яқин келажакда уларнинг тақдири нима бўлади?

Вольф. Уларни йўқ қилиш ҳақида буйруқ олинди.

Геверниц. Бу буйруқ сиз йўқ пайтингизда ҳам бажарилиши мумкинми?

Вольф. Ҳа, мумкин.

Даллес. Бу буйруқни амалга оширмаслик мақсадида бирон-бир тадбир кўриш мумкинми?

Вольф. Менинг ўрнимда полковник Доненин қолади. Ўзимга қанчалик ишонсан, унга ҳам шунчалик ишона-

ман. Жентельмен сўзи — бу буйруқ амалга оширилмайди.

Геверниц. Жаноблар, айвонга ўтайлнк, дастурхон тайёр бўлибди. Суҳбатни ўша ерда давом эттирганимиз маъқулроқ, бу ер дим экан...»

Шу кечаси Кэт болалари билан Парижга жўнаб кетаётган эди. У Штирлицнинг шифровкасини олиб кетмоқда. Вокзалда ҳеч ким йўқ, тип-тинч. Кэт Штирлиц билан меҳмонхонада хайрлашди, гестапо кўзинга тушмаслик учун уни кузатиш имкони бўлмади. Кэт бўм-бўш перронга иазар ташлади. Ёмғир қўймоқда. Чарчагандек дам-бадам паровоз уф тортиб туради. Нам асфальтда чироқлар шуъласи илон изн бўлиб акс этарди. Улар ажойиб ҳинд чироқларини заслатарди. Кэт тўхтамай йиғларди, чунки ҳозир даҳшатли, танглик кунлари ўтиб кетгач, Эрвин кўз ўнгидан шари кетмасди. Кэт унн доим бир жойда — уйнинг бир бурчагида радиолаларни тузашиб ўтирганини тасаввур қиларди. Эрвин Москва билан радио алоқаси йўқ кунларда, бу иш билан жуда қизиқиб шуғулланарди...

Штирлиц чидаб тура олмай вокзалга етиб келди. У Кэт ўтирган поезднинг, узоқдан бўлса ҳам, жўнаб кетишини кўрмоқчи бўлди. Поезд Кэтни болалари билан хавфсиз яшами мумкин бўлган ажойиб мамлакатга — Францияга олиб кетади. Эндиликда балки Штирлицнинг ўзининг ҳам ўша мамлакатга кетиши мумкин бўлиб қолар.

Штирлиц вокзалдаги кичкинагина қаҳвахонага кириб, катта дераза ёнига ўтирди, бу ердан бутун состав кўзга ташланиб туради.

— Месъе,— деб ёнига табассум билан семиз официантка келди.

— Марҳамат, қаймоқ билан бир чашка қаҳва беринг.

— Сугли қаҳвами?

— Йўқ, қора қаҳва маъқулроқ.

Официантка унга кўпиртирилган қаймоқ билан қаҳва олиб келди.

— Биласизми,— деди Штирлиц ва ўзини айбдор ҳис этиб кулиб қўйди,— кўпиртирилган қаймоқ емайман. Ёшлигимдан емайман. Оддий қаймоқ, ярим стакан оддий қаймоқ сўрайман.

— Кечирасиз, месъе,— деди официантка ва овкатлар тарифини варақлаб, деди:— Бизда саккиз хил қаймоқ бор, кўпиртирилган, мураббо солинган, пишлоқ солинган қаймоқлар бор, оддийси йўқ. Кечирасиз мени. Мен ошпаз ёнига бориб, сиз учун сўраб кўрай-чи... Бизда оддий қаймоқнинг ўзини ейишмайди, лекин чорасини топармиз...

«Ана холос, оддий қаймоқ ейишмас эмиш,— ўйларди Штирлиц.— Бизда эса одамлар иш ушоғига зор. «Бизда»— деганимда Россияни ҳам, Германияни ҳам на зарда тутган бўлсам керак. У мамлакатда ҳам, бу мамлакатда ҳам одамлар бир хилда оч яшамоқдалар. Бу ер эса бетараф мамлакат: саккиз хил қаймоқ бор эмиш, яхшиси кўпиртирилган қаймоқ эмиш. Бетараф бўлиш ҳам маза экан-да. Иисонга ҳам маза, давлатга ҳам маза... Аммо йиллар ўтгач, бетараф бўлиб ва кўпиртирилган қаймоқни тамадди қилиб юрган йиллар ўтгач, асосий нарсалар ёнингдан ўтиб кетганлигини сезмай қоласан. Йўқ, доим бетараф бўлчб юриш ҳам даҳшат. Бетараф мамлакат эмиш. Агар биэ Гитлерни Сталинград остида майиб қилмаганимизда, у Швейцарияни аллақачон босиб олган бўларди — ана унда бетарафликни ҳам, кўнгиргирилган қаймоқни ҳам топиб кўрсинлар эди.

— Месъе, мана оддий қаймоқ. У бир оз қимматроқ бўлади, чунки тарифимида йўқ.

Штирлиц бирданига кулиб юборди.

— Яхши,— деди у.— Бунинг аҳамияти йўқ. Раҳмат сизга.

Поезд аста-секин қўзғалди. У ҳамма вагонларнинг деразаларини кузатди, аммо Қэт кўринимасди: чақалоқлари билан бирга купега сичқондек бекиниб олиб, ўз яқинлари билан дийдор кўришишини кутиб ўтирган бўлса керак-да...

У жўнаб кетаётган составни кўзлари билан кузатиб қўйғач, ўрнидан турди. Қаҳвани иҷди, аммо қаймоқнинг таъмини ҳам татиб кўрмади.

Молотов Буюк Британия элчиси сэр Арчибалд Кэррни кечқурун соат саккизга Кремлга чақирди. Ӯ Кэррнинг тажрибали, эски разведкачи эканлигини билиб, одатда ортиқча тавозе ишлатадиган АҚШ элчиси Гарриманинни чақириб ўтирмади, чунки Гарриманининг бу одати халқ комиссарига ёқмасди.

Молотов «Казбек» папиросининг қоғоз муштугини уч жойидан эзиб, чека бошлади: гарчи у худди Сталин сингари тутунини ичига қаттиқ тортмаса ҳамки, ашаддий кашанда ҳисобланарди.

У Қэрр олдида ўзини атайлаб сипо тутди, фақат пенснеси ойначалари орқасидаги ўткир қора кўзлари жаҳл ва сергаклик билан чақнаб турарди.

Суҳбат узоқ давом этмади. Қэрр халқ комиссарининг таржимони Павлов томонидан узатилган нотани кўздан кечириб, унинг мазмунини Ҳазрати Олийлари ҳукуматига дарҳол етказажагини айтди.

«Сизнинг Бернданги немис генерали Вольф билан фельдмаршал Александер штабининг офицерлари ўргасида олиб борилаётган музокаралар юзасидан хатингизни олганлигимиэни билдириш билан бирга, шу нарсадан огоҳлантиришини лозим кўрдикки, Совет ҳукумати бу ишин тушунмовчилик эмас, балки ундан ҳам баттарроқ бир нарса деб ҳисоблайди.

Германия генерали Вольф ва унинг ҳамроҳлари Шимолий Италиядаги немис қўшинларининг таслим бўлиши тўғрисида инглиз-америка қўмондонлиги вакиллари билан музокаралар олиб бориш учун келганлар. Совет ҳукумати бу музокараларда совет ҳарбий қўмондонлиги вакилларининг иштирок этиши зарурлиги ҳақида баёнот берганда, Совет ҳукумати бунга рад жавоби олди.

Шундай қилиб, Германияга қарши урушининг асосий оғирлигини ўз зижмасига олган Совет Иттифоқидан яширинча ҳолда Бернда икки ҳафта давомида, бир томондан герман ҳарбий қўмондонлиги, иккинчи томондан инглиз америка қўмондонлиги вакиллари ўртасида музокаралар олиб борилмоқда. Совет ҳукумати буни йўл қўйиб бўлмайдиган бир ҳол деб ҳисоблайди.

B. МОЛОТОВ».

Штирлицнинг Вольф ва Даллес ўртасидаги музокараларининг мазмуни тўғрисидаги хабарини эшишиб Борман хурсанд бўлиб кетди. У шунчалик хурсанд бўлганига ўзи ҳайрон қолди: инглизлар Берлинни бомбардимон қиласарди, Франкфурт остоналаридан рус тўпларининг

гумбур-гумбури эшитилиб туради, рейхда ҳамма нарса вайрон бўлмоқда, у эса худди ўч олаётган кишидек қувонарди. Унинг таҳлил этувчи ақли, унинг қувончи бошқаларни кўра олмайдиган кампирлар қувончига ўхшалигини фаҳмлади.

«Мен ўзим ҳақимда, аччиқ бўлса ҳам ҳақиқатни билб олганим яхши,— деб ўйларди у,— ана шунда ўзими мудофаа этишим ва бошқаларга ҳамла қилишим осонроқ бўлади— рақибниң заиф жойини билиб турасан киши».

Борман психотерапияга ишонарди. Ў ҳеч вақт дори ичмасди. У қип-яланғоч бўлиб олиб, ўзини каракт ҳолига келтирасди ва бутун иродасини организмнинг оғриқ жойнга қаратарди. У фуникуляр ангинани бир кунда даволарди, шамоллашни оёқда ўтказарди; у рашк қилишдан қутула олар, ғам босиш ҳолатларини босиб қўярди. Борманнинг ёшлиқ чоридан кўнгил ғашлик касалига дучор эканлигини ҳеч ким билмасди. У ана шундай арзимас нарсаларга хурсанд бўлиб кетган пайтларида ҳам ўзини босиб оларди.

У телефон трубкасини кўтариб, Гиммлерга қўнғироқ қилмоқчи ҳам бўлди, аммо ўзидағи бу иштиёқни ҳам босиб қўйди. Рейхсфюрернинг бу янгиликни эшитгач, қанчалик саросимага тусишини тасаввур қилди.

«Саросимага тушгач,— деди Борман ўзига ўзи,— у йўл излаб Шелленбергга мурожаат қилади. Бу абраҳ интеллигентнинг эса нималарни ўйлаб топишини худо билади...»

— Бу Борман,— деди рейхслейтер трубканни кўтариб,— салом, Кальтенброннер. Кечикмай дарҳол ҳузуримга келишингизни сўрардим.

«Шундай қилиш керак,— ўйини давом эттириди Борман,— эҳтиёткорлик билан Кальтенброннер орқали иш кўрмоқ зарур. Бунинг устига Кальтенброннерга ҳам ҳамма гапларни очмайман. Мен фақат Вольфни қайтатдан Берлинга чақиришни илтимос қиласман, Кальтенброннерга эса мендаги маълумотларга қараганда Вольфрейхсфюрер ишинга хонилек қилаётганга ўхшайди, дейман. Мен дўстим Гиммлерни бекорга безовта қилмаслик учун унга ҳозирча ҳеч нима демасликини сўрайман. Лекин Вольфни қамоқقا олиб, бор гапни айтишга мажбур қиласан, деб буюраман. Улар бу соҳада бегоналар билан ишлашга уста бўлиб кетганлар, қани, энди ўз одам-

ларига ишлов беришини бир ўрганиб қўйсиллар-чи! Вольф айтган гаплар протоколга ёзилиб, шахсан Кальтенбруннер томонидан менинг столимга қўйнлгандан кейин менинг уларни фюрерга кўрсатаман, ана унда Гиммлеринг умри тугади, деяверинг. Шундай қилиб, Гитлер ёнида якка ўзим қоламан, Геббелльс — манжалақи одам, уни ҳисобга олмаса ҳам бўлади, бунинг устига мен билган нарсаларнинг учқунини ҳам билмайди у. Унда ғоя қўп-у, пул йўқ. Менда эса уларнинг ғояси билан партиянилг пули қолади. Мен улар қилган хатони қайтармайман — ғолиб чиқаман, албатта, Ғалаба қачон келишининг ҳам унчалик аҳамияти йўқ: курашишнинг ўзи баҳт, кураш эса оқибат натижада ғалабага олиб келади».

Фюрер ҳузуринда кўп йиллар хизмат қылган аппаратдаги ҳар бир ходим сингари Борман ҳам ўз мулоҳазаларида — мулоҳазалари умуман олганда жуда аниқ бўларди — фақат битта хатога йўл қўярди; у ҳамма нарса қўлимдан келади, нимани истасам шуни қила оламан, истаган масалани рақиблардан кўпроқ тушунаман, деб ўйларди. Узинин национал-социалистик ҳаракатнинг мафкуравий ташкилотчиси деб ҳисоблаган Борман майдачўйда десталларни ва хусусий нарсаларни — хуллас «мухтакассис» учун зарур ҳамма нарсаларни менсимасди.

Рибентроп ҳам, Геринг ҳам, Гиммлер ҳам Бормандан қўрқардилар ва обрўсими жойига қўйиб юришга мажбур әдилар. Аммо ташқи ишлар министрлиги, авиация министрлиги ёки контрразведкадаги майда амалдорлар партия раҳбарининг кўрсатмалари устидан кулиб қорардилар. Чунки ўз аппаратларидаги ишларни ишидан-игнасигача биладиган, дипломатия ҳамда разведка, саноат ҳамда армия соҳаларидаги бутун операцияларни тайёрлайдиган кишилар ана шулар эди. Борман кабин юзаки фикр қилиб ютувчи раҳбарларга нисбатан буларда яширинча норозилик туғиларди ва бу норозилик бора-бора ҳатто нафрлатанишгача олиб келарди.

Борман ана шу юзакилиги туфайли муваффақиятсизликка учради. Табиийки, Кальтенбруннер Гиммлерга ҳеч нима демади — рейхслейтернинг кўрсатмаси шундай эди. У Италиядан Карл Вольфни дарҳол чақиришини қайта буюрди. РХСАнинг улкан аппаратида ҳамма нарса иккита катта рақибининг — Мюллер ва Шелленбергнинг назорати остида бўларди. Кальтенбруннер ставкасидаги Шелленберг одамлари томонидан сотиб олинган радиост

Италияга: «Вольфнинг Берлинга учиб бориши кузатиб турилсин» деган мазмундаги бутунлай маҳфий телеграмма юборилганлигини билдириди. Шелленберг дарҳол бунинг олдини олиш зарурлигини тушунди. Бошқа томонларини аниқлаш осон иш — Вольфнинг Берлинга қачои учиб келиш вақтини аниқлаш разведкага ҳеч гап эмас эди. Темпельхоф аэроромидада уни иккита машина кутиб турарди: бирини эшиклари зирҳли қамоқ машинаси бўлиб, унда гестапо ер ости турмаси посбонларидан уч калласекесар ўтиради, иккнчни машинада СС бригаденфюрери, рейх сиёсий разведкасининг бошлиғи Вальтер Шелленберг ўтиради. Самолёт томони қора кийнмада, кўришишдан қамоқхона ходимлари экалиги билишиб турган учта одам ва келишган, знёлинамо, бу учрашув учун атайлаб ян-янги генерал формасини кийиб олган Шелленберг йўл олдилар. «Дорнье» эшикчаси олдинга зинаноя ғилдиратиб келинди ва Вольфнинг қўлини кишаи ўрнига Шелленбергнинг кучли бармоқлари қисди.

Соқчилар Вольфни қамоққа олишга журъат эта олмадилар: улар фақат Шелленбергнинг машинаси қаерга боришини кузатишга журъат қиздилар. СС бригаденфюрери СС обергруппенфюрери Вольфни Гиммлерниң фюрер ҳузуридаги шахсий вакили генерал Фегеляйн уйига олиб борди. Гиммлернинг у ерда бўлишидан ҳам кўрқмасди Борман. Уни бошқа нарса тўхтатиб қолди: Фегеляйн Ева Браунниң синглисига уйланган эди ва шу тариқа у Гитлернинг бевосита қариндоши бўлиб қолганди. Фюрер бир куни чой устида уни ҳатто «ажойиб божам» дёб ҳам атаган эди.

Гиммлер радиони баландлатиб қўйиб, Вольфга қараб бақирди:

— Операцияни барбод қилиб, менинг хавф остига қўйганингизни тушунасизми?! Сизнинг музокара олиб бораётганлигингизни Борман билан Кальтенбруннекер қаердан билишди? Қандай қилиб абллаҳ Мюллернинг исковичлари ҳамма нарсани пайқаб олди?

Шелленберг Гиммлернинг жаҳлдан тушишини кутиб турди, кейин шошилмай ва астагина деди:

— Рейхсфюрер, бу ишнинг майда-чўйда жиҳатларини мен тайёрлашим керақлиги ёдингида бўлса керак? Олдини олиш операцияси равон кетяпти. Мен Вольф учун

режа тайёрлаб қўйдим: У Бернда ростакам сепарат сулҳи ўлларини қидириб юрган фитначилар ичига атайни кириб олган бўлади. Майдо-чўйда деталларни шу ерда муҳокама қилиб оламиз. Худди шу ернинг ўзида Вольф сизнинг номинингизга мен айтиб турадиган рапортни ёзиб, унда биз, яъни СС разведкаси америкаликлар билан музокараларни қандай фош этганимизни баён қилиб беради.

Шелленберг Вольфни авиация ҳалокатига дучор қилиши мумкин эди. Аммо Кальтенброннер қўлида қандай маълумотлар борлигини билиб олгууга қадар бундай қилиш мақсадга мувофиқ эмас эди. Ҳар ҳолда, Кальтенброннернинг қўлида фақат умумий маълумотларгина бўлса керак, акс ҳолда у Вольфни Италиянинг ўзида қамоққа олган бўлар эди. Агар ҳалокатга йўл қўйилгудек бўлса, Борман Кальтенброннердан умумий бўлса ҳам, лекин Гиммлерни обруғизлантирувчи маълум бир далилларин олиб, мақтаниб юриш имкониятига эга бўларди.

Штирлицнинг пастор Шлаг Бернда ғарбий иттифоқчилар билан музокара олиб бораётганлиги тўғрисидаги хабарлар, шунингдек, бу музокараларга Штирлиц ўйлаб топган сохта фамилиялар қўшиш ҳийласи Шелленбергга фюрерни фитна билан қўрқитиш имконини берди.

Гиммлер ва Шелленбергнинг Вольф билан бирга фюрер ҳузуридан чиқиб келганларини кўриб, Борман бу ишда мағлубиятга учраганлигини пайқади. У Вольфнинг қўлини сиқиб, «жасорат ва садоқати учун чин кўнгилдан ташаккур» билдирап экан, миясида бошқа нарсаларни ўйларди: Бернда фюрерни сотган ана шу ранги йўқ абллаҳ билан Штирлицни чақириб юзма-юз қилсанмикан. Борман устидан қозонган ғалабасидан мамнун бўлган Гиммлер ўз шериклари билан бирга чиқиб кетгандан кейин ҳам рейхслайтер бу ҳақда кўп вақт ўйлаб ўтириди.

У муайян бир қарорга келолмади. Ана шунда у Мюллерни эслаб, унинг қиёфасини кўз олдига келтирди.

«Ҳа,— қатъий қарорга келди у,— мен шу кишини чақиришим керак. Чала-чулпа тадбирларга ишониб бўлмайди. Ё у ёқлик, ё бу ёқлик бўлиши керак. Менга Штирлицдан ташқари, ана шу хилдаги одам ҳам керак. Бевосита раҳбарлик вазифасида ишловчи одам керак. Бўлмаса Гиммлерни ағдариб бўлмайди. Мюллер билан

■ ҳамма имкониятларни муҳокама қилиб оламан; Штирлиц ҳақида ҳам фикрини билиб оламан. Менинг қўлимда бари бир Штирлиц берган далиллар бор. Вольф партия судинга берилганда булар баён қилинади.»

— Бу Борман,— деди у бўғиқ овоз билан телефончи қизга.— Менга Мюллерни чақириб беринг.

ЧЕРЧИЛЛЬ ЖАНОБЛАРИНИНГ МАРШАЛ И. В. СТАЛИНГА ШАХСАН ВА ҚАТЪИЯН МАХФИЙ МАКТУБИ

1. Шимолий Италиядаги Кессельринг армиясининг таслим бўлиши мумкинлиги масаласи юзасидан фельдмаршал Александр ставкасидаги битта британ ва битта америка офицери билан Вольф исмли герман генерали ўртасида Швейцарияда ўрнатилган алоқа тўғрисида ўзаро ёзишмаларингизни президент жаюблари менга юборган эди. Шунинг учун Ҳазрати Олийлари ҳукуматининг хатти-ҳаракатларига таалуқли фактларнинг аниқ баёнини Сизга юборишни лозим топдим. Биз мазкур алоқа ўрнатилганлиги ҳақида хабар олишимиз билан, кечиктиромай, 12 марта Совет ҳукуматини хабардор қилиб қўйдик, бунда биз ҳам, Қўшма Штатлар ҳукумати ҳам соғдиллик билан бўлган воқеаларнинг ҳаммасини айтиб бердик. Турли муносабатлар билан эслатиб ўтилган ёки гапирилган ана шу Швейцариядаги иш фақат биргина мақсадда — Германия эмиссари ваколатини текшириш ҳамда фельдмаршал Александр ставкасида ёки Шимолий Италиядаги қулай бўлган пунктда у билан Кессельринг вакили ўртасида учрашув ташкил қилишга уриниб кўриш мақсадидагина қилинган эди. Швейцарияда ҳеч қандай музокаралар, ҳатто Кессельринг армиясининг ҳарбий таслими ҳақида ҳам музокаралар бўлган эмас. Устига устак, шармандали характерга эга деб таҳмин қилинган бизнинг ниятимизда Сизнинг президент комига юборган телеграммангизда айтилган қандайдир ҳарбий-сиёсий келишув ҳеч қачон бўлган эмас.

2. Биз Италияда уюштиromoқчи бўлган учрашувга Сизнинг вакилларингиз дарҳол таклиф этилди. Агар бу учрашув амалга ошган ва Сизнинг вакилларнинг келган тақдирда, бу ерда айтилган ҳар бир гапни тинглаган бўлар эдилар.

3. Биз фельдмаршал Аленсандер Италиядаги ўз фронтида 25 дивизиядан иборат герман армиясини гаслим ятишга ҳамда таслим бўлиш шартлари юзасидан музокаралар олиб бориш ваколатига эга Германия эмиссарлари билан таслим бўлиш масалаларини муҳокама қилиш учун тўла ҳуқуқка эга деб ҳисоблаймиз. Шунга қарамай, фельдмаршал ставкасида ана шундай бошдан оёқ ҳарбий музокаралар бўлган тақдирда Сизнинг вакилларингизни ҳам таклиф қилишни кўзда тутган эдик. Бироқ амалда ҳамма алоқалардан ҳеч қандай натижачиқмади. Бизинг офицерларимиз Италиядаги Кессельрииг эмиссарлари билан учрашувни амалга ошириш юзасидан натижага эриша олмай, Швейцариядан қуруқ қайтиб келдилар. Бу воқеаларнинг ҳаммасидан Совет ҳукумати қадамма-қадам фельдмаршал Александер ёки сэр А. Кларк Кэрр, шунингдек, Қўшма Штатларнинг тегишли каналлари орқали хабардор қилиб турилди. Қайтариб айтаманки, Швейцарияда расмий ёки норасмий суратда ҳеч қандай музокараларни бошлаган эмасмиз ва олиб бормаяпмиз.

4. Аммо шуни айтниш керакки, герман генерали Вольфнинг музокаралар тўғрисидаги илтимоси душманнинг иттифоқчилар ўртасида ишончсизлик туғдириш мақсадида қилинган уринишлардан бири бўлиши ҳам мумкин. Фельдмаршал Александер 11 марта юборган телеграммасида буни алоҳида таъкидлаб ўтди. У бундай деб ёзган эди: «Иккала раҳбар шахс СС ва Гиммлер одамлари эканлигига эътибор беринингизни сўрайманки, бу нарса менда катта шубҳа туғдирмоқда». Шу телеграмманинг бир нусхаси Совет ҳукуматига топшириш учун 13 марта Буюк Британиянинг Москвадаги элчихонасига юборилган эди. Агар немисларнинг нияти ўртамиизда ишончсизлик туғдириш бўлса, улар бунга вақтинча эриша оладилар, деса бўлади.

5. Сэр А. Кларк Кэррга Иден жаноблари томонидан ушбу аҳволни Молотов жанобларига баёни қилиш топширилган эди. Молотов жаноблари номидан унга берилган жавобда: «Совет ҳукумати бу ишни тушунмовчилик эмас, балки ундан ҳам баттарроқ бир нарса деб ҳисоблайди» — деган ибора бор. Уша жавобда, шунингдек, «Германияга қашни урушнинг асосий оғирлигини ўз зиммасига олган Совет Иттифоқидан яширинча ҳолда Бернда икки ҳафта давомида, бир томонда герман ҳарбий

қўмондонлиги, иккичи томондан инглиз-америка қўмондонлиги вакиллари ўртасида музокаралар олиб борилаётганлигидан норозилик билдирилган. Инглиз-рус мунисабатлари манфаатини кўзлаб, ҳазрати Олийлари ҳукумати ана шу ўта ҳақоратли ва асоссиз айловга жавоб қайтармасликка ҳамда уни ишкор этишга қарор қили. Сизнинг президентга юборган мактубингизда «инглизлар лом-мим демаяптилар» деган гапингизининг сабаби ҳам ана шунда. Биз Молотов жаноблари томонидан юборилган ана шундай мактубга бутунлай жавоб бермасликни маъқул деб топдик. Аммо ишонтириб айтамиэки, ана шу мактуб бизни ҳайратда қолдириди ва Молотов жаноблари томонидан ноҳақ ҳақорат этилди. Лекин бу нарса бизнинг фельдмаршал Александрга қилинаётган ишлар юзасидан Сизларни тўла хабардор этиб туришин давом эттириш ҳақидаги кўрсатмамизга заррача таъсир этмади.

6. Сиз президентга баён қилганингиздек, бу ишнииг ташаббусчилари бутунлай инглизлар эканлиги ҳам иотўғри. Ҳақиқатда эса герман генерали Вольфнинг Швейцарияда алоқа ўрнатмоқчи эканлиги ҳақидаги хабар фельдмаршал Александрга муайян бир Америка органи томонидан берилган эдii.

7. Беридаги ёки бошқа жойдаги алоқа билан ғарбий фронтда герман қўшиналарининг бутунлай мағлубиятга учраши ўртасида ҳеч қандай алоқа йўқ. Ҳақиқатан улар жуда қаттиқ жанг қилдилар ҳамда бизга февраль ҳужумнизидан бошлаб 28 марта гача анча шикаст етказдиларки, ўлган ва ярадор бўлганлар 87 минг кишидан ошнб кетди. Аммо қуруқликда ўзларига нисбатан кўпроқ куч тўплланганлиги ва беқиёс дараҷада кўпроқ инглиз-америка ҳарбий-ҳаво кучлари томонидан эзib ташланганликлари (улар фақат март ойининг ўзида Германияга 200 минг тоннадан ортиқ бомба ташладилар) жабабли Ғарбдаги герман армиялари том-мор этилдилар. Ғарбда немисларга нисбатан кўпроқ куч қарши турганлигининг сабаби Совет армияларининг ажойиб зарбалари ва қудратидадир.

8. Сизнинг президентга юборган мактубингизда Ҳазрати Олийлари ҳукуматини ҳам қўраловчи айблар қўйилганки, мен ва сафдошларни бунга жавоб бериш максадида президент томонидан берилган жавобнинг «ўнгги иборасига қўшиламиз».

ПРЕМЬЕР И. В. СТАЛИНДАН ПРЕЗИДЕНТ РУЗ-ВЕЛЬТ ЖАНОБЛАРИГА

1. Менинг мактубимда... гап софдиллик ва ишонч ҳақида бормайди. Мен ҳеч вақт Сизнинг софдиллигингиз ва ишончлилигингизга шубҳа қилган эмасман, шунингдек, Черчилль жанобларининг софдиллиги ва ишончлилигига ҳам шубҳа қилган эмасман. Мактубимда гап ёзишув жараёнида иттифоқдош мамлакат бошқа иттифоқдош мамлакатга нисбатан нималар қилиши мумкин ва нималар қилмаслиги лозим деган масала юзасидан қарашларимизда фарқ пайдо бўлиб қолганилиги ҳақида боради. Биз, руслар, фронтлардаги ҳозирги вазиятда, душманнинг таслим бўлиши муқаррар бўлиб қолган бир пайтда иттифоқчиларнинг биронтаси таслим масаласи бўйича немислар билан қандай бўлмасин учрашув ташкил қиласа, бу учрашувда бошқа иттифоқчилар вакилларининг ҳам қатнашуви таъминланмоғи лозим, деб ҳисоблаймиз. Ҳар ҳолда иттифоқчи ана шу учрашувда иштирок этишга интилса, бу нарса сўзсиз зарурдир. Америкаликлар билан инглизлар эса русларнинг нуқтаи назарини нотўғри ҳисоблаб, бу ҳақда бошқача Фикрдалар. Шу фикрдан келиб чиқиб, улар русларнинг Швейцариядаги учрашувга бўлган ҳуқуқларини инкор қилдилар. Руслар ана шундай вазиятда америкаликлар ва инглизларнинг шу каби учрашувларда иштирок этиш ҳуқуқларини инкор этмаган бўлур эдилар. Бу ҳақда Сизга ёзган эдим ва яна қайтарсан ортиқчалик қилмас деб ўйлайман. Мен руслар нуқтаи назарини бирдан-бир тўғри нуқтаи назар деб ҳисоблайман, чунки у ҳар қандай ўзаро шубҳаларни истисно қиласи ва душманга орамизда ишончсиэлик уруфини сочиш имконини бермайди.

2. Фарбий фронтда немислар тор-мор қилинганликлари учун қаршилик кўрсатмаётирлар, деган гапларга ишониш қийин. Немислар шарқий фронтда 147 дивизияга эга. Улар ўзларининг ишларига ҳеч қандай путур етказмай шарқий фронтдан 15—20 дивизияни олиб, фарбий фронтдаги ўз қўшинларига ёрдамга ташлашлари мумкин эди. Аммо, немислар бундай қилмадилар ва қилмаётирлар. Улар Чехословакиядаги аллақандай кин-кинагина Земляница станцияси учун русларга қарши жон-жаҳдлари билан жанг қиляптилар-у (мурдага дори-дармон қанчалик зарур бўлса, немисларга ҳам бу

стания шунчалик зарур бўлса керак), Германиянинг марказидаги Оснабрюк, Мангейм, Кассель каби шаҳарларни ҳеч қандай қаршилик кўрсатмай ташлаб чиқяптилар. Немисларнинг ана шундай хатти-ҳаракатлари жуда ғалати ва тушуниб бўлмаслигига Сиз ҳам қўшиларсиз деб ўйлайман.

3. Мени хабардор қилган одамларга келганда, Сизни ишонтириб айтишим мумкинки, улар жуда софдил ва камтар одамлар бўлиб, ўз вазифаларини инсоф билан адо этадилар ҳамда бирорни ҳақорат қилиш хаёлларига ҳам келмайди. Улар амалда бир неча марта синовдан ўтказилган кишилардир...»

Штирлиц Шелленбергдан рейхга қайтиб келиш тўғрисида буйруқ олди: Бернда «Шлаг каби сотқинларнинг хоинона музокарасини» барбод қилиш юзасидан қандай иш олиб борганлиги ҳақида фюрерга унинг шахсан ўзи ахборот бериши зарур бўлиб қолибди.

Штирлиц Берлинга жўнаб кета олмасди, чунки у кун сайин Марказдан алоқачи келишини кутарди: ишончли алоқа бўлмаса, ишни давом эттириш мумкин эмасди. У совет газеталарини ўқиб ҳайрон қоларди: уйдагиларнинг ҳаммаси Германияни енгиб бўлдик, рейхнинг бир-икки кунлик умри қолди, энди кутилмаган нарсалар юз берип мумкин эмас, деган фикрда эди.

У эса, айниқса ҳозирги вазиятда Farb билан музокаралар сирини, Германия армияси ва саноатининг потенциал кучини ҳаммадан ҳам яхши билганлиги учун борган сари кўпроқ тасодифий воқеалар юз берниб қолишдан қўрқар эди. У Қэт орқали юборган шифровкалари Марказга, Давлат Мудофаа Комитетига етиб борганини ҳали билмасди.

Мабодо Гиммлер музокараларни у бузганини, Борман эса унинг икки томонга хизмат қилганини, ёки ҳаммалари бир йўла у қилган ишларнинг мингдан бирини билиб қолгудек бўлнишса, уни омон қўйишмайди...

У Берлинга қайтса бўйини сиртмоққа тўғрилаб қўйишини ҳам тушунарди. Ёкорга ўлиб кетиш учун у ёққа бир ўзининг қайтиши — бемаънилик бўларди. Штирлиц ҳаётини четдан туриб, бошқа одамдай кузатишга ва мулоҳаза юритишга ўрганган эди. Москва билан дарҳол алоқа боғлаб туриш имкони бўлса — ҳозир энг зарур

нарса Москва билан мустаҳкам ва фавқулодда алоқа боғлашдан иборат эди — Берлинга, қайтишнинг маъноси бўларди. Акс ҳолда, ишни тугатаверса ҳам бўлади: у ўз вазифасини бажариб бўлди. Унинг бажарган ишидан кўнгли тўлган эди. У ўлар даражада чарчаган, аммо бу нарса ҳозир унчалик муҳим эмас. Бажарган ишидан ўзи мамнун. Шуниси катта гап.

Илтари келишиб олганиларига биноан улар тунги барда учрашдилар. Университетнинг математика факультетига ўқишга кириб олган қандайдир суюқ бир қизча Штирлицга ёпишиб олиб, олдидан кетмасди. Тўладан келган, семиз ва чиройли бу қиз маст эди. У Штирлицнинг қулогига пичирларди ҳадеб: «Биз математикларни қуруқ одамлар деб ҳисоблашади! Ёлғон гап! Биз севгида ҳам ихтирочимиз! Севги соҳасида мен Эйнштейнман! Мен ҳам инсбийман, ҳам нонисбийман! Мен сени истайман, оқ сочли йигит!»

Штирлиц бу қиздан ҳеч қутула олмади: у тамаки че-каётган трубкаси, портфели ва қўлидаги кармончасидан алоқачини таниб олди, алоқачи билан учрашиш зарур эди, аммо математик қиздан қутулиш йўлини топа олмасди, жашжал эса ортиқча бўларди.

— Машинамга бор,— деди Штирлиц.— Мен ҳозир чиқаман, Эйнштейн...

— Ростданми?

— Ҳа, ростдан...

— Онт ичасапми?

— Онт ичаман,— кулиб деди Штирлиц.— Бир оздан кейін чиқаман, Ростдан чиқаман. Боравер. Бир-иккита формулани ёзиб тур.

Алоқачи, Марказ юз берган вазиятда унинг Германияга қайтиб бориши қанчалик мураккаб ва хавфли эканлигини тушуниб, у ерга қайтиб боришини талаб қилмаётганлигини, аммо Юстас ўз кучига ишонса, Марказ унинг Германияга қайтиб боришидан, албатта, манфаатдор эканини, шунда ҳам Марказ масалани узил-кесил ҳал этишни ўртоқ Юстаснинг ихтиёрига ҳавола қилишини, қўмондонлик Давлат Мудофаа Комитети ва СССР Президиумига «Кроссворд» операциясини ҳал қилганлиги учун уни Совет Иттилоқи Қаҳрамони унвони билан тақдирлашга тавсия этганлигини айтди. Агар ўртоқ Юстас

тас Германияга қайтиб боришин мумкин деб топса, унинг ихтиёрига алоқачилар: иккى радиист топширилишини айтди — булардан бири Потсдамда, иккинчиси Веддингда турар экан.

«Хоръх»нинг мотори бир маромда гувилларди. Йўл ёқасидаги оқ-кўкимтир таҳтacha Берлингача 247 километр масофа қолганини кўрсатиб туарди. Дастваб ўтаётган булуллар орасидан зангори осмон оролчалари кўринди. Қор кетган ер бетини занг тусли эман қоплаб ётарди, димиқдан ўрмондан чиринди ҳиди анқирди, атрофни сукунат босган эди.

«Баҳорнинг ўн етти дақиқаси,— радиодан Марика Роккнинг қўшиғи жарангларди,— қолар сенинг қалбингда. Қуй доимо бизларга ҳамроҳ, дараҳтлар ҳам тушар ўйинга, фақат шўрлик бир чағалай тезоб сувда чўкар, сен эса нажот қўлин чўэза олмассан..»

Штирлиц тормозни қаттиқ босди. Йўлда ҳеч ким кўринмасди, автомобилни чеккароқ чиқармай ўша жойда қолдирди-да, қарағайзорга кириб, ерга ўтирди. Эндигина ниш ураётган кўкатга кўзи тушди. Штирлнц авайлаб-эҳтиётлаб ерни силади. Анча вақт силаб ўтирди ерни. Берлинда қолишга розилик бериб, ўзини нималарга дучор қиласётганини биларди у. Шунинг учун ҳам баҳорги заҳкаш ерда ўтириб олиб, уни қўллари билан силаб-сийпашга ҳақи бор эди...

Москва — Берлин — Нью-Йорк.

1968.

C 43

Семенов Ю.

**Баҳорнинг ўн етти давқиқаси. Роман, Русчадан
Т. Валиев тарж. Т., «Ёш гвардия», 1973.
344 б.**

**Семенов Ю. Семнадцать мгновений весны.
Роман.**

P2

~~6-3-№085~~
~~C-M 356-06-73~~

На узбекском языке
ЮЛИАН СЕМЕНОВ
СЕМНАДЦАТЬ МГНОВЕНИЙ ВЕСНЫ

Роман

Издательство «Ёш гвардия», Ташкент — 1973

Перевод с издания «Воениздат» — 1970 г.

**Редактор Э. Миробидов
Рассом В. Сосновец
Расмлар редактори К. Назаров
Техн. редактор Л. Жихарская
Корректор М. Назирова**

**Босмахонага берилди 17/ХI-1972 й. Босишга руж-
сат этилди 4/Х-1973 й. Формати 84×108½.
Босма листи 10,75. Шартли босма листи 18,06.
Нашр листи 18,39. Тиражи 30000. Қоғоз № 1.
Шартнома № 28—70. Узбекистон ЛКСМ Марказий
Комитети «Ёш гвардия» нашриёти, Тошкент. На-
войй кўчаси, 30. Узбекистон КП Марказий Коми-
тети нашриёти босмахонаси, Тошкент, «Правда
Востока» кўчаси, 26. Заказ 2842. Баҳоси 71 т.**